



तमसो मा ज्योतिर्गमय

SANTINIKETAN
VISWA BHARATI
LIBRARY

262

V19 N

79678

नायाधम्मकहाओ ।

NĀYĀDHAMMAKAHĀO

[*The Sixth Aṅga of the S'vetāmbara Jain Canon*]

critically edited

by

N. V. VAIDYA,

M. A.

Fergusson College, Poona

1940



POONA

First Edition

[Price :— Indian : Rs. ~~5.00~~
Foreign : ~~Shillings 7/6; \$ 2.00~~]

Printed by Lakshman Narayan Chapekar at the Aryasanskriti Press,
198(17) Sadashiv, Tilak Road, Poona 2, and published by
Prof. N. V. Vaidya, M.A., Fergusson College, Poona 4.

PREFACE

The present edition was undertaken two years back. When I undertook it, I had no idea that the text alone would cover so many pages. Again, owing to the out-break of war, the cost of paper has gone very high, and I had, therefore, to give up the idea of adding notes, index and commentary for the present. The Commentary, however, will be printed soon, and issued separately.

The editor acknowledges his indebtedness to the University of Bombay, for the substantial financial help it has granted towards the cost of the publication of this book.

I must also acknowledge with gratitude the help that I received from Prin. R. D. Karmarkar, M. A. from time to time. His advice and help were very useful to me on more than one occasion.

I have also to thank my students Mr. S. L. Hirve, B. A. and Mr. S. S. Deshpande, B. A. for doing most of the copying work. To Mr. Chapekar and Mr. Vaze, of the Ārya Sanskriti Press, and to Mr. Barve of the Āryabhushan Press, my thanks are due for having done the work neatly and satisfactorily.

I only hope that the work would be of some use to those who are working in the field of Prakrits, and Jain Literature.

Fergusson College, }
Poona 4 }

N. V. VAIDYA.

INTRODUCTION

The present edition of Nāyādharmakahāo is based on the following five manuscripts from the Bhandarkar Oriental Research Institute :—

C. No. 124

32
1869 - 70

SIZE.—10" by 4 $\frac{3}{8}$ ". EXTENT.—155 Folios, 13 lines to a page (sometimes 15 lines) ; 40 to 45 letters to a line.

DESCRIPTION.—Country paper thick and greyish, Devanāgarī characters with गृष्टमात्रास; big, legible and good hand-writing; condition on the whole good; complete; extent 5500 ślokas. AGE.—Old.

BEGINS.—Fol. 1^b श्रीजिनाय नमः ॥ तेणं कालेणं तेणं समएणं चंपा नामं नयरी होत्था । वन्नओ । तीसे णं चंपाए नयरीए etc.

ENDS.—Fol. 155^b सव्वदुक्खाण (णं) अंत (तं) काहीति ॥ एवं खलु जंवू निक्खेवगो ॥ दसमस्स वग्गस्स दसमो वग्गो सम्मत्तो ॥ छ ॥ १० एवं खलु जंवू समणेणं भगवया महावीरेणं आयगरेणं (तित्थगरेणं) सय (यं) स (सं) बुद्धेणं पुरिसोत्तमेणं पुरिससीहेणं जाव संपत्तेणं धम्मकहाणं अयमट्ठे पत्तत्ते ॥ धम्मकहासूय (क्) खंधो समत्तो दसिंहं वग्गेहि नायाधम्मकहाउ समत्ता ॥ छ ॥ इति श्रीज्ञाताधर्मकथा समाप्ता ॥ १५००

D. No. 126

193
1871 - 72

SIZE.—9 $\frac{1}{4}$ in. by 4 $\frac{3}{8}$ in. EXTENT.—103 + 1 = 104 folios; 15 lines to a page; 60 letters to a line.

DESCRIPTION.—Country paper rough, tough and greyish; Devanāgarī characters with occasional गृष्टमात्रास; small, legible and very fair hand-writing; complete; extent 5750 ślokas. AGE.—Samvat 1625.

BEGINS.—Fol. 1^b तेणं कालेणं तेणं समएणं चंपा etc.

ENDS.—Fol. 103^a सव्वदुक्खाण etc., upto धम्मकहाओ as in No. 124 followed by सम्मत्ताउ । छ । इति श्रीज्ञाताधर्मकथांगसूत्र समाप्तः ॥ छ etc. ग्रंथाग्रं श्लोकसंख्या ५७५० ॥ छ ॥ संवत् १६२५ वर्षे श्रावणमासे शुक्लपक्षे सप्तमीदिने शुक्रवासेरे ' सारंगपुर ' नगरे पटनार्थं पंडितश्रीश्रुतनिधानस्य ॥ छ etc.

A No. 127

192
1871-72

SIZE.—10 in. by $4\frac{3}{8}$ in. EXTENT.—221-1+2+2-2=222 folios; 11 lines to a page, 34 letters to a line.

DESCRIPTION.—Country paper thick, rough and greyish; Devanāgarī characters with occasional पृष्ठात्रास; big, quite legible and elegant hand-writing. AGE.—Old.

BEGINS.—Fol. 3^a तं जहा । णाया [गिय] धम्मकहाड । पडम [ण] स्स भंते सुय (क्) खंधस्स समणेण etc.

ENDS.—Fol. 221^a सव्वदुक्खाणं etc., upto नायाधम्मकहाओ as in No. 124 followed by सम्मत्ताड । छ etc. श्रीज्ञाताधर्मकथांग छट (ढ) मंगं सम्मत्तं छ । ग्रंथाग्रं ५६२७ [७] (५६७७ ?) छ etc. Then we have in a different hand :—ग्या (ज्ञा) नाभ्यासी वरद्धमानं सएस करणिपरीग्रह उपरथी मोषगरणकी ... वेचवाथी लेइ जई पाछी ते अरीहंत सिद्ध

B No. 128

790
1895-1902

SIZE.— $10\frac{1}{4}$ in. by $4\frac{3}{8}$ in. EXTENT.—193 folios; 11 lines to a page; 40 letters to a line.

DESCRIPTION.—Country paper rough and white; Devanāgarī characters with पृष्ठात्रास; big, legible and good handwriting; AGE.—Samvat 1661.

BEGINS.—Fol. 1^b ओ नम (:) सर्वज्ञाय ।
तेणं कालेणं तेणं समएणं चंपा etc.

ENDS.—Fol 193^a सव्वदुक्खाणं, etc., up to छटमंगं सम्मत्तं as in No. 127 followed by छ ग्रंथाग्रं ५२५० ॥ छ । etc., भग्न etc., जलाद्रक्षे etc., संवत् १६६१ वर्षे भाद्रपदमासे कृष्णपक्षे द्वादशि तिथौ बृहस्प (स्प) तिवासरं शक्तिपुरस्थाने दुनी १८७ चंदलिखितं etc.

E. No. 129

430
1882-83

SIZE.—10 in. by $4\frac{1}{4}$ in. EXTENT.—147-3=144 folios; 11 lines to a page; 48 letters to a line.

DESCRIPTION.—Country paper thin and greyish; Devanāgarī characters with occasional पृष्ठात्रास; bold, clear, and beautiful hand-writing; Extent 6000 Slokas.

AGE.—Samvat 1686.

AUTHOR OF THE COMMENTARY.—Abhayadeva Sūri.

BEGINS.—(text) fol. 4^a णं बुद्धिविज्ञाणेण । तस्स सुमिणस्स अत्थाग्गह करेइ । २ ता धारिणि देविं ताहि जाय हियय etc.

—(Com.) fol. 4^a एवं खलु त्ति । एवरूपादुक्तफलसाधनसमर्थात्स्वप्राहारकपुनर्ज-
निष्यसीति संबन्धः etc.

ENDS.—(text) fol. 147^a सव्वदुक्खाणमंत.....एवं खलु जंबू etc.,
upto जाव ठाणं संपत्ताणं as in No. 124 followed by छ । धम्मकहासुय (कू)
खंधो सम्मत्तो । छ दसहिं व(गे)हिं नायधम्मकहाओ सम्मत्ताओ ॥ ग्रंथाग्रं ६००० ॥
शुभं भवतु ॥ संवत् १६८६ वर्षे भाद्रवा सुदि ५ दिने ॥ श्री 'विकानेर' मध्ये लिपितं.

(Com.) fol. 141^b अत एव वरकवर्जितेति etc., up to सिद्धेयं, followed
by the lines :—प्रत्यक्षरं निरूप्यास्य ग्रंथमानं विधिश्चितं ।

अनुष्ठमां सहस्राणि त्रीणि सप्त शतानि च ॥ १२ (१३ ?).

[Vide :—The descriptive catalogue of MSS. at the B. O. R. I. compiled by Prof. H. R. Kapadia, M. A. Part I. Pages :—113 to 125.]

Out of these, MS. C is the best. It is written in a uniformly beautiful hand and is very accurate. MSS. A and D were collated only for five chapters, but it was found that they did not give any independently good reading. MS. A is written shabbily and MS. D is spoiled, as many folios have stuck together, and the ink has spread. So MSS. C, B. and E alone were collated for the text.

A word of explanation is necessary for giving all the variants at the end. Practically all the variants are merely orthographical. There are hardly any variants that change the sense. That clearly shows that the traditional text has been faithfully handed down. The 'त' श्रुति, which is a characteristic of some MSS., is absent in MS. C.

N. B. Sūtras (41) and (42) on pages 50, and 51, should be numbered as (42 A), and (42 B) respectively. As the error was detected too late, it was thought advisable not to disturb the order.

There are many imperfections in the present edition. An index, for instance, is absolutely necessary for these texts. But for various reasons I could not add it to the present Volume. I intend, however, to get it published in some Journal.

॥ नायाधम्मकहाओ ॥

ॐ नमः सर्वज्ञाय ।

- (1) तेणं कालेणं तेणं समएणं चंपा नामं नयरी होत्था । वण्णओ ।
(2) तीसे णं चंपाए नयरीए वहिया उत्तरपुरत्थिमे दिसीभाए पुण्ण-
भदे नामं चेइए होत्था । वण्णओ ।
(3) तत्थ णं चंपाए नयरीए कोणिए नामं राया होत्था । वण्णओ ।
(4) तेणं कालेणं तेणं समएणं समणस्स भगवओ महावीरस्स अंते-
वासी अज्जसुहम्मस्से नामं थेरे जाइसंपन्ने कुलसंपन्ने बल्लरूवविणयनाण-
दंसणचरित्तालाघवसंपन्ने ओयंसी तेयंसी वच्चंसी जसंसी जियकोहे
जियमाणे जियमाए जियलोहे^१ जिइंदिए जियनिहे जियपरीसहे
जीवियासामरणभयाविप्पमुक्के तवप्पहाणे गुणप्पहाणे एवं चरणकरण-
निग्गहनिच्छयअज्जवमद्वलाघवखंतिगुत्तिमुत्तिविज्जामंतबंभवयनयनि-
यमसच्चसोयनाणदंसणचारित्तपह्पहाणे उराले घोरे घोरव्वए घोरतवस्सी
घोरवंभचेरवासी उच्छूढसरीरे संखित्तविउलतेउल्लेसे चोइसपुव्वी चउ-
नाणोवगए^१ पंचहिं अणगारसएहिं सद्धिं संपरिवुडे पुव्वाणुपुत्तिं चर-
माणे गामाणुगामं दूइज्जमाणे सुहंसुहेणं विहरमाणे जेणेव चंपा नयरी^१
जेणेव पुण्णभदे चेइए तेणामेव उवागच्छइ २ ता अहापडिरूवं उग्गहं
ओगिण्हित्ता संजमेणं तवसा अप्पाणं भावेमाणे विहरइ ।

(5) तए णं चंपाए नयरीए परिसा निग्गया । कोणिओ निग्गओ । धम्मो
कहिओ । परिसा जामेव दिसिं पाउब्भूया तामेव दिसिं पडिगया । तेणं
कालेणं तेणं समएणं अज्जसुहम्मस्स अणगारस्स जेट्ठे अंतेवासी अज्ज-
जंबू नामं अणगारे कासवगोत्तेणं सत्तुस्सेहे जाव अज्जसुहम्मस्स थेरस्स
अदूरसामंते उडुंजाणू अहोसिरे ज्ञाणकोटोवगए संजमेणं तवसा
अप्पाणं भावेमाणे विहरइ । तए णं से अज्जजंबूनामे जायसद्धे जाय-

संसए जायकोउहल्ले संजायसङ्गे संजायसंसए संजायकोउहल्ले उप्पन्नसङ्गे
उप्पन्नसंसए उप्पन्नकोउहल्ले समुप्पन्नसङ्गे समुप्पन्नसंसए समुप्पन्नकोउ-
हल्ले उट्टाए उट्ठेइ २ जेणामेव अज्जसुहम्ममे थेरे तेणामेव उवागच्छइ २
अज्जसुहम्ममे थेरे तिक्खुत्तो आयाहिणं पयाहिणं करेइ बंदइ नमंसइ २
अज्जसुहम्मस्स थेरस्स नच्चासन्ने नाइदूरे सुस्सूसमाणे नमंसमाणे अभि-
मुहे पंजलिउडे विणएणं पज्जुवासमाणे एवं वयासी—जइ णं भंते ! सम-
णेणं भगवया महावीरेणं आइंगरेणं तिथगरेणं सयंसंबुद्धेणं पुरिसुत्त-
मेणं पुरिससीहेणं पुरिसवरघेणं पुरिसवरगंधहत्थिणा लोगुत्तमेणं लोगना-
हेणं लोगहिणं लोगपईवेणं लोगपज्जोयगरेणं अभयदएणं सरणदएणं
चक्खुदएणं मग्गदएणं बोहिदएणं धम्मदएणं धम्मदेसगेणं धम्मनायगेणं
धम्मसारहिणा धम्मवरचाउरंतचक्कवट्ठिणा अप्पडिहयवरत्ताणदंसणधरेणं
वियट्ठल्लभेणं जिणेणं जाणएणं तिण्णेणं तारएणं बुद्धेणं बोहएणं मुत्तेणं
मोयगेणं सव्वण्णेणं सव्वदरसिणा सिवमयलमरुयमणंतमक्खयमव्वावा-
हमपुणरावत्तिं सासयं ठाणमुवगएणं पंचमस्स अंगस्स अयमट्ठे
पन्नत्ते, छट्ठस्स णं भंते ! नायाधम्मकहाणं के अट्ठे पन्नत्ते ? जंबूत्ति
अज्जसुहम्ममे थेरे अज्जजंबूनामं अणगारं एवं वयासी—एवं खलु
जंबू समणेणं भगवया महावीरेणं जाव संपत्तेणं छट्ठस्स अंगस्स दो
सुयक्खंधा पन्नत्ता, तंजहा—नायाणि य धम्मकहाओ य । जइ णं भंते !
समणेणं भगवया महावीरेणं जाव संपत्तेणं छट्ठस्स अंगस्स दो सुय-
क्खंधा पन्नत्ता तंजहा — नायाणि य धम्मकहाओ य, पढमस्स णं भंते !
सुर्यक्खंधस्स समणेणं जाव संपत्तेणं नायाणं कइ अज्झयणा पन्नत्ता ?
एवं खलु जंबू ! समणेणं जाव संपत्तेणं नायाणं एगूणवीसं अज्झयणा
पन्नत्ता, तंजहा - उक्खित्तणाए संघाडे अंडे कुम्मे यं सेलगे । तुंबे यं रोहिणी
मल्ली मायंदी चंदिमा इ य ॥१॥ दावद्वे उदगणाए मंडुंके तेयली बि
य । नंदीफले अवरकंका आइन्ने सुंसुंभा इ य ॥२॥ अवरं थं पुंडरीए
नायए एगूणवीसइमे ।

(6) जइ णं भंते ! समणेणं जाव संपत्तेणं नायाणं एगूणवसिं

अज्झयणा पन्नत्ता, तंजहा—उक्खित्तणाए जाव पुंडरीए त्ति^१ य, पढमस्स णं भंते ! अज्झयणस्स के अट्ठे पन्नत्ते ? एवं खलु जंबू ! तेणं कालेणं २ इहेव जंबुदीवे दीवे भारहे वासे दाहिणद्धभरहे रायगिहे^२ नामं नयरे होत्था । वण्णओ । गुणासिलए चेइए । वण्णओ । तत्थ णं रायगिहे नयरे सेणिए नामं राया होत्था । वण्णओ । तस्स णं सेणियस्स रन्नो नंदा नामं देवी होत्था सुकुमालंपाणिपाया । वण्णओ ।

(7) तस्स णं सेणियस्स पुत्ते नंदाए देवीए अत्ताए अभए नामं कुमारे होत्था अहीण जाव सुरूवे सामदंडभेयउवप्पयाणनीइसुप्पउत्तनय-विहिन्नू ईहापोहमग्गणगवेसणअत्थसत्थमइविसारए उप्पत्तियाए वेण-इयाए कम्मियाए पारिणामियाए चउत्तिहाए बुद्धीए उववेए सेणियस्स रन्नो बहुसु कज्जेसु य कुंडुंवेसु य मंतेसु य गुज्जेसु य रहस्सेसु य निच्छएसु य आपुच्छणिज्जे पडिपुच्छणिज्जे मेढी पमाणं आहारे आलंबणं चक्खुं मेढीभूए पमाणभूए आहारभूए आलंबणभूए चक्खुभूए सव्वकज्जेसु सव्वभूमियासु लद्धपच्चए विइण्णवि्यारे रज्जधुरचित्तए यावि होत्था । सेणियस्स रन्नो रज्जं च रट्ठं च कोसं च कोट्टागारं च बलं च वाहणं च पुरं च अंतेउरं च सयमेव समुपेक्खमाणे २ विहरइ ।

(8) तस्स णं सेणियस्स रन्नो धारिणी नामं देवी होत्था जाव सेणियस्स रन्नो इट्ठा जाव विहरइ ।

(9) तए णं सा धारिणी देवी अन्नया कयाइ तंसि तारिस-गंसि छक्कट्टगलट्टमट्टसंठियखंभुगयपवरवरसालभंजियउज्जलमाणिकणग-रयणथूभियविडंकजालद्धचंदनिज्जूहकंतरकणयालिचंदसालियाविभंत्ति-कलिए सरसच्छंधाऊवलवण्णरइए बाहिरओ दूमियघट्टमट्ठे अग्गिमत-रओ पसत्तिसुविलिहियचित्तकम्मे नाणाविहपंचवण्णमणिरयणकोट्टिमतले पउमं^३लयाफुल्लवलिवरपुप्फजाइउल्लोयचित्तियतले चंदणवरकणगकलस-सुणिम्मियपडिपुज्जियसरसपउमसोहंतदारभाए पयरगलंबंतमणिमुत्तदा-मसुविरइयदारसोहे सुगंधवरकुसुममउयपम्हलसयणोवयारमणहियय-निव्वुइयरे कप्पूरलवंगमलयचंदणकालागरुपवरकुंदुरुक्कतुरुक्कधूवडज्झंत-

सुरभिमघमघंतगंधुद्धयाभिरामे सुगंधवरगंधिए गंधवट्टिभूए मणि-
 किरणपणासियंधयारे । किंबहुणा ? जुइगुणेहिं सुरवरविमाणवेळंबवर-
 घरए तंसि तारिसगंसि सयणिज्जंसि सालिंगणवट्टिए उभओ बिब्बोयणे
 दुहओ उन्नए मज्जे णयगंभीरे गंगापुलिणवालुयाउदालसालिसए
 उयचियखोमदुगुल्लपट्टपडिच्छायणे अत्थरयमलयनवतयकुसत्तल्लिंबसीह-
 केसरपच्चुत्थए सुविरइयरयत्ताणे रत्तंसुयसंवुए सुरम्मे आइणगरूय-
 धूरनवणीयतुल्लाफासे पुवरत्तावरत्तकालसमयंसि सुत्तजागरा ओहीर-
 माणी २ एगं महं सत्तुस्सेहं रययकूडसंनिहं नहयलंसि सोमं सोमा-
 गारं लीलायंतं जंभायमाणं मुहमइगयं गयं पासित्ता णं पडिबुद्धा ।
 तए णं सा धारिणी देवी अयमेयारूवं उरालं कल्लाणं सिवं धन्नं
 मंगलं सस्सिरीयं महासुमिणं पासित्ता णं पडिबुद्धा समाणी हट्टतुट्ठा
 चित्तमाणंदिया पीइमणा परमसोमणस्सिया हरिसवसविसप्पमाण-
 हियया धाराहयकलंबपुप्फगं पिव समूससियरोमकूवा तं सुमिणं ओ-
 गिण्हइ २ सयणिज्जाओ उट्टेइ २ पायपीठाओ पच्चोरूहंइ २ त्ता अतुरिय-
 मचवलमसंभंताए अविलंबियाए रायहंससरिसीए गईए जेणामेव
 से सेणिए राया तेणामेव उवागच्छइ २ त्ता सेणियं रायं ताहिं इट्ठाहिं
 कंताहिं पियाहिं मणुन्नाहिं मणामाहिं उरालाहिं कल्लाणाहिं सिवाहिं
 धन्नाहिं मंगल्लाहिं सस्सिरीयाहिं हिययगमणिज्जाहिं हिययपल्हाय-
 णिज्जाहिं मियमहुररिभियगंभीरंसस्सिरीयाहिं गिराहिं संलवमाणी २
 पडिबोहेइ २ त्ता सेणिएणं रत्ता अब्भणुन्नाया समाणी नाणामणिकणग-
 रयणभत्तिचित्तंसि भद्दासणंसि निसीयइ २ त्ता आसत्था वीसत्था सुहा-
 सणवरगया करयलपरिग्गाहियं सिरसावत्तं मत्थए अंजलिं कट्टु सेणियं
 रायं एवं वयासी-एवं खलु अहं देवाणुप्पिया ! अज्ज तांसि तारिस-
 गंसि सयणिज्जंसि सालिंगणवट्टिए जाव नियगवयणमइवयंतं गयं
 सुमिणे पासित्ता णं पडिबुद्धा । तं एयस्स णं देवाणुप्पिया ! उरालस्स
 जाव सुमिणस्स के मन्ने कल्लाणे फलवित्तिविसेसे भविस्सइ ।

(10) तए णं से सेणिए राया धारिणीए देवीए अंतिए एयमट्ठं सोच्चा

निसम्म हट्ट जाव हियए धाराहयनीवसुरभिकुसुमचंचुमालइयतणुऊस-
 वियरोमकूवे तं सुमिणं उग्गिण्हइ २ त्ता ईहं पविसइ २ अप्पणो साभा-
 विणं मइपुव्वएणं बुद्धिविन्नाणेणं तस्स सुमिणस्स अत्थोग्गहं करेइ २ त्ता
 धारिणिं देविं ताहिं जाव हिययपल्हायणिज्जाहिं मियंमहुररिभिय-
 गंभीरसस्सिरीयाहिं वग्गूहिं अणुवूहेमाणे २ एवं वयासी-उराले णं
 तुमे देवाणुप्पिए ! सुमिणे दिट्ठे । कल्लाणे णं तुमे देवाणुप्पिए सुमिणे
 दिट्ठे । सिवे^५ धन्ने मंगले सस्सिरीए णं तुमे देवाणुप्पिए सुमिणे दिट्ठे ।
 आरोग्गतुट्ठिदीहाउयकल्लाणमंगल्लकारेणं णं तुमे देवी^६ सुमिणे दिट्ठे ।
 अत्थलाभो देवाणुप्पिए ! पुत्तलाभो देवाणुप्पिए । रज्जलाभो भोगं-
 सोकखलाभो ते देवाणुप्पिए ! एवं खलु तुमं देवाणुप्पिए नवण्हं मासाणं
 बहुपडिपुण्णाणं अद्धट्टमाणं य रीइंदियाणं वीइक्कंताणं अम्हं कुलकेउं
 कुलदीवं कुलपव्वयं कुलवार्डिसंयं कुलतिलकं कुलकित्तिकरं कुलवित्तिकरं
 कुलनंदिकरं कुलजसकरं कुलाधारं कुलपायवं कुलविवद्धणकरं सुकुमाल-
 पाणिपायं जाव दारयं पयाहिसि । से वि य णं दारए उम्मुक्कवालभावे
 विन्नायं परिणयमेत्ते जोव्वणगमणुप्पत्ते सूरे वीरे विक्कंते वित्थिण्णविपुल्ल-
 बलवाहणे रज्जवई राया भविस्सइ । तं उराले णं तुमे देवी सुमिणे
 दिट्ठे जाव आरोग्गतुट्ठिदीहाउकल्लाणकारेणं तुमे देवी ! सुमिणे दिट्ठे
 त्ति कट्टु भुज्जो २ अणुवूहेइ ।

(11) तए णं सा धारिणी देवी सेणिएणं रत्ता एवं वुत्ता समानी हट्ट-
 तुट्ठा जाव हियया करयलपरिग्गाहियं जाव अंजलिं कट्टु एवं वयासी-
 एवमेयं देवाणुप्पिया ! तहमेयं^{१५} अवितहमेयं^{१५} असंदिद्धमेयं^{१५} इच्छियमेयं
 पडिच्छियमेयं^{१५} इच्छियपडिच्छियमेयं^{१५} सच्चे णं एसमट्ठे जं तुव्वे
 वयहं^{१५} त्ति कट्टु तं सुमिणं सम्मं पडिच्छइ २ त्ता सेणिएणं रत्ता
 अब्भणुत्ताया समानी नाणामणिकणगरयणभत्तिचित्ताओ भद्दासणाओ
 अब्भुट्ठेइ २ त्ता जेणेव सए सयणिज्जे तेणेव उवागच्छइ २ त्ता सयंसि
 सयणिज्जंसि निसीयइ २ त्ता एवं वयासी-मा मे|से उत्तमे पहाणे
 मंगले सुमिणे अनेहिं पावसुमिणेहिं पडिहम्मिंहित्ति कट्टु देवयगुरुजण-

संबद्धाहिं पसत्थाहिं धम्मियाहिं कहाहिं सुमिणजागरियं पडिजागर-
माणी विहरइ ।

(12) तए णं से सेणिए राया पच्चूसकालसमयांसि कोडुंबियपुरिसे
सहावेइ २ ता एवं वयासी-खिप्पामेव भो देवाणुप्पिया ! बाहिरियं
उवट्टाणसालं अज्ज सविसेसं परमरम्मं गंधोदगसित्तसुइयसंमज्जिओब-
लित्तं पंचवणसरससुरभिमुक्कपुप्फपुंजोवयारकलियं कालागैरुपवरकुंदु-
रुक्कतुरुक्कधूवड्ज्झंतमघमघेंतगंधुद्धुंयाभिरामं सुगंधवरगंधियं गंधवट्ठिभूयं
करेह कारवेह य २ एयमाणत्तियं पच्चप्पिणह । तए णं ते कोडुंबिय-
पुरिसा सेणिएणं रत्ता एवं वुत्ता समाणा हट्ठतुट्ठा जाव पच्चप्पिणंति ।
तए णं से सेणिए राया कल्लं पाउप्पभायाए रयणीए फुल्लुप्पलकमलकोमलु-
म्मिलियंमि अहापंडुरे पभाए रत्तासोगप्पगासकिसुयसुयमुहगुंजद्धबंधु-
जीवगपारावयचलणनयणपरहुयसुरत्तलोयणजासुमणकुसुमजलियजलण-
तवणिज्जकलसहिं गुलयनिगररूवाइरेगरेहन्तसस्सिरीए दिवायरे अह-
कमेण उदिए तस्स दिणकैरकरपरंपरावयारपारद्धंमि अंधयारे बालायव-
कुंकुमेण खइयव्व जीवलोए लोयणविसयाणुयासविगसंतविसद-
दंसियंमि लोए कमलागैरसंडबोहए उट्ठियंमि सूरे सहस्सरस्सिमि दिण-
यरे तेयसा जलंते सयणिज्जाओ उट्ठेइ २ ता जेणेव अट्टणसाला तेणेव
उवागच्छइ अट्टणसालं अणुपविसइ अणेगवायामजोगवगणवामइण-
मल्लजुद्धकरणेहिं संते परिस्संते सयपागसहस्सपागेहिं सुगंधवरतेल्ल-
माईएहिं पीणणिज्जेहिं दीवणिज्जेहिं दप्पणिज्जेहिं मयणिज्जेहिं विंही-
णिज्जेहिं सव्विदियगायपल्हायणिज्जेहिं अब्भंगेहिं अब्भंगिं समाणे
तेल्लचम्मंसि पडिपुण्णपाणिपायसुकुमालकोमलतलेहिं पुरिसेहिं छेएहिं
दक्खेहिं पट्टेहिं कुसलेहिं मेहावीहिं निउणेहिं निउणसिप्पोवगएहिं
जियपरिस्समेहिं अब्भंगणपरिमइणुव्वलणकरणगुणनिम्मपिहिं अट्ठि-
सुहाए मंससुहाए तयासुहाए रोमसुहाए उव्विहाए संवाहणाए सं-
वाहिए समाणे अवगयपरिस्समे नरिंदे अट्टणसालाओ पडिनिक्खमइ २
जेणेव मज्जणघरे तेणेव उवागच्छइ २ ता मज्जणघरं अणुपविसइ

२ ता समत्तजालाभिरामे विचित्तमणिरयणकोट्टिमतले रमणिज्जे
 ण्हाणमंडवसि नाणामणिरयणभत्तिचित्तंसि ण्हाणपीढंसि सुहनिसण्णे
 सुहोदगेहिं पुप्फोदण्हिं गंधोदण्हिं सुद्धोदण्हिं य पुणो पुणो कल्लाणग-
 पवरमज्जणविहीए मज्जिए तत्थ कोउयसएहिं बहुविहेहिं कल्लाणगपवर-
 मज्जणावसाणे पम्हलसुकुमालगंधका^१सायलूहियंगे अहयसुमहग्घदूसरयण-
 सुसंबुए सरससुरभिगोसीसचंदणाणुलित्तगत्ते सुइमालावण्णगविलेवणे
 आविद्धमणिसुवण्णे कप्पियहारद्धहारतिसरयपालंबपलंबमाणकडिसुत्तसु-
 कयसोहे पिणिद्धगेविज्जे अंगुलेज्जगललियंगयललियकयाभरणे नाना-
 मणिकडगतुडियथंभियभुए अहियरूवसस्सिररीए कुंडलुज्जोइयाणणे मउड-
 दित्तसिरए हारोत्थयसुकयरइयवच्छे पालंबपलंबमाणसुकयपडउत्तरिज्जे
 मुद्धियापिंगलंगुलीए नाणामणिकणगरयणविर्मलमहरिहनिउणोवियभिसि-
 भिसंतविरइयसुसिलिट्ठाविसिट्ठलट्ठसंठियपसत्थआविद्धवीरवलए, किं
 बहुणा ? कप्परुक्खए चेव सुअलंकियविभूसिए नरिंदे सकोरंटमल्ल-
 दामेणं छत्तेणं धरिज्जमाणेणं चउचामरवालवीइयंगे मंगलज्जयसइ-
 कयालोए अणेगगणनायगदंडनायगराईसरतलवरमाडंबियकोडुंबियंमंति-
 महामंतिगणगदोवारियअमच्चचेडपीढमइनगरनिगमसेट्टिसेणावइसत्थ-
 वाहदूयसंधिवालसद्धिं संपरिवुडे धवलमहामेहनिग्गंए विव^{१३} गहगण-
 दिप्पंतरिक्खतारागणाण मज्झे ससि व्व पियदंसणे नरवई मज्जण-
 घराओ पडिनिकखमइ २ ता जेणेव बाहिरिया उवट्ठाणसाला तेणेव
 उवागच्छइ २ ता सीहासणवरगए पुरत्थाभिमुहे सन्निसण्णे । तए णं
 से सेणिए राया अप्पणो अदूरसामंते उत्तरपुरत्थिमे दिसीभाएँ अट्ठ
 भहासणाइं सेयवत्थपच्चत्थुयाइं सिद्धत्थमंगलोवयारकयसंतिकम्माइं
 रयावेइ २ ता नाणामणि^{१४}रयणमांडियं अहियपेच्छणिज्जरूवं महग्घवर-
 पट्टणुग्गयं सण्हबहुभत्तिसयचित्तठाणं ईहामियउसभतुरयनरमगरविहग-
 वालगकिंनररुसरभचमरकुंजरवणलयपउमलयभत्तिचित्तं सुखचिय-
 वरकणगपवरपेरंतदेसभागं अडिंभतरियं जवणियं अंछावेइ २ ता
 अत्थरगम^{१५}उअमसूरगउच्छइयं धवलवत्थपच्चत्थुयं विसिट्ठं अंगसुह-

फासयं सुमउयं धारिणीए देवीए भद्दासणं रयावेइ २ त्ता कोडुंबिय-
पुरिसे सद्दावेइ २ त्ता एवं वयासी—खिप्पामेक्कभो देवाणुप्पिया ! अट्ठग-
महानिमित्तसुत्तत्थपाढए विविहसत्थकुसले सुमिणपाढए सद्दावेह २
त्ता एयमाणत्तियं खिप्पामेव पच्चप्पिणह । तए णं ते कोडुंबियपुरिसा
सेणिएणं रत्ता एवं वुत्ता समाणा हट्ठ जाव हियया करयलपरिगगहियं
दसनहं सिरसावत्तं मत्थए अंजलिं कट्ठु एवं देवो तह त्ति आणाए
विणएणं वयणं पडिसुणेंति सेणियस्स रत्तो अंतियाओ पडिनिकखमंति
२ त्ता रायगिहस्स नगरस्स मज्झमज्झेणं जेणेव सुमिणपाढगगिद्वाणि
तेणेव उवागच्छंति २ त्ता सुमिणपाढए सद्दावेति । तए णं ते सुमिण-
पाढगा सेणियस्स रत्तो कोडुंबियपुरिसेहिं सद्दाविया समाणा हट्ठ जाव
हियया ण्हाया कयबलिकम्मा जाव पायच्छित्ता अप्पमहग्घाभरणाळं-
कियसरीरा हरियालियसिद्धत्थयकयमुद्धाणा सएहिं सएहिं गिहेहितो
पडिनिकखमंति रायगिहस्स नगरस्स मज्झमज्झेणं जेणेव सेणियस्स
भवणवडेंसगदुवारे तेणेव उवागच्छंति २ एगयओ मिळायंति २ सेणि-
यस्स रत्तो भवणवडेंसगदुवारेणं अणुप्पविसंति २ त्ता जेणेव बाहिरिया
उवट्ठाणसाला जेणेव सेणिए राया तेणेव उवागच्छंति २ त्ता सेणियं
रायं जएणं विजएणं वट्ठावेति, सेणिएणं रत्ता अच्चियवंदियपूह्य-
माणियसक्कारियसम्माणिया समाणा पत्तोयं २ पुव्वन्नत्थेसु भद्दासणेसु
निसीयंति । तए णं सेणिए राया जवणियंतरियं धारिणिं देविं ठवेइ
२ त्ता पुप्फफलपडिपुण्हत्थे परेणं विणएणं ते सुमिणपाढए एवं
वयासी—एवं खलु देवाणुप्पिया ! धारिणी देवी अज्ज तंसि तारिसगंसि
सयणिज्जंसि जाव महासुमिणं पासित्ता णं पडिबुद्धा । तं एयस्स णं
देवाणुप्पिया ! उरालस्स जाव सस्सिरीयस्स महासुमिणस्स के मन्ने
कल्लाणे फलवित्तिविसेसे भविस्सइ । तए णं ते सुमिणपाढगा सेणियस्स
रत्तो अंतिए एयमट्ठं सोच्चा निसम्म हट्ठ जाव हियया तं सुमिणं सम्मं
ओगिण्हंति २ ईहं अणुप्पविसंति २ अन्नमन्नेण सद्धिं संचालेंति २ त्ता
तस्स सुमिणस्स लद्धट्ठा गहियट्ठा पुच्छियट्ठा विणिच्छियट्ठा

अभिगयट्ठा सेणियस्स रत्तो पुरओ सुमिणसत्थाइं उच्चारेमाणा
 एवं वयासी—एवं खलु० अम्हं सामी ! सुमिणसत्थंसि बायालीसं
 सुमिणा तीसं महासुमिणा बावत्तरिं सव्वसुमिणा दिट्ठा । तत्थ णं सामी !
 अरहंतमायरो वा चक्कवट्ठिमायरो वा अरहंतंसि वा चक्कवट्ठिसि वा
 गब्भं वक्कममाणंसि एएसिं तीसाए महासुमिणाणं इमे चोइस महासुमिणे
 पासित्ता णं पडिबुज्झंति तं जहा—गयवंसहसीहअभिसेयदामससिदिणयरं
 झयं कुंभं । पउमसरसागरविमाणभवणरयणुच्चय सिहिं च ॥१॥ वासुदेव-
 मायरो वा वासुदेवंसि गब्भं वक्कममाणंसि एएसिं चोइसण्हं महासुमिणाणं
 अन्नयरे सत्तं महासुमिणे पासित्ता णं पडिबुज्झंति । बलदेवमायरो
 वा बलदेवंसि गब्भं वक्कममाणंसि एएसिं चोइसण्हं महासुमिणाणं
 अन्नयरे चत्तारि महासुविणे पासित्ता णं पडिबुज्झंति । मंडलियमायरो वा
 मंडलियंसि गब्भं वक्कममाणंसि एएसिं चोइसण्हं महासुमिणाणं अन्नयरं
 महासुमिणं पासित्ता णं पडिबुज्झंति । इमे य सामी धारिणीए देवीए
 एगे महासुमिणे दिट्ठे । तं उराले णं सामी ! धरिणीए देवीए सुमिणे दिट्ठे
 जाव आरोगगतुट्ठिदीहाउकल्लणमंगलकारेण णं सामी ! धारिणीए देवीए
 सुमिणे दिट्ठे । अत्थलाभो सामी ! सोक्खलाभो सामी ! भोगलाभो सामी !
 पुत्तलाभो रज्जलाभो । एवं खलु सामी ! धारिणीदेवी नवण्हं मासाणं
 बहुपडिपुण्णाणं जाव दारगं पयाहिई । से वि य णं दारए उम्मुक्कवालभावे
 विन्नायपरिणयमित्ते जोव्वणगमणुप्पत्ते सूरे वीरे विक्कंते¹⁰ वित्थिण्णविडल्लं-
 बलवाहणे रज्जवई राया भविस्सइ अणगारे वा भावियप्पा । तं उराले णं
 सामी ! धारिणीए देवीए सुमिणे दिट्ठे जाव आरोगगतुट्ठि जाव दिट्ठे
 त्तिकट्ठु भुज्जो २ अणुवूहेति । तए णं सेणिए राया तोसिं सुमिणपाढ-
 गाणं अंतिए एयमट्ठं सोच्चा निसम्म हट्ठ जाव हियए करयल जाव एवं
 वयासी—एवमेयं देवाणुप्पिया ! जाव जं णं तुब्भे वयहं त्तिकट्ठु तं
 सुमिणं सम्मं संपिडिच्छइ २ ते सुमिणपाढए विपुलेणं असणपाणखाइम-
 साइमेणं वत्थगंधमल्लालंकारेण य सक्कारेइ सम्माणेइ विपुलं जीवियारिहं
 पीइदाणं दलयइ पडिविसज्जेइ । तए णं से सेणिए राया सीहासणाओ

अब्भुट्ठेइ २ ता जेणेव धारिणी देवी तेणेव उवागच्छइ २ ता धारिणिं देविं एवं वयासी-एवं खलु देवाणुप्पिए सुमिणसत्थंसि^{११} बायालीसं सुमिणा जाव एगं महासुमिणं जाव भुज्जो २ अणुवूहेइ । तए णं सा धारिणीदेवी सेणियस्स रत्तो अंतिए एयमट्ठं सोच्चा निसम्म हट्ठ जाव हियया तं सुमिणं सम्मं पडिच्छइ २ जेणेव सए वासधरे तेणेव उवागच्छइ २ ण्हाया कयबलिकम्मा जाव विपुलाइं जाव विहरइ ।

(13) तए णं तीसे धारिणीए देवीए दोसु मासेसु वीईकंतसे तइए मासे वट्टमाणे तस्स गब्भस्स दोहलकालसमयांसि अयमेयारूवे अकाल-मेहेसु^{१२} दोहले पाउब्भवित्था - धन्नाओ णं ताओ अम्मयाओ सपुण्णाओ ताओ अम्मयाओ कयत्थाओ कयपुण्णाओ कयलक्खणाओ कयविहवाओ सुलद्धे णं तासिं माणुस्सए जम्मजीवियफले जाओ णं मेहेसुं अब्भुग्गएसु अब्भुज्जएसु अब्भुन्नएसु अब्भुट्ठिएसु सगज्जिएसु सविज्जुएसु सफुसिएसु सथणिएसु धंतधोयरुप्पपट्ठअकंसखचंदकुंदसालि-पिट्ठरासिसमप्पभेसु चिकुरहरियालभेयचंपगसणकोरंटसरिसवपउंमरय-समप्पभेसु लक्खारससरसरत्तकिंसुंयजासुमणरत्तबंधुजीवगजाइहिं^{१३}गुल्य-सरसकुंकुमउरब्भससरुहिरइंदगोवगसमप्पभेसु बरहिणनीलगुलियांसुं^{१४}गचा-सपिच्छभिगपत्तसासंगनीलुप्पलनियरनवसिरीसकुसुमनवसदलसमप्पभेसु जञ्जणभिगभेयरिट्ठगभमरावलिवलगुलियकज्जलसमप्पभेसु फुरंत-विज्जुयसगज्जिएसु वायवसविपुलगंगणचवलपरिसंकिरेसु निम्मलवरवारि-धारापयलियपयंडमाहयसमाहयसमोत्थरंतउंवरिउवरितुरियवासं पवासि-एसु धारापहकरनिवायनिब्बाविं^{१५} मेइणितले हरियगगणकंचुए पल्लविय पायवगणेसु बैल्लिवियाणेसु पसरिएसु उन्नएसु सोहग्गमुवागएसु वेभार-गिरिप्पवायतडकडंगविमुक्केसु उज्झरेसु तुरियपहावियपल्लोट्टेफेणाउलं सकलुसं जलं वहंतीसु गिरिनईसु सज्जज्जुणनी^{१६}कुडयकंदलसिलिंध-कल्लिएसु उववणेसु मेहरसियहट्ठतुट्ठचिट्ठियहरिसवसपमुक्ककंठकेकारवं मुयंतेसु बरहिणेसु उववसमयजणियतरुणसहयरिपणच्चिएसु नवसुराभि-सिलिंधकुडयं^{१७}कंदलकलंबगंधद्धणिं मुयंतेसु उववणेसु परहुयहंयारिभिय-

संकुलेसु उदाइंतरत्तइंदगोवयथोवयकारुण्णविलविएसु उन्नयतणमंडिएसु
 दहुरपयंपिएसु संपिंडियदरियभमरमहुयरिपहकरपरिलित्तमत्तछप्पयकुसुमा-
 सवलोलमहुरगुंजतदेसभाएसु उववणेसु परिसामियचंदसूरगहगणपणट्ट-
 नक्खत्ततारगपहे इंदाउहर्बद्धचिंधपट्टमि अंबरतले उड्डीणबलागपंतिसोहंत-
 मेहवन्दे कारंडगचक्कवायकलहंसउस्सुयकरे संपत्ते पाउंसमि काले ण्हायाओ
 कयवलिकम्माओ कयकोउयमंगलपायच्छित्ताओ किं ते वरपायपत्तनेउ-
 मणिमेहलहारैरइयउवचियकडगखुड्डुयविचित्तवरवलयथंभियभुयाओ कुंड-
 लउज्जोवियाणणाओ रयणभूसियंगीओ नासानीसासवायवोज्झं चक्खु-
 हरं वण्णफरिससंजुत्तं ह्यलालापेलवाइरेयं धवलकणयस्सचियंतकम्मं
 आगासफलहसरिसप्पभं अंसुयं पवरपरिहियाओ दुगुल्लसुकुमालउत्तरिज्जाओ
 सव्वोउयसुरभिकुसुमपवरमल्लसोहियासिराओ कालांगरुपवरधूवधूवियाओ
 सिरीसमाणवेसाओ सेयणयगंधहत्थिरयणं दुरूढाओ समाणीओ सकोरट-
 मल्लदामेणं छत्तेणं धरिज्जमाणेणं चंदप्पभंवेयरवेरुलियविमलदंडसंखकुंद-
 दगरयअमयमहियफेणपुंजसन्निगासचउचामरवालवीजियंगीओ सेणिएणं
 रत्ता सद्धिं हत्थिखंधवरगएणं पिट्ठओ २ समणुगच्छमाणीओ चाउरंगिणीए
 सेणाए महया हयाणीएणं गयाणिएणं रहाणिएणं पायत्ताणीएणं सव्विड्डीए
 सव्वज्जुईए जाव निग्घोसनाइयरवेणं रायगिहं नयरं सिंघाडगतिगचउक्क-
 चच्चरचउम्मुहमहापहपहेसु आसित्तसित्तसुइयसंमज्जिओवलित्तं जाव
 सुगंधवरगंधियं गंधघट्टिभूयं अवलोएमाणीओ नागरजणेणं अभिनंदिज्ज-
 माणीओ गुच्छलयारुक्खगुम्मवल्लिगुच्छोच्छाइयं सुरम्मं वेभारगिरिकडग-
 पायमूलं सव्वओ समंता आहिंढेमाणीओ २ डोहलं विणयंति । तं जइ णं
 अहमवि मेहेसु अब्भुगएसु जाव दोहलं विणिज्जामि ।

(14) तए णं सा धारिणी देवी तंसि डोहलंसि अविणिज्जमाणांसि
 असंपत्तदोहला असंपुण्णदोहला असंमाणियदोहला सुक्का भुक्खा निम्मंसा
 ओलुग्गा ओलुग्गसरीरा पमइलदुब्बला किलंता ओमंथियवयणनयणकमला
 पंडुइयमुही करयलमलियव्व चंपगमाला नित्तेया दीणविवण्णवयणा जहो-
 चियपुप्फागंधमल्लालंकारहारं अणभिलसमाणी कीडारमणकिरियं परिहावे-

माणी दीणा दुम्मणा निराणंदा भूमिगयदिट्ठीया ओहयमणसंकप्पा जाव झियाइ । तए णं तीसे धारिणीए देवीए अंगपडियारियाओ अब्भितरियाओ दासचेडियाओ धारिणीं देवीं ओलुग्गं जाव झियायमाणं पासंति २ एवं वयासी—किन्नं तुमे देवाणुप्पिए ! ओलुग्गा ओलुग्गसरीरा जाव झियायसि ? तए णं सा धारिणी देवी ताहिं अंगपडियारियाहिं अब्भितरियाहिं दासचेडियाहिं य एवं वुत्ता समाणी ताओ चेडियाओ नो आढाइ नो परियाणाइ अणाढायमाणी अपरियाणमाणी तुसिणीया चिट्ठइ । तए णं ताओ अंगपडियारियाओ अब्भितरियाओ दासचेडीओ धारिणिं देविं दोच्चं पि तच्चं पि एवं वयासी—किन्नं तुमे देवाणुप्पिए ! ओलुग्गा ओलुग्गसरीरा जाव झियायसि ? तए णं सा धारिणी देवी ताहिं अंगपडियारियाहिं अब्भितरियाहिं य दासचेडीहिं दोच्चं पि तच्चं पि एवं वुत्ता समाणी नो आढाइ नो परियाणाइ अणाढायमाणी अपरियाणमाणी तुसिणीया संचिट्ठइ । तए णं ताओ अंगपडियारियाओ दासचेडियाओ य धारिणीए देवीए अणाढाइज्जमाणीओ अपरिजाणिज्जमाणीओ तहेव संभंताओ समाणीओ धारिणीए देवीए अंतियाओ पडिनिक्खमंति २ जेणेव सेणिए राया तेणेव उवागच्छंति २ करयलपरिग्गहियं जाव कट्ठु जएणं विजएणं वद्धावेंति २ एवं वयासी—एवं खलु सामी ! किंपि अज्ज धारिणी देवी ओलुग्गा ओलुग्गसरीरा जाव अट्टज्जाणोवगया झियायइ । तए णं से सेणिए राया तासिं अंगपडियारियाणं अंतिए एयमट्ठं सोक्खा निसम्म तहेव संभंते समाणे सिग्घं तुरियं^१ चवलं वेइयं जेणेव धारिणी देवी तेणेव उवागच्छइ २ धारिणिं देविं ओलुग्गं ओलुग्गसरीरं जाव अट्टज्जाणोवगयं झियायमाणं पासइ २ एवं वयासी—किन्नं तुमं देवाणुप्पिए ! ओलुग्गा ओलुग्गसरीरा जाव अट्टज्जाणोवगया झियायसि ? तए णं सा धारिणी देवी सेणिएणं रत्ता एवं वुत्ता समाणी नो आढाइ जाव तुसिणीया संचिट्ठइ । तए णं सेणिए राया धारिणिं देविं दोच्चं पि तच्चं पि एवं वयासी—किन्नं तुमं देवाणुप्पिए ! ओलुग्गा जाव झियायसि ? तए णं सा धारिणी देवी सेणिएणं रत्ता दोच्चं पि तच्चं पि एवं वुत्ता समाणी नो आढाइ नो परियाणाइ तुसिणीया संचिट्ठइ । तए

णं से सेणिए राया धारिणिं देविं सबहसावियं करेइ २ एवं वयासी—
 किं णं तुमं देवाणुप्पिए ! अहमेयस्स अट्टस्स अणरिहे सवणयाए तां णं
 तुमं ममं अयमेयारूवं मणोमाणसियं दुक्खं रहस्सीकरेसि । तए णं सा
 धारिणी देवी सेणिएणं रत्ता सबहसाविया समाणी सेणियं रायं एवं
 वयासी—एवं खलु सामी ! मम तस्स उरालस्स जाव महासुमिणस्स तिण्हं
 मासाणं बहुपाडिपुण्णाणं अयमेयारूवे अकालमेहेसु डोहले पाव्वभूए -
 धन्नाओ णं ताओ अम्मयाओ कयत्थाओ णं ताओ अम्मयाओ जाव
 वेभारगिरिपायमूलं आहिंढमाणीओ दोहलं विणेति । तं जइ णं अहमवि
 जाव दोहलं विणेज्जामि । तए णं हं सामी ! अयमेयारूवंसि अकाल-
 दोहलंसि अविणिज्जमाणंसि ओलुग्गा जाव अट्टज्झाणोवगया झियायामि ।
 तए णं हं कारणेणं सामी ! ओलुग्गा जाव झियायामि । तए णं से सेणिए
 राया धारिणीए देवीए अंतिए एयमट्ठं सोच्चा निसम्म धारिणीं देवीं
 एवं वयासी—मा णं तुमं देवाणुप्पिए ! ओलुग्गा जाव झियाहि । अहं णं
 तहा करिस्सामि जहा णं तुव्वं अयमेयारूवस्स अकालदोहलस्स मणोरह-
 संपत्ती भविस्सइ त्तिक्कट्ठ धारिणीं देवीं इट्ठाहिं कंताहिं पियाहिं मणु-
 न्नाहिं मणामाहिं वग्गूहिं समासासेइ २ जेणेव बाहिरिया उवट्ठाणसाला
 तेणेव उवागच्छइ २ सीहासणवरगए पुरत्थाभिमुहे सन्निसण्णे धारिणीए
 देवीए एयं अकालडोहलं बहूहिं आएहि य उवाएहि य उप्पत्तियाहि य
 वेणइयाहि य कम्मियाहि य पारिणामियाहि य चउव्विहाहिं बुद्धीहिं^३
 अणुचित्तमाणे २ तस्स दोहलस्स आयं वा उवायं वा ठिइं वा उप्पत्ति वा
 अविदमाणे ओहयमणसंकप्पे जाव झियायइ ।

(15) तयाणंतरं च णं अभए कुमारे ण्हाए कयबलिकम्मे जाव सव्वालं-
 कारविभूसिए पायवंदए पहारेत्थ गमणाए । तए णं से अभयकुमारे
 जेणेव सेणिए राया तेणेव उवागच्छइ सेणियं रायं ओहयमणसंकप्पं
 जाव झियायमाणं पासइ अयमेयारूवे अज्झत्थिए चित्तिए पत्थिए
 मणोगए संकप्पे सम्पुज्जित्था — अन्नया ममं सेणिए राया एज्ज-
 माणं पासित्ता आढाइ परियाणाइ सक्कारेइ सम्माणेइ आलवइ संलवइ

अद्धासणेणं उवनिमंतेइ मत्थयांसि अग्घाइ । इयाणिं ममं सेणिए राया
 नो आढाइ नो परियाणइ नो सक्कारेइ नो सम्माणेइ नो इट्ठाहिं कंताहिं
 पियाहिं मणुत्राहिं ओराळाहिं वग्गूहिं आलवइ संलवइ नो अद्धासणेणं
 उवनिमंतेइ नो मत्थयांसि अग्घायइ किं पि ओह्यमणसंकप्पे श्रियायइ ।
 तं भवियब्बं णं एत्थ कारणेणं । तं सेयं खलु ममं सेणियं रायं एय-
 मट्ठं पुच्छित्तए । एवं संपेहेइ २ जेणामेव सेणिए राया तेणामेव उवा-
 गच्छइ २ करयलपरिग्गहियं सिरसावत्तं मत्थए अंजलिं कट्ठु जएणं
 विजएणं वद्धावेइ २ एवं वयासी — तुब्भे णं ताओ ! अन्नया ममं
 एज्जमाणं पासित्ता आढाइ परियाणइ जाव मत्थयांसि अग्घायइ
 आसणेणं उवनिमंतेइ । इयाणिं ताओ ! तुब्भे ममं नो आढाइ जाव नो
 आसणेणं उवनिमंतेइ किं पि ओह्यमणसंकप्पा जाव श्रियायइ । तं
 भवियब्बं ताओ एत्थ कारणेणं । ताओ तुब्भे ममं ताओ एयं कारणं
 अग्गूहेमाणा असंकमाणा अनिण्हवेमाणा अपच्छाएमाणा जहाभूयम-
 वितहमसंदिद्धं एयमट्ठं आइक्खइ । तए णं अहं तस्स कारणस्स अंत-
 गमणं गमिस्सामि । तए णं से सेणिए राया अभएणं कुमारेणं एवं
 उक्ते समाणे अभयं कुमारं एवं वयासी — एवं खलु पुत्ता ! तव चुल्लमाउ-
 याए धारिणीदेवीए तस्स गब्भस्स दोसु मासेसु अइक्कंतेसु तइयमासे
 वट्ठमाणे दोहलकालसमयांसि अयमेयारूवे दोहले पाउब्भवित्था — धन्ना-
 ओ णं ताओ अम्मयाओ तद्देव निरवसेसं माणियब्बं जाव विणेंति ।
 तए णं अहं पुत्ता धारिणीए देवीए तस्स अकालदोहलस्स बहूहिं
 आएहि य उवाएहिं जाव उप्पत्तिं अविंदमाणे ओह्यमणसंकप्पे जाव
 श्रियामि तुमं आगयं पि न याणामि । तं एएणं कारणेणं अहं पुत्ता !
 ओह्य जाव श्रियामि । तए णं से अभए कुमारे सेणियस्स रण्णो
 अंतिए एयमट्ठं सोच्चा निसम्म हट्ठ जाव हियए सेणियं रायं एवं
 वयासी — मा णं तुब्भे ताओ ओह्य जाव श्रियायइ । अहं णं तद्वा
 करिस्सामि जहा णं मम चुल्लमाउयाए धारिणीए देवीए अयमेयारूवस्स
 अकालडोहलस्स मणोरहसंपत्ती भविस्सइ त्तिकट्ठ सेणियं रायं ताहिं

इट्ठाहिं कंताहिं जाव समासासेइ । तए णं सेणिए राया अभएणं
कुमारेणं एवं वुत्ते समाणे हट्ठतुट्ठे जाव अभयं कुमारं सक्कारेइ समाणेइ
२ पडिविसज्जेइ ।

(16) तए णं से अभए कुमारे सक्कारिए सम्माणिए पडिविसज्जिए
सम्माणे सेणियस्स रण्णो अंतियाओ पडिनिक्खमइ २ जेणामेव सए
भवणे तेणामेव उवागच्छइ २ सीहासणे निसण्णे । तए णं तस्स अभय-
कुमारस्स अयमेयारूवे अज्झत्थिए जाव समुप्पज्जित्था — नो खलु सक्का
माणुस्सएणं उवाएणं मम चुल्लमाउयाए धारिणीए देवीए अकालडोहल-
मणोरहसंपत्तिं करित्तए नन्नत्थ दिव्वेणं उवाएणं । अत्थि णं मज्झ सोहम्म-
कप्पवासी पुव्वसंगइए देवे महिङ्गीए जाव महासोक्खे । तं सेयं खलु मम
पोसहसालाए पोसहियस्स बंभयारिस्स उम्मुक्कमणिसुवण्णस्स ववगय-
मालावण्णगाविलेवणस्स निक्खित्तसत्थमुसलस्स एगस्स अभीयस्स
दब्भसंथारोवगयस्स अट्ठमभत्तं पगिण्हित्ता पुव्वसंगइयं देवं मणसीकरे-
माणस्स विहरित्तए । तए णं पुव्वसंगइए देवे मम चुल्लमाउयाए धारिणीए
देवीए अयमेयारूवं अकालमेहेसु डोहलं विणेहिइ । एवं संपेहेइ २ जेणेव
पोसहसाला तेणामेव उवागच्छइ २ पोसहसालं पमज्जइ उच्चारपासवणभूमिं
पडिलेहेइ २ दब्भसंथारगं दुरूहइ २ अट्ठमभत्तं पगिण्हइ २ पोसहसालाए
पोसहिए बंभयारी जाव पुव्वसंगइयं देवं मणसीकरेमाणे २ चिट्ठइ । तए णं
तस्स अभयकुमारस्स अट्ठमभत्ते परिणममाणे पुव्वसंगइयस्स देवस्स
आसणं चलइ । तए णं पुव्वसंगइए सोहम्मकप्पवासी देवे आसणं
चलियं पासइ २ ओहिं पउंजइ । तए णं तस्स पुव्वसंगइयस्स देवस्स
अयमेयारूवे अज्झत्थिए जाव समुप्पज्जित्था — एवं खलु मम पुव्वसंगइए
जंबुदीवे २ भारहे वासे दाहिणद्धुभरहे^४ रायगिहे नयरे पोसहसालाए
पोसहिए अभए नामं कुमारे अट्ठमभत्तं पगिण्हित्ता णं मम मणसीकरे-
माणे २ चिट्ठइ । तं सेयं खलु मम अभयस्स कुमारस्स अंतिए पाउ-
ब्भवित्तए । एवं संपेहेइ २ उत्तरपुरत्थिमं दिसीभागं अवक्कमइ २
वेउव्वियसमुग्धाएणं समोहणइ २ संखेज्जाइं जोयणाइं दंडं निसिरइ ।

तंजहा—रयणाणं वयरणां वेरुलियाणं लोहियक्खाणं मसारगल्लाणं हंस-
गढभाणं पुलगाणं सोगंधियाणं जोईरसाणं अंकाणं अंजणाणं रयणाणं
जायरूवाणं अंजणपुलगाणं फलिहाणं रिट्ठाणं अहाबायरे पोगगले परि-
साडेइ अहासुहुमे पोगगले परिगिण्हइ २ अभयकुमारमणुकंपमाणे देवे
पुव्वभवजणियनेहपीइबहुमाणजायसोगे तओ विमाणवरपुंडरीयाओ
रयणुत्तमाओ धरणियलगमणतुरियसंजणियगमणपयारे वाघुणियविमल-
कणगपयरगवडिसगमउडउक्कडाडोवदंसणिज्जे अणेगमणिकणगरयण-
पहकरपरिमंडियभत्तिचित्तविणिउत्तगर्मणगजणियहरिसे^३ पैखोलमाणवर-
ललियकुंडलुज्जलियवयणगुणजणियसोमरूवे उदिओ विव कोमुदीनिसाए
सणिच्छरंगारकुज्जलियमज्झंभागत्ये नयणाणंदे सरयचंदे दिव्वोसहिप-
ज्जलुज्जलियदंसणाभिरामे उउलच्छिसमत्तजायसोहे पइट्ठगंधुद्धयाभिरामे
मेरुविव नगवरे वेउव्वियविचित्तवेसे दीवसमुहाणं असंखपरिमाणनाम-
धेज्जाणं मज्झयारेणं वीइवयमाणे उज्जोयंतो^४ पभाए विमलाए जीवलोयं^५
रायगिहं पुरंवरं च अभयस्सं पासं ओवयइ २ दिव्वरूवधारी ।

(17) तए णं से देवे अंतलिक्खपडिवन्ने दसद्ववण्णाइं सखिखिणि-
याइं पवरवत्थाइं परिहिए । एक्को ताव एसो गमो । अन्नो वि गमो —
ताए उक्किट्ठाए तुरियाए चवलाए चंडाए सीहाए उद्धयाए जयणाए
छेयाए दिव्वाए देवगईए जेणामेव जंबुदीवे २ भारहे वासे जेणामेव
दाहिणद्धभरहे रायगिहे नयरे पोसहसाला अभए कुमारे तेणामेव उवा-
गच्छइ २ अंतलिक्खपडिवन्ने दसद्ववण्णाइं सखिखिणीयाइं पवरवत्थाइं
परिहिए अभयं कुमारं एवं वयासी — अहं णं देवाणुप्पिया ! पुव्वसंगइए
सोहम्मकप्पवासी देवे महड्डीए जं णं तुमं पोसहसालाए अट्टमभत्तं
पिंगिण्हत्ता णं ममं मणसीकरेमाणे चिट्ठसि । तं एस णं देवाणुप्पिया ! अहं
इहं हव्वमागए । संदिसाहि णं देवाणुप्पिया ! किं करेमि किं दलामि
किं पयच्छामि किं वा ते हिर्यंइच्छियं । तए णं से अभए कुमारे तं
पुव्वसंगइयं देवं अंतलिक्खपडिवन्नं पासइ २ हट्टुट्ठे पोसहं पारेइ २
करयल्ल जाव अंजलिं कट्ट एवं वयासी— एवं खलु देवाणुप्पिया ! मम

चुलमाउयाए धारिणीए देवीए अयमेयारूवे अकालडोहले पाउब्भूए —
 घनाओ णं ताओ अम्मयाओ तहेव पुव्वगमेणं जाव विणेज्जामि । तं णं
 तुमं देवाणुप्पिया मम चुलमाउयाए धारिणीए देवीए अयमेयारूवं
 अकालडोहलं विणेहि । तए णं से देवे अभएणं कुमारेणं एवं वुत्ते
 समाणे हट्ठतुट्ठे अभयं कुमारं एवं वयासी—तुमं णं देवाणुप्पिया !
 सुनिव्वुयवीसत्थे अच्छाहि । अहं णं तव चुलमाउयाए धारिणीए
 देवीए अयमेयारूवं डोहलं विणेमि त्तिकट्ठु अभयस्स कुमारस्स अंति-
 याओ पडिनिक्खमइ उत्तरपुरत्थिमे णं वेभारपव्वए वेउव्वियसमुग्घाएणं
 समोहण्णइ संखेज्जाइं जोयणाइं दंडं निस्सरइ जाव दोब्बपि वेउव्विय-
 समुग्घाएणं समोहण्णइ खिप्पामेव सगज्झइयं सविज्जुयं सफुसियं
 पंचवण्णमेहनिणाओवसोहियं दिव्वं पाउंससिरिं विउव्वइ २ जेणेव
 अभए कुमारे तेणेव उवागच्छइ २ अभयं कुमारं एवं वयासी—
 एवं खलु देवाणुप्पिया ! मए तव पियट्ठयाए सगज्झिया सफुसिया
 सविज्जुया दिव्वा पाउंससिरी विउव्विया । तं विणेउं णं देवाणुप्पिया
 तव चुलमाउया धारिणीदेवी अयमेयारूवं अकालमेहडोहलं । तए णं से
 अभए कुमारे तस्स पुव्वसंगइयस्स सोहम्मकप्पवासिस्स देवस्स अंतिए
 एयमट्ठं सोच्चा निसम्म हट्ठतुट्ठे सयाओ भवणाओ पडिनिक्खमइ २
 जेणामेव सेणिए राया तेणामेव उवागच्छइ करयल जाव अंजलिं कट्ठु
 एवं वयासी— एवं खलु ताओ ! मम पुव्वसंगइएण सोहम्मकप्पवासिणा
 देवेणं खिप्पामेव सगज्झियसविज्जुयपंचवण्णमेहनिणाओवसोभिया
 दिव्वा पाउंससिरी विउव्विया । तं विणेउ णं मम चुलमाउया
 धारिणी देवी अकालडोहलं । तए णं से सेणिए राया अभयस्स
 कुमारस्स अंतिए एयमट्ठं सोच्चा निसम्म हट्ठतुट्ठ कोडुंबियपुरिसे
 सदावेइ २ एवं वयासी— खिप्पामेव भो देवाणुप्पिया ! रायगिहं
 नगरं सिंघाडगतिगचउक्कचच्चर आसित्तसित्त जाव सुगंधवरगंधियं
 गंधवट्ठिभूयं करेह य कारवेह य एयमाणत्तियं पच्चप्पिणह । तए
 णं ते कोडुंबियपुरिसा जाव पच्चप्पिणंति । तए णं से सेणिए राया

दोच्चंपि कोडुंबियपुरिसे सहावेइ २ एवं वयासी—खिप्पामेव भो देवाणुप्पिया ! ह्यगयरहजोहपवरकलियं चाउरंगिणिं सेणं सन्नाहेह-
 सेयणयं च गंधहत्थिं परिकप्पेह । तेवि तहेव जाव पच्चप्पिणांति ।
 तए णं से सेणिए राया जेणेव धारिणी देवी तेणेव उवागच्छइ २
 धारिणिं देविं एवं वयासी—एवं खलु देवाणुप्पिए ! सगज्जिया जाव
 पाउससिरी पाउब्भूया । तं णं तुमं देवाणुप्पिए ! एयं अकालदोहलं
 विणेहि । तए णं सा धारिणी देवी सेणिएणं रत्ता एवं वुत्ता समाणी
 हट्ठतुट्ठा जेणामेव मज्जणघरे तेणेव उवागच्छइ २ मज्जणघरं अणुप्प-
 विसइ २ अंतो अंतैउरंसि ण्हाया कयबलिकम्मा कयकोउयमंगलपायच्छित्ता
 किं ते वरपायपत्तनेउर जाव आगासफालियसमप्पभं अंसुयं नियत्था
 सेयणयं गंधहत्थिं दुरूढा समाणी अमयमहियफेणपुंजसन्निगासाहिं
 सेयचामरवालवीयणीहिं वीइज्जमाणी २ संपत्थिया । तए णं से सेणिए
 राया ण्हाए कयबलिकम्मे जाव सस्सिरीए हत्थिखंधवरगए सकोरेंट-
 मल्लदामेणं छत्तेणं धरिज्जमाणेणं चउचामराहिं वीइज्जमाणे धारिणीदेवीं
 पिट्ठओ अणुगच्छइ । तए णं सा धारिणीदेवी सेणिएणं रत्ता हत्थिखंध-
 वरगएणं पिट्ठओ २ समणुगम्ममाणमग्गा ह्यगयरहजोहकलियाए
 चाउरंगिणीए सेणाए सद्धिं संपरिवुडा महया भडचडगरवंदपरिक्खित्ता
 सत्विड्डीए सव्वज्जुईए जाव बुंदुभिनिग्घोसनाइयरवेणं रायगिहे नयरे
 सिंघाडगतिगचउक्कचच्चर जाव महापहेसु नागरजणेणं अभिनंदिज्जमाणी
 २ जेणामेव वेभारगिरिपव्वए तेणामेव उवागच्छइ वेभारगिरिकडग-
 तडपायमूले आरामेसु य उज्जाणेसु य काणणेसु य वणेसु य वणसंडेसु य
 रुक्खेसु य गुच्छेसु य गुम्मेसु य लयासु य वल्लीसु य कंदरासु य दरीसु
 य चुण्ढीसु य दहेसु य कच्छेसु य नदीसु य संगमेसु य विवरँएसु य
 अच्छमाणी य पेच्छमाणी य मज्जमाणी य पत्ताणि य पुप्फाणि य
 फलाणि य पल्लवाणि य गिण्हमाणी य माणेमाणी य अग्घायमाणी य
 परिभुंजमाणी य परिभाँएमाणी य वेभारगिरिपायमूले दोहलं विणेमाणी
 सव्वओ समंता आहिंडइ । तए णं सा धारिणीदेवी तंसि अकाल-

दोहलंसि विणीयंसि संमाणियदोहला विणीयदोहला संपुण्णदोहला संपन्न-
 डोहला जाया यावि होत्था । तए णं सा धारिणीदेवी सेयणयगंधहत्थि
 दूरूढा समाणी सेणिएणं हत्थिखंधवरगएणं पिट्ठओ २ समणुगम्ममाण-
 मग्गा ह्यगय जाव रवेणं जेणेव रायगिहे नयरे तेणेव उवागच्छइ राय-
 गिहं नयरं मज्झंमज्झेणं जेणामेव सए भवणे तेणामेव उवागच्छइ २
 विउलाइं माणुस्सगाइं भोगभोगाइं जाव विहरइ ।

(18) तए णं से अभए कुमारे जेणामेव पोसहसाला तेणामेव उवा-
 गच्छइ २ पुव्वसंगइयं देवं सक्कारेइ सम्माणेइ २ पडिविसज्जेइ ।
 तए णं से देवे सगाज्जियं पंचवण्णमेहोवसोहियं दिव्वं पाउससिरिं
 पडिसाहरइ २ जामेव दिसि पाउब्भूए तामेव दिसिं पडिगए ।

(19) तए णं सा धारिणी देवी तंसि अकालदोहलंसि विणीयंसि
 सम्माणियडोहला तस्स गब्भस्स अणुकंपणट्ठाए जयं चिट्ठइ जयं आसइ
 जयं सुवइ आहारं पि य णं आहारेमाणी नाइतित्तं नाइकडुयं नाइ-
 कसायं नाइअंबिलं नाइमहुरं जं तस्स गब्भस्स हियं मियं पत्थयं देसे
 य काले य आहारं आहारेमाणी नाइचित्तं नाइसोयं नाइमोहं नाइभयं
 नाइपरित्तासं ववगयचित्तासोयमोहभयपरित्तासा उउभयमाणसुहेहिं
 भोयणच्छायणगंधमल्लालंकरेहिं तं गब्भं सुहंसुहेणं परिवहइ ।

(20) तए णं सा धारिणी देवी नवण्हं मासाणं बहुपडिपुण्णाणं
 अद्भुट्टमाण य राइंदियाणं वीइक्कंताणं अद्धरत्तकालसमयंसि सुंकुमालपाणि-
 पायं जाव सव्वंगसुंदरं दारगं पयाया । तए णं ताओ अंगपडियारियाओ
 धारिणिं देविं नवण्हं मासाणं जाव दारगं पयायं पासंति २ सिग्घं तुरियं
 चवलं वेइयं जेणेव सेणिए राया तेणेव उवागच्छंति सेणियं रायं जएणं
 विजएणं बद्धावेति करयलपरिग्गहियं सिरसावत्तं मत्थए अंजलिं कट्टु एवं
 वयासी - एवं खलु देवाणुप्पिया ! धारिणीदेवी नवण्हं मासाणं जाव
 दारगं पयाया ! तं णं अग्गे देवाणुप्पियाणं पियं निवेएमो पियं भे भवउ ।
 तए णं से सेणिए राया तासिं अंगपडियारियाणं अंतिए एयमट्ठं सोच्चा
 निसम्म इट्ठतुट्ठे ताओ अंगपडियारियाओ महुरेहिं वयणेहिं विउळेण

य पुप्फगंधमल्लालंकारेणं सक्कारेइ सम्माणेइ २ मत्थयधोयाओ करेइ
 पुत्ताणुपुत्तियं वित्तिं कप्पेइ २ पडिविसज्जेइ । तए णं से सेणिए राया
 पच्चूसकालसमयंसि कोडुंबियपुरिसे सदावेइ २ एवं वयासी—खिप्पामेव
 भो देवाणुप्पिया ! रायगिहं नगरं आसिय जाव परिगीयं करेह २ चारग-
 परिसोहणं करेह २ माणुम्माणवद्धणं करेह २ एयमाणत्तियं पच्चप्पिणह
 जाव पच्चप्पिणंति । तए णं से सेणिए राया अट्टारससेणिप्पसेणीओ
 सदावेइ २ एवं वयासी—गच्छह णं तुब्भे देवाणुप्पिया ! रायगिहे नगरे
 अट्ठिभत्तरबाहिरिए उस्सुक्कं उक्करं अभडप्पवेसं अदंडिमकुदंडिमं अधरिमं
 अधारणिज्जं अणुद्धयमुड्गं अमिल्लायमल्लदामं गणियावरनाडइज्जकलियं
 अणेगतालायराणुचरियं पमुइयपक्कीलियाभिरामं जहारिहं ठिइवडियं
 वसदिवसियं करेह २ एयमाणत्तियं पच्चप्पिणह तेवि करेंति तहेव
 पच्चप्पिणंति । तए णं से सेणिए राया बाहिरियाए उवट्ठाणसालाए
 सीहासणवरगए पुरत्थाभिमुहे सन्निसण्णे सयएहि य साहस्सिएहि य
 सयसाहस्सिएहि य जाएहि य दाएहि य भाएहि य दल्लयमाणे २ पडि-
 च्छेमाणे २ एवं च णं विहरइ । तए णं तस्स अम्मापियरो पढमे दिवसे
 जायकम्मं करेंति २ बिइयदिवसे जागरियं करेंति तइए दिवसे चंदसूर-
 दंसणियं करेंति २ एवामेव निव्वत्ते असुइजायकम्मकरणे संपत्ते बारसाह-
 दिवसे विपुलं असणपाणखाइमसाइमं उवक्खडावेंति २ मित्तनाइनियग-
 सयण संबंधिपरियणं बलं च बहवे गणनायग जाव आमंतेति तओ ण्हाया
 कयबलिकम्मा कयकोउय जाव सव्वालंकारविभूसिया महइमहालयंसि
 भोयणमंडवंसि तं विपुलं असणं पाणं खाइमं साइमं मित्तनाइगणनायग
 जाव सद्धिं आसाएमाणा विसाएमाणा परिभाएमाणा परिभुंजेमाणा एवं
 च णं विहरंति जिमियभुत्तुत्तरागयावि य णं समाणा आयंता चोक्खा
 परमसुइभूया तं मित्तनाइनियगसयणसंबंधिपरियणं बलं च बहवे गण-
 नायग जाव विपुलेणं पुप्फवत्थगंधमल्लालंकारेणं सक्कारेंति सम्माणेंति २
 एवं वयासी — जम्हा णं अम्हं इमस्स दारगस्स गव्वभत्थस्स चेव समाणस्स
 अकालमेहेसु डोहले पाउब्भूए तं होऊ णं अम्हं दारए मेहे नामेणं मेहे ।

तस्स दारगस्स अम्मापियरो अयमेयारूवं गोणं गुणनिष्कणं नामधेज्जं
करेंति मेहे इ । तए णं से मेहे कुमारे पंचधाईपरिग्गहिए तंजहा — खीर-
धाईए मज्जणधाईए कीलावणधाईए मंडणधाईए अंकधाईए अन्नाहि य
बहूहिं खुज्जाहिं चिलाइयाहिं वामणिवडभिवव्वरिबउसिजोणियपल्हवि-
इसिणिधोरुणिगिणिलासियलउसियं दमिलिसिंहलिआरविपुलिदिपक्कणिबह-
लिमुरंडिसबरिपारसीहिं नानादेसीहिं विदेसपरिमंडियाहिं इंगियचितिय-
पत्थियवियाणियाहिं सदेसनेवत्थगाहियवेसाहिं निउणकुसलाहिं विणीयाहिं
चेडियाचक्कवालवरिसधरकंचुइज्जमहयरगवंदपरिक्खित्ते हत्थांओ हत्थं
साहंरिज्जमाणे अंकाओ अंकं परिभुज्जमाणे परिगिज्जमाणे उवलालिज्ज-
माणे रम्मंसि मणिकोट्टिमतलांसि परिमिज्जमाणे २ निव्वायनिव्वाघायंसि
गिरिकंदरमल्लीणेव चंपगपायवे सुहंसुहेणं वड्डइ । तए णं तस्स मेहस्स
कुमारस्स अम्मापियरो अणुपुव्वेणं नामकरणं च पजेमणगं च एवं चंक-
मणगं च चोलोव्वणयं च महया २ इड्डीसक्कारसमुदएणं करेंसु । तए णं तं
मेहं कुमारं अम्मापियरो साइरेगेट्टवासजायगं चेव गव्वभट्टमे वासे सोह-
णंसि तिहिकरणमुहुत्तंसि कलायरियस्स उव्वेणंति । तए णं से कलायरिए
मेहं कुमारं लेहाइयाओ गणियप्पहाणाओ सउणरुयपज्जवसाणाओ बाव-
त्तरिकलाओ सुत्तओ य अत्थओ य करणओ य सेहावेइ सिक्खावेइ
तंजहा — लेहं गणियं रूवं नट्टं गीयं वाइयं सरगयं पोक्खरगयं समतालं
जूयं जणवायं पासयं अट्टावयं पोरेकच्चं दगमट्टियं अन्नविहिं पाणविहिं
वत्थविहिं विलेवणविहिं सयणविहिं अज्जं पहेलियं मागहियं गाहं गीइयं
सिलोणं हिरण्णजुत्तिं सुवण्णजुत्तिं चुण्णजुत्तिं आभरणविहिं तरुणीपडिकम्मं
इत्थिलक्खणं पुरिसलक्खणं ह्यलक्खणं गयलक्खणं गोणलक्खणं कुक्कुड-
लक्खणं छत्तलक्खणं दंडलक्खणं असिलक्खणं मणिलक्खणं कागिणि-
लक्खणं वत्थुविज्जं खंधारमाणं नगरमाणं वूहं पडिवूहं चारं पडिचारं
चक्कवूहं गरुलवूहं सगडवूहं जुद्धं निजुद्धं जुद्धाइजुद्धं अट्टिजुद्धं मुट्टिजुद्धं
बाहुजुद्धं लयाजुद्धं ईसत्थं छरुप्पवायं धणुव्वेयं हिरण्णपागं सुवण्णपागं
सुत्तखेडं वट्टखेडं नालियाखेडं पत्तच्छेज्जं कडच्छेज्जं सज्जीवं निज्जीवं

सउणरूयं ति ।

(21) तए णं से कलायरिए मेहं कुमारं लेहाइयाओ गणियप्पहाणाओ सउणरूयंपज्जवसाणाओ बावत्तरिं कलाओ सुत्तओ य अत्थओ य करणओ य सेहावेइ २ अम्मापिऊणं उवणेइ । तए णं मेहस्स कुमारस्स अम्मापियरो तं कलायरियं महुरेहिं वयणेहिं विउलेणं वत्थंगंधमल्लालंकारेणं सक्कारेति सम्माणेति विउलं जीवियारिहं पीइदाणं दलयंति २ पडिविसज्जेति ।

(22) तए णं से मेहे कुमारे बावत्तरिकलापंडिए नवंगसुत्तपडिवोहिए अट्टारसविहिप्पगारदेसीभासाविसारए गीयरइयंगंधव्वनट्टकुसले ह्यजोही गयजोही रहजोही बाहुजोही बाहुप्पमही अलंभोगसमत्थे साहसिए वियालचारी जाए यावि होत्था ।

(23) तए णं तस्स मेहकुमारस्स अम्मापियरो मेहं कुमारं बावत्तरिकलापंडियं जाव वियालचारीं जायं पासंति २ अट्ट पासायवडिसए कारेति अब्भुग्गयमूसियपहसिए विव मणिकणगरयणभत्तिचित्ते वाउध्दुयविजयवेजयंतीपडागालत्ताइच्छत्तकलिए तुंगे गगणतलमभिलंघमाणसिहरे जालंतररयणपंजरुम्मलिएव्व मणिकणगथूभियाए वियसियसयवत्तपुंडरीए तिलयरयणद्वचंदक्षिए नानामणिमयदामालंकिए अंतो बहिं च सण्हे तवणिज्जरुइलवाल्यापत्थरे सुहफासे सस्सिरीयरूवे पासाईए जाव पडिरूवे । एगं च णं महं भवणं कारेति अणेगखंभसयसन्निविट्ठं लीलट्टियसालभंजियागं अब्भुग्गयसुकयवइरवेइयातोरणवररइयसालभंजियासुसिलिट्ठविसिट्ठलट्ठसंठियपसत्थवेरुलियखंभनाणामणिकणगरयणखचियउज्जलं बहुसमसुविभत्तनिचियरमणिज्जभूमिभागं ईहामिय जाव भत्तिचित्तं खंभुग्गयवय्यरवेइयापरिगयाभिरामं विज्जाहरजमलजुयलजंतजुत्तंपिव अच्चीसहस्समालणीयं रूवगसहस्सकलियं भिसमाणं भिन्भिसमाणं चक्खुल्लोयणलेसं सुहफासं सस्सिरीयरूवं कंचणमणिरयणथूभियागं नाणाविहपंचवण्णघंटापडागपरिमंडियग्गसिहरं धवलमिरीचिकवयं विणिम्मुयंतं लाउल्लोइयमहियं जाव गंधवट्ठिभूयं पासाईयं दरिसणिज्जं अभिरूवं पडिरूवं ।

(24) तए णं तस्स मेहस्स कुमारस्स अम्मापियरो मेहं कुमारं सोह-

णंसि तिहिकरणनक्खत्तमुहुत्तांसि सरिसियाणं सरिब्बयाणं सरित्तयाणं
 सरिसलावण्णरूवजोव्वणगुणोव्वेयाणं सरिसएहिंतो रायकुलेहिंतो
 आणिल्लियाणं पसाहणट्ठंगअविहववहूओवयणमंगलमुजंपिएहिं अट्ठहिं
 रायवरकन्नाहिं सद्धिं एगदिवसेणं पाणिं गिण्हाविंसु । तए णं तस्स
 मेहस्स अम्मापियरो इमं एयारूवं पीइदाणं दलयन्ति - अट्ठ हिरण्ण-
 कोडीओ अट्ठ सुवण्णकोडीओ गाहाणुसारेण भाणियव्वं जाव पेसण-
 कारियाओ अन्नं च विपुलं धणकणगरयणमणिमोत्तियसंखसिलप्पवाल-
 रत्तरयणसंतसारसावएज्जं अलाहि जाव आसत्तमाओ कुलवंसाओ पकामं
 दाउं पकामं भोत्तुं पकामं परिभाँएउं । तए णं से मेहे कुमारे एगमेगाए
 भारियाए एगमेगं हिरण्णकोडिं दलयइ एगमेगं सुवण्णकोडिं दलयइ
 जाव एगमेगं पेसणकारिं दलयइ अन्नं च विउलं धणकणग जाव परि-
 भाएउं दलयइ । तए णं से मेहे कुमारे उप्पिं पासायवरगए फुट्टमाणेहिं
 मुइंगमत्थएहिं वरतरुणिसंपउत्तेहिं बत्तीसइवद्धएहिं नाडएहिं विहरइ ।

(25) तेणं कालेणं २ समणे भगवं महावीरे पुठ्वाणुपुठ्वि चरमाणे
 गामाणुगामं दूइज्जमाणे सुहंसुहेणं विहरमाणे जेणामेव रायगिहे नयरे
 गुणसिलए चेइए जाव विहरइ । तए णं रायगिहे नयरे सिंघाडगतिग-
 चउक्कचच्चरे महया बहुजणसहे इ वा जाव बहवे उग्गा भोगा जाव राय-
 गिहस्स नगरस्स मज्झमज्जेणं एगदिसिं एगाभिमुहा निग्गच्छन्ति । इमं च
 णं मेहे कुमारे उप्पिं पासायवरगए फुट्टमाणेहिं मुयंगमत्थएहिं जाव
 माणुस्सए कामभोगे भुंजमाणे रायमगं च आँलोएमाणे २ एवं च णं
 विहरइ । तए णं मेहे कुमारे ते बहवे उग्गा भोगा जाव एगदिसाभिमुहे
 निग्गच्छमाणे पासइ २ कंचुइज्जपुरिसं सहावेइ २ एवं वयासी -
 किन्नं भो देवाणुप्पिया ! अज्ज रायगिहे नगरे इंदमहे इ वा खंदमहे इ वा
 एवं रुहसिववेसमणनागजक्खभूयनईतलायरक्खचेइयपव्वयउज्जाण-
 गिरिजत्ताइ वा जओ णं बहवे उग्गा भोगा जाव एगदिसिं एगाभिमुहा
 निग्गच्छन्ति । तए णं से कंचुइज्जपुरिसे समणस्स भगवओ महावीरस्स
 गहियागमणपवित्तीए मेहं कुमारं एवं वयासी - नो खलु देवाणुप्पिया !

अज्ज रायगिहे नयरे इंदमहे इ वा जाव गिरिजत्ता इ वा ज णं एए उग्गा जाव एगदिसिं एगाभिमुहा निग्गच्छंति । एवं खलु देवाणुप्पिया ! समणे भगवं महावीरे आइगरे तित्थगरे इहमागए इह संपत्ते इह समोसठे' इह चेव रायगिहे नगरे गुणसिलए चेइए अहापडिरूवं जाव विहरइ ।

(26) तए णं से मेहे कुमारे कंचुइज्जपुरिसस्स अंतिए एयमट्ठं सोच्चा निसम्म हट्ठतुट्ठे कोडुंबियपुरिसे सहावेइ २ एवं वयासी — खिप्पामेव भो देवाणुप्पिया ! चाउग्घटं आसरहं जुत्तामेव उवट्ठवेह जाव उवणेंति । तए णं से मेहे ण्हाए जाव सव्वालंकारविभूसिए चाउग्घटं आसरहं दुरूठे समाणे सकोरंटमल्लदामेणं छत्तेणं धरिज्जमाणेणं महया भट्ट-चडगरवंदपारियालसंपरिवुडे रायगिहस्स नयरस्स मज्झंमज्जेणं नि-ग्गच्छइ २ जेणामेव गुणासिलए चेइए तेणामेव उवागच्छइ २ समणस्स भगवओ महावीरस्स छत्ताइच्छत्तं पडागाइपडागं विज्जाहरचारणे जंभए य देवे ओवयमाणे पासइ २ चाउग्घटाओ आसरहाओ पच्चोरुहइ २ समणं भगवं महावीरं पंचविहेणं अभिगमेणं अभिगच्छइ तंजहा — सचित्ताणं दव्वाणं विउसरणयाए, अचित्ताणं दव्वाणं अविउ-सरणयाए, एगसाडियं उत्तरासंगकरणेणं, चक्खुपासे अंजलिपग्गहेणं, मणसो एगत्तीकरणेणं । जेणामेव समणे भगवं महावीरे तेणामेव उवागच्छइ २ समणं भगवं तिक्खुत्तो आयाहिणपयाहिणं करेइ वंदइ नमंसइ २ समणस्स भगवओ नच्चासन्ने नाइदूरे सुस्सूसमाणे नमंसमाणे पंजलिउडे अभिमुहे विणएणं पज्जुवासइ । तए णं समणे भगवं महावीरे मेहस्स कुमारस्स तीसे य महइमहालियाए महच्चपरिसाए मज्झगए विचित्तं धम्ममाइक्खइ, जहा — जीवा बैज्झंति मुच्चंति जहा य संकिलिस्संति । धम्मकहा भाणियव्वा जाव परिसा पडिगया ।

(27) तए णं से मेहे कुमारे समणस्स भगवओ महावीरस्स अंतिए धम्मं सोच्चा निसम्म हट्ठतुट्ठे समणं भगवं महावीरं तिक्खुत्तो आया-हिणपयाहिणं करेइ २ वंदइ नमंसइ २ एवं वयासी— सद्दहामि णं भंते ! निग्गंथं पावयणं एवं पत्तियाभि णं रोएमि णं अब्भुट्ठेमि णं भंते !

निगगथं पावयणं । एवमेयं भंते ! तहमेयं अवितहमेयं इच्छियमेयं पडिच्छियमेयं भंते ! इच्छियपडिच्छियमेयं भंते ! से जहेव तं तुब्भे वयह जं नवरं देवाणुप्पिया ! अम्मापियरो आपुच्छामि तओ पच्छा मुंडे भवित्ताणं पव्वइस्सामि । अहासुहं देवाणुप्पिया मा पडिबंधं । तए णं से मेहे कुमारे समणं भगवं वंदइ नमंसइ २ जेणामेव चाउघंटे आसरहे तेणामेव उवागच्छइ २ चाउघंटं आसरहं दुरूहइ महया भडचडगर-पहकरेणं रायगिहस्स नगरस्स मज्झंमज्झेणं जेणामेव सए भवणे तेणामेव उवागच्छइ २ चाउघंटाओ पच्चोरुहइ २ जेणामेव अम्मापियरो तेणामेव उवागच्छइ २ अम्मापिऊणं पायवडणं करेइ २ एवं वयासी— एवं खलु अम्मयाओ ! मए समणस्स भगवओ महावीरस्स अंतिए धम्मे निसंते से वि य मे धम्मे इच्छिए पडिच्छिए अभिरुइए । तए णं तस्स मेहस्स अम्मापियरो एवं वयासी— धन्नेसि तुमं जाया ! संपुण्णे कयत्थे कय-लक्खणे सि तुमं जाया ! जन्नं तुमे समणस्स ३ अंतिए धम्मे निसंते । सेवि य ते धम्मे इच्छिए पडिच्छिए अभिरुइए । तए णं से मेहे कुमारे अम्मापियरो दोच्चं पि तच्चं पि एवं वयासी— एवं खलु अम्मयाओ ! मए समणस्स ३ अंतिए धम्मे निसंते । से वि य मे धम्मे इच्छिए पडिच्छिए अभिरुइए । तं इच्छामि णं अम्मयाओ ! तुब्भेहिं अब्भणुन्नाए समणे समणस्स ३ अंतिए मुंडे भवित्ताणं अगाराओ अणगारियं पव्वइत्तए । तए णं सा धारिणी देवी तं अणिट्ठं अकंतं अप्पियं अमणुन्नं अमणामं असुयपुव्वं फरुसगिरं सोच्चा निसम्म इमेणं एयारूवेणं मणोमाणसिएणं महया पुत्तदुक्खेणं अभिभूया समाणी सेयागयरोमकूव-पगलंतविलीणगाया सोयभरपवेवियंगी नित्तेया दीणविमणवयणा कर-यलमलियव्व कमलमाला तक्खणओलुग्गदुव्वलसरीरा लावणसुन्ननि-च्छायगयसिरीया पसिडिलभूसणपडंतखुम्मियसंचुण्णियधवलवलयपब्भ-ठउत्तरिज्जा सूमालविकिण्णकेसहत्था मुच्छावसनट्ठचेयंगरुई पैरसुनिय-त्तव्व चंपगलया निव्वत्तमेहव इंदलट्ठी विमुक्कसंधिवंधणा कोट्टिमतलंसि सव्वंगेहिं धसत्ति पडिया । तए णं सा धारिणी देवी ससंभमोवत्तियाए

तुरियं कंचणभिगारमुहविणिगयसीयलजलविमलधाराए परिसिंचमाणा निब्बावियगायलट्ठी उक्खेवणतालविंदवीयणगजणियवाएणं सफुसिएणं अंतेउरपरियणेणं आसासिया समाणी मुत्तावलीसन्निगासपवडंतअंसुधाराहिं सिंचमाणी पओहरे कलुणविमणदीणा रोयमाणी कंदमाणी तिप्पमाणी सोयमाणी विलवमाणी मेहं कुमारं एवं वयासी । -

(28) तुमं सि णं जाया ! अम्हं एगे पुत्ते इट्ठे कंते पिए मणुन्ने मणामे थेज्जे वेसासिए सम्मए बहुमए अणुमए भंडकरंडगसमाणे रयणे रयण- भूए जीवियउस्सासए हिययाणंदजणणे उंबरपुप्फं पिव दुल्लहे सवणयाए किमंग पुण पासणयाए । नो खलु जाया ! अम्हे इच्छामो खणमवि विप्पओगं सहित्तए । तं भुंजाहि ताव जाया ! विपुले माणुस्सए कामभोगे जाव ताव वयं जीवामो । तओ पच्छा अम्हेहिं काल- गएहिं परिणयवए वड्डियकुलवंसतंतुकज्जंभि निरवएक्खे समणस्स ३ अंतिए मुंडे भवित्ता अगाराओ अणगारियं पव्वइस्ससि । तए णं से मेहे कुमारे अम्मापिऊहिं एवं वुत्ते समाणे अम्मापियरो एवं वयासी - तहेव णं तं अम्मो ! जहेव णं तुब्भे ममं एवं वयह- तुमं सि णं जाया ! अम्हं एगे पुत्ते तं चेव जाव निरवएक्खे समणस्स जाव पव्वइस्ससि । एवं खलु अम्मयाओ ! माणुस्सए भवे अधुवे अणियए असासए वसणसउवहवाभिभूए विज्जुलयाचंचले अणिञ्चे जलबुब्बुय- समाणे कुसग्गजलविंदुसन्निभे संझब्भरागसरिसे सुविणदंसणोवमे सडण- पडणविद्धंसणधम्मो पच्छा पुरं च णं अवस्सविप्पजहाणिज्जे । से के णं जाणइ अम्मयाओ ! के पुट्ठिं गमणाए के पच्छा गमणाए ? तं इच्छामि णं अम्मयाओ ! तुब्भेहिं अब्भणुत्ताए समाणे समणस्स ३ जाव पव्वइत्तए । तए णं तं मेहं कुमारं अम्मापियरो एवं वयासी - इमाओ ते जाया । सरिसियाओ सरित्तयाओ सरिर्ववयाओ सरिसल्लवण्ण- रूवजोव्वणगुणोववेयाओ सरिसेहिंतो रायकुलेहिंतो आणियल्लियाओ भारियाओ । तं भुंजाहि णं जाया ! एयाहिं सद्धिं विट्ठले माणुस्सए कामभोगे । पच्छा भुत्तभोगे समणस्स जाव पव्वइस्ससि । तए णं से मेहे

कुमारे अम्मापियरं एवं वयासी - तहेव णं अम्मयाओ ! जं णं तुब्भे ममं एवं वयह - इमाओ ते जाया ! सरिसियाओ जाव पव्वइस्ससि । एवं खलु अम्मयाओ माणुस्सगा कामभोगा असुई असासया वंतासवा पित्तासवा खेलासवा सुक्कासवा सोणियासवा दुरुस्सासनीसास्सा दुरूवमुत्तपुरीसपूयबहुपडिपुण्णा उच्चारपासवणखेलसिंघाणगवंतपित्त-सुक्कसोणियसंभवा अधुवा आणियत्ता असासया सडणपडणविद्धंसण-धम्मसा पच्छा पुरं च णं अवस्सविप्पजहणिज्जा । से¹ के णं अम्मयाओ ! जाव पव्वइत्तए । तए णं तं मेहं कुमारं अम्मापियरो एवं वयासी - इमे य ते जाया ! अज्जयपज्जयापिउपज्जयागए सुबहु हिरण्णे य सुवण्णे य कंसे य दूसे य मणिमोत्तियसंखसिलप्पबालरत्तरयणसंतसारसावएज्जे य अल्लाहि जाव आसत्तमाओ कुलवंसाओ पगामं दाउं पगामं भोत्तुं पक्कामं परिभाएउं । तं अणुहोहि ताव जाया ! विपुलं माणुस्सगं इड्डिसक्कारसमुदयं । तओ पच्छा अणुभूयकल्लाणे समणस्स ३ जाव पव्वइस्ससि । तए णं से मेहे कुमारे अम्मापियरं एवं वयासी - तहेव णं अम्मयाओ ! जं णं तं² वयह - इमे ते जाया ! अज्जग-पज्जग जाव तओ पच्छा अणुभूयकल्लाणे पव्वइस्ससि । एवं खलु अम्मयाओ ! हिरण्णे य जाव सावएज्जे अगिगसाहिए चोरसाहिए रायसाहिए दाइयसाहिए मच्चुसाहिए अगिगसामन्ने जाव मच्चुसामन्ने सडणपडणविद्धंसणधम्मसे पच्छा पुरं च णं अवस्सविप्पजहणिज्जे । से के णं जाणइ अम्मयाओ ! के पुत्तिं जाव गमणाए । तं इच्छामि णं जाव पव्वइत्तए । तए णं तस्स मेहस्स कुमारस्स अम्मापियरो जाहे नो संचाइंति मेहं कुमारं बहूहिं विसयाणुलोमाहिं आघवणाहि य पन्नवणाहि य सन्नवणाहि य विन्नवणाहि य आघवित्तए वा पन्नवित्तए वा सन्नवि-त्तए वा विन्नवित्तए वा ताहे विसयपडिकूलाहिं संजमभउव्वेयकारि-याहिं पन्नवणाहिं पन्नवेमाणा एवं वयासी - एस्स णं जाया ! निग्गंथे पावयणे सच्चे अणुत्तरे केवल्लिए पडिपुण्णे नेयाउए संसुद्धे सल्लगत्तणे सिद्धिमग्गे मुत्तिमग्गे निज्जाणमग्गे निव्वाणमग्गे सव्वदुक्खप्पहीणमग्गे

अहीव एगंतदिट्ठीए खुरो इव एगंतधाराए लोहमया इव जवा चावेयव्वा बालुयाकवले इव निरस्साए गंगा इव महानई पडिसोयगमणाए महासमुहो इव भुयाहिं दुत्तरे तिक्खं चंक्रमियव्वं गरुअं लंबेयव्वं अंसिधारव्वयं चरियव्वं । नो खलु कप्पइ जाया ! समणाणं निग्गंथाणं आहाकम्मिए वा उहेसिए वा कीयगडे वा ठवियए वा रइयए वा दुब्बिक्खभत्ते वा कंतारभत्ते वा वहलियाभत्ते वा गिलाणभत्ते वा मूलभोयणे वा कंदभोयणे वा फलभोयणे वा बीयभोयणे वा हरियभोयणे वा भोत्तए वा पायए वा । तुमं च णं जाया ! सुहसमुचिए नो चेव णं दुहसमुचिए नालं सीयं नालं उण्हं नालं खुहं नालं पिवासं नालं वाइयपित्तियसिंभियसन्निवाइयविविहे रोगायंके उच्चावए गामकंटए बाबीसं परीसहोवसग्गे उदिण्णे सम्मं अहियासित्तए । भुंजाहि ताव जाया ! माणुस्सए कामभोगे । तओ पच्छा भुत्तभोगी समणस्स जाव पव्वइस्ससि । तए णं से मेहे कुमारे अम्मापिऊहिं एवं वुत्ते समाणे अम्मापियरं एवं वयासी - तहेव णं अम्मयाओ ! जं णं तुब्भे ममं एवं वयह - एस णं जाया ! निग्गंथे पावयणे सच्चे अणुत्तरे पुणरवि तं चेव जाव तओ पच्छा भुत्तभोगी समणस्स जाव पव्वइस्ससि । एवं खलु अम्मयाओ ! निग्गंथे पावयणे कीबाणं कायराणं कापुरिसाणं इहलोग-पडिबद्धाणं परलोगनिप्पिवासाणं दुरणुचरे पाययजणस्स नो चेव णं धीरस्स निच्छियस्स ववसियस्स । एत्थ किं दुक्करं करणयाए ? तं इच्छामि णं अम्मयाओ ! तुब्भेहिं अब्भणुन्नाए समाणे समणस्स जाव पव्वइत्तए ।

(29) तए णं तं मेहं कुमारं अम्मापियरो जाहे नो संचाइंति बहूहिं विसयाणुलोमाहि य विसयपडिकूलाहि य आघवणाहि य पन्नवणाहि य सन्नवणाहि य विन्नवणाहि य आघवेत्तए वा पन्नवेत्तए वा सन्नवित्तए वा विन्नवित्तए वा ताहे अकामाइं चेव मेहं कुमारं एवं वयासी - इच्छामो ताव जाया ! एगदिवसमवि ते रायसिरिं पासित्तए । तए णं से मेहे कुमारे अम्मापियरमणुवत्तमाणे तुसिणीए संचिट्ठइ । तए णं से सेणिए राया कोडुंबियपुरिसे सहावेइ २ एवं वयासी - खिप्पामेव भो देवा-

णुप्पिया ! मेहस्स कुमारस्स महत्थं महग्घं महरिहं विउलं रायाभिसेयं उवट्ठवेह । तए णं ते कोडुंबियपुरिसा जाव ते वि तहेव उवट्ठवेंति । तए णं से सेणिए राया बहूहिं गणनायगदंडनायगेहिं य जाव सपंरिखुडे मेहं कुमारं अट्ठसएणं सोवणियाणं कलसाणं एवं रूपमयाणं कलसाणं सुवण्णरूपमयाणं कलसाणं मणिमयाणं कलसाणं सुवण्णमणिमयाणं रूपमणिमयाणं सुवण्णरूपमणिमयाणं भोमेज्जाणं सव्वोदएहिं सव्व-मट्ठियाहिं सव्वपुप्फेहिं सव्वगंधेहिं सव्वमल्लेहिं सव्वोसहीहिं य सिद्धत्थ-एहिं य सव्विड्डीए सव्वज्जुईए सव्वबलेणं जाव दुंदुभिनिग्घोसणाइयरवेणं महया २ रायाभिसेएणं अभिसिंचइ २ करयल जाव कट्ठु एवं वयासी—जय २ नंदा ! जय २ भद्दा ! जय नंदा ० ! भद्दं ते अजियं जिणाहि ! जियं पालयाहि जियमज्जे वसाहि अजियं जिणेहि सत्तुपक्खं जियं च पालेहि मित्तपक्खं जाव भरहो इव मणुयाणं रायागिहस्स नगरस्स अन्नेसिं च बहूणं गामागरनगर जाव सन्निवेसाणं आहेवच्च जाव विहराहि त्तिकट्ठु जय २ सहं पउजंति । तए णं से मेहे राया जाए महया जाव विहरइ । एण णं तस्स मेहस्स रत्तो अम्मापियरो एवं वयासी—भण जाया ! किं दलयामो किं पयच्छामो किं वा ते हियइच्छिए सामत्थे ? तए णं से मेहे राया अम्मापियरो एवं वयासी—इच्छामि णं अम्मयाओ ! कुत्तियावणाओ रयहरणं पडिग्गहं च आणियं कासवयं च सद्दावेहं । तए णं से सेणिए राया कोडुंबियपुरिसे सद्दावेइ २ एवं वयासी—गच्छह णं तुब्भे देवाणु-प्पिया ! सिरिघराओ तिन्नि सयसहस्साइं गहाय दोहिं सयसहस्सेहिं कुत्तियावणाओ रयहरणं पडिग्गहं च उवणेह सहसहस्सेणं कासवयं सद्दावेह । तए णं ते कोडुंबियपुरिसा सेणिएणं रत्ता एवं वुत्ता समाणा हट्ठतुट्ठा सिरिघराओ तिन्नि सयसहस्साइं गहाय कुत्तियावणाओ दोहिं सयसहस्सेहिं रयहरणं पडिग्गहं च उवणेंति सयसहस्सेणं कासवयं सद्दावेंति । तए णं से कासवए तेहिं कोडुंबियपुरिसेहिं सद्दाविए समाणे हट्ठ जाव हियए ण्हाए कयबलिकम्मे कयकोउयमंगलपायच्छित्ते सुद्धप्पावेसाइं वत्थाइं पवरपरिहिए अप्पमहग्घाभरणाळंकियसरीरे जेणेव सेणिए राया तेणेव

उवागच्छइ २ सेणियं रायं करयलमंजलिं कट्टु एवं वयासी — संदिसह णं देवाणुप्पिया ! जं मए करणिज्जं । तए णं से सेणिए राया कासवयं एवं वयासी — गच्छहि णं तुमं देवाणुप्पिया ! सुरभिणा गंधोदएणं निक्के हत्थपाए पक्खालेहि सेयाए चउप्फालाए पोत्तीए मुहं बंधित्ता मेहस्स कुमारस्स चउरंगुलवज्जे निक्खमणपाउगगे अगगकेसे कप्पेहि । तए णं से कासवए सेणिएणं रज्जा एवं वुत्ते समाणे हट्ठ जाव हियए जाव पडिसुणेइ सुरभिणा गंधोदएणं हत्थपाए पक्खालेइ २ सुद्धवत्थेणं मुहं बंधइ २ परेणं जत्तेणं मेहस्स कुमारस्स चउरंगुलवज्जे निक्खमणपाउगगे अगगकेसे कप्पइ । तए णं तस्स मेहस्स कुमारस्स माया महरिहेणं हंसलक्खणेणं पडसाडएणं अगगकेसे पडिच्छइ २ सुरभिणा गंधोदएणं पक्खालेइ २ सरसेणं गोसीसचंदणेणं चच्चाओ दलयइ २ सेयाए पोत्तीए बंधइ २ रयणसमुग्गयंसि पक्खिवइ २ मंजूसाए पक्खिवइ २ हारवारिधार-सिंदुवारलिन्नमुत्तावलिप्पगासाइं अंसूइं विणिम्मयमाणी २ रोयमाणी २ कंदमाणी २ विलवमाणी २ एवं वयासी — एस णं अम्हं मेहस्स कुमारस्स अब्भुदएसु य उस्सवेसु य पसवेसु य तिहीसु य छणेसु य जन्नेसु य पव्वणीसु य अपच्छिमे दरिसणे भविस्सइ त्तिकट्टु उस्सीसामूले ठावेइ । तए णं तस्स मेहस्स कुमारस्स अम्मापियरो उत्तरावक्कमणं सीहासणं रयावेति मेहं कुमारं दोच्चं पि तच्चं पि सेयापीएहिं कलसेहिं ण्हावेति २ पम्हलसूमालाए गंधकासाइयाए गायाइं ल्हेंति २ सरसेणं गोसीस-चंदणेणं गायाइं अणुलिंपंति २ नासानीसासवायवोज्झं जाव हंसलक्खणं पडुसाडगं नियसंति २ हारं पिणद्धेंति २ अद्धहारं पिणद्धेंति २ एवं एगाबलिं मत्तावालिं कणगावालिं २ रयणावालिं २ पालंबं २ पायपलंबं कडगाइं २ तुडिगाइं २ केऊराइं २ अंगयाइं २ दसमुहियाणंतयं कडिसुत्तयं २ कुंडलाइं चूडामणिं रयणुक्कंडं मँउडं पिणद्धेंति २ दिठ्ठं सुमणदामं पिणद्धेंति २ दईरमलयसुगांधिए गंधे पिणद्धेंति । तए णं तं मेहं कुमारं गंठिमवेढिमपूरिमसंघाइमेण चउव्विहेणं मल्लेणं कप्परुक्खगं पिव अलंकिबिभूसियं करेंति । तए णं से सेणिए राया कोडुंबियपुरिसे

सहावेइ २ एवं वयासी — खिप्पामेव भो देवाणुप्पिया ! अणेगखंभसय-
 सन्निविट्ठं लीलट्टियसांलभंजियागं ईहामियउसभतुरयनरमगरविहगवाल-
 किन्नररुसरभचमरकुंजरवणलयपउमलयभत्तिचित्तं घंटावल्लिमहुरमण-
 हरसरं सुभकंतदरिसणिज्जं निउणोवियमिसिभिसेतमाणिरयणघंटियाजाल-
 परिक्खित्तं अब्भुगयवइरवेइयापरिगयाभिरामं विज्जाहरजमलजंतजुत्तं
 पिव अच्चीसहस्समालणीयं रूवगसहस्सकलियं भिसमाणं भिब्भिसमाणं
 चक्खुल्लोयणलेस्सं सुहफासं सस्सिरीयरूवं सिग्घं तुरियं चवलं वेइयं
 पुरिससहस्सवाहिणीयं सीयं उवट्ठवेह । तए णं ते कोडुंबियपुरिसा
 हट्ठतुट्ठ जाव उवट्ठवेंति । तए णं से मेहे कुमारे सीयं दुरुहइ २
 सीहासणवरगए पुरत्थाभिमुहे सन्निसण्णे । तए णं तस्स मेहस्स
 कुमारस्स माया ण्हाया कयवलिकम्मा जाव अप्पमहग्घाभरणालंकियसरीरा
 सीयं दुरुहइ २ मेहस्स कुमारस्स दाहिणपासे भद्दासणंसि निसीयइ ।
 तए णं तस्स मेहस्स कुमारस्स अंबधाई रयहरणं च पडिग्गहगं च
 गहाय सीयं दुरुहइ २ मेहस्स कुमारस्स वामपासे भद्दासणंसि निसीयइ ।
 तए णं तस्स मेहस्स कुमारस्स पिट्ठओ एगा वरतरुणी सिंगारा-
 गारचारुवेसा संगयगयहसियभणियचेट्टियविलाससंलावुल्लावनिउणजुत्तो-
 वयारकुसला आमेलगजमलजुयलवट्टियअब्भुन्नयपीणरइयसंठियपओहरा
 हिमरययकुंदेदुपगासं सकोरेटमल्लदामधवलं आयवत्तं गहाय सलीलं
 ओहारेमाणी २ चिट्ठइ । तए णं तस्स मेहस्स कुमारस्स दुवे वरतरुणीओ
 सिंगारागारचारुवेसाओ जाव कुसलाओ सीयं दुरुहंति २ मेहस्स कुमारस्स
 उभैओ पांसं नानामणिकणगरयणमहरिहतवणिज्जउज्जलविचित्तदंडाओ
 चिल्लियाओ सुहुमवरदीहवालाओ संखकुंददगरयअमयमहियफेणपुंजस-
 न्निगासाओ चामराओ गहाय सलीलं ओहारेमाणीओ २ चिट्ठंति । तए णं
 तस्स मेहकुमारस्स एगा वरतरुणी सिंगारा जाव कुसला सीयं जाव दुरुहइ २
 मेहस्स कुमारस्स पुरओ पुरत्थिमेणं चंदप्पभवयरवेरुलियविमलदंडं
 तालियंटं गहाय चिट्ठइ । तए णं तस्स मेहस्स कुमारस्स एगा वरतरुणी
 जाव सुख्खा सीयं दुरुहइ २ मेहस्स कुमारस्स पुण्वदक्खिणेणं सेयं

रययामयं विमलसलिलपुण्णं मत्तगयमहामुहाकंसमाणं भिंगारं गहाय
चिट्ठइ । तए णं तस्स मेहस्स कुमारस्स पिया कोडुंबियपुरिसे
सद्दावेइ २ एवं वयासी—खिप्पामेव भो देवाणुपिया ! सरिसयाणं
सरित्तयाणं सरिर्ववयाणं एगाभरणगहियनिज्जोयाणं कोडुंबियवरतरुणाणं
सहस्सं सद्दावेह जाव सद्दावेति । तए णं ते कोडुंबियवरतरुणपुरिसा
सेणियस्स रत्तो कोडुंबियपुरिसेहिं सद्दाविया समाणा हट्ठा ण्हाया
जाव एगाभरणगहियणिज्जोया जेणामेव सेणिए राया तेणामेव उवा-
गच्छंति २ सेणियं रायं एवं वयासी—संदिसह णं देवाणुपिया । जं णं
अम्हेहिं करणिज्जं । तए णं से सेणिए राया तं कोडुंबियवरतरुणसहस्सं
एवं वयासी—गच्छह णं तुब्भे देवाणुपिया ! मेहस्स कुमारस्स पुरिस-
सहस्सवाहिणीं सीयं परिवहह । तए णं तं कोडुंबियवरतरुणसहस्सं
सेणिएण रत्ता एवं वुत्तं सैंतं हट्ठं मेहस्स कुमारस्स पुरिससहस्सवाहिणीं
सीयं परिवहइ । तए णं तस्स मेहस्स कुमारस्स पुरिससहस्सवाहिणिं
सीयं दुरूढस्स समाणस्स इमे अट्ठमंगलया तप्पढमयाए पुरओ अहा-
णुपुव्वीए संपट्टिया, तंजहा—सोत्थिय सिरिवच्छ नंदियावत्त वद्धमाणग
भद्दासण कलस मच्छ दप्पण जाव बहवे अत्थत्थिया जाव ताहिं इट्ठाहिं
जाव अणवरयं अभिनंदंता य अभिथुणंता य एवं वयासी—जय २
नंदा ! जय २ भद्दा ! जय २ नंदा ! भदं ते अजियं जिणाहि इंदियाइं
जियं च पालेहि समणधम्मं जियविग्घो वि य वसाहि तं देव ! सिद्धि-
मज्झे निहणाहि रागदोसमले तवेणं धिइधाणियबद्धकच्छे मद्दाहि य अट्ठ-
कम्मसत्तू झाणेणं उत्तमेणं सुक्केणं अप्पमत्तो पावय वितिमिरमणुत्तरं
केवलं नाणं गच्छ य मोक्खं परमं पयं सासयं च अयलं हंता परीसह-
चमूणं अभीओ परीसहोवसग्गाणं धम्मे ते अविग्घं भवउं त्तिकट्ठ पुणो २
मंगलजयसदं पउंजंति । तए णं से मेहे कुमारे रायगिहस्स नगरस्स
मज्झमज्झेणं निगच्छइ २ जेणेव गुणासिलए चेइए तेणेव उवागच्छइ २
पुरिससहस्सवाहिणीओ सीयाओ पच्चोरुहइ ।

(30) तए णं तस्स मेहस्स कुमारस्स अम्मापियरो मेहं कुमारं पुरओ

कट्टु जेणामेव समणे ३ तेणामेव उवागच्छंति २ समणं ३ तिक्खुत्तो आयाहिणपयाहिणं करेंति २ वंदंति नमंसंति २ एवं वयासी - एस णं देवाणुप्पिया ! मेहे कुमारे अम्हं एगे पुत्ते इट्ठे कंते जाव जीवियउसासए हिययनंदिजणए उंबरपुप्फं पिव दुल्लहे सवणयाए किमंग पुण दरिसणयाएम् ? से जहानामए उप्पले इ वा पउमे इ वा कुमुदे इ वा पंके जाए जले संवड्डिए नोवलिप्पइ पंकरएणं नोवलिप्पइ जलरएणं एवामेव मेहे कुमारे कामेसु जाए भोगेसु संवुड्डे नोवलिप्पइ कामरएणं नोवलिप्पइ भोगरएणं । एस णं देवाणुप्पिया ! संसारभउव्विग्गे भीए जम्मणंमरणाणं इच्छइ देवाणुप्पियाणं अंतिए मुंडे भवित्ता अगाराओ अणगारियं पव्वइत्तए । अम्हे णं देवाणुप्पियाणं सिस्सभिक्खं दलयामो । पडिच्छंतु णं देवाणुप्पिया ! सिस्सभिक्खं । तए णं से समणे ३ मेहस्स कुमारस्स अम्मापिऊहिं एवं वुत्ते समाणे एयमट्ठं सम्मं पडिसुणेइ । तए णं से मेहे कुमारे समणस्स ३ अंतियाओ उत्तरपुरत्थिमं दिसीभागं अवक्कमइ सयमेव आभरणमल्लालंकारं ओमुयइ । तए णं तस्स मेहकुमारस्स माया हंसलक्खणेणं पडगसाडएणं आभरणमल्लालंकारं पडिच्छइ २ हारवारिधारसिंदुवारल्लिन्नमुत्तावलिप्पगासाइं अंसूणि विणिम्मुयमाणी रोयमाणी कंदमाणी विलवमाणी २ एवं वयासी - जइयव्वं जाया ! घडियव्वं जाया ! परक्कमियव्वं जाया ! अस्सि च णं अट्ठे नो पमाएयव्वं । अम्हंपि णं एसेर्व मग्गे भवउत्तिकट्टु मेहस्स कुमारस्स अम्मापियरो समणं ३ वंदंति नमंसंति २ जामेव दिसं पाउब्भूया तामेव दिसं पडिगया ।

(31) तए णं से मेहे कुमारे सयमेव पंचमुट्ठियं लोयं करेइ २ जेणामेव समणे ३ तेणामेव उवागच्छइ २ समणं ३ तिक्खुत्तो आयाहिणपयाहिणं करेइ २ वंदइ नमंसइ २ एवं वयासी - आलित्ते णं भंते ! लोए । पलित्ते णं भंते ! लोए । आलित्तपलित्ते णं भंते ! लोए जराए मरणेण य । से जहानामए केइ गाहावई अगारांसि ज्झियायमाणंसि जे तत्थ भंडे भवइ अप्पमारे मोल्लगईए तं गहाय आयाए एगतं अवक्कमइ - एस मे नित्थारिए समाणे पच्छा पुरा लोए हियाए सुहाए खेमाए निस्सेसाए

आणुगामियत्ताए भविस्सइ - एवामेव ममवि एगे आयाभंहे इट्ठे कंते पिए मणुत्ते मणामे । एस मे नित्थारिए समाणे संसारवोच्छेयकरे भविस्सइ । तं इच्छामि णं देवाणुप्पिएहिं सयमेव पव्वावियं सयमेव मुंडावियं सेहावियं सिक्खावियं सयमेव आयारगोयरविणयवेणइयचरणकरणजायामायवत्तियं धम्ममाइक्खियं । तए णं समणे ३ मेहं कुमारे सयमेव पव्वावेइ सयमेव आयार जाव धम्ममाइक्खइ - एवं देवाणुप्पिया ! गंतव्वं चिट्ठियव्वं निसीयव्वं तुयट्ठियव्वं भुंजियव्वं भासियव्वं एवं उट्ठाए उट्ठाय पाणेहिं भूएहिं जीवेहिं सत्तेहिं संजमेणं संजमियव्वं अस्सिं च णं अट्ठे नो पमाएयव्वं । तए णं से मेहे कुमारे समणस्स ३ अंतिए इमं एयारूवं धम्मियं उवएसं सम्मं पडिवज्जंइ तमाणाए तह गच्छइ तह चिट्ठइ जाव उट्ठाए उट्ठाय पाणेहिं भूएहिं जीवेहिं सत्तेहिं संजमइ ।

(32) जं दिवसं च णं मेहे कुमारे मुंडे भवित्ता अगाराओ अणगारियं पव्वइए तस्स णं दिवसस्स पच्चावरण्हकालसमयंसि समणाणं निग्गंथाणं अहाराइणियाए सेज्जासंथारएसु विभज्जमाणेसु मेहकुमारस्स दारमूले सेज्जासंथारए जाए यावि होत्था । तए णं समणा निग्गंथा पुव्वरत्तावरत्तकालसमयंसि वायणाए पुच्छणाए परियट्ठणाए धम्माणुजोगचिंताए य उच्चारस्स य पासवणस्स य अइगच्छमाणा य निग्गच्छमाणा य अप्पेगइया मेहं कुमारं हत्थेहिं संघट्ठेति एवं पाएहिं सीसे^९ पोट्टे^{१०} कायंसि अप्पेगइया ओलंडेति अप्पेगइया पोलंडेति अप्पेगइया पायरयरेणुगुंडियं करेति । एवं महालियं च रयणीं मेहे कुमारे नो संचाएइ खणमवि अच्छी निमीलित्तए । तए णं तस्स मेहस्स कुमारस्स अयमेयारूवे अज्झत्थिए ४ जाव समुप्पजित्था - एवं खलु अहं सेणियस्स रत्तो पुत्ते धारिणीए देवीए अत्तए मेहे जाव समणयाए । तं जया णं अहं अगारमज्जे वसामि तया णं मम समणा निग्गंथा आढायंति परियाणंति सक्कारेति सम्माणेति अट्ठाइं हेऊइं पसिणाइं कारणाइं वागरणाइं आइक्खंति इट्ठाहिं कंताहिं वग्गूहिं आलवेंति संलवेंति । जप्पभिइं च णं अहं मुंडे भवित्ता अगाराओ अणगारियं पव्वइए तप्पभिइं च णं ममं समणा नो आढायंति

जाव नो संलवेंति । अदुत्तरं च णं ममं समणा निगंथा राओ पुव्वरत्ता-
वरत्तकालसमयंसि वायणाए पुच्छणाए जाव महालियं च णं रत्तिं नो
संचाएमि अच्छिं निमिल्लवेत्तए । तं सेयं खलु मज्झं कल्लं जाव जलंते
समणं ३ आपुच्छित्ता पुणरवि अगारमज्झे वसित्तए त्तिकट्ठु एवं संपेहेइ २
अट्टुहट्टवसट्टमाणसगए निरयपडिक्खियं च णं रैयाणि खवेइ २ कल्लं
पाउप्पभायाए सुविमलाए रयणीए जाव जलंते जेणामेव समणे ३ तेणा-
मेव उवागच्छइ २ तिकखुत्तो आयाहिणपयाहिणं करेइ २ वंदइ नमंसइ
जाव पज्जुवासइ ।

(33) तए णं मेहा इ समणे भगवं महावीरे मेहं कुमारं एवं
बयासी - से नूनं तुमं मेहा ! राओ पुव्वरत्तावरत्तकालसमयंसि
समणेहिं निगंथेहि वायणाए पुच्छणाए जाव महालियं च णं राइं
नो संचाएसि मुहुत्तमवि अच्छिं निमिल्लवेत्तए । तए णं तुव्वे मेहा !
इमेयारूवे अज्झत्थिए जाव समुप्पज्जित्था - जया णं अहं अगारमज्झे
वसामि तथा णं मम समणा निगंथा आढायंति । जप्पभिइं च णं मुंढे
भवित्ता अगाराओ अणगारियं पव्वय्यामि तप्पभिइं च णं मम समणा नो
आढायंति जाव नो परियाणंति अदुत्तरं च णं मम समणा निगंथा राओ
अप्पेगइया वायणाए जाव पायरयेणुगंडियं करंति । तं सेयं खलु
मम कल्लं पाउप्पभायाए समणं ३ आपुच्छित्ता पुणरवि अगारमज्झे
आवसित्तए त्तिकट्ठु एवं संपेहेसि २ अट्टुहट्टवसट्टमाणसे जाव रयणीं
खवेसि २ जेणामेव अहं तेणामेव हव्वमागए । से नूनं मेहा ! एस अट्ठे
समट्ठे ? हंता अट्ठे समट्ठे । एवं खलु मेहा ! तुमं इओ तच्चे अईए भव-
ग्गहणे वेयडुगिरिपायमूले वणयरोहिं निर्व्वत्तियनामधेज्जे सेए संख-
उज्जलविमलानिम्मलदहिचणगोखीरफेणरयणियरप्पयासे सत्तुस्सेहे नवायए
दसपरिणाहे सत्तंगपइट्टिए सोमे समिपं सुरूवे पुरओ उदग्गे समूसियसिरे
मुहासणे पिट्ठओ बराहे अइयाकुच्छी अच्छिइकुच्छी अलंबकुच्छी पलंब-
लंबोदराहरकरे धणुपट्ठागइविसिट्ठपुट्ठे अल्लीणपमाणजुत्तवट्ठियपीवरगत्तां-
वरे अल्लीणपमाणजुत्तपुच्छे पडिपुण्णसुचारुकुम्मचलणे पंडुरसुविसुद्धनिद्ध-

निरुवहयविसतिनहे छहंते सुमेरुप्पभे नामं हत्थिराया होत्था । तत्थ णं तुमं
 मेहा ! बहूहिं हत्थीहि य हत्थिणियाहि य लोट्टएहि य लोट्टियाहि य कलभ-
 एहि य कलभियाहि य सद्धिं संपरिवुडे हत्थिसहस्सनायए देसए पागट्ठी
 पट्ठवए जूहवई वंदपरियट्ठए अन्नोसिं च बहूणं एकल्लणं हत्थिकलभाणं
 आहवच्चं जाव विहरसि । तए णं तुमं मेहा ! निष्पमत्ते सद्धं पल्लिए
 कंदप्परई मोहणसीले अवितण्हकामभोगतिसिए बहूहिं हत्थीहि य जाव
 संपरिवुडे वेयड्ढगिरिपायमूले गिरीसु य दरीसु य कुहरेसु य कंदरासु
 य उज्झरेसु य निज्झरेसु य वियरेसु य गहासु य पल्लेसु य चिल्लेसु
 य कडगेसु य कडयपल्लेसु य तडीसुं य वियडीसुं य टंकेसु य कूडेसु
 य सिहरेसु य पच्चारेसु य मंचेसु य मालेसु य काणणेसु य वणेसु य
 वणसंडेसु य वणराईसु य नदीसु य नदीकच्छेसु य जूहेसु य संगमेसु
 य वावीसु य पोक्खरिणीसु य दीहियासु य गुंजालियासु य सरेसु य
 सरपंतियासु य सरसरपंतियासु य वणयरेहिं दिन्नवियारे बहूहिं हत्थीहि य
 जाव सद्धिं संपरिवुडे बहुविहतरुपल्लवपउरपाणियतणे निवभए निरुव्विग्गे
 सुहंसुहेणं विहरसि । तए णं तुमं मेहा ! अन्नया कयाइ पाउसव्वरिसा-
 रत्तसरयहेमंतवसंतेसु कमेण पंचसु उऊसु समइक्कंतेसु गिम्हकालसमयंसि
 जेट्ठामूलमासे पायवधंससमुट्ठिएणं सुक्कतणपत्तकयवरमारुयसंजोगदीविणं
 महाभयंकरेणं हुयवहेणं वणदवजालासंपलित्तेसु वणंतेसु धूमाउलासु
 दिसासु महावायवगेणं संघट्टिएसु छिन्नजालेसु आवयमाणेसु पोल्ल-
 रुक्खेसु अंतो २ श्लियायमाणेसु मयंकुहियविणट्ठकिमियकंदमनईवियरग-
 ज्झीणपाणीयंतेसु वणंतेसु भिंगारकदीणकंदियरवेसु खरफरुसअणिट्ठ-
 रिट्ठवाहित्तैविहुमग्गेसु दुमेसु तण्हावसमुक्कपक्खपयडियजिब्भतालुय-
 असंपुडियतुंडपक्खसंघेसु ससंतेसु गिम्हउण्हवायखरफरुसचंडमारुयसुक्क-
 तणपत्तकयवरवाउल्लभमंतदिन्नसंभंतसावयाउल्लमिगतण्हावद्वचिंधपट्टेसु
 गिरिवरेसु संबट्टेसु तत्थ भियपसयसरीतिवेसु अवदालियवयणविवर-
 निल्लालियगजीहे महंततुंबइयपुण्णकण्णे संकुचियथोरपीवरकरे ऊसिय-
 नंगले पीणाइयविरसरडियसदेणं फोडयंतेव अंबरतलं पायदहरणं कंपयंते-

व मेइणितलं विणिम्मुयमाणे य सीयारं सव्वओ समंता वल्लिवियाणाइं
 छिंदमाणे रुक्खसहस्साइं तत्थ सुवहूणि नोळ्ळियते विणट्ठरेट्ठेव्वं नरवरिंदे
 वायाइत्थेव्व पोए मंडलवाएव्व परिब्भमंते अभिक्खणं २ लिंडनियरं
 पमुंचमाणे २ बहूहिं हत्थीहिं य जाव सद्धिं दिसोदिसिं विप्पलाइत्था ।
 तत्थ णं तुमं मेहा ! जुण्णे जराजज्जरियदेहे आउरे झंझिणं पिवासिए
 दुब्बले किलंते नट्टसुइए मूढदिसाए सयाओ जूहाओ विप्पहूणे वणदव-
 जालापारद्धे उण्हेण य तण्हाए य छुहाए य परव्भाहए समाणे भीए तत्थे
 तसिए उव्विग्गे संजायभए सव्वओ समंता आधावमाणे परिधावमाणे
 एगं चं णं महं सरं अप्पोययं पंकवहुलं अतित्थिणं पाणियपाए ओइण्णे ।
 तत्थ णं तुमं मेहा ! तीरमइगए पाणियं असंपत्ते अंतरा चेव सेयंसि
 बिसण्णे । तत्थ णं तुमं मेहा ! पाणियं पाइस्सामि त्तिकट्ठु हत्थं पसारोसि ।
 से वि य ते हत्थे उदगं न पावई । तए णं तुमं मेहा ! पुणरवि कायं
 पच्चुद्धरिस्सामि त्तिकट्ठु बलियतरायं पंकंसि खुत्ते । तए णं तुमं मेहा !
 अन्नया कयाइ एगे चिरनिज्जूट्टए गयवरजुवाणए सगाओ जूहाओ कर-
 चरणदंतमुसलप्पहारेहिं विप्परद्धे समाणे तं चेव महहहं पाणीयपाए
 समोयरइ । तए णं से कलभए तुमं पासइ २ तं पुव्ववेरं सैमरइ २
 आसुरुत्ते रुट्ठे कुविए चंडिकिए मिसिमिसेमाणे जेणेव तुमं तेणेव उवा-
 गच्छइ २ तुमं तिक्खेहिं दंतमुसलेहिं तिक्खुत्तो पिट्ठओ उच्छुभइ २
 पुव्ववेरं निज्जाएइ २ हट्ठतुट्ठे पाणीयं पियइ २ जामेव दिसं पाउब्भूए
 तामेव दिसं पडिगए । तए णं तव मेहा ! सरीरगंसि वेयणा पाउब्भ-
 बित्था उज्जल्ला विउल्ला कक्खडा दुरहियासा पित्तज्जरपरिगय-
 सरीरे दाहवक्कंतीए यावि विहरित्थी । तए णं तुमं मेहा ! तं उज्जलं
 जाव दुरहियासं सत्तराइंदियं वेयणं वेदेसि सैवीसं वाससयं परमाउं
 पालइत्ता अट्ठवसट्ठुहट्ठे कालमासे कालं किच्चा इहेव जंबुदीवे २ भारहे
 वासे दाहिणड्ढुंभरहे गंगाए महानईए दाहिणे कूले विंशगिरिपायमूले
 एगेणं मत्तवरगंधहत्थिणा एगाए मय्यवरकरेणूए कुच्छिसि गयकल्लभए
 जणिए । तए णं सा गयकल्लभिया नवण्हं भासाणं वसंतमासंसि तुमं

पयाया । तए णं तुमं मेहा ! गम्भवासाओ विप्पमुळे समाणे गयकलभए
 यावि होत्था रत्तुप्पलरत्तसूमाए जासुमैणारत्तपारिजत्तयलक्खारससरस-
 कुंकुमसंज्ञभरागवण्णे इट्ठे नियगस्स जूहवइणो गणियारकणेहैकोत्थहत्थी
 अणेगहत्थिसयसंपरिवुडे रम्मेसु गिरिकाणणेषु सुहंसुहेणं विहरसि । तए
 णं तुमं मेहा उम्मुक्कवालभावे जोव्वणगमणुप्पत्ते जूहवइणा कालधम्मणा
 संजुत्तेणं तं जूहं सयमेव पडिवज्जसि । तए णं तुमं मेहा ! वणयरोहिं निव्व-
 त्तियनामधेज्जे जाव चउइंते मेरुप्पभे हत्थिरयणे होत्था । तत्थ णं तुमं
 मेहा ! सत्तंगपइट्ठिए तहेव जाव पडिरुवे । तत्थ णं तुमं मेहा ! सत्तसइयस्स
 जूहस्स आहेवच्च जाव अभिरमेत्था । तए णं तुमं अन्नया कयाइ गिम्हकाल-
 समयंसि जेठामूले वणदवजालापलित्तिसु वणंतेसु धूमाउलासु दिसासु जाव
 मंडलवाएव्व परिव्वभंते भीए तत्थे जाव संजायभए बहूहिं हत्थीहिं य जाव
 कलभियाहिं य सद्धिं संपरिवुडे सव्वओ समंता दिसोदिसिं विप्पलाइत्था ।
 तए णं तव मेहा ! तं वणदवं पासित्ता अयमेयारूवे अज्झत्थिए जाव समु-
 प्पज्जित्था — कहिं णं मन्ने मए अयमेयारूवे अगिगसंभवे अणुभूयपुव्वे ?
 तए णं तव मेहा ! लेस्साहिं विमुज्झमाणीहिं अज्झवसाणेणं सोहणेणं
 सुभेणं परिणामेणं तयावरणिज्जाणं कम्माणं खओवसमेणं ईहापोहमगण-
 गवेसणं करेमाणस्स सन्निपुव्वे जाईसरणे समुप्पज्जित्था । तए णं तुमं
 मेहा ! एयमट्ठं सम्मं अभिसमेसि — एवं खलु मया अईए दोच्चे भवग्गहणे
 इहेव जंबुदीवे २ भारहे वासे वेयड्ढगिरिपायमूले जाव तत्थ णं महया अय-
 मेयारूवे अगिगसंभवे समणुभूए । तए णं तुमं मेहा ! तस्सेव दिवसस्स
 पच्चावरण्हकालसमयंसि नियएणं जूहेणं सद्धिं समन्नागए यावि होत्था ।
 तए णं तुमं मेहा ! सत्तुस्सेहे जाव सन्निजाईसरणे चउइंते मेरुप्पभे नामं
 हत्थी होत्था । तए णं तुज्झं मेहा अयमेयारूवे अज्झत्थिए जाव समुप्प-
 ज्जित्था — सेयं खलु मम इयाणिं गंगाए महानईए दाहिणिछंसि कूलंसि
 बिंझगिरिपायमूले दव्वगिगसंजायकारणट्ठा सएणं जूहेणं महइमहालयं मंडलं
घाइत्तए त्तिकट्ठु एवं संपेहेसि २ सुहंसुहेणं विहरसि । तए णं तुमं मेहा !
 अन्नया कयाइ पढमपाउसंसि महावुट्ठिकायंसि सन्निवइयंसि गंगाए महा-

नईए अदूरसामंते बहूहिं हत्थीहिं जाव कलभियाहि य सत्तहि य हत्थि-
 सएहिं संपरिवुडे एगं महं जोयणपरिमंडलं महइमंडलं घाएसि जं तत्थ
 तणं वा पत्तं वा कट्ठं वा कंटए वा लया वा वल्ली वा स्त्राणुं वा रुक्खे वा
 खुवं वा तं सव्वं तिक्खुत्तो आहुणिय २ पाएणं उद्धरोसि हत्थेणं
गेण्हसि एगंते एडेसि । तए णं तुमं मेहा ! तस्सेव मंडलस्स अदूरसामंते
 गंगाए गहानईए दाहिणिह्ले कूले विंझगिरिपायमूले गिरीसु य जाव विह-
 रसि । तए णं तुमं मेहा ! अन्नया कयाइ मज्झिमए वरिसारत्तंसि महावुट्ठि-
 कायंसि सन्निवइयंसि जेणेव से मंडले तेणेव उवागच्छसि २ दोच्चंपि मंडलं
 घाएसि २ एवं चरिमवासारत्तंसि महावुट्ठिकायंसि सन्निवयमाणंसि
 जेणेव से मंडले तेणेव उवागच्छसि २ तच्चंपि मंडलघायं करोसि जं तत्थ
 तणं वा जाव सुहंसुहेणं विहरसि । अह मेहा ! तुमं गइंदभावम्मि
 वट्टमाणे कमेणं नल्लिणिवणविहवणंगरे हेमंते कुंदलोद्धउद्धुयतुसारपउरम्मि
 अइक्कंते अहिणवगिम्हसमयंसि पत्ते वियट्टमाणे वणेसु वणकरेणु-
 विविहदिन्नकयपसवंधाओ तुमं उउयकुसुमंचामरकण्णपूरपरिमंडियाभि-
 रामो मयवसविगसंतकडतडकिलिन्नगंधमदवारिणा सुरभिजणियगंधो
 करेणुपरिवारिओ उउसमंतजणियसोहो काले दिणयरकरपयंडे परिसोसिय-
 तरुवरसिरिहूरभीमतरदंसणिज्जे भिंगाररवंतभेरवरवे नाणाविहपत्तकट्टतण-
 कयवरुद्धुयपइमारुयाइद्धनइयलदुमगणे वाउलिदारुणतरे तण्हावसदोस-
 दूसियभमंतविबिहसावयसमाउले भीमदरिसणिज्जे वट्टंते दारुणंमि गिम्हे
 मारुयवसपसरपसरियविचंमिएणं अब्भहियभीमभेरवरवप्पगारेणं महुधारा-
 पडियसित्तउद्धायमाणधगधर्गेतसइद्धएणं दित्तरसफुलिगेणं धूममालाउल्लेणं
 सावयसयंतकरणेणं वणदवेणं जालालोवियनिरुद्धधूमंधकारभीओ आयब्बा-
 लोचमहंततुंबइयपुण्णकण्णो आकुंचियथोरपीवरकरो भयवसभयंतदित्तन-
 यणो वेगेणं महामेहोव्व वायणोल्लियमहल्लरुवो जेण कओ तेण पुरा दवगिग-
 भयभीयहियएणं अवगयतणप्पएसरुक्खो रुक्खोहेसो दवगिगसंताणकारण-
 द्वा जेणेव मंडले तेणेव पहारेत्थ गमणाए । एक्को ताव एस गमो । तए णं
 तुमं मेहा ! अन्नया कयाइ कमेण पंचसु उउसु समइक्कंतेसु गिम्हकालसम-

यंसि जेहामूले मासे पायवसंघंससमुट्टिएणं जाव संवट्टिएसु भियपसुपांखि-
 सरीसिवेसु दिसोदिसिं विप्पलायमाणेसु तेहिं बहूहिं हत्थीहि य सद्धिं जेणेव
 से मंडले तेणेव पहारेत्थ गमणाए। तत्थ णं अन्ने बहवे सीहा य वग्घा य
 विगा य दीविया अच्छा तरच्छा पारासरा सियाला विराला सुणह्म कोला
 ससा कोकंतिया चिन्ता चिल्ला पुव्वपविट्ठा अग्गिभयभिद्धुया एगयओ बि-
 लधम्मणेणं चिट्ठंति। तए णं तुमं मेहा ! जेणेव से मंडले तेणेव उवागच्छसि
 २ तेहिं बहूहिं सीहेहिं जाव चिल्लेहि य एगयओ बिलधम्मणेणं चिट्ठसि।
 तए णं तुमं मेहा ! पाएणं गत्तं कंडुइस्सामीतिकट्टु पाए उक्खित्ते।
 तंसि च णं अंतरंसि अन्नेहिं बलवंतेहिं सत्तेहिं पूणोल्लिज्जमाणे २ ससए
 अणुप्पविट्ठे। तए णं तुमं मेहा ! गायं कंडुइत्ता पुणरवि पायं पडिनिक्खे-
 विस्सामि त्तिकट्टु तं ससयं अणुपविट्ठं पाससि २ पाणाणुकंपयाए
 भूयाणुकंपयाए जीवाणुकंपयाए सत्ताणुकंपयाए से पाए अंतरा चेव
 संघारिए नो चेव णं निखित्ते। तए णं तुमं मेहा ! ताए पाणाणुकंपयाए
 जाव सत्ताणुकंपयाए संसारे परित्तीकए माणुस्साउए निबद्धे। तए णं से
 वणदवे अट्ठाइज्जाइं राइंदियाइं तं वणं झामेइ २ निट्टिए उवरए उवसंते
 विज्झाए यावि होत्था। तए णं ते बहवे सीहा य जाव चिल्ला य तं वण-
 दवं निट्टियं जाव विज्झायं पासंति २ अग्गिभयविप्पमुक्का तण्हाए य
 लुहाए य परब्भाहया समाणा मंडलाओ पडिनिक्खमंति २ सव्वओ समंता
 विप्पसरित्था। तए णं ते बहवे हत्थी जाव लुहाए य परब्भाहया समाणा
 तओ मंडलाओ पडिनिक्खमंति २ दिसोदिसिं विप्पसरित्था। तए णं
 तुमं मेहा ! जुण्णे जराजज्जरियदेहे सिढिलवलितयापिणिद्धगत्ते दुब्बले
 किलंते जुंजिए पिवसिए अत्थामे अबले अपरक्कम्मे" ठाणुकंडे वेगेण
 विप्पसरिस्सामि त्तिकट्टु पाए पसारेमाणे विज्जुहए विव रेवयगिरिपब्भारे
 धरणितलंसि सव्वंगोहिं सन्निवइए। तए णं तव मेहा ! सरीरगंसि वेयणा
 पाउब्भूया उज्जला जाव दाहवक्कंतिए यावि विहरसि। तए णं तुमं मेहा !
 तं उज्जलं जाव दुरहियासं तिन्नि राइंदियाइं वेयणं वेएमाणे विहरित्ता
 एगं वाससयं परमाउं पालइत्ता इहेव जंबुदीवे २ भारे वासे रायगिहे

नयरे सोणियस्स रत्तो धारिणीए देवीए कुच्छिसि कुमारत्ताए पच्चायाए ।

(34) तए णं तुमं मेहा ! आणुपुण्वेणं गब्भवासाओ निक्खंते समाणे उम्मुक्कबालभावे जोव्वणगमणुप्पत्ते मम अंतिए मुंडे भवित्ता अगाराओ अणगारियं पव्वइए । तं जइ ताव तुमे मेहा ! तिरिक्खजोणियभावमुवगएणं अपडिलद्धसंमत्तरयणलंभेणं से पाए पाणाणुकंपयाए जाव अंतरा चेव संधारिए नो चेव णं निक्खत्ते किमंग पुण तुमं मेहा ! इयाणिं विपुलकुलसमुब्भवेणं निरुवहयसरीरपत्तलद्धपंचिंदिएणं एवं उट्ठाणबलवीरियपुरिसगारपरक्कमसंजुत्तेणं मम अंतिए मुंडे भवित्ता अगाराओ अणगारियं पव्वइए समाणे समणाणं निग्गंथाणं राओ पुव्वरत्तावरत्तकालसमयांसि वायणाए जाव धम्माणुओगचिंताए य उच्चारस्स वा पासवणस्स वा अइगच्छमाणाण य निग्गच्छमाणाण य हत्थसंघट्टणाणि य जाव रयरेणुगुंडणाणि य नो सम्मं सहसि खमसि तितिक्खसि अहियासेसि ? तए णं तस्स मेहस्स अणगारस्स समणस्स ३ अंतिए एयमट्ठं सोच्चा निसम्म सुभेहिं परिणामेहिं पसत्थेहिं अज्झवसाणेहिं लेसाहिं विसुज्झमाणीहिं तयावरणिज्जाणं कम्माणं खओवसमेणं ईहापोहमग्गणगेवसणं करेमाणस्स सन्निपुण्वे जाईसरणे समुप्पन्ने एयमट्ठं सम्मं अभिसमेइ । तए णं से मेहे कुमारे समणेणं ३ संभारियपुव्वजाईसरणे दुगुणाणीयसंवेगे आणंदयंसुपुण्णमुहे हरिसवसधाराहयकयंबकं पिव समूससियरोमकूबे समणं ३ वंदइ नमंसइ २ एवं वयासी — अज्जप्पभिई णं भंते ! मम दो अच्छीणि मोत्तूणं अवसेसे काए समणाणं निग्गंथाणं निसट्ठे त्तिक्कट्ट पुणरवि समणं ३ वंदइ नमंसइ २ एवं वयासी — इच्छामि णं भंते ! इयाणिं दोच्चंपि सयमेव पव्वावियं सयमेव मुंडावियं जाव सयमेव आया-रगोयरं जायामायावत्तिथं धम्ममाईक्खंतु । तए णं समणे ३ मेहं कुमारं सयमेव पव्वावेइ जाव जायामायावत्तिथं धम्ममाइक्खइ — एवं देवाणुप्पिया ! गंतव्वं एवं चिट्ठियव्वं एवं भुजियव्वं एवं भासियव्वं उट्ठाय २ पाणाणं भूयाणं जीवाणं सत्ताणं संजमेणं संजमियव्वं । तए णं से मेहे समणस्स ३ अयमेयारूढं धम्मिबं उवएसं सम्मं पडिबिजइ ३ सह

गच्छइ जाव संजमइ । तए णं से मेहे अणगारे जाए इरियासमिए अणगारवणओ भाणियव्वो । तए णं से मेहे अणगारे समणस्स ३ अंतिए तहारूवाणं थेराणं सामाइयमाइयाणि एक्कारस अंगाइं अहिज्जइ २ बहुहिं छट्ठमदसमदुवालसेहिं मासद्वमासखमणेहिं अप्पाणं भावेमाणे विहरइ । तए णं समणे ३ रायगिहाओ नयराओ गुणसिलयाओ चेइयाओ पडि-
निक्खमइ २ बहिया जणवयविहारं विहरइ ।

(35) तए णं से मेहे अणगारे अन्नया कयाइ समणं ३ वंदइ नमंसइ २ एवं वयासी — इच्छामि णं भंते ! तुब्भेहिं अब्भणुन्नाए समाणे मासियं भिक्खुपडिमं उवसंपज्जित्ताणं विहरित्तए । अहासुहं देवाणु-
प्पिया ! मा पडिबंधं । तए णं से मेहे अणगारे समणेणं ३ अब्भणुन्नाए समाणे मासियं भिक्खुपडिमं उवसंपज्जित्ताणं विहरइ । मासियं भिक्खु-
पडिमं अहासुत्तं अहाकप्पं अहामग्गं सम्मं काएणं फासेइ पालेइ सोभेइ तीरेइ किट्ठेइ सम्मं काएणं फासेत्ता पालित्ता सोभित्ता तीरेत्ता किट्ठत्ता पुणरवि समणं ३ वंदइ नमंसइ २ एवं वयासी — इच्छामि णं भंते ! तुब्भेहिं अब्भणुन्नाए समाणे दोमासियं भिक्खुपडिमं उवसंपज्जित्ताणं विहरित्तए । अहासुहं देवाणुप्पिया ! मा पडिबंधं । जहा पढमाए अभिलावो तहा दोच्चाए तच्चाए चउत्थाए पंचमाए छम्मासियाए सत्तमासियाए पढमसत्तरायंदियाए दोच्चं सत्तरायंदियाए तईयं सत्तरा-
यंदियाए अहोरायंदियाए वि एगराइंदियाए वि । तए णं से मेहे अण-
गारे बारस भिक्खुपडिमाओ सम्मं काएणं फासेत्ता पालेत्ता सोभेत्ता तीरेत्ता किट्ठित्ता पुणरवि वंदइ नमंसइ २ एवं वयासी — इच्छामि णं भंते ! तुब्भेहिं अब्भणुन्नाए समाणे गुणरयणसंवच्छरं तवोकम्मं उव-
संपज्जित्ताणं विहरित्तए । अहासुहं देवाणुप्पिया ! मा पडिबंधं । तए णं से मेहे अणगारे पढमं मासं चउत्थंचउत्थेणं अणिक्खत्तेणं तवोकम्मेणं दिया ठाणुक्कुडुए सूराभिमुहे आयावणभूमीए आयावेमाणे रत्तिं वीरा-
सणेणं अवाउडेणं । दोच्चं मासं छट्ठंछट्ठेणं अणिक्खत्तेणं तवोकम्मेणं दिया ठाणुक्कुडुए सूराभिमुहे आयावणभूमीए आयावेमाणे रत्तिं वीरासणेणं

अवाउडेणं । तच्च मासं अट्ठमंअट्ठमेणं अणिक्खित्तेणं तवोकम्मेणं दिया
 ठाणुक्कुडुए सूराम्भिमुहे आयावणभूमीए आयावेमाणे रत्तिं वीरासणेणं
 अवाउडेणं । चउत्थं मासं दसमंदसमेणं अणिक्खित्तेणं तवोकम्मेणं दिया
 ठाणुक्कुडुए सूराम्भिमुहे आयावणभूमीए आयावेमाणे रत्तिं वीरासणेणं
 अवाउडेणं । पंचमं मासं दुवालसमंदुवालसमेणं अणिक्खित्तेणं तवो-
 कम्मेणं दिया ठाणुक्कुडुए सूराम्भिमुहे आयावणभूमीए आयावेमाणे रत्तिं
 वीरासणेणं अवाउडेणं । एवं खलु एणं अभिलावेणं छट्ठे चोइसमं २
 सत्तमे सोलसमं २ अट्ठमे अट्ठारसमं २ नवमे वीसइमं २ दसमे
 बावीसइमं २ एक्कारसमे चउव्वीसइमं २ बारसमे छव्वीसइमं २ तेर-
 समे अट्ठावीसइमं २ चोइसमे तीसइमं २ पन्नरसमे बत्तीसइमं २
 सोलसमे चउत्तीसइमं २ अणिक्खित्तेणं तवोकम्मेणं दिया ठाणुक्कुडुए
 सूराम्भिमुहे आयावणभूमीए आयावेमाणे रत्तिं वीरासणेणं य अवाउडएण
 य । तए णं से मेहे अणगारे गुणरयणसंवच्छरं तवोकम्मं अहासुत्तं जाव
 सम्मं काएणं फासेइ पालेइ साभेइ तीरेइ किट्ठेइ अहासुत्तं अहाकप्पं जाव
 किट्ठेत्ता समणं ३ वंदइ नमंसइ २ बहूहिं छट्ठमदसमदुवालसेहिं
 मासद्धमासखमणेहिं विचित्तेहिं तवोकम्मेहिं अप्पाणं भावेमाणे विहरइ ।

(36) तए णं से मेहे अणगारे तेणं उरालेणं विपुलेणं सस्सिरीएणं
 पयत्तेणं पग्गहिएणं कल्लाणेणं सिवेणं धन्नेणं मंगलेणं उदग्गेणं उदारएणं
 उत्तमेणं महाणुभावेणं तवोकम्मेणं सुक्के लुक्खे निम्मंसे किडिकिडियाभूए
 अट्ठिचम्मावणद्धे किसे धमणिसंतए जाए यावि होत्था जीवंचीवेणं
 गच्छइ जीवंचीवेणं चिट्ठइ भासं भासित्ता गिलाइ भासं भासमाणे
 गिलाइ भासं भासिस्सामि त्ति गिलाइ । से जहानामए इंगालसगडिया इ वा
 कट्टसगडिया इ वा पत्तसगडिया इ वा तिल्लसगडिया इ वा एरंडकट्टसगडि-
 या इ वा उण्हे दिन्ना सुक्का समाणी ससइं गच्छइ ससइं चिट्ठइ एवामेव
 मेहे अणगारे ससइं गच्छइ ससइं चिट्ठइ उवचिए तवेणं अवचिए
 मंससोणिएणं हुयासणे इव भासरीसिपरिच्छन्ने तवेणं तेएणं तवतेयसिरीए
 अईव २ उवसोभमाणे २ चिट्ठइ । तेणं कालेणं २ समणे ३ महावीरे

आइगरे तित्थगरे जाव पुव्वानुपुब्बि चरमाणे गामाणुगामं दूइज्जमाणे सुहंसुहेणं विहरमाणे जेणामेव रायगिहे नयरे जेणामेव गुणसिलए चेइए तेणामेव उवागच्छइ २ अहापडिरूवं उगहं ओगिण्हित्ता संजमेणं तवसा अप्पाणं भावेमाणे विहरइ । तए णं तस्स मेहस्स अणगारस्स राओ पुव्वरत्तावरत्तकालसमयांसि धम्मजागरियं जागरमाणस्स अयमेयारूवे अज्झत्थिए जाव समुप्पज्जित्था - एवं खलु अहं इमेणं उरालेणं तहेव जाव भासं भासिस्सामि त्ति गिलामि । तं अत्थि ता मे उट्ठाणे कम्मे बले वीरिए पुरिसक्कारपरक्कमे सद्धा धिइ संवेगे तं जाव ता मे अत्थि उट्ठाणे कम्मे बले वीरिए पुरिसक्कारपरक्कमे सद्धा धिइ संवेगे जाव य मे धम्मायरिए धम्मोवएसए समणे ३ जिणे सुहत्थी विहरइ ताव मे सेयं कल्लं पाउप्प-भायाए रयणीए जाव जलंते समणं ३ वंदित्ता नमंसित्ता समणेणं ३ अब्भणुन्नायस्स समाणस्स सयमेव पंच महव्वयाइं आरोहित्ता गोयमाइए समणे निगंगंथे निगंगंथीओ य खामेत्ता तहारूवेहिं कड्डाईहिं थेरोहिं सद्धिं विउलं पव्वयं सणियं २ दुरुहित्ता सयमेव मेहघणसन्निगासं पुढविसिला-पट्टयं पडिलेहित्ता संलेह्णान्नसणाङ्गसियस्स भत्तापाणपडियाइक्खियस्स पाओवगयस्स कालं अणवकंखमाणस्स विहरित्ताए । एवं संपेहेइ २ कल्लं जाव जलंते जेणेव समणे ३ तेणेव उवागच्छइ २ समणं ३ तिक्खुत्तो आयाहिणपयाहिणं करेइ वंदइ नमंसइ २ नच्चासन्ने नाइदूरे सुस्सूस-माणे नमंसमाणे अभिमुहे विणएणं पंजलिउडे पज्जुवासइ । मेहा इ समणे ३ मेहं अणगारं एवं वयासी - से नूणं तव मेहा ! राओ पुव्वरत्तावरत्त-कालसमयांसि धम्मजागरियं जागरमाणस्स अयमेयारूवे अज्झत्थिए जाव समुप्पज्जित्था - एवं खलु अहं इमेणं उरालेणं जाव जेणेव ईहं तेणेव हव्वमागए । से नूणं मेहा ! अट्ठे समट्ठे ? हंता अत्थि । अहासुहं देवानु-प्पिया ! मा पडिबंधं । तए णं से मेहे अणगारे समणेणं ३ अब्भणुन्नाए समाणे हट्ठ जाव हियए उट्ठाए उट्ठेइ २ समणं ३ तिक्खुत्तो आयाहिण-पयाहिणं करेइ वंदइ नमंसइ २ सयमेव पंच महव्वयाइं आरोहेइ २ गोयमाइ समणे निगंगंथे निगंगंथीओ य खामेइ २ तहारूवेहिं कड्डाईहिं

थेरेहिं सद्धिं विपुलं पव्वयं सणियं २ दुरूहइ सयमेव मेहघणसन्निगासं
 पुढविसिलापट्टयं पडिलेहेइ २ उच्चारपासवणभूमिं पडिलेहेइ २ दब्भसंथा-
 रगं संथरइ २ दब्भसथारगं दुरूहइ २ पुरत्थाभिमुहे संपलियं कनिसण्णे
 करयलपरिग्गहियं सिरसावत्तं मत्थए अंजलिं कट्टु एवं वयासी — नमोत्थु
 णं अरहंताणं जाव संपत्ताणं । नमोत्थु णं समणस्स जाव संपाविउकामस्स
 मम धम्मायरियस्स । वंदांमि णं भगवंतं तत्थगयं इहगए पासउ मे भगवं
 तत्थगए इहगयं तिकट्टु वंदइ नमंसइ २ एवं वयासी — पुण्वि पि णं
 मए समणस्स ३ अंतिए सव्वे पाणाइवाए पच्चक्खाए मुसावाए अदिन्ना-
 दाणे मेहुणे परिग्गहे कोहे माणे माया लोहे पेज्जे दोसे कलहे अब्भ-
 क्खाणे पेसुन्ने परपरिवाए अरइरइ मायामोसे मिच्छादंसणसल्ले पच्चक्खाए ।
 इयाणिं पि जं अहं तस्सेव अंतिए सव्वं पाणाइवायं पच्चक्खामि सव्वं
 असणपाणखाइमसाइमं चउव्विहंपि आहारं पच्चक्खामि जावज्जीवाए ।
 जंपि य इमं सरिरं इट्ठं कंतं पियं जाव विविहा रोगायंका परीसहोवसग्गा
 फुसंतीतिकट्टु एयं पि य णं चरमेहिं ऊसासनीसासेहिं वोसिरामि त्तिकट्टु
 संलेहणाञ्जुसणाञ्जुसिए भत्तपाणपडियाइक्खिए पाओवगए कालं अणव-
 कंखमाणे विहरइ । तए णं थेरा भगवंतो मेहस्स अणगारस्स अगिलाए वेया-
 वडियं करेति । तए णं से मेहे अणगारे समणस्स ३ तहारूवाणं थेराणं
 अंतिए सामाइयमाइयाइं एक्कारस्स अंगाइं अहिज्जित्ता बहुपडिपुण्णाइं दुवा-
 लसवरिसाइं सामण्णपरियागं पाउणित्ता मासियाए संलेहणाए अप्पाणं
 शोसेत्ता सट्ठिं भत्ताइं अणसणाए छेएत्ता आलोइयपइडिक्कंते उद्धियसल्ले
 समाहिपत्ते आणुपुव्वेणं कालगए । तए णं थेरा भगवंतो मेहं अणगारं
 आणुपुव्वेणं कालगयं पासंति २ परिनिव्वाणवत्तियं काउस्सगं करेति २
 मेहस्स आयारभंडगं गेण्हंति विउलाओ पव्वयाओ सणियं २ पच्चो-
 रुहंति २ जेणामेव गुणसिलए चेइए जेणामेव समणे ३ तेणामेव उवा-
 गच्छंति २ समणं ३ वंदंति नमंसंति २ एवं वयासी — एवं खलु देवाणु-
 प्पियाणं अंतेवासी मेहे नामं अणगारे पगइभइए जाव विणीए । से णं
 देवाणुप्पिएहिं अब्भणुन्नाए समाणे गोयमाइए समणे निग्गंथे २ खामेत्ता

अम्हेहिं सद्धिं विपुलं पव्वयं सणियं २ दुरूहइ २ सयमेव मेघघणसन्नि-
गासं पुढविसिलं पडिलेहेइ २ भत्तपाणपडियाइक्खिए अणुपुव्वेणं कालगए ।
एसं णं देवाणुप्पिया ! मेहस्स अणगारस्स आयारभंडए ।

(37) भंते ! त्ति भगवं गोयमे समणं ३ वंदइ नमंसइ २ एवं
वयासी — एवं खलु देवाणुप्पियाणं अंतेवासी मेहे नामं अणगारे । से णं
भंते ! मेहे अणगारे कालमासे कालं किच्चा कहिं गए कहिं उववन्ने ? गोयमा
इ समणे ३ भगवं गोयमं एवं वयासी — एवं खलु गोयमा ! मम अंतेवासी
मेहे नामं अणगारे पगइभइए जाव विणीए । से णं तहारूवाणं थेराणं
अंतिए सामाइयमाइयाइं एक्कारस अंगाइं अहिज्जइ बारस भिक्खुपडि-
माओ गुणरयणसंवच्छरं तवोकम्मं काएणं फासेत्ता जाव किट्ठेत्ता मए
अब्भणुन्नाए समाणे गोयमाइ थेरे खामेइ तहारूव्वेहिं जाव विपुलं पव्वयं
दुरूहइ दब्भसंथारगं संथरइ २ दब्भसंथारोवगए सयमेव पंचमहव्वए
उच्चारेइ बारस बासाइं सामण्णपरियागं पाउणित्ता मासियाए संलेहणाए
अप्पाणं झूसित्ता सद्धिं भत्ताइं अणसणाए छेदेत्ता आलोइयपडिक्कंते
उद्धियसल्ले समाहिपत्ते कालमासे कालं किच्चा उद्धं चंदिमसूरगहगण-
नक्खत्तताराखूवाणं बहूइं जोयणाइं बहूइं जोयणसयाइं बहूइं जोयण-
सहस्साइं बहूइं जोयणसयसहस्साइं बहूइं जोयणकोडीओ बहूइं जोयण-
कोडाकोडीओ उद्धं दूरं उप्पइत्ता सोहम्मीसाणसणंकुमारमाहिंदवंभलंतगमहा-
सुक्कसहस्साराणयपाणंयारणच्चुए तिण्णि य अट्टारसुत्तरे गेवेज्जविमाण-
वाससए बीइवइत्ता विजए मँहाविमाणे देवत्ताए उववन्ने । तत्थ णं अत्थे-
गइयाणं देवाणं तेत्तीसं सागरोवमाइं ठिई पन्नत्ता । तत्थ णं मेहस्स वि
देवस्स तेत्तीसं सागरोवमाइं ठिई पन्नत्ता । एसं णं भंते ! मेहे देवे ताओ
देवलोयाओ आउक्खएणं ठिइक्खएणं भवक्खएणं अणंतंरं चयं चइत्ता
कहिं गच्छिहिइ कहिं उववज्जिहिइ ? गोयमा ! महाविदेहे वासे सिज्झिहिइ
बुज्झिहिइ मुच्चिहिइ परिनिव्वाहिइ सव्वदुक्खाणमंतं काहिइ ।

एवं खलु जंबू ! समणेणं जाव संपत्तेणं अप्पोपाळंभनिमित्तं
पढमस्स नायज्झयणस्स अयमट्ठे पन्नत्ते त्तिबेमि ।

॥ पढमं अज्झयणं समत्तं ॥

॥ बीयं अज्झयणं ॥

(38) जइ णं भंते ! समणेणं जाव संपत्तेणं पढमस्स नायज्झयणस्स अयमट्ठे पन्नत्ते विईयस्स णं भंते ! नायज्झयणस्स के अट्ठे पन्नत्ते ? एवं खलु जंबू ! तेषं कालेणं २ रायगिहे^१नामं नयरे होत्था वण्णओ । तत्थं णं रायगिहस्स नयरस्स बहिया उत्तरपुरत्थिमे दिसीभाए गुणसिलए नामं चेइए होत्था वण्णओ । तस्स णं गुणसिलयस्स चेइयस्स अदूरसामंते एत्थ णं महं एगं जिणुज्जाणे यावि होत्था विणट्ठेदेवउले पैरिसडियतोरणघरे नाणाविहगुच्छगुम्मलयावल्लिवच्छच्छाइए अणेगवालसयसंकणिज्जे यावि होत्था । तस्स णं जिणुज्जाणस्स बहुमज्झदेसभाए एत्थ णं महं एगे भग्गकूवए यावि होत्था । तस्स णं भग्गकूवस्स अदूरसामंते एत्थ णं महं एगे मालुयाकच्छए यावि होत्था किण्हे किण्होभासे जाव रम्ममे महामेह-निउरंबभूए बहूहिं रुक्खेहि य गुच्छेहि य गुम्मेहि य लयाहि य वल्लीहि य कुसेहि य खाणुएहि य संच्छन्ने पलिच्छन्ने अंतो झुसिरे बाहिं गंभीरे अणेगवालसयसंकणिज्जे यावि होत्था ।

(39) तत्थ णं रायगिहे नयरे धंणे नामं सत्थवाहे अट्ठे दित्ते जाव विउलभत्तपाणे । तस्स णं धणस्स सत्थवाहस्स भद्दा नामं भोरिया होत्था सुक्कुमालपाणिपाया अहीणपडिपुण्णपंचिंदियसरीरा लक्खणवज्जणगुणो-ववेया माणुम्माणप्पमाणपाडिपुण्णसुजायसन्वंगसुंदरंगी ससिसोमागारा कंता पियदंसणा सुरूवा करयलपरिमियतिवलियमज्झा कुंडलुल्लिहियगंड-लेह्हा कोमुइयरयणियरपडिपुण्णसोमवयणा सिंगारागारचारुवेसा जाव पडिरूवा वंझा अविआउरी जाणुकोप्परमाया यावि होत्था ।

(40) तस्स णं धणस्स सत्थवाहस्स पंथए नामं दासचेडे होत्था सन्वंगसुंदरंगे भंसोवचिए बालकीलावणकुसले यावि होत्था । तए णं से धणे सत्थवाहे रायगिहे नयरे बहूणं नगरनिगमसेट्ठिसत्थवाहाणं अट्ठार-ससेणिप्पसेणीणं बहूसु कज्जेसु य कुडुंबेसु य जाव चक्खुभूए यावि होत्था नियगस्स वि य णं कुडुंबस्स बहूसु कज्जेसु जाव चक्खुभूए यावि होत्था ।

(41) तत्थ णं रायगिहे नयरे विजए नामं तक्करे होत्था पावे

चंडालरूवे भीमतरुहकम्मे आरूसियादित्तरत्तनयणे खरफरुसमहल्लविगय-
बीभच्छदाडिए असंपुडियउट्टे उद्धुयपईण्णळंबंतमुद्धए भमरराहुवण्णे निर-
णुक्कोसे निरणुतावे दारुणे पईभए निसंसइए निरणुकंपे अहीव एगंत-
दिट्ठीए खुरेव एगंतधाराए गिद्धेव आमिसतल्लिच्छे अग्निमिव सव्वभक्खी
जलमिव सव्वंग्गाही उक्कंचणवंचणमायानियडिकूडकवडसाइसंपओग-
बहुले चिरनगरविणट्टुट्टसीलायारचरित्ते जूयप्पसंगी मज्जप्पसंगी भोज्ज-
प्पसंगी मंसप्पसंगी दारुणे हिययदारए साहसिए संधिच्छेयए उवहिंए
विस्संभघाई आलीयगतित्थभेयलहुहत्थसंपउत्ते परस्स दव्वहरणंमि निब्बं
अणुबद्धे तिव्वेवेरे रायगिहस्स नगरस्स बहूणि अईगमणाणि य निग्ग-
मणाणि य बाराणि य अवबाराणि य छिंडीओ य खंडीओ य नगर-
निद्धमणाणि य संवट्ठणाणि य निव्वट्ठणाणि य जूयंखलयाणि य पाणा-
गाराणि य वेसागाराणि य तक्करट्ठाणाणि य तक्करघराणि य सिंघाडगाणि
य तिगाणि य चउक्काणि य चच्चराणि य नागघराणि य भूयघराणि य
जक्खदेउलाणि य सभाणि य पवाणि य पणियसालाणि य सुन्नघराणि य
आभोएमाणे मग्गमाणे गवेसमाणे बहुजणस्स छिहेसु य विसमेसु य
विहुरेसु य वसणेसु य अब्भुदएसु य उम्सवेसु य पसवेसु य तिहीसु य
छणेसु य जन्नेसु य पव्वणीसु य मत्तपमत्तस्स य वक्खित्तस्स य
वाउलस्स य सुहियस्स य दुहियस्स य विदेसत्थस्स य विप्पवसियस्स य
मग्गं च छिहं च विरहं च अंतरं च मग्गमाणे गवेसमाणे एवं च णं
विहरइ बहिया वि य णं रायगिहस्स नगरस्स आरामेसु य उज्जाणेसु य
वाविपोक्खरणीदीहियागुंजालियासिरपंतियसरसरपंतियासु य जिणुज्जा-
णेसु य भग्गकूवएसु य मालुयाकच्छएसु य मुसाणेसु य गिरिकंदर-
लेणउवट्ठाणेसु य बहुजणस्स छिहेसु य जाव एवं च णं विहरइ ।

(42) तए णं तीसे भद्दाए भारियाए अन्नया कयाइ पुव्वरत्तावरत्त-
कालसमयंसि कुडुंबजागरियं जागरमाणीए अयमेयारूवे अज्झत्थिए जाव
समुप्पज्जित्था — अहं धणेणं सत्थवाहेणं सद्धिं बहूणि वासाणि सइफरिस-
रसरूबाणि माणस्सग्गइं कामभोगाइं पच्चण्णब्भवमाणी विहरामि नो चेव

णं अहं दारगं वा दारियं वा पेयामि । तं धन्नाओ णं ताओ अम्म-
याओ जाव सुलद्धे णं माणुस्सए जम्मजीवियफले तासिं अम्मयाणं जासिं
मन्ने नियगकुच्छिसंभूयाइं थणदुद्धलुद्धयाइं महुरसमुल्लावगाइं मम्मण-
पयंपियाइं थणमूलां कक्खदेसभागं अभिसरमाणाइं मुद्धयाइं थणयं पियंति
तओ य कोमलकमलोवमेहिं हत्थेहिं गिण्हऊणं उच्छंगे निवेसियाइं देति
समुल्लावए पिए सुमहुरे पुणो २ मंजुलप्पभणिए । अहं णं अधन्ना
अपुण्णा अकयलक्खणा एत्तो एगमवि न पत्ता । तं सेयं मम कल्लं जाव
जलंते धणं सत्थवाहं आपुच्छित्ता धणेणं सत्थवाहेणं अब्भणुन्नाया
समाणी सुबहुं विपुलं असणं ४ उवक्खडावेत्ता सुबहुं पुप्फगंधमल्लालंकारं
गहाय ब्रूहिं मित्तनाइनियगसयणसंबंधिपरियणमहिलाहिं सद्धिं संपरि-
वुडा जाइं इमाइं रायगिहस्सं नयरस्स बहिया नागाणि य भूयाणि य
जक्खाणि य इंदाणि य खंदाणि य रुद्धाणि य सिवाणि य वेसमणाणि य
तत्थ णं बहूणं नागपडिमाण य जाव वेसमणपडिमाण य महिरिहं पुप्फ-
अणियं करेत्ता जन्तुपायपडियाए एवं वइत्तए — जइ णं अहं देवाणु-
प्पिया ! दारगं वा दारिगं वा पेयायामि तो णं अहं तुब्भं जायं च दायं च
भायं च अक्खयणिहिं च अणुवड्ढेमि त्तिकट्ठु उवाइयं उवाइत्तए । एवं संपे-
हेइ २ कल्लं जाव जलंते जेणामेव धणे सत्थवाहे तेणामेव उवागच्छइ २
एवं वयासी—एवं खलु अहं देवाणुप्पिया ! तुब्भेहिं सद्धिं ब्रूइं वासाइं जाव
देति समुल्लावए सुमहुरे पुणो २ मंजुलप्पभणिए ! तं णं अहं अहन्ना अपुण्णा
अकयलक्खणा एत्तो एगमवि न पत्ता । तं इच्छामि णं देवाणुप्पिया !
तुब्भेहिं अब्भणुन्नाया समाणी विपुलं असणं ४ जाव अणुवड्ढेमि उवाइयं
करित्तए । तए णं धणे सत्थवाहे भहं भारियं एवं वयासी—ममं पि य णं
देवाणुप्पिए ! एस चेव मणोरहे—कहं णं तुमं दारगं वा दारियं वा
पयाएज्जासि भद्दाए सत्थवाहीए एयमट्ठं अणुजाणइ । तए णं सा भद्दा
सत्थवाही धणेणं सत्थवाहेणं अब्भणुन्नाया समाणी हट्ठ जाव हियया
विपुलं असणं ४ उवक्खडावेइ २ सुबहुं पुप्फगंधमल्लालंकारं गेणहइ २
सयाओ गिहाओ निग्गच्छइ २ रायगिहं नयरं मज्झमज्जेणं निग्गच्छइ २

जेणेव पोक्खरिणी तेणेव उवागच्छइ २ पुक्खरिणीए तीरे सुबहुं पुप्फ जाव मल्लालंकारं ठवेइ २ पुक्खरिणिं ओगाहेइ २ जलमज्जणं करेइ जल-किडुं करेइ २ ण्हाया कयबलिकम्मा उल्लपडंसाडिगा जाइं तत्थं उप्पलाइं जाव सहस्संपत्ताइं गिण्हइ २ पुक्खरिणीओ पच्चोरुहइ २ तं पुप्फवत्थ-गंधमल्लं गेण्हइ २ जेणामेव नागघरणं जाव वेसमणघरणं य तेणामेव उवागच्छइ २ तत्थं णं नागपडिमाणं य जाव वेसमणपडिमाणं य आलोए पणामं करेइ ईसिं^५ पच्चुन्नमइ २ लोमहत्थगं परामुसइ २ नागपडि-माओ य जाव वेसमणपडिमाओ य लोमहत्थेणं पमज्जइ उदगधाराए अम्भुक्खेइ २ पम्हलसूमालाए गंधकासाइए गायाइं लूहेइ २ मंहरिहं वत्थारुहणं च मल्लारुहणं च गंधारुहणं च चुण्णारुहणं च वण्णारुहणं च करेइ २ धूवं डहइ २ जन्नुपायपडिया पंजलिउडा एवं वयासी-जइ णं अहं दारगं वा दारियं वा पयामि तो णं अहं जायं च जाव अणुवड्डेमि त्तिकट्ठु उवाइयं करेइ २ जेणेव पोक्खरिणी तेणेव उवा-गच्छइ २ विपुलं असणं ४ आसाएमाणी जाव विहरइ जिमिय जाव सुइभूया जेणेव सए गिहे तेणेव उवांगया । अदुत्तरं च णं भद्दा सत्थवाही चाउइसट्ठमुद्धिपुण्णमासिणीसु विपुलं असणं ४ उवक्खडेइ २ बहवे नागा य जाव वेसमणा य उवायमाणी नमंसमाणी जाव एवं च णं विहरइ ।

(41) तए णं सा भद्दा सत्थवाही अन्नया कयाइ केणइ कालंत-रेणं आवन्नसत्ता जाया यावि होत्था । तए णं तीसे भद्दाए सत्थवाहीए दोसु मासेसु वीइकंतेसु तईए मासे वट्टमाणे इमेयारूवे दोहले पाउब्भूए-धन्नाओ णं ताओ अम्मयाओ जाव कयलक्खणाओ ताओ अम्मयाओ जाओ णं विउलं असणं ४ सुबहुयं पुप्फगंधमल्लालंकारं गहाय मित्तनाइ-नियगसयणसंबंधिपरियणमहिलियाहि य सद्धिं संपरिवुडाओ रायगिहं नयरं मज्झमज्जेणं निग्गच्छंति २ जेणेव पुक्खरिणी तेणेव उवागच्छंति २ पोक्ख-रिणीं ओगाहेति २ ण्हायाओ कयबलिकम्माओ सन्वालंकारविभूसियाओ विपुलं असणं ४ आसाएमाणीओ जाव पंडिमुंजेमाणीओ दोहलं विणेंति । एवं संपेहेइ २ कल्लं जाव जलंते जेणेव धणे सत्थवाहे तेणेव उवागच्छइ २ धणं

सत्थवाहं एवं वयासी — एवं खलु देवाणुप्पिया ! मम तस्स गब्भस्स जाव विणेति । तं इच्छामि णं देवाणुप्पिया ! तुब्भेहिं अब्भणुन्नाया समाणी जाव विहरित्तए । अहासुहं देवाणुप्पिया ! मा पडिबंघं । तए णं सा भद्दा धणेणं सत्थवाहेणं अब्भणुन्नाया समाणी हट्ठा जाव विपुलं असणं ४ जाव उल्लपडसाडगा जेणेव नागवरए जाव धूवं डहइ २ पणामं करेइ २ जेणेव पोक्खरिणी तेणेव उवागच्छइ । तए णं ताओ मित्तनाइ जाव नगरमहिलाओ भदं सत्थवाहिं सव्वालंकारविभूसियं करेति । तए णं सा भद्दा सत्थवाही ताहिं मित्तनाइनियगसयणसंबंधिपरियणनगरमहिलियाहिं साद्धिं तं विपुलं असणं ४ जाव परिभुंजेमाणी दोहलं विणेइ २ जामेव दिसं पाउब्भूया तामेव दिसं पडिगया । तए णं सा भद्दा सत्थवाही संपुण्णदोहला जाव तं गब्भं सुहंसुहेणं परिवहइ । तए णं सा भद्दा सत्थवाही नवण्हं मासाणं बहुपडिपुण्णाणं अद्धट्टमाण य राइंदियाणं सुकुमालपाणिपायं जाव दारगं पयाया । तए णं तस्स दारगस्स अम्मापियरो पढमे दिवसे जायकम्मं करेति २ तहेव जाव विपुलं असणं ४ उवक्ख-डावेति २ तहेव मित्तनाइनियगं भोयावेत्ता अयमेयारूवं गोणं गुण-निप्फन्नं नामधेज्जं करेति — जम्हा णं अम्हं इमे दारए बहूणं नागपडिमाण य जाव वेसमणपडिमाण य उवाइयलद्धे तं होउं णं अम्हं इमे दारए देवदिन्ने नामेणं । तए णं तस्स दारगस्स अम्मापियरो नामधेज्जं करेति देवदिन्ने त्ति । तए णं तस्स दारगस्स अम्मापियरो जायं च दायं च भायं च अक्खयनिहिं च अणुवडुंति ।

(42) तए णं से पंथए दासचेडए देवदिन्नस्स दारगस्स बालग्गाही जाए । देवदिन्नं दारगं कडीए गेण्हइ २ बहूहिं डिंभएहि य डिंभियाहि य दारएहि य दारियाहि य कुमारएहि य कुमारियाहि य साद्धिं संपरिवुडे अभिरमइ । तए णं सा भद्दा सत्थवाही अन्नया कयाइं देवदिन्नं दारयं ण्हायं कयबलिकम्मं कयकोउयमंगलपायच्छित्तं सव्वालंकारविभूसियं करेइ २ पंथयस्स दासचेडगस्स हत्थगांसि दलयइ । तए णं से पंथए दासचेडए भद्दाए सत्थवाहीए हत्थाओ देवदिन्नं दारगं कडीए गेण्हइ २

सयाओ गिहाओ पडिनिक्खमइ बहूहिं डिंभएहि य जाव कुमारियाहि य सद्धिं संपरिवुडे जेणेव रायमग्गे तेणेव उवागच्छइ २ देवदिन्नं दारगं एगंते ठावेइ २ बहूहिं डिंभएहि य जाव कुमारियाहि य सद्धिं संपरिवुडे पमत्ते यावि विहरइ । इमं च णं विजए तक्करे रायगिहस्स नगरस्स बहूणि बाराणि य अववाराणि य तहेव जाव आभोएमाणे मग्गे-माणे गवेसमाणे जेणेव देवदिन्ने दारए तेणेव उवागच्छइ २ देवदिन्नं दारगं सव्वालंकारविभूसियं पासइ २ देवदिन्नस्स दारगस्स आभरणा-लंकारेसुं मुच्छिए गढिए गिद्धे अज्झोववन्ने पंथगं दासचेडं पमत्तं पासइ २ दिसालोयं करेइ २ देवदिन्नं दारगं गेण्हइ २ कक्खंसि अल्लियावेइ २ उत्तरिज्जेणं पिहेइ २ सिग्घं तुरियं चवलं वेइयं रायगिहस्स नगरस्स अवदारेणं निग्गच्छइ २ जेणेव जिणुज्जाणे जेणेव भग्गकूवए तेणेव उवागच्छइ २ देवदिन्नं दारयं जीवियाओ ववरोवेइ २ आभरणालंकारं गेण्हइ २ देवदिन्नस्स दारगस्स सरीरं निप्पणं निच्चेट्ठं जीवविप्पजडं भग्गकूवए पक्खिवइ २ जेणेव मालुयाकच्छए तेणेव उवागच्छइ २ मालुगाकच्छयं अणुप्पविसइ २ निच्चले निप्फंदे तुमिणीए दिवसं खवेमाणे चिट्ठइ ।

(43) तए णं से पंथए दासचेडे तओ मुहुत्तंतरस्स जेणेव देवदिन्ने दारए ठावेए तेणेव उवागच्छइ २ देवदिन्नं दारगं तंसि ठाणंसि अपास-माणे रोयमाणे कंदमाणे देवदिन्नस्स दारगस्स सव्वओ समंता मग्गण-गवेसणं करेइ २ देवदिन्नस्स दारगस्स कत्थइ सुंइ वा खुंइ वा पडत्तिं वा अलभमाणे जेणेव सए गिहे जेणेव धणे सत्थवाहे तेणेव उवागच्छइ २ धणं सत्थवाहं एवं वयासी — एवं खलु सामी ! भदा सत्थवाही देवदिन्नं दारयं ण्हायं जाव मम हत्थे दलयइ । तए णं अहं देवदिन्नं दारयं कडीए गिण्हामि जाव मग्गणगवेसणं करेमि । तं न नज्जइ णं सामी ! देवदिन्ने दारए केणइ नीए वा अवहिए वा अक्खित्ते वा पायवडिए धणस्स सत्थवाहस्स एयमट्ठं निवेदेइ । तए णं से धणे सत्थवाहे पंथयस्स दासचेड-गस्स एयमट्ठं सोच्चा निसम्भ तेण य भइया पुत्तसोएणाभिभूए समाणे

फरसुणियत्ते व चंपगपायवे धसत्ति धरणीयलंसि सव्वंगेहिं सन्निवइए ।
 तए णं से धणे सत्थवाहे तओ मुहुत्तंतरस्स आसत्थे पच्चागयपाणे देव-
 दिन्नस्स दारगस्स सव्वओ समंता मग्गणगवेसणं करेइ देवदिन्नस्स दार-
 गस्स कत्थइ सुइं वा खुइं वा पवत्ति वा अलभमाणे जेणेव सए गिहे
 तेणेव उवागच्छइ २ महत्थं पाहुडं गेण्हइ २ जेणेव नगरगुत्तिया तेणेव
 उवागच्छइ २ तं महत्थं पाहुडं उवणेइ २ एवं वयासी- एवं खलु देवाणु-
 प्पिया ! मम पुत्ते भद्दाए भारियाए अत्तए देवदिन्ने नामं दारए इट्ठे जाव
 उंवरपुप्फं पिव दुल्लहे सवणयाए किमंग पुण पासणयाए । तए णं सा भद्दा
 भारिया देवदिन्नं दारगं ण्हायं सव्वालंकारविभूसियं पंथगस्स हत्थे दलाइ
 जाव पायवडिए तं मम निवेदेइ । तं इच्छामि णं देवाणुप्पिया ! देवदिन्नस्स
 दारगस्स सव्वओ समंता मग्गणगवेसणं कयं । तए णं ते नगरगोत्तिया
 धणेणं सत्थवाहेणं एवं वुत्ता समाणा सन्नद्धवद्धकवया उप्पीलियसरासण-
 पट्टिया जाव गहियाउहपहरणा धणेणं सत्थवाहेणं सद्धिं रायगिहस्स
 नगरस्स बहूणि अइगमणाणि य जाव पवासु य मग्गणगवेसणं करेमाणा
 रायगिहाओ नगराओ पडिनिक्खमंति २ जेणेव जिणुज्जाणे जेणेव
 भग्गकूवए तेणेव उवागच्छंति २ देवदिन्नस्स दारगस्स सरारगं निष्पाणं
 निष्सेट्ठं जीवविप्पजडं पासंति २ हा हा अहो अकज्जमित्तिकट्ठु देव-
 दिन्नं दारगं भग्गकूवाओ उत्तारेंति २ धणस्स सत्थवाहस्स हत्थे दलयंति ।

(44) तए णं ते नगरगुत्तिया विजयस्स तक्करस्स पयमग्गमणु-
 गच्छमाणा २ जेणेव मालुयाकच्छए तेणेव उवागच्छंति २ मालुयाक-
 च्छगं अणुप्पविसंति २ विजयं तक्करं ससक्खं सहोढं सगेवेज्जं जीव-
 ग्गाहं गेण्हंति २ अट्ठिमुट्ठिजाणुकोप्परपहारसंभग्गमहियगत्तं करेंति २
 अवओडगबंधणं करेंति २ देवदिन्नस्स दारगस्स सव्वं आभरणं गेण्हंति २
 विजयस्स तक्करस्स गीवाए बंधंति २ मालुयाकच्छगाओ पडिनिक्ख-
 मंति २ जेणेव रायगिहे नयरे तेणेव उवागच्छंति २ रायगिहं नयरं
 अणुप्पविसंति २ रायगिहे नयरे सिंघाडगतिगचउक्कचचरमहापहपहेसु
 कसप्पहारे य लयापहारे य छिवापहारे य निवायमाणा २ छारं च

धूलिं च कयवरं च उवरिं पक्किरमाणा २ महया २ सहेणं उग्घोसेमाणा
 एवं वयंति — एस णं देवाणुप्पिया ! विजए नामं तक्करे जाव गिद्धे विव
 आमिसभक्खी बालघायए बालमारए । तं नो खलु देवाणुप्पिया !
 एयस्स केइ राया वा रायमच्चे वा अवरज्झइ नन्नत्थ अप्पणो सयाइं
 कम्माइं अवरज्झंति त्तिकट्टु जेणामेव चारगसाला तेणामेव उवागच्छंति
 २ हडिबंघणं करेति २ भत्तपाणनिरोहं करेति २ तिसंझं कसप्पहारे
 य जाव निवाएमाणा २ विहरंति । तए णं से धणे सत्थवाहे मित्तनाइनियं-
 गसंबंधिपरियणेणं साद्धिं रोयमाणे जाव विलवमाणे देवदिन्नस्स दार-
 गस्स सरीरस्स महया इड्ढीसक्कारसमुदएणं नीहरणं करेति बहूइं लोइयाइं
 मयकिच्चाइं करेति २ केणइ कालंतरेणं अवगयसोए जाए यावि होत्था ।

(45) तए णं से धणे सत्थवाहे अन्नया कयाइं लहुसयंसि राया-
 वराहंसि संपलत्ते जाए यावि होत्था । तए णं ते नगरगुत्तिया धणं सत्थ-
 बाहं गेण्हंति २ जेणेव चारए तेणेव उवागच्छंति २ चारगं अणुप-
 वेसंति २ विजएणं तक्करेणं साद्धिं एगयओ हडिबंघणं करेति । तए णं
 सा भद्दा भारिया कलं जाव जलंते विपुलं असणं ४ उक्कल्लेइइ २ भोयण-
 पिंडए करेइ २ भोयणाइं पक्खिवइ लंछियमुद्धियं करेइ २ एगं च सुरभि-
 वारिपडिपुण्णं दगवारयं करेइ २ पंथयं दासचेडं सदावेइ २ एवं
 वयासी — गच्छहं णं तुमं देवाणुप्पिया ! इमं विपुलं असणं ४ गहाय चारग-
 सालाए धणस्स सत्थवाहस्स उवणेहि । तए णं से पंथए भद्दाए सत्थ-
 वाहीए एवं वुत्ते समाणे हट्टुट्टे तं भोयणपिंडगं तं च सुरभिवरवारि-
 पडिपुण्णं वारयं गेण्हइ २ सयाओ गिहाओ पडिनिक्खमइ २ राय-
 गिहं नगरं मज्झमज्झेणं जेणेव चारगसाला जेणेव धणे सत्थवाहे तेणेव
 उवागच्छइ २ भोयणपिडियं ठावेइ २ उल्लेइ २ भोयणं गेण्हइ २
 भायणाइं धोवेइ २ हत्थसोयं दलयइ २ धणं सत्थवाहं तेणं विपुलेणं
 असणेणं ४ परिवेसेइ । तए णं से विजए तक्करे धणं सत्थवाहं एवं वयासी—
 तुब्भे णं देवाणुप्पिया ! ममं एयाओ विपुलाओ असणाओ ४ संविभाणं
 करेहि । तए णं से धणे सत्थवाहे विजयं तक्करं एवं वयासी — अविद्याइं

अहं विजया ! एयं विपुलं असणं ४ कागाणं वा सुणगाणं वा दलएज्जा उक्कुरुडियाए वा णं छट्ठेज्जा नो चेव णं तव पुत्तघायगस्स पुत्तमारगस्स अरिस्स वेरियस्स पडिणीयस्स पञ्चामित्तस्स एत्तो विपुलाओ असणाओ ४ संविभागं करेज्जामि । तए णं से धणे सत्थवाहे तं विपुलं असणं ४ आहारेइ २ तं पंथगं पडिविसज्जेइ । तए णं से पंथए दासचेडे तं भोयणपिडिगं गिण्हइ २ जामेव दिसिं पाउब्भूए तामेव दिसिं पडिगाए । तए णं तस्स धणस्स सत्थवाहस्स तं विपुलं असणं ४ आहारियस्स समाणस्स उच्चारपासवणे णं उव्वाहित्था । तए णं से धणे सत्थवाहे विजयं तक्करं एवं वयासी—एहि ताव विजया ! एगंतमवक्कमामो जेणं अहं उच्चारपासवणं परिट्ठवेमि । तए णं से विजए तक्करे धणं सत्थवाहं एवं वयासी—तुब्भं देवाणुप्पिया ! विपुलं असणं ४ आहारियस्स अत्थि उच्चारे वा पासवणे वा । ममं णं देवाणुप्पिया ! इमेहिं बहूहिं कसप्पहारेहि य जाव लया—पहारेहि य तण्हाए य छुहाए य परब्भवमाणस्स नत्थि केइ उच्चारे वा पासवणे वा । तं छंदेणं तुमं देवाणुप्पिया ! एगंते अवक्कमित्ता उच्चारपासवणं परिट्ठवेहि । तए णं से धणे सत्थवाहे विजएणं तक्करेणं एवं वुत्ते समाणे तुसिणीए संचिट्ठइ । तए णं से धणे सत्थवाहे मुहुत्तंतरस्स बलियतराणं उच्चारपासवणेणं उव्वाहिज्जमाणे विजयं तक्करं एवं वयासी—एहि ताव विजया ! जाव अवक्कमामो । तए णं से विजए धणं सत्थवाहं एवं वयासी—जइ णं तुमं देवाणुप्पिया ! ताओ विपुलाओ असणाओ ४ संविभागं करेहि तओ हं तुब्भेहिं सद्धिं एगंतं अवक्कमामि । तए णं से धणे सत्थवाहे विजयं एवं वयासी—अहं णं तुब्भं ताओ विपुलाओ असणाओ ४ संविभागं करिस्सामि । तए णं से विजए धणस्स सत्थवाहस्स एयमट्ठं पडिसुणेइ । तए णं से विजए धणेणं सद्धिं एगंते अवक्कमइ उच्चारपासवणं परिट्ठवेइ आयंते चोक्खे परमसुइभूए तमेव ठाणं उवसंक्कमित्ताणं विहरइ । तए णं सा भद्दा कल्लं जाव जलंते विपुलं असणं जाव परिवेसेइ । तए णं से धणे सत्थवाहे विजयस्स तक्करस्स ताओ विपुलाओ असणाओ ४ संविभागं करेइ । तए णं से धणे सत्थवाहे पंथगं दासचेडं

विसज्जेइ । तए णं से पंथए भोयणपिडयं गहाय चारगसालाओ पडि-
निक्खमइ २ रायगिहं नयरं मज्झमज्झेणं जेणेव सए गिहे जेणेव भद्दा
सत्थवाही तेणेव उवागच्छइ २ भद्दं सत्थवाहिणि एवं वयासी—एवं खलु
देवाणुप्पिए ! धणे सत्थवाहे तव पुत्तघायगस्स जाव पच्चामित्तस्स ताओ
विपुलाओ असणाओ ४ संविभागं करेइ ।

(46) तए णं सा भद्दा सत्थवाही पंथगस्स दासचेडगस्स अंतिए एय-
मट्ठं सोच्चा आसुरुत्ता रुट्ठा जाव मिसिमिसेमाणी धणस्स सत्थवाहस्स
पओसमावज्जइ । तए णं से धणे सत्थवाहे अन्नया कयाइं भित्तनाइ-
नियगसयणसंबंधिपरियणेणं सएण य अत्थसारेणं रायकज्जाओ अप्पाणं
मोयावेइ २ चारगसालाओ पडिनिक्खमइ २ जेणेव अलंकारियसभा
तेणेव उवागच्छइ २ अलंकारियकम्मं करीवेइ २ जेणेव पोक्खरिणी तेणेव
उवागच्छइ २ अहं धोयमट्ठियं गेण्हइ पोक्खरिणीं ओगाहइ २ जल-
मज्जणं करेइ २ ण्हाए कयबलिकम्मे जाव रायगिहं नगरं अणुप्पविसइ २
रायगिहस्स नगरस्स मज्झमज्झेणं जेणेव सए गिहे तेणेव पहारेत्थ गम-
णाए । तए णं धणं सत्थवाहं एज्जमाणं पासित्ता रायगिहे नयरे बहवे
नियगसेट्ठिसत्थवाहपभिइओ आढंति परियाणंति सक्कारेति सम्माणेति
अब्भुट्ठेति सरीरकुसलौदंतं संपुच्छंति । तए णं से धणे सत्थवाहे जेणेवे सए
गिहे तेणेव उवागच्छइ । जावि य से तत्थ बाहिरिया परिसा भवइ तंजहा —
दासा इ वा पेस्सा इ वा भियंगा इ वा भाइल्लंगा इ वा सा वि य णं धणं
सत्थवाहं एज्जमाणं पासइ २ पायवडिया खेमकुसलं पुच्छइ । जावि य से
तत्थ अब्भितरिया परिसा भवइ तंजहा — माया इ वा पिया इ वा भाया इ
वा भइणी इ वा सावि य णं धणं सत्थवाहं एज्जमाणं पासइ २
आसणाओ अब्भुट्ठेइ २ कंठाकंठियं अवयासिय बौहप्पमोक्खणं करेइ । तए
णं से धणे सत्थवाहे जेणेव भद्दा भारिया तेणेव उवागच्छइ । तए णं सा
भद्दा धणं सत्थवाहं एज्जमाणं पासइ २ नो आढाइ नो परियाणाइ
अणाढायमाणी अपरियाणमाणी तुसिणीया परम्मुही संचिट्ठइ । तए णं
से धणे सत्थवाहे भद्दं भारियं एवं वयासी— किं णं तुब्भं देवाणुप्पिए !

न तुट्ठी वा न हरिसे वा नाणदे वा जं मए सएणं अत्थसारेणं राय-
 कज्जाओ अप्पाणं विमोईए। तए णं सा भद्दा धणं सत्थवाहं एवं वयासी-
 कहं णं देवाणुप्पिया ! मम तुट्ठी वा जाव आणदे वा भविस्सइ जेणं तुमं मम
 पुत्तघायगस्स जाव पञ्चाभित्तस्स ताओ विपुलाओ असणाओ ४ संविभागं
 करोसि। तए णं से धणे भद्दं भारियं एवं वयासी- नो खलु देवाणुप्पिए !
 धम्मो त्ति वा तवो त्ति वा कयपडिकइया इ वा लोगजत्ता इ वा नायए इ वा
 संधाडिए इ वा सहाए इ वा सुहि त्ति वा ताओ विपुलाओ असणाओ ४
 संविभागे कए नन्नत्थ सरीरचिंताए। तए णं सा भद्दा धणेणं सत्थवाहेणं
 एवं वुत्ता समाणी हट्ठा जाव आसणाओ अब्भुट्ठेइ २ कंठाकंठिं अवयासेइ
 खेमकुसलं पुच्छइ २ ण्हाया जाव पायच्छित्ता विपुलाइं भोगभोगाइं भुंज-
 माणी विहरइ। तए णं से विजए तक्के चारगसालाए तेहिं बंधेहि वहेहिं
 कसप्पहारेहि य जाव तण्हाए य लुहाए य परब्भवमाणे कालमासे कालं
 किञ्चा नरएसु नेरइयत्ताए उववन्ने। से णं तत्थ नेरइए जाए काले
 कालोभासे जाव वेयणं पच्चणुब्भवमाणे विहरइ। से णं तओ उव्वट्ठित्ता
 अणादीयं अणवदगं चाउरंतसंसारकंतारं अणुपरियट्ठिस्सइ। एवामेव
 जंबू ! जे णं अम्हं निगंथो वा २ आयरियउवज्झायाणं अंतिए मुंडे
 भवित्ता अगाराओ अणगारियं पव्वइए समाणे विपुलमणिमोत्तियधण-
 कणगरयणसारेणं लुब्भइ से वि एवं चेव ।

(47) तेणं कालेणं २ थेरां भगवंतो जाइसंपन्ना जाव पुव्वानुपुत्तिं
 चरमाणा जाव जेणेव रायगिहे नयरे जेणेव गुणसिलए चेइए जाव अहा-
 पडिरूवं उगहं उगिणिहत्ता संजमेणं तवसा अप्पाणं भावेमाणा विहरंति ।
 परिसा निगया धम्मो कहिओ। तए णं तस्स धणस्स सत्थवाहस्स बहु-
 जणस्स अंतिए एयमट्ठं सोच्चा निसम्म इमेयारूवे अज्झत्थिए जाव
 समुप्पज्जित्था - एवं खलु थेरा भगवंतो जाइसंपन्ना इहमागया इहसंपत्ता ।
 तं इच्छामि णं थेरे भगवंते वंदामि नमंसामि ण्हाए जाव सुद्धप्पावेसाइं
 मङ्गलाइं वत्थाइं पवरपरिहिए पायविहारचारेणं जेणेव गुणसिलए चेइए
 जेणेव थेरा भगवंतो तेणेव उवागच्छइ २ वंदइ नमंसइ। तए णं थेरा

धणस्स विचित्तं धम्ममाइक्खंति । तए णं से धणे सत्थवाहे धम्मं सोच्चा
 एवं वयासी — सहहामि णं भंते ! निग्गंथे पावयणे जाव पव्वइए जाव
 बहूणि वासाणि सामण्णपरियागं पाउणित्ता भत्तं पच्चक्खाइत्ता मासियाए
 सैलेहणाए सट्ठिं भत्ताइं अणसणाए छेदित्ता कालमासे कालं किच्चा
 सोहम्मो कप्पे देवत्ताए उववन्ने । तत्थ णं अत्थेगइयाणं देवाणं चत्तारि
 पलिओवमाइं ठिई पन्नत्ता । तत्थ णं धणस्स वि देवस्स चत्तारि पलिओव-
 माइं ठिई पन्नत्ता । से णं धणे देवे ताओ देवलोगाओ आउक्खएणं
 ठिइक्खएणं भवक्खएणं अणंतरं चयं चइत्ता महाविदेहे वासे सिज्झिहिइ
 जाव सव्वदुक्खाणमंतं करेहिइ ।

(48) जहा णं जंबू ! धणेणं सत्थवाहेणं नो धम्मो त्ति वा जाव
 विजयस्स तक्करस्स ताओ विपुलाओ असणाओ ४ संविभागे कए नन्नत्थ
 सरीरसारक्खणट्ठाए एवामेव जंबू ! जे णं अम्हं निग्गंथे वा जाव पव्व-
 इए समाणे ववगयण्हाणमइणपुप्फगंधमल्लालंकारविभूसे इमस्स ओरालिय-
 सरीरस्स नो वण्णहेउं वा रूवहेउं वा बैलविसयहेउं वा तं विपुलं असणं ४
 आहारमाहारेइ नन्नत्थ नाणदंसणचरित्ताणं वहणट्ठैयाए से णं इहलोए चेव
 बहूणं समणाणं बहूणं समणीणं बहूणं सावगाण य सावियाण य अञ्चणिज्जे
 जाव पज्जुवासणिज्जे भवइ । परलोए वि य णं नो आगच्छइ बहूणि हत्थ-
 च्छेयणाणि य कण्णच्छेयणाणि य नासाछेयणाणि य एवं हियउप्पायणाणि
 य वसणुप्पायणाणि य उल्लंबणाणि य पाविहिइ अणाईयं च णं अणवदगं
 दीहमद्धं जाव वीईवइस्सइ जहा व से धणे सत्थवाहे ।

एवं खलु जंबू ! समणेणं जाव संपेत्तण दोब्बस्स नायज्झयणस्स
 अयमट्ठे पन्नत्ते त्तिबेमि ॥

॥ बीयं अज्झयणं समत्तं ॥

॥ तच्च अज्झयणं ॥

(49) जइ णं भंते ! समणेणं जाव संपत्तेणं दोब्बरस्स अज्झयणस्स नायाधम्मकहाणं अयमट्ठे पन्नत्ते तइअस्स अज्झयणस्स के अट्ठे पन्नत्ते ? एवं खलु जंबू ! तेणं कालेणं २ चंपा नामं नयरी होत्था वण्णओ । तीसे णं चंपाए नयरीए बहिया उत्तरपुरत्थिमे दिसीभाए सुभूमिभागे नामं उज्जाणे सेव्वउयपुप्फफलसमिद्धे सुरम्मे नंदणवणे इव सुहसुरभिसीयल-च्छायाए समणुबद्धे । तस्स णं सुभूमिभागस्स उज्जाणस्स उत्तरपुरत्थिमे एगदेसंमि मालुयाकच्छए होत्था वण्णओ । तत्थ णं एगा वर्णमयूरी वो पुट्ठे परियांगए पिट्ठुंडीपंडुरे निव्वणे निरुवहए भिन्नमुट्ठिप्पमाणे मयूरी अंडए पसवइ २ सएणं पक्खवाएणं सारक्खमाणी संगोवेमाणी संचिट्ठेमाणी विहरइ । तत्थ णं चंपाए नयरीए दुवे सत्थवाहदारगा परिवसंति तंजहा — जिणदत्तपुत्ते य सागरदत्तपुत्ते य सहजायया सहवड्डियया सहपंसुकीलियया सहदारदरिसी अन्नमन्नमणुरत्ता अन्नमन्नमणुव्वया अन्नमन्नच्छंदाणुवत्तया अन्नमन्नहियइच्छियकारया अन्नमन्नेसु गिहेसु कम्मईं करणिज्जाइं पच्चणुब्भवमाणा विहरंति ।

(50) तए णं तेसिं सत्थवाहदारगाणं अन्नया कयाइं एगयओ सहियाणं समुवागयाणं सन्निसण्णाणं सन्निविट्ठाणं इमेयारूवे मिहोकहासमुल्लावे समुप्पज्जित्था — जन्नं देवाणुप्पिया ! अम्हं सुहं वा दुहं वा पव्वज्जीं वा विदेसगमणं वा समुप्पज्जइ तं णं अम्हेहिं एगयओ समेच्चा नित्थरियव्वं तिकट्ठु अन्नमन्नमेयारूवं संगारं पडिसुणेंति सकम्मसंपउत्ता जाया यावि होत्था ।

(51) तत्थ णं चंपाए नयरीए देवदत्ता नामं गणिया परिवसइ अड्ढा जाव भत्तपाणा चंडसट्ठिकटापंडिया चंडसट्ठिगणियागुणोववेया अउणत्तीसविसेसे रममाणी एक्कवीसरइगुणप्पहाणा बत्तीसपुरिसोवयारकुसला नवंगसुत्तपडिबोहिया अट्टारसदेसीभासाविसारया सिंगारागारचारुवेसा संगयगयहसिय जाव ऊसियज्झया सहस्सलंभा विदिन्नत्तचामरबालवीय-णिया कण्णीरहप्पयाया वि होत्था बहूणं गणियासहस्साणं आहेवच्चं जाव

विहरइ । तए णं तेसिं सत्थवाहदारगाणं अन्नया कयाइं पुव्वरत्तावँरत्तकालसमयंसि जिमियभुत्तुत्तरागयाणं समाणाणं आयन्ताणं चोक्खाणं परमसुइभूयाणं सुहासणवरगयाणं इमेयारूवे मिहोकहासमुल्लावे समुप्पज्जित्था— सेयं खलु अम्हं देवाणुप्पिया ! कल्लं जाव जलंते विपुलं असणं ४ उवक्खडावेत्ता तं विपुलं असणं ४ धूवपुप्फगंधवत्थं गहाय देवदत्ताए गणियाए सद्धिं सुभूमिभागस्स उज्जाणसिरिं पच्चणुब्भवमाणाणं विहरित्तए त्तिकट्टु अन्नमन्नस्स एयमट्ठं पडिसुणेंति २ कल्लं पाउप्पभायाए कोडुंबियपुरिसे सहावेंति २ एवं वयासी — गच्छह णं देवाणुप्पिया ! विपुलं असणं ४ उवक्खंडावेह २ तं विपुलं असणं ४ धूवपुप्फं गहाय जेणेव सुभूमिभागे उज्जाणे जेणेव नंदापुक्खरिणी तेणामेव उवागच्छह २ नंदाए पोक्खरिणीए अदूरसामंते थूणामंडवं आहणह २ आसियसम्मज्जिओवलित्तं सुगंधं जाव कलियं करेह २ अम्हं पडिवालेमाणा २ चिट्ठह जाव चिट्ठंति । तए णं ते सत्थवाहदारगा दोच्चंपि कोडुंबियपुरिसे सहावेंति २ एवं वयासी — खिप्पामेव लहुकरणजुत्तजोइयं समखुरवालिहाणं समलिहिय-तिक्खग्गसिं गएहिं रययामयघंटसुत्तरज्जुपवरकंचणखचियनत्थपग्गहो-वग्गहिं नीलुप्पलकयमेलएहिं पवरगोणजुवाणएहिं नानामणिरयण-कंचणघंटियाजालपरिक्खित्तं पवरलक्खणोववेयं जुत्तामेव पवहणं उवणेह । ते वि तहेव उवणेंति । तए णं ते^१ सत्थवाहदारगा ण्हाया जाव सरीरा पवहणं दुरुहंति २ जेणेव देवदत्ताए गणियाए गिहे तेणेव उवागच्छंति २ पवहणाओ पच्चोरुहंति २ देवदत्ताए गणियाए गिहं अणुप्पविसंति । तए णं सा देवदत्ता गणिया ते सत्थवाहदारए एज्जमाणे पासइ २ हट्ठतुट्ठा आसणाओ अब्भुट्ठइ २ सत्तट्ठ पयाइं अणुगच्छइ २ ते सत्थवाहदारए एवं वयासी — संदिसंतुं णं देवाणुप्पिया ! किमिहागमणप्पओयणं । तए णं ते सत्थवाहदारगा देवदत्तं गणियं एवं वयासी — इच्छामो णं देवाणुप्पिए ! तुब्भेहिं सद्धिं सुभूमिभागस्स उज्जाणसिरिं पच्चणुब्भव-माणा विहरित्तए । तए णं सा देवदत्ता तेसिं सत्थवाहदारगाणं एयमट्ठं पडिसुणेइ २ ण्हाया कयबलिकम्मा किं ते पवर जाव सिरिसमाणवेसा

जेणेव सत्थवाहदारगा तेणेव उवागया । तए णं ते सत्थवाहदारगा देव-
दत्ताए गणियाए सद्धिं जाणं दुरुहंति २ चंपाए नयरीए मज्झमज्जेणं
जेणेव सुभूमिभागे उज्जाणे जेणेव नंदापोक्खरिणी तेणेव उवागच्छंति
२ पवहणाओ पच्चोरुहंति २ नंदापोक्खरिणी ओगाहेंति २ जलमज्जणं
करेंति जलकिङ्कं करेंति ण्हार्या देवदत्ताए सद्धिं पच्चुत्तरंति जेणेव धूणा-
मंडवे तेणेव उवागच्छंति २ अणुप्पविसंति २ सव्वालंकारभूसिया आसत्था
वीसत्था सुहासणवरगया देवदत्ताए सद्धिं तं विपुलं असणं ४ धूवपुप्फ-
गंधवत्थं आसाएमाणा विसाएमाणा परिभाएमाणा परिभुंजंति एवं च णं
विहरंति जिमियभुत्तुत्तरागया वि य णं समाणा आयंता देवदत्ताए सद्धिं
विपुलाइं कामभोगाइं भुंजमाणा विहरंति ।

(52) तए णं ते सत्थवाहदारगा पुव्वावरण्हकालसमयांसि देव-
दत्ताए गणियाए सद्धिं धूणामंडवाओ पडिनिक्खमंति २ हत्थसंगेल्लीए
सुभूमिभागे बहूसु आलिघरएसु जाव कुसुमघरएसु य उज्जाणसिरिं पच्च-
णुब्भवमाणा विहरंति ।

(53) तए णं ते सत्थवाहदारगा जेणेव से मालुयाकच्छए तेणेव
पहारेत्थ गमणाए । तए णं सा वणमयूरी ते सत्थवाहदारए एज्जमाणे
पासइ २ भीया तत्था महया २ सद्देणं केकारवं विणिमुयमाणी २
मालुयाकच्छाओ पडिनिक्खमइ २ एगंसि रुक्खडालयंसि ठिच्चा ते सत्थ-
वाहदारए मालुयाकच्छं च अणिमिसाए दिट्ठीए पेहंमाणी २ चिट्ठइ । तए णं
ते सत्थवाहदारगा अन्नमन्नं सहावेंति २ एवं वयासी — जहा णं देवाणु-
प्पिया ! एसा वणमयूरी अम्हे एज्जमाणे पासित्ता भीया तत्था तसिया
उव्विग्गा पलाया महया २ सद्देणं जाव अम्हं मालुयाकच्छयं च पेच्छमाणी
२ चिट्ठइ तं भवियव्वमेत्थ कारणेणं तिकट्ठु मालुयाकच्छयं अंतो अणुप्प-
विसंति । तत्थ णं दो पुट्ठे परियागए जाव पासित्ता अन्नमन्नं सहावेंति २
एवं वयासी — सेयं खलु देवाणुप्पिया ! अम्हं इमे वणमयूरीअंडए
साणं जाइमतानं कुक्कुडियाणं अंडएसु पक्खिवावित्तए । तए णं ताओ
जाइमंताओ कुक्कुडियाओ एए अंडए सए य अंडए सएणं पंखवाएणं

सारक्खमाणीओ संगोवेमाणीओ विहरिस्सन्ति । तए णं अम्हं एत्थ दो
कीलावणगा मयूरपोयगा भविस्सन्ति त्तिकट्टु अन्नमन्नस एयमट्ठं पडि-
सुणेंति २ सए सए दासचेडए सहावेंति २ एवं वयासी - गच्छहं णं
तुब्भे देवाणुप्पिया ! इमे अंडए गहाय सगाणं कुक्कुडीणं अंडएसु पक्खि-
वह जाव ते पक्खिवेंति । तए णं ते सत्थवाहदारगा देवदत्ताए गणियाए
साद्धिं सुभूमिभागस्स उज्जाणसिरिं पच्चणुब्भवमाणा विहरित्ता तमेव
जाणं दुरूढा समाणा जेणेव चंपा नयरी जेणेव देवदत्ताए गणियाए गिहे
तेणेव उवागच्छन्ति २ देवदत्ताए गिहं अणुप्पविसन्ति २ देवदत्ताए
गणियाए विउलं जीवियारिहं पीइदाणं दलयन्ति २ सक्कारेंति सम्माणेंति २
देवदत्ताए गिहाओ पडिनिक्खमन्ति २ जेणेव सयाइं २ गिहाइं तेणेव
उवागच्छन्ति २ सकम्मसंपउत्ता जाया यावि होत्था ।

(54) तत्थ णं जे से सागरदत्तपुत्ते सत्थवाहदारए से णं कल्लं
जाव जलंते जेणेव से वणमयूरीअंडए तेणेव उवागच्छइ २ तंसि मयूरी-
अंडयंसि संकिए कंखिए विइगिच्छसमावन्ने भेयसमावन्ने कलुससमावन्ने
किंमं ममं एत्थ कीलावणए मयूरपोयए भविस्सइ उदाहु नो भविस्सइ
त्तिकट्टु तं मयूरीअंडयं अभिक्खणं २ उव्वत्तेइ परियत्तेइ आसारेइ
संसारेइ चालेइ फंदेइ घट्टेइ खोभेइ अभिक्खणं २ कण्णमूलंसि टिट्ठि-
यावेइ । तए णं से वणमयूरीअंडए अभिक्खणं २ उव्वत्तिज्जमाणे जाव
टिट्ठियावेज्जमाणे पोच्चडे जाए यावि होत्था । तए णं से सागरदत्तपुत्ते
सत्थवाहदारए अन्नया कयाइं जेणेव से वणमयूरीअंडए तेणेव उवागच्छइ
२ तं मयूरीअंडयं पोच्चडमेव पासइ २ अहो णं ममं एत्थ कीलावणए
मयूरपोयए न जाए त्तिकट्टु ओहयमण जाव झियायइ । एवामेव समणा-
उसो ! जो अम्हं निगंथो वा २ आयरियउवज्झायाणं अंतिए पव्वइए
समाणे पंचमहव्वएसु जाव छज्जीवनिकाएसु निगंथे पावयणे संकिए
जाव कलुससमावन्ने से णं इहभवे चेव बहूणं समणाणं २ बहूणं सावगाणं
सावियाणं हीलणिज्जे निंदणिज्जे खिसणिज्जे गरहणिज्जे परिभवणिज्जे
परलोए विय णं आगच्छइ बहूणि दंडणाणि य जाव ससारं अणुपरियट्टइ ।

(55) तए णं से जिणदत्तपुत्ते जेणेव से मयूरीअंडए तेणेव उवा-
 गच्छइ २ तंसि मयूरीअंडयंसि निस्संकिए सुव्वत्तए णं मम एत्थ कीला-
 वणए मयूरपोयए भविस्सइ त्तिट्ठु तं मयूरीअंडयं अभिक्खणं २ नो
 उव्वत्तेइ जाव नो टिट्ठियावेइ । तए णं से मयूरीअंडए अणुव्वत्तिज्ज-
 माणे जाव अटिट्ठियाविज्जमाणे कालेणं समएणं उब्भिन्नमयूरपोयए एत्थ
 जाए । तए णं से जिणदत्तपुत्ते मयूरपोययं पासइ २ हट्ठतुट्ठे मयूर-
 पोसए सहावेइ २ एवं वयासी - तुब्भे णं देवाणुप्पिया ! इमं मयूरपोयगं
 बहूहिं मयूरपोसणपाओगेहिं दव्वेहिं अणुपुव्वेणं सारक्खमाणा संगो-
 वेमाणा संवट्ठेह नट्ठुल्लगं च सिक्खावेइ । तए णं ते मयूरपोसगा
 जिणदत्तस्स पुत्तस्स एयमट्ठं पडिसुणेंति २ तं मयूरपोयगं गेण्हंति जेणेव
 सए गिहे तेणेव उवागच्छंति २ तं मयूरपोयगं जाव नट्ठुल्लगं सिक्खा-
 वेंति । तए णं से वणमयूरपोयए उम्मुक्कबालभावे विन्नाय जाव लक्खण-
 वंजणगुणोवए माणुम्माणप्पमाणपडिपुण्णपक्खपेहुणकलावे विचित्तपिच्छ-
 सत्तचंदए नीलकंठए नच्चणसीलए एगाए चप्पुडियाए कयाए समाणीए
 अणेगाइं नट्ठुल्लगसयाइं केकारवसयाणि य करेमाणे विहरइ । तए णं
 ते मयूरपोसगा तं मयूरपोयगं उम्मुक्क जाव करेमाणं पासित्ताणं तं मयूरपोयगं
 गेण्हंति २ जिणदत्तपुत्तस्स उव्वणेंति । तए णं से जिणदत्तपुत्ते सत्थवाहदारए
 मयूरपोयगं उम्मुक्क जाव करेमाणं पासित्ता हट्ठतुट्ठे तेसिं विपुलं जीवियारिहं
 पीइदाणं दलयइ २ पडिविसज्जेइ । तए णं से मयूरपोयगे जिणदत्तपुत्तेणं
 एगाए चप्पुडियाए कयाए समाणीए नंगोलाभंगसिरोधरे सेयावंगे
 ओरालियपइण्णपक्खे उक्खित्तचंदकाइयकलावे केकाइयसयाणि विमुंच-
 माणे नच्चइ । तए णं से जिणदत्तपुत्ते तेणं मयूरपोयएणं चंपाए नयरीए
 सिंघाडग जाव पहेसु सएहि य साहस्सिएहि य सयसाहस्सिएहि य पणि-
 एहि य जयं करेमाणे विहरइ । एवामेव समणाउसो ! जो अम्हं निगंगथो
 वा २ पव्वइए समाणे पंचमहव्वएसु छज्जीवनिकाएसु निगंगथे पावयणे
 निस्संकिए निक्कंखिए निव्विइगिच्छे से णं इहभवे चेव बहूणं समणाणं

जाव वीइवइस्सइ ।

एवं खलु जंबू ! समणेणं जाव संपत्तेणं नायाणं तच्चस्स अज्झ-
यणस्स अयमट्ठे पन्नत्तोत्ति वेमि ॥

॥ तच्चं अज्झयणं समत्तं ॥ ३ ॥

॥ चउत्थं अज्झयणं ॥

(56) जइ णं भंते ! समणेणं ३ नायाणं तच्चस्स नायज्झयणस्स अयमट्ठे पन्नत्ते चउत्थस्स णं नायाणं के अट्ठे पन्नत्ते ? एवं खलु जंवू ! तेणं कालेणं २ वाणारसी नामं नयरी होत्था वण्णओ । तीसे णं वाणारसीए नयरीए उत्तरपुरत्थिमे दिसीभाए गंगाए महानईए मयंगतीरद्दहे नामं दहे होत्था आणुपुव्वसुजायवप्पगंभीरसीयलज्जले अच्छविमलसलिलपल्लिच्छन्ने संछन्नपत्तपुष्पपलासे बहुउप्पलपउमकुमुयनलिणसुभगसोगंधियपुंडरीयमहापुंडरीयसयपत्तसहस्सपत्तकेसरपुष्फोवच्चिए पासाईए ४ ।

तत्थ णं बहूणं मच्छाण य कच्छभाण य गाहाण य मगराण य सुंसु-
 माराण य सयाणि य सहस्साणि य सयसहस्साणि य जूहाइं निच्चयाइं
 निरुव्विग्गाइं सुहंसुहेणं अभिरममाणाइं २ विहरंति । तस्स णं मयंगतीर-
 द्दहस्स अदूरसामंते एत्थ णं महं मालुयाकच्छए होत्था वण्णओ । तत्थ
 णं दुवे पावसियालगा परिवसंति पावा चंडा रुद्धा तल्लिच्छा साहसिया
 लोहियपाणी आमिसत्थी आमिसाहारा आमिसप्पिया आमिसलोला
 आमिसं गवेसमाणा रत्तिं वियालचारिणो दिंया पच्छन्नं वि चिट्ठंति । तए
 णं ताओ मयंगतीरद्दहाओ अन्नया कयाइं सूरियंसि चिरत्थमियंसि लुलि-
 याए संज्ञाए पविरलमाणुसंसि निसंतपडिनिसंतंसि समाणंसि दुवे
 कुम्मगा आहारत्थी आहारं गवेसमाणा सणियं २ उत्तरंति तस्सेव मयंग-
 तीरद्दहस्स परिपेरंतेणं सव्वओ समंता परिघोलेमाणा २ वित्तिं कप्पेमाणा
 विहरंति । तयाणंतरं च णं ते पावसियालगा आहारत्थी जाव आहारं
 गवेसमाणा मालुयाकच्छगाओ पडिनिक्खमंति २ जेणेव मयंगतीरद्दहे
 तेणेव उवागच्छंति २ तस्सेव मयंगतीरद्दहस्स परिपेरंतेणं परिघोलेमाणा
 २ वित्तिं कप्पेमाणा विहरंति । तए णं ते पावसियाला ते कुम्मए पासंति
 २ जेणेव ते कुम्मए तेणेव पहारेत्थ गमणाए । तए णं ते कुम्मगा पाव-
 सियालए एज्जमाणे पासंति २ भीया तत्था तसिया उव्विग्गा संजाय-
 भया हत्थे य पाए य गीवाए य सएहिं २ काएहिं साहरंति २ निच्चला
 निष्फंदा तुसिणीया संचिट्ठंति । तए णं ते पावसियालगा जेणेव ते कुम्मगा

तेणेव उवागच्छंति २ ते कुम्मगा सव्वओ समंता उव्वत्तेति परियत्तेति
 आसारंति संसारंति चालंति घट्टंति फट्टंति खोभंति नहेहिं आलुंपंति
 दंतेहि य अक्खोडंति नो चेव णं संचाएंति तेसि कुम्मगाणं सरीरस्स
 आवाहं वा पवाहं वा वावाहं वा उप्पाइत्तए छविच्छेयं वा करित्तए ।
 तए णं ते पावसियालगा ते कुम्मए दोच्चंपि तच्चंपि सव्वओ समंता
 उव्वत्तेति जाव नो चेव णं संचाएंति करित्तए ताहे संता तंता परितंता
 निव्विण्णा समाणा सणियं २ पच्चोसकंति एगंतमवक्कमंति २
 निच्चला निष्फदा तुसिणीया संचिट्ठंति । तत्थ णं एगे कुम्मए ते पाव-
 सियालए चिरगए दूरंगए जाणित्ता सणियं २ एगं पायं निच्छुभइ ।
 तए णं ते पावसियालगा तेणं कुम्मएणं सणियं २ एगं पायं नीणियं
 पासंति २ सिग्घं तुरियं चवलं चंडं जइणं वेगियं जेगेव से कुम्मए
 तेणेव उवागच्छंति २ तस्स णं कुम्मगस्स तं पायं नखेहिं आलुंपंति
 दंतेहिं अक्खोडंति तओ पच्छा मंसं च सोणियं च आहारंति २ तं
 कुम्मगं सव्वओ समंता उव्वत्तेति जाव नो चेव णं संचाएंति करित्तए
 ताहे दोच्चंपि अवक्कमंति एवं चत्तारि वि पाया जाव सणियं २ गीवं
 नीगेइ । तए णं ते पावसियालगा तेणं कुम्मएणं गीवं नीणियं पासंति २
 सिग्घं चवलं ४ नहेहिं दंतेहिं य कवालं विहाडंति २ तं कुम्मगं जीवियाओ
 ववरोवेंति २ मंसं च सोणियं च आहारंति । एवामेव समणाउसो !
 जो अम्हं निग्गंथो वा २ आयरियउवज्झायाणं अंतिए पव्वइए समाणे
 पंव य से इंदिया अगुत्ता भवंति से णं इहभवे चेव बहुणं समणाणं ४
 हीलणिज्जे परलोए वि य णं आगच्छइ बहूणं दंडणाणं जाव ससारं
 अणुरियट्ठइ जहा व से कुम्मए अगुत्तिदिए । तए णं ते पावसियालगा
 जेगेव से दोच्चे कुम्मए तेणेव उवागच्छंति २ तं कुम्मगं सव्वओ
 समंता उव्वत्तेति जाव दंतेहिं अक्खोडंति जाव करित्तए । तए णं ते पाव-
 सियालगा दोच्चंपि तच्चंपि जाव नो संचायंति तस्स कुम्मगस्स किंचि
 आवाहं वा विवाहं वा जाव छविच्छेयं वा करित्तए ताहे संता तंता परि-
 तंता निव्विण्णा समाणा जामेव दिसं पाउब्भूया तामेव दिसं पडिगया ।

तए णं से कुम्मए ते पावसियालए चिरगए दूरगए जाणित्ता सणियं
 २ गीवं नीणेइ २ दिसावलोयं करेइ २ जमगसमगं चत्तारि वि पाए
 नीणेइ २ ताए उक्किट्ठाए कुम्मगईए वीईवयमाणे २ जेणेव मयंगतीरद्वहे
 तेणेव उवागच्छइ २ मित्तनाइ^१नियगसयणसंवंधिपरियणेणं सद्धिं अभिस-
 मन्नागए यावि होत्था । एवामेव समणाउसो ! जो अम्हं समणो वा
 समणी वा पंच महव्वयाइं इंदियाइं गुत्ताइं भवन्ति से^२ णं इहभवे चेव
 वहूणं समणाणं ४ नो हीलणिजे नो निंदणिजे परलोए वि य णं सुग्गइं
 गच्छइ वहूणं नो दंडणाणं नो मुंडणाणं जाव संसारं नो अणुपरियद्वइं
 जहा व से कुम्मए गुत्तिदिए ।

एवं खलु जंवू ! समणेणं भगवया महावीरेणं चउत्थस्स
 नायज्झयणस्स अयमट्ठे पन्नत्तेत्ति वेमि ॥

॥ चउत्थं नायज्झयणं समत्तं ॥ ४ ॥

॥ पंचमं अज्झयणं ॥

(57) जइ णं भंते ! समणेणं ३ चउत्थस्स नायज्झयणस्स अयमट्ठे पन्नत्ते पंचमस्स नायज्झयणस्स के अट्ठे पन्नत्ते ? एवं खलु जंबू ! तेणं कालेणं २ वारवई नामं नयरी होत्था पाईणपडीणायया उदीणदाहिणवित्थिण्णा नवजोयणवित्थिण्णा दुवालसजोयणायामा धणवइमइनिम्माया चामीयंरपवरपागारा नाणामणिपंचवण्णकविसीस-गसोहिया अलयापुरिसंकासा पमुइयपक्कीलिया पच्चक्खं देवलोगभूया । तीसे णं वारवईए नयरीए वहिया उत्तरपुरत्थिमे दिसीभाए रेवयगे नामं पच्चए होत्था तुंगे गगणतलमणुलिहंतसिहरे नाणाविहगुच्छगुम्म-लयावल्लिपरिगए हंसमियमयूरकोचसारसचक्रवायमयणसालकोइल-कुलोववेए अणेगतडकडगवियरउज्झरपवायपम्भारसिहरपउरे अच्छर-गणदेवसंघचारणविज्जाहरमिहुणसंविच्चिणे निच्चच्छणए दसारवर-वीरपुरिसत्तेलोक्कवलवगाणं सोमे सुभगे पियदंसणे सुरूवे पासाईए ४ । तस्स णं रेवयगस्स अदूरसामंते एत्थ णं नंदणवणे नामं उज्जाणे होत्था सव्वउयपुण्णफलसमिद्धे रम्मे नंदणवण्णगासे पासाईए ४ । तस्स णं उज्जाणस्स बहुमज्झदेसभाए सुरण्णिए नामं जक्खाययणे होत्था वण्णओ । तत्थ णं वारवईए नयरीए कणहे नामं वासुदेवे राया परिवसइ । से णं तत्थ समुद्विजयपामोक्खाणं दसण्हं दसाराणं बलदेवपामो-क्खाणं पंचण्हं महावीराणं उगसेणपामोक्खाणं सोलसण्हं राईसह-स्साणं पज्जुन्नपामोक्खाणं अत्तुट्ठाणं कुमारकोडीणं संवपामोक्खाणं सट्ठीए दुहंतसाहस्सीणं वीरसेणपामोक्खाणं एक्कवीसाए वीरसाह-स्सीणं महासेणपामोक्खाणं छप्पन्नाए बलवगसाहस्सीणं हप्पिणिप्पांमो-क्खाणं वत्तीसाए महिलासाहस्सीणं अणंगसेणापामोक्खाणं अणेगाणं गणियासाहस्सीणं अन्नेसिं च बहूणं राईसरतलवर जाव सत्थवाह पमिईणं वेयड्ढगिरिसार्गरपेरंतस्स य दाहिणड्ढभरहस्स य वारवईए नयरीए आहेवच्चं जाव पालेमाणे विहरइ ।

✓ (58) तत्थ णं वारवईए थावच्चा नामं गाहावइणी परिवसइ अड्ढा जाव अपरिभूया । तीसे णं थावच्चाए गाहावइणीए पुत्ते थावच्चापुत्ते

नामं सत्थवाहदारण होत्था सुकुमालपाणिपाए जाव सुखे । तए णं
 सा थावच्चा गाहावइणी तं दारगं साइरेगअट्टवासजायं जाणित्ता
 सोहणंसि तिहिकरणनक्खत्तमुहुत्तंसि कलायरियस्स उवणेइ जाव
 भोगसमत्थं जाणित्ता बत्तीसाए इब्भकुलवालियाणं एगदिवसेणं पाणिं
 गेण्हावेइ बत्तीसओ दाओ जाव बत्तीसाए इब्भकुलवालियाहिं सद्धिं
 विपुले सद्धफरिसरसरूववण्णगंधे जाव भुंजमाणे विहरइ । तेणं कालेणं २
 अरहा अरिट्टनेमी सो चेव वण्णओ दसधणुस्सेहे नीलुप्पलगवलगुलिय-
 अयसिकुसुमप्पगासे अट्टारसहिं समणसाहस्सीहिं चत्तालीसाए
 अज्जियासाहस्सीहिं सद्धिं संपरिवुडे पुव्वाणुपुव्वि चरमाणे जाव जेणेव
 बारवई नगरी जेणेव रेवयगपट्टए जेणेव नंदणवणे उज्जाणे जेणेव सुर-
 प्पियस्स जक्खस्स जक्खाययणे जेणेव असोगवरपायवे तेणेव उवा-
 गच्छइ २ अहापडिरूवं उग्गहं ओगिणिहत्ता संजमेणं तवसा अप्पाणं
 भावेमाणे विहरइ । परिसा निग्गया धम्मो कहिओ । तए णं से कण्हे
 वासुदेवे इमीसे कहाए लद्धट्ठे समाणे कोहुंबियपुरिसे सद्दावेइ २ एवं
 वयासी-खिप्पामेव भो देवाणुप्पिया ! सभाए सुहम्माए मेघोघरसियं
 गंभीरमहुरसद्धं कोमुइयं भेरिं तालेह । तए णं ते कोहुंबियपुरिसा
 कण्हेणं वासुदेवेणं एवं वुत्ता समाणा हट्टु जाव मत्थए अंजलिं कट्टु
 एवं सांमी ! तह त्ति जाव पडिसुणेंति २ कण्हस्स वासुदेवस्स अंति-
 याओ पडिनिक्खमंति २ जेणेव सभा सुहम्मा जेणेव कोमुइया भेरी
 तेणेव उवागच्छंति २ तं मेघोघरसियगंभीरमहुरसद्धं कोमुइयं भेरिं
 तालेंति । तओ निद्धमहुरगंभीरपडिसुणं पिव सारइएणं बलाहएणं
 अणुरसियं भेरीए । तए णं तीसे कोमुइयाए भेरीए तालियाए समा-
 णीए बारवईए नयरीए नवजोयणवित्थिण्णाए दुवालसजोयणायामाए
 सिंघाडगतियचउक्कचच्चरकंदरदरीविवरकुहरगिरिसिहरनगरगोपुर-
 पासायदुवारंभवणदेउलपडिस्सुयासयसहस्ससंकुलं करेमौणे बारवईए
 नयरीए सद्धिंभतरवाहिरियं सव्वओ समंता सद्दे विप्पसरित्था । तए णं
 बारवईए नयरीए नवजोयणवित्थिण्णाए बारसजोयणायामाए समुद्ध-

विजयपामोकखा दस दसारा जाव गणियासहस्साई कोमुईयाए मेरीए सहं सोच्चा निसम्म हट्टुट्टा जाव णहाया आविद्धवग्घारियमल्लदाम-
कलावा अहयवत्थचंदणोक्खिन्नगायसरीरा अप्पेगइया हयगया एवं
गयगया रहसीयासंदमाणीगया अप्पेगइया पायविहारचारेणं पुरिस-
वग्गुरापरिक्खित्ता कणहस्स वासुदेवस्स अंतिए पाउब्भवित्था । तए णं
से कणहे वासुदेवे समुद्विजयपामोकखे दसं दसारे जाव अंतियं पाउ-
ब्भवमाणे पासित्ता हट्टुट्टे जाव कोडुंबियपुरिसे सदावेइ २ एवं वयासी
-खिण्णामेव भो देवाणुप्पिया ! चाउरंगिणिं सेणं सज्जेह विजयं च
गंधहत्थि उयट्टवेह । तेवि तहेव उवट्ट्वेति जाव पज्जुवासंति ।

(59) थावच्चापुत्ते वि निग्गए जहा मेहे तहेव धम्मं सोच्चा निसम्म
जेणेव थावच्चा गाहावइणी तेणेव उवागच्छइ २ पायग्गहणं करेइ
जहा मेहस्स तहा चेव निवेयणा जाहे नो संचाएइ विसयाणुलोमाहि य
विसयपडिकूलाहि य बह्वहिं आघवणाहि य पन्नवणाहि य सन्नवणाहि
य विन्नवणाहि य आघवित्तए वा ४ ताहे अकामिया चेव थावच्चा-
पुत्तस्स निक्खमणमणुमन्नित्था । तए णं सा थावच्चा आसणाओ
अब्भुट्टेइ २ महत्थं महग्घं महरिहं रायारिहं पाहुडं गेणहइ २ मित्त जाव
संपरिवुडा जेणेव कणहस्स वासुदेवस्स भवणवरपडिदुवारदेसभाए
तेणेव उवागच्छइ २ पडिहारदेसिएणं मग्गेणं जेणेव कणहे वासुदेवे
तेणेव उवागच्छइ २ करयल जाव वद्धावेइ २ तं महत्थं ३ पाहुडं उवणेइ
२ एवं वयासी - एवं खलु देवाणुप्पिया । मम एगे पुत्ते थावच्चापुत्ते
नामं दारए इट्टे जाव संसारभउव्विग्गे भीए इच्छइ अरहओ अरिट्ट-
नेमिस्स जाव पव्वइत्तए । अहं णं निक्खमणसक्कारं करेमि । इच्छामि णं
देवाणुप्पिया ! थावच्चापुत्तस्स निक्खममाणस्स छत्तमउडचामराओ
य विदिन्नाओ । तए णं कणहे वासुदेवे थावच्चागाहावइणिं एवं वयासी
- अच्छाहि णं तुमं देवाणुप्पिए ! सुनिव्वयवीसत्था । अहं णं सयमेव
थावच्चापुत्तस्स दारगस्स निक्खमणसक्कारं करिस्सामि । तए णं से
कणहे वासुदेवे चाउरंगिणीए सेणाए विजयं हत्थिरयणं दुरूढे

समाणे जेणेव थावच्चाए गाहावइणीए भवणे तेणेव उवागच्छइ २ थावच्चापुत्तं एवं वयासी-मा णं तुमं देवाणुप्पिया ! मुंडे भवित्ता पव्वयाहि । भुंजाहि णं देवाणुप्पिया ! विपुले माणुस्सए कामभोगे मम बाहुच्छायापरिग्गहिए । केवलं देवाणुप्पियस्स नो संचाएमि वाउकायं उवरिमेणं गच्छमाणं निवारित्तए । अत्ते णं देवाणुप्पियस्स जं किंत्ति आवाहं वा विवाहं वा उप्पाइ तं सव्वं निवारेमि । तए णं से थावच्चापुत्ते कण्हेणं वासुदेवेणं एवं वुत्ते समणे कण्हं वासुदेवं एवं वयासी-जइ णं देवाणुप्पिया ! मम जीवियंतकरणिज्जं मच्चुं एज्जमाणं निवारेलि जरं वा सरीररूवविणासणिं सरीरं अइवयमाणिं निवारेलि तए णं अहं तव बाहुच्छायापरिग्गहिए विउले माणुस्सए कामभोगे भुंजमाणे विहरामि । तए णं से कण्हे वासुदेवे थावच्चापुत्तेणं एवं वुत्ते समणे थावच्चापुत्तं एवं वयासी-एए णं देवाणुप्पिया दुरइकमणिज्जा । नो खलु सक्का सुवलिण्णावि देवेण वा दाणवेण वा निवारित्तए नत्तत्थ अप्पणो कम्मकखणं । तए णं से थावच्चापुत्ते कण्हं वासुदेवं एवं वयासी-जइ णं एए दुरइकमणिज्जा नो खलु सक्का सुवलिण्णावि देवेण वा दाणवेण वा निवारित्तए नत्तत्थ अप्पणो कम्मकखणं तं इच्छामि णं देवाणुप्पिया ! अन्नाणमिच्छत्तअविग्गइकसायसंचियस्स अत्तणो कम्मकखयं करित्तए । तए णं से कण्हे वासुदेवे थावच्चापुत्तेणं एवं वुत्ते समणे कोडुंबियपुरिसे सद्दावेइ २ एवं वयासी-गच्छह णं देवाणुप्पिया ! बारवईए नयरीए सिंघाडगतिग जाव पहेसु य हत्थिखंधवरगया महया २ सद्देणं उग्घोसेमाणा २ उग्घोसणं करेह-एवं खलु देवाणुप्पिया ! थावच्चापुत्ते संसारभउव्विग्गे भीए जम्मणमरणं इच्छइ अरहओ अरिट्ठनेमिस्स अंतिए मुंडे भवित्ता पव्वइत्तए । तं जो खलु देवाणुप्पिया ! राया वा जुवराया वा देवी वा कुमारे वा ईसरे वा तलवरे वा कोडुंबियमाडंबियइभसेट्ठिसेणावइसत्थवाहे वा थावच्चापुत्तं पव्वयंतमणुपव्वयइ तस्स णं कण्हे वासुदेवे अग्गजाणइ पच्छाउरस्स वि य से मित्तनाइनियगसंवंधिपरि-

जणस्स जोगक्खेमं वट्टमाणं पडिवहइ त्तिकट्टु घोसणं घोसेह जाव घोसंति । तए णं थावच्चापुत्तस्स अणुराएणं पुरिससहस्सं निक्खमणाभिमुहं ण्हायं जाव सव्वालंकारविभूसियं पत्तेयं २ पुरिससहस्सवाहिणीसु सिवियासु दुरूढं समणं मित्तनाइपरिवुडं थावच्चापुत्तस्स अंतियं पाउब्भूयं । तए णं से कण्हे वासुदेवे पुरिससहस्सं अंतियं पाउब्भवमाणं पासइ २ कोडुंबियपुरिसे सदावेइ २ एवं वयासी - जहा मेहस्स निक्खमणाभिसेओ तहेव सेयापीएहिं कलसेहिं ण्हावेइ जाव अरहओ अरिट्टुनेमिस्स छत्ताइच्छत्तं पडागाइपडागं पासइ २ विज्जाहरचारणे जाव पासित्ता सीयाओ पच्चोरुहइ । तए णं से कण्हे वासुदेवे थावच्चापुत्तं पुरओ काउं जेणेव अरहा अरिट्टुनेमी सव्वं तं चेव जाव आभरणं ओमुयइ । तए णं सा थावच्चा गाहावइणी हंसलक्खणेणं पडगसाइएणं आभरणमल्लालंकारं पडिच्छइ हारवारिधाराछिन्नमुत्तावलिप्पगासाइं अंसूणि विणिमुंचमाणी २ एवं वयासी - जइयव्वं जाया ! घडियव्वं जाया ! परक्कमियव्वं जाया ! अस्सि च णं अट्टे नो पमाएयव्वं । जामेव दिसिं पाउब्भूया तामेव दिसिं पडिगया । तए णं से थावच्चापुत्ते पुरिससहस्सेणं सद्धिं सयमेव पंचमुट्ठियं लोयं करेइ जाव पव्वइए । तए णं से थावच्चापुत्ते अणगारे जाए इरियासमिए भासासमिए जाव विहरइ । तए णं से थावच्चापुत्ते अरहओ अरिट्टुनेमिस्स तहारूवाणं थेराणं अंतिए सामाइयमाइयाइं इक्कारस अंगाइं चोइसपुव्वाइं अहिज्जइ २ बहूहिं जाव चउत्थेणं विहरइ । तए णं अरहा अरिट्टुनेमी थावच्चापुत्तस्स अणगारस्स तं इब्भाइयं अणगारसहस्सं सीसत्ताए दलयइ । तए णं से थावच्चापुत्ते अन्नया कयाइं अरहं अरिट्टुनेमिं वंदइ नमंसइ २ एवं वयासी - इच्छामि णं भंते ! तुब्भेहिं अब्भणुन्नाए समाणे अणगारसहस्सेणं सद्धिं बहिया जणवयविहारं विहरित्तए । अहासुहं देवाणुप्पिया । तए णं से थावच्चापुत्ते अणगारसहस्सेणं सद्धिं तेणं उरालेणं उग्गेणं पयत्तेणं पग्गहिएणं बहिया जणवयविहारं विहरइ ।

(60) तेणं कालेणं २ सेलगपुरे नामं नगरे होत्था । सुभूमिभागे उज्जाणे । सेलए राया पउर्मावई देवी^१ मंडुए कुमारे जुवराया ।

तस्स णं सेलगस्स पंथगपामोक्खा णं पंच मंतिसया होत्था उत्पत्ति-
याए ४ उववेया रज्जधुरं चितयंति । थावच्चापुत्ते सेलगपुरे समोसंहे ।
राया निग्गए धम्मकहा । धम्मं सोच्चा जहा णं देवाणुप्पियाणं अंतिए
बह्वे उग्गा भोगा जाव चइत्ता हिरण्णं जाव पव्वइया तहा णं अहं नो
संचाएमि पव्वइत्तए । अहं णं देवाणुप्पियाणं अंतिए पंचाणुव्वइयं जाव
समणोवासए जाए अहिगयजीवाजीवे जाव अप्पाणं भावेमाणे विहरइ ।
पंथगपामोक्खा पंच मंतिसया य समणोवासया जाया । थावच्चापुत्ते
बहिया जणवयविहारं विहरइ । तेणं कालेणं २ सोगंधिया
नामं नयरी होत्था वण्णओ । नीलासोए उज्जाणे वण्णओ । तत्थ णं
सोगंधियाए नयरीए सुदंसणे नामं नयरसेट्ठी परिवसइ अहे जाव अपरि-
भूए । तेणं कालेणं २ सुए नामं परिव्वायए होत्था रिउव्वेयजउव्वेय-
सामवेयअथव्वणवेयसट्ठितंतकुसले संखसमए लद्धट्ठे पंचजामपंच-
नियमजुत्तं सोयमूलं दसप्पयारं परिव्वायगधम्मं दाणधम्मं च सोय-
धम्मं च तित्थाभिसेयं च आघवेमाणे पन्नवेमाणे परूवेमाणे धाउरत्त-
पवरवत्थपरिहिए तिदंडकुंडियल्लत्तल्लालयअंकुसपवित्तयकेसरिहत्थगए
परिव्वायगसहस्सेणं सद्धि संपरिवुडे जेणेव सोगंधिया नयरी जेणेव परि-
व्वायगावसहे तेणेव उवागच्छइ २ परिव्वायगावसहंसि भंडगनिकखेवं
करेइ २ संखसमएणं अप्पाणं भावेमाणे विहरइ । तए णं सोगंधियाए
नगरीए सिंघाडग जाव बहुजणो अन्नमन्नस्स एवमाइक्खइ-एवं खलु
सुए परिव्वायए इहमागए जाव विहरइ । परिसा निग्गया । सुदंसणो वि
निग्गए । तए णं से सुए परिव्वायए तीसे परिसाए सुदंसणस्स अन्नेसिं
च बहूणं संखाणं धम्मं परिकहेइ-एवं खलु सुदंसणा ! अम्हं सोय-
मूलए धम्मे पन्नत्ते । से वि य सोए धम्मे दुविहे पन्नत्ते तंजहा-
दव्वसोए य भावसोए य । दव्वसोए य उदएणं मट्ठियाए य । भावसोए
दब्भेहि य मंतेहि य । जं णं अम्हं देवाणुप्पिया ! किंचि असुई भवइ
तं सव्वं सज्जपुढवीए आलिपइ तओ पच्छा सुद्धेण वारिणा पक्खा-
लिज्जइ तओ तं असुई सुई भवइ । एवं खलु जीवा जलाभिसेय-

पूयप्पाणो अविग्घेणं सग्गं गच्छंति । तए णं से सुदंसणे सुयस्स अंतिए धम्मं सोच्चा हट्ठे सुयस्स अंतियं सोयमूलयं धम्मं गेण्हइ २ परिच्चायए विउलेणं असणेणं ४ पडिलाभेमाणे जाव विहरइ । तए णं से सुए परिच्चायगवसहाओ सोगंधियाओ नयरीओ निग्गच्छइ २ बहिया जणवयविहारं विहरइ । तेणं कालेणं २ थावच्चापुत्तस्स समोसरणं । परिसा निग्गया । सुदंसणो वि निग्गओ थावच्चापुत्तं वंदइ नमंसइ २ एवं वयासी-तुम्हाणं किमूलए धम्मे पन्नत्ते ? तए णं से थावच्चापुत्ते सुदंसणेणं एवं वुत्ते समाणे सुदंसणं एवं वयासी-सुदंसणा ! विणयमूले धम्मे पन्नत्ते । से वि य विणए दुविहे पन्नत्ते तंजहा-अगारविणए अणगारविणए य । तत्थ णं जे से अगारविणए से णं पंच अणुव्वयाइं सत्त सिक्खावयाइं एक्कारस उवासगपडिमाओ । तत्थ णं जे से अणगारविणए से णं पंच महव्वयाइं तंजहा-सच्चाओ पाणाइवायाओ वेरमणं सच्चाओ मुसावायाओ वेरमणं सच्चाओ अदिन्नादाणाओ वेरमणं सच्चाओ मेहुणाओ वेरमणं सच्चाओ परिग्गहाओ वेरमणं सच्चाओ राइ-भोयणाओ वेरमणं जाव मिच्छादंसणसल्लोओ दसविहे पच्चक्खाणे बारस भिक्खुपडिमाओ इच्चेएणं दुविहेणं विणयमूलएणं धम्मेणं आणुपुव्वेणं अट्ठकम्मपगडीओ खवेत्ता लोयग्गपइट्ठाणा भवंति । तए णं थावच्चापुत्ते सुदंसणं एवं वयासी-तुब्भं णं सुदंसणा ! किमूलए धम्मे पन्नत्ते ? अम्हाणं देवाणुप्पिया ! सोयमूलए धम्मे पन्नत्ते जाव सग्गं गच्छंति । तए णं थावच्चापुत्ते सुदंसणं एवं वयासी-सुदंसणा ! से जहानामए केइ पुरिसे एगं महं रुहिरकयं वत्थं रुहिरेण चेव धोवेज्जा तए णं सुदंसणा ! तस्स रुहिरकयस्स वत्थस्स रुहिरेण पक्खालिज्जमाणस्स अत्थि काइ सोही ? नो इणट्ठे समट्ठे । एवामेव सुदंसणा ! तुब्भं पि पाणाइवाएणं जाव मिच्छादंसणसल्लेणं नत्थि सोही जहा तस्स रुहिरकयस्स वत्थस्स रुहिरेणं चेव पक्खालिज्जमाणस्स नत्थि सोही । सुदंसणा ! से जहानामए केइ पुरिसे एगं महं रुहिरकयं वत्थं सज्जियाखारेणं अणु-लिंपइ २ पयणं आरोहेइ २ उण्हं गाहेइ तओ पच्छा सुद्वेण वारिणा

धोवेज्जा से नूनं सुदंसणा ! तस्स रुहिरकयस्स वत्थस्स सज्जियाखारेणं
अणुलित्तस्स पयणं आरोहियस्स उण्हं गाहियस्स सुद्धेणं वारिणा पक्खा-
लिज्जमाणस्स सोही भवइ ? हंता भवइ । एवामेव सुदंसणा ! अम्हं
पि पाणाइवायवेरमणेणं जाव मिच्छादंसणसल्लवेरमणेणं अत्थि सोही
जहा वां तस्स रुहिरकयस्स वत्थस्स जाव सुद्धेण वारिणा पक्खालिज्ज-
माणस्स अत्थि सोही । तत्थ णं सुदंसणे संवुद्धे थावच्चापुत्तं वंदइ नमंसइ
२ एवं वयासी - इच्छामि णं भंते ! धम्मं सोच्चा जाणित्तए जाव
समणोवासए जाए अभिगयजीवाजीवे जाव पडिलाभेमाणे विहरइ । तए
णं तस्स सुयस्स परिव्वायगस्स इमीसे कहाए लद्धट्ठस्स समाणस्स अय-
मेयारूवे जाव समुप्पज्जित्था - एवं खलु सुदंसणेणं सोयधम्मं विण्ण-
जहाय विणयमूले धम्मे पडिवन्ने । तं सेयं खलु मम सुदंसणस्स दिट्ठि
वामेत्तए पुणरवि सोयमूलए धम्मे आघवित्तए त्तिकट्ठु एवं संपेहेइ २
परिवायगसहस्सेणं सद्धि जेणेव सोगंधिया नयरी जेणेव परिवायगा-
वसहे तेणेव उवागच्छइ २ परिवायगावसहंसि भंडनिकखेवं करेइ २
धाउरत्तवत्थपवरपरिहिए पविरलपरिवायगेणं सद्धि संपरिवुडे परिवा-
यगावसहाओ पडिनिकखमइ २ सोगंधियाए नयरीए मज्झंमज्झेणं जेणेव
सुदंसणस्स गिहे जेणेव सुदंसणे तेणेव उवागच्छइ । तए णं से सुदंसणे
तं सुयं एज्जमाणं पासइ २ नो अब्भुट्ठेइ नो पच्चुग्गच्छइ नो आढाइ
नो वंदइ तुसणीए संच्चिट्ठइ । तए णं से सुए परिवायए सुदंसणं
अणब्भुट्ठियं पासित्ता एवं वयासी - तुम्हे णं सुदंसणा ! अन्नया ममं
एज्जमाणं पासित्ता अब्भुट्ठेसि जाव वंदसि । इयाणिं सुदंसणा ! तुमं
ममं एज्जमाणं पासित्ता जाव नो वंदसि । तं कस्स णं तुमे सुदंसणा !
इमेयारूवे विणयमूले धम्मे पडिवन्ने ? तए णं से सुदंसणे सुएणं परि-
वायगेणं एवं वुत्ते समाणे आसणाओ अब्भुट्ठेइ २ करयल जाव सुयं
परिवायगं एवं वयासी - एवं खलु देवाणुप्पिया ! अरहओ अरिट्ठ-
नेमिस्स अंतेवासी थावच्चापुत्ते नामं अणगारे जाव इहमागए इह चेव
नीलासोए उज्जाणे विहरइ । तस्स णं अंतिए विणयमूले धम्मे पडिवन्ने ।

तए णं से सुए सुदंसणं एवं वयासी - तं गच्छामो णं सुदंसणा ! तव धम्मारियस्स थावच्चापुत्तस्स अंतियं पाउब्भवामो इमाइं च णं एया-
रूवाइं अट्ठाइं हेऊइं पसिणाइं कारणाइं वागरणाइं पुच्छामो । तं जइ मे
से इमाइं अट्ठाइं जाव वागरेइ तओ णं वंदामि नमंसामि । अह मे से
इमाइं अट्ठाइं जाव नो से वागरेइ तओ णं अहं एएहिं चेव अट्ठेहिं
हेऊहिं निप्पट्ठपसिणवागरणं करिस्सामि । तए णं से सुए परिद्यायग-
सहस्सेणं सुदंसणेण य सेट्ठिणा सद्धिं जेणेव नीलासोए उज्जाणे जेणेव
थावच्चापुत्ते अणगारे तेणेव उवागच्छइ २ थावच्चापुत्तं एवं वयासी
- जत्ता ते भंते ! जवणिज्जं ते अट्ठावाहं फासुयविहारं ? तए णं
से थावच्चापुत्ते सुएणं एवं वुत्ते समाणे सुयं परिद्यायगं एवं वयासी
- सुया ! जत्तावि मे जवणिज्जं पि मे अट्ठावाहं पि मे फासुविहारं पि
मे । तए णं सुए थावच्चापुत्तं एवं वयासी - किं भंते ! जत्ता ? सुया !
जं णं मम नाणदंसणचरित्तवसंसंजममाइएहिं जोएहिं जोयणा से तं
जत्ता । से किं तं भंते ! जवणिज्जं ? सुया ! जवणिज्जे दुविहे पन्नत्ते
तंजहा - इंदियजवणिज्जे य नोइंदियजवणिज्जे य । से किं तं इंदिय-
जवणिज्जं ? सुया ! जं णं मम सोयंदियचर्क्खिदियघाणिंदियजिब्भि-
दियफासिंदियाइं निरुवहयाइं वसे वट्ठंति से तं इंदियजवणिज्जे । से
किं तं नोइंदियजवणिज्जे ? सुया ! जं णं कोहमाणमायालोभा खीणा
उवसंता नो उदयंति से तं नोइंदियजवणिज्जे । से किं तं भंते ! अट्ठा-
वाहं ? सुया जं णं मम वाइयपित्तियसिंभियसन्निवाइयविविहरोगायंका
नो उदीरंति से तं अट्ठावाहं । से किं तं भंते ! फासुविहारं ? सुया ! जं णं
आरामेसु उज्जाणेसु देउलेसु सभासु पवासु इत्थीपसुपंडगविवज्जियासु
वसहीसु पाडिहारियं पीढफलगसेज्जासंथारयं ओगिणिहत्ताणं विहरामि
से तं फासुविहारं । सरिसवया भंते ! किं भक्खेया अभक्खेया ? सुया !
सरिसवया भक्खेया वि अभक्खेया वि । से केणट्ठेणं भंते ! एवं वुच्चइ
सरिसवया भक्खेया वि अभक्खेया वि ? सुया ! सरिसवया दुविहा
पन्नत्ता तंजहा - मित्तसरिसवया य धन्नसरिसवया य । तत्थ णं जे ते

मित्तसरिसवया ते तिविहा पन्नत्ता तंजहा - सहजायया सहवड्डियया सहपंसुकीलिया य । ते णं समणाणं निग्गंथाणं अभक्खेया । तत्थ णं जे ते धन्नसरिसवया ते दुविहा पन्नत्ता तंजहा - सत्थपरिणया य असत्थपरिणया य । तत्थ णं जे ते असत्थपरिणया ते समणाणं निग्गंथाणं अभक्खेया । तत्थ णं जे ते सत्थपरिणया ते दुविहा पन्नत्ता तंजहा - फासुया य अफासुया य । अफासुया णं सुया ! नो भक्खेया । तत्थ णं जे ते फासुया ते दुविहा पन्नत्ता तंजहा - जाइया य अजाइया य । तत्थ णं जे ते अजाइया ते अभक्खेया । तत्थ णं जे ते जाइया ते दुविहा पन्नत्ता तंजहा - एसणिज्जा य अणेसणिज्जा य । तत्थ णं जे ते अणेसणिज्जा ते अभक्खेया । तत्थ णं जे ते एसणिज्जा ते दुविहा पन्नत्ता तंजहा - लद्धा य अलद्धा य । तत्थ णं जे ते अलद्धा ते अभक्खेया । तत्थ णं जे ते लद्धा ते निग्गंथाणं भक्खेया । एणं अट्टेणं सुया ! एवं वुच्चइ सरिसवया भक्खेया वि अभक्खेया वि । एवं कुलत्था वि भाणियव्वा नवरं इमं नाणत्तं - इत्थिकुलत्था य धन्नकुलत्था य । इत्थिकुलत्था तिविहा पन्नत्ता तंजहा - कुलवहूया य कुलमाउया इ य कुलधूया इ य । धन्नकुलत्था तहेव । एवं मासा वि नवरं इमं नाणत्तं - मासा तिविहा पन्नत्ता तंजहा - कालमासा य अत्थमासा य धन्नमासा य । तत्थ णं जे ते कालमासा ते णं दुवालसविहा पन्नत्ता तंजहा - सावणे जाव आसाढे । ते णं समणाणं २ अभक्खेया । अत्थमासा दुविहा - हण्णमासा य सुवण्णमासा य । ते णं अभक्खेया । धन्नमासा तहेव । एगे भवं दुवे भवं अणेगे भवं अक्खए भवं अव्वए भवं अवट्टिए भवं अणेगभूयभावभविए वि भवं ? सुया ! एगे वि अहं जाव अणेगभूयभावभविए वि अहं । से केणट्टेणं भंते ! एगे वि अहं जाव सुया ! दव्वट्टयाए एगे वि अहं नाणदंसणट्टयाए दुवे वि अहं पएसट्टयाए अक्खए वि अहं अव्वए वि अहं अवट्टिए वि अहं उवओगट्टयाए अणेगभूयभावभविए वि अहं । एत्थ णं से सुए संवुद्धे थावच्चापुत्तं वंदइ नमंसइ २ एवं वयासी - इच्छामि णं भंते ! तुब्भं अंतिए

केवलपन्नत्तं धम्मं निसामित्तए । धम्मकहा भाणियव्वा । तए णं से सुए परिव्वायए थावच्चापुत्तस्स अंतिए धम्मं सोच्चा निसम्म एवं वयासी-
इच्छामि णं भंते ! परिव्वायगसहस्सेणं सद्धिं संपरिवुडे देवाणुप्पियाणं
अंतिए मुंडे भवित्ता पव्वइत्तए । अहासुहं देवाणुप्पिया जाव उत्तरपुरत्थिमे
दिसीभाए तिदंडयं जाव धाउरत्ताओ य एगंते एंडेइ २ सयमेव सिहं
उप्पाडेइ २ जेणेव थावच्चापुत्ते २ तेणेव उवागच्छइ जाव मुंडे भवित्ता
जाव पव्वइए सामाइयमाइयाइं इकारस अंगाइं चोदसपुव्वाइं अहिज्जइ ।
तए णं थावच्चापुत्ते सुयस्स अणगारस्स सहस्सं सीसत्ताए वियरइ । तए णं
थावच्चापुत्ते सोगंधियाओ नीलासोयाओ पडिनिक्खमइ २ बहिया जण-
वयविहारं विहरइ । तए णं से थावच्चापुत्ते अणगारसहस्सेणं सद्धिं सं-
परिवुडे जेणेव पुंडरीयपव्वए तेणेव उवागच्छइ २ पुंडरीयं पव्वयं सणियं
२ दुरुहइ २ मेघघणसन्निगासं देवसन्निवायं पुढविसिलापट्टयं जाव
पाओवगमणं कए । तए णं से थावच्चापुत्ते बहूणि वासाणि सामण-
परियागं पाउणित्ता मासियाए संलेहणाए सट्ठिं भत्ताइं अणसणाए छेएइ
जाव केवलवरनाणदंसणं समुप्पाडेत्ता तओ पच्छा सिद्धे जाव प्पहीणे ।

(61) तए णं से सुए अन्नया कयाइ जेणेव सेलगपुरे नगरे जेणेव
सुभूमिभागे उज्जाणे समोसरणं परिसा निग्गया सेलओ निग्गच्छइ धम्मं
सोच्चा जं नवरं देवाणुप्पिया ! पंथगपामोकखाइं पंच मंतिसयाइं आ-
पुच्छामि मंडुयं च कुमारं रज्जे ठावेमि तओ पच्छा देवाणुप्पियाणं अंतिए
मुंडे भवित्ता अगाराओ अणगारियं पव्वयामि । अहासुहं । तए णं से
सेलए राया सेलगपुरं नगरं अणुप्पविसइ २ जेणेव सए गिहे जेणेव
बाहिरिया उवट्टाणसाला तेणेव उवागच्छइ २ सीहासणे निसण्णे । तए
णं से सेलए राया पंथगपामोकखा पंच मंतिसया सदावेइ २ एवं वयासी-
एवं खलु देवाणुप्पिया ! मए सुयस्स अंतिए धम्मे निसंते । से वि य मे
धम्मे इच्छिए पडिच्छिए अभिरुइए । अहं णं देवाणुप्पिया ! संसार-
भउव्विग्गे जाव पव्वयामि । तुम्हे णं देवाणुप्पिया किं करेह किं ववसह
किं वा मे हियइच्छिए समत्थे ति ? तए णं ते पंथगपामोकखा सेलगं

रायं एवं वयासी - जइ णं तुब्भे देवाणुप्पिया ! संसार जाव पच्चयह
अम्हाणं देवाणुप्पिया ! को अन्ने आंधारे वा आलंवे वा ? अम्हे वि य णं
देवाणुप्पिया ! संसारभउव्विग्गा जाव पच्चयामो । जहा णं देवाणुप्पिया !
अम्हं बहुसु कज्जेसु य जाव तहा णं पच्चइयाण वि समाणां वहुसु जाव
चक्खुभूए । तए णं से सेलगे पंथगपामोक्खे पंच मंतिसए एवं वयासी -
जइ णं तुब्भे देवाणुप्पिया ! संसार जाव पच्चयह तं गच्छह णं देवाणुप्पिया !
सएसु २ कुडुंवेसु जेट्टपुत्ते कुडुंमज्जे ठावेत्ता पुरिससहस्सवाहिणीयाओ
सीयाओ दुरूढा समाणा मम अंतियं पाउब्भवह । ते वि तहेव पाउब्भ-
वंति । तए णं से सेलए राया पंच मंतिसयाइं पाउब्भवमाणाइं पासइ
हट्टुट्टे कोडुंबियपुरिसे सदावेइ २ एवं वयासी - खिप्पामेव भो देवाणु-
प्पिया ! मंडुयस्स कुमारस्स महत्थं जाव रायाभिसेयं उवट्टवेह जाव अभि-
सिंचइ जाव राया जाए विहरइ । त एणं से सेलए मंडुयं रायं आपुच्छइ ।
तए णं मंडुए राया कोडुंबियपुरिसे सदावेइ २ एवं वयासी - खिप्पामेव
सेलगपुरं नयरं आसिय जाव गंधवट्ठिभूयं करेह कारवेह य २ एवमाणत्तियं
पच्चप्पिणह । तए णं से मंडुए दोच्चं पि कोडुंबियपुरिसे सदावेइ २
एवं वयासी - खिप्पामेव सेलगस्स रत्तो महत्थं जाव निक्खमणा-
भिसेयं जहेव मेहस्स तहेव नवरं पउमावईदेवी अगगकेसे पडिच्छइ सत्त्वे वि
पडिग्गहं गहाय सीयं दुरुहंति अवसेसं तहेव जाव समाइयमाइयाइं
एक्कारस अंगाइं अहिज्जइ २ वहुहिं चउत्थ जाव विहरइ । तए णं से सुए
सेलगस्स अणगारस्स ताइं पंथगपामोक्खाइं पंच अणगारसयाइं
सीसत्ताए वियरइ । तए णं से सुए अन्नया कयाइ सेलगपुराओ सुभूमि-
भागाओ उज्जाणाओ पडिनिक्खमइ २ बहिया जणवयविहारं विहरइ ।
तए णं से सुए अणगारे अन्नया कयाइ तेणं अणगारसहस्सेणं सद्धिं संपरि-
वुडे पुव्वाणुपुव्वि चरमाणे गामाणुगामं विहरमाणे जेणेव पुंडरीयपन्नए
तेणेव उवागच्छइ जाव सिद्धे ।

(62) तए णं तस्स सेलगस्स रायरिसिस्स तेहिं^१ अंतेहि य पंतेहि
य तुच्छेहि य लूहेहि य अरसेहि य विरसेहि य सीएहि^२ य उण्हेहि य

कालाइकंतेहि य पमाणाइकंतेहि य निच्चं पाणभोयणेहि य पयइ-
सुकुमालस्स य सुहोचियस्स सरीरगंसि वेयणा पाउब्भूया उज्जला जाव
दुरहियासा कंडुदाहपित्तज्जरपरिगयसरीरे यावि विहरइ । तए णं से
सेलए तेणं रोयायंकेणं सुक्खे जाए यावि होत्था । तए णं से सेलए
अन्नया कयाइं पुद्धानुपुर्वि चरमाणे जाव जेणेव सुभूमिभागे जाव
विहरइ । परिसा निग्गया मंडुओ वि निग्गओ सेलगं अणगारं वंदइ
जाव पज्जुवासइ । तए णं से मंडुए राया सेलगस्स अणगारस्स सरीरगं
सुकं जाव सद्वावाहं सरोगं पासइ २ एवं वयासी-अहं णं भंते !
तुब्भं अहापवत्तेहिं तिगिच्छिएहिं अहापवत्तेणं ओसहमेसज्जभत्त-
पाणेणं तिगिच्छं आउंटावेमि । तुब्भे णं भंते ! मम जाणसालासु समो-
सरइ फासुएसणिज्जं पीढफलगसेज्जासंधारणं ओगिण्हित्ताणं विहरइ ।
तए णं से सेलए अणगारे मंडुयस्स रत्तो एयमट्ठं तहत्ति पडिसुणेइ ।
तए णं से मंडुए सेलगं वंदइ नमंसइ २ जामेव दिसिं पाउब्भूए तामेव
दिसिं पडिगए । तए णं से सेलए कल्लं जाव जलंते सभंडमत्तोवगरण-
मायाए पंथगपामोक्खेहिं पंचहिं अणगारसएहिं सद्धिं सेलगपुरमणुप्प-
विसइ जेणेव मंडुयस्स जाणसाला तेणेव उवागच्छइ २ फासुयं पीढ
जाव विहरइ । तए णं से मंडुए तिगिच्छिए सद्वावेइ २ एवं वयासी-
तुब्भे णं देवाणुप्पिया ! सेलगस्स फासुएसणिज्जेणं जाव तिगिच्छं
आउंटेह । तए णं तिगिच्छया मंडुएणं रत्ता एवं वुत्ता हट्ठुत्तुत्ता सेलगस्स
अहापवत्तेहिं ओसहमेसज्जभत्तपाणेहिं तिगिच्छं आउंटेति मज्जपाणगं च
से उवदिसंति^१ । तए णं तस्स सेलगस्स अहापवत्तेहिं जाव मज्जपाणएणं
से रोगायंके उवसंते जाए यावि होत्था हेट्ठे बलियंसरीरे जाए ववगय-
रोगायंके । तए णं से सेलए तंसि रोयातंकंसि उवसंतंसि समाणंसि तंसि
विपुलंसि असणंसि ४ मज्जपाणए य मुच्छिए गट्ठिए गिट्ठे अज्झोवबन्ने
ओसन्ने ओसन्नविहारी एवं पासत्थे २ कुसीले २ पमत्ते २ संसत्ते २ उउवद्ध-
पीढफलगसेज्जासंधारणं पमत्ते यावि विहरइ नो संचाएइ फासुएसणिज्जं
पीढं पच्चप्पिणित्ता मंडुयं च रायं आपुच्छित्ता वहिया जाव विहरित्तए ।

(63) तए णं तेसिं पंथगवज्जाणं पंचण्हं अणगारसयाणं अन्नया कयाइ एगयओ सहियाणं जाव पुव्वरत्तावरत्तकालसमयंसि धम्मजागरियं जागरमाणं अयमेयारूवे अज्झत्थिए जाव समुप्पज्जित्था - एवं खलु सेलए रायरिसी चइत्ता रज्जं च ४ जाव पव्वइए विउले असणे ४ मज्जपाणए मुच्छिए ४ नो संचाएइ चइउं जाव विहरित्तए । नो खलु कण्णइ देवाणुप्पिया ! समणाणं जाव पमत्ताणं विहरित्तए । तं सेयं खलु देवाणुप्पिया ! अम्हं कल्लं सेलगं रायरिसिं आपुच्छित्ता पाडिहारियं पीढफलग-सेज्जासंथारयं पच्चप्पिणित्ता सेलगस्स अणगारस्स पंथयं अणगारं वेयावच्चकरं ठावेत्ता वहिया अब्भुज्जएणं जाव विहरित्तए । एवं संपेहेति २ कल्लं जेणेव सेलगरायरिसी आपुच्छित्ता पाडिहारियं पीढफलग जाव पच्चप्पिणंति २ पंथयं अणगारं वेयावच्चकरं ठावेति २ वहिया जाव विहरंति ।

(64) तए णं से पंथए सेलगस्स सेज्जासंथारउच्चारपासवणखेल्ले-सिंघाणमलाओ ओसहमेसज्जभत्तपाणएणं अगिलाए विणएणं वेयावडि-यं करेइ । तए णं से सेलए अन्नया कयाइ कत्तियचाउम्मासियंसि विउलं असणं ४ आहारमाहारिए सुबहुं च मज्जपाणयं पीए पुव्वावरण्हकाल-समयंसि सुहप्पसुत्ते । तए णं से पंथए कत्तियचाउम्मासियंसि कय-काउस्सग्गे देवसियं पडिक्कमणं पडिक्कंते चाउम्मासियं पडिक्कमिउं कामे सेलगं रायरिसिं खामणट्टयाए सीसेणं पाएसु संघट्टेइ । तए णं से सेलए पंथएणं सीसेणं पाएसु संघट्टिए समाणे आसुरुत्ते जाव मिसिमिसेमाणे उट्टेइ २ एवं वयासी - से केस णं भो एस अपत्थियपत्थिए जाव वज्जिए जे णं ममं सुहप्पसुत्तं पाएसु संघट्टेइ ? तए णं से पंथए सेलएणं एवं वुत्ते समाणे भीए तत्थे तसिए करयल जाव कट्ठु एवं वयासी - अहं णं भंते ! पंथए कयकाउस्सग्गे देवसियं पडिक्कमणं पडिक्कंते चाउम्मासियं खामेमाणे देवाणुप्पियं वंदमाणे सीसेणं पाएसु संघट्टेमि । तं खामेमि णं तुब्भे देवाणुप्पिया ! खमन्तु मे अवराहं तुमं णं देवाणुप्पिया ! नाइभुज्जो एवं करणयाए त्तिकट्ठु सेलयं अणगारं एयमट्ठुं सम्मं विणएणं भुज्जो २ खामेइ । तए णं तस्स सेलगस्स रायरिसिस्स पंथएणं एवं वुत्तस्स

अयमेयारूवे जाव समुप्पज्जित्था-एवं खलु अहं रज्जं च जाव ओसन्नो जाव उउबद्धपीढं विहरामि । तं नो खलु कप्पइ समणाणं २ पासत्थानं जाव विहरित्तए । तं सेयं खलु मे कल्लं मंडुयं रायं आपुच्छित्ता पाडि-हारियं पीढफलगसेज्जासंथारगं पच्चप्पिणित्ता पंथएणं अणगारेणं सद्धि-वहिया अब्भुज्जएणं जाव जणवयविहारेणं विहरित्तए । एवं संपेहेइ २ कल्लं जाव विहरइ ।

✓ (65) एवामेव समणाउसो ! जाव निगंगथो वा २ ओसन्ने जाव संथारए पमत्ते विहरइ से णं इहलोए चेव बहूणं समणाणं ४ हील-णिज्जे संसारो भाणियव्वो । तए णं ते पंथगवज्जा पंच अणगारसया इमीसे कहाए लद्धट्ठा समाणा अन्नमन्नं सदावेति २ एवं वयासी-एवं खलु सेलए रायरिसी पंथएणं बहिया जाव विहरइ । तं सेयं खलु देवाणु-प्पिया ! अहं सेलगं रायरिसि उवसंपज्जित्ताणं विहरित्तए । एवं संपेहेति २ सेलगं रायरिसि उवसंपज्जित्ताणं विहरंति ।

(66) तए णं से सेलए रायरिसी पंथगपामोक्खा पंच अणगारसया बहूणि वासाणि सामण्णपरियागं पाउणित्ता जेणेव पुंडरीयपव्वए तेणेव उवागच्छंति २ जहेव थावच्चापुत्ते तहेव सिद्धा ४ । एवामेव समणाउसो ! जो निगंगथो वा २ जाव विहरिस्सइ ।

एवं खलु जंवू ! समणेणं भगवया महावीरेणं जाव संपत्तेणं पंचमस्स नायज्झयणस्स अयमट्ठे पन्नत्ते त्तिवेमि ॥

॥ पंचमं नायज्झयणं समत्तं ॥

॥ छट्ठं अज्झयणं ॥

(67) जइ णं भंते ! समणेणं जाव संपत्तेणं पंचमस्स नाय-ज्झयणस्स अयमट्ठे पन्नत्ते छट्ठस्स णं भंते ! नायज्झयणस्स समणेणं जाव संपत्तेणं के अट्ठे पन्नत्ते ? एवं खलु जंवू ! तेणं कालेणं २ रायंगिहे समोसरणं परिसा निग्गया । तेणं कालेणं २ समणस्स जेट्ठे

इंदभूर्इ नामं अणगारे अदूरसामंते जाव सुक्कज्झाणोवगए विहरइ । तए णं से इंदभूर्इ जायसद्धे जाव एवं वयासी - कहं णं भंते ! जीवा गरु-
यत्तं वा लहुयत्तं वा हव्वमागच्छंति ? गोयमा ! से जहानामए केइ
पुरिसे एगं महं सुक्कतुंबं निच्छिदं निरुवहयं दब्भेहि य कुसेहि य वेढेइ
२ मट्टियालेवेणं लिंपइ २ उण्हे दलयइ २ सुक्कं समाणं दोच्चं पि दब्भेहि
य कुसेहि य वेढेइ २ मट्टियालेवेणं लिंपइ २ उण्हे दलयइ २ सुक्के
समाणे तच्चं पि दब्भेहि य कुसेहि य वेढेइ मट्टियालेवेणं लिंपइ । एवं
खलु एएणं उवाएणं सत्तरत्तं वेढेमाणे अंतरा लिप्पमाणे अंतरा सुक्का-
वेमाणे जाव अट्ठहिं मट्टियालेवेहिं आलिंपइ २ अत्थाहमतारमपोरिसियंसि
उदगंसि पक्खिवेज्जा । से नूणं गोयमा ! से तुंबे तेसिं अट्ठणं मट्टिया-
लेवेणं गुरुययाए भारियाए उप्पिं सलिलमइवइत्ता अहे धरणियलपइट्ठाणे
भवइ । एवामेव गोयमा ! जीवा वि पाणाइवाएणं जाव मिच्छादंसणसल्लेणं
अणुपुव्वेणं अट्ठकम्मपगडीओ समज्जिणित्ता तासिं गरुययाए भारिययाए
एवामेव कालमासे कालं किच्चा धरणियलमइवइत्ता अहे नरगतलपइट्ठाणा
भवन्ति ! एवं खलु गोयमा ! जीवा गरुयत्तं हव्वमागच्छंति । अहे णं
गोयमा ! से तुंबे तंसिं पढमिलुगंसि मट्टियालेवंसि तिन्नंसि कुहियंसि
परिसडियंसि ईसिं धरणियलाओ उप्पइत्ताणं चिट्ठइ । तयाणंतरं दोच्चं पि
मट्टियालेवे जाव उप्पइत्ताणं चिट्ठइ । एवं खलु एएणं उवाएणं तेसु अट्ठसु
मट्टियालेवेसु तिन्नेसु जाव विमुक्कबंधणे अहे धरणि^१यलमइवइत्ता उप्पिं
सलिलतलपइट्ठाणे भवइ । एवामेव गोयमा ! जीवा पाणाइवायवेरमणेणं
जाव मिच्छादंसणसल्लवेरमणेणं अणुपुव्वेणं अट्ठकम्मपगडीओ खवेत्ता
गगणतलमुप्पइत्ता उप्पिं लोयगगपइट्ठाणा भवन्ति । एवं खलु गोयमा !
जीवा लहुयत्तं हव्वमागच्छंति ।

एवं खलु जंवू ! समणेणं जाव संपत्तेणं छट्ठस्स नायज्झयणस्स
अयमट्ठे पन्नत्ते त्तिवेमि ॥

॥ छट्ठं नायज्झयणं समत्तं ॥

॥ सत्तमं अज्झयणं ॥

(68) जइ णं भंते ! समणेणं जाव संपत्तेणं छट्ठस्स नायज्झयणस्स अयमट्ठे पन्नत्ते सत्तमस्स णं भंते ! नायज्झयणस्स के अट्ठे पन्नत्ते ? एवं खलु जंबू ! तेणं कालेणं २ रायगिहे नामं नयरे होत्था । सुभूमिभागे उज्जाणे । तत्थ णं रायगिहे नयरे धणे नामं सत्थवाहे परिवसइ अट्ठे जाव अपरिभूए । भद्दा भारिया अहीणपंचिंदियसरीरा जाव सुरूवा । तस्स णं धणस्स सत्थवाहस्स पुत्ता भद्दाए भारियाए अत्तया चत्तारि सत्थवाहदारगा होत्था तंजहा-धणपाले धणदेवे धणगोवे धणरक्खिण । तस्स णं धणस्स सत्थवाहस्स चउण्हं पुत्ताणं भारियाओ चत्तारि सुण्हाओ होत्था तंजहा-उज्झिया भोगवइया रक्खइया रोहिणिया । तए णं तस्स धणस्स सत्थवाहस्स अन्नया कयाइं पुव्वरत्तावरत्तकालसमयंसि इमेयारूवे अज्झत्थिए ४ जाव समुप्पज्जित्था-एवं खलु अहं रायगिहे नयरे वहूणं राईसरतलवर जाव पभिईणं सयस्स य कुडुंवस्स बहूसु कज्जेसु य कारणेसु य कोडुंवसेसु य मंतणेसु य गुज्जेसु रहस्सेसु निच्छएसु ववहारेसु य आपुच्छणिज्जे पडिपुच्छणिज्जे मेढी पमाणं आहारे आलंबणे चक्खू मेढीपमाणभूए सव्वकज्जवट्ठावए । तं न नज्जइ णं मए गयंसि वा चुयंसि वा मयंसि वा भग्गंसि वा लुग्गंसि वा सडियंसि वा पडियंसि वा विदेसगयंसि वा विण्णवसियंसि वा इमस्स कुडुंवस्स के मन्ने आहारे वा आलंबे वा पडिवंधे वा भविस्सइ । तं सेयं खलु मम कलं जाव जलंते विपुलं असणं ४ उवक्खडावेत्ता मित्तनाइ० चउण्हं य सुण्हाणं कुलघरवग्गं आमंतेत्ता तं मित्तनाइनियगसयण० चउण्हं य सुण्हाणं कुलघरवग्गं विपुलेणं असणेणं ४ धूवपुप्फवत्थगंध जाव सक्कारेत्ता संमाणेत्ता तस्सेव मित्तनाइ जाव चउण्हं सुण्हाणं कुलघरवग्गस्स य पुरओ चउण्हं सुण्हाणं परिकखणट्ठयाए पंच २ सालिअक्खए दलइत्ता जाणामि ताव का किह वा सारक्खेइ वा संगोवेइ वा संवट्ठेइ वा । एवं संपेहेइ २ कलं जाव मित्तनाइ० चउण्हं सुण्हाणं कुलघरं आमंतेइ २ विपुलं असणं ४ उवक्खडावेइ तओ पच्छा ण्हाए भोयणमंडवंसि

सुहासणवरगणं तं मित्तनाइ० चउण्हं सुण्हाणं कुलघरवग्गेणं सद्धिं तं विपुलं असणं ४ जाव सक्कारेइ २ तस्सेव मित्तनाइ० चउण्हं य सुण्हाणं कुलघरवग्गस्स य पुरओ पंच सालिअक्खए गेण्हइ २ जेट्ठं सुण्हं उज्झइयं सद्दावेइ २ एवं वयासी-तुमं णं पुत्ता ! मम हत्थाओ इमे पंच सालिअक्खए गेण्हहि २ अणुपुत्रेणं सारक्खमाणी संगोवेमाणी विहराहि । जया णं अहं पुत्ता ! तुमं इमे पंच सालिअक्खए जाणज्जा तथा णं तुमं मम इमे पंच सालिअक्खए पडिनिज्जाएज्जासि त्तिकट्ठु सुण्हाए हत्थे दलयइ २ पडिविसज्जेइ । तए णं सा उज्झया धणस्स तहं त्ति एयमट्ठं पडिसुणेइ २ धणस्स सत्थवाहस्स हत्थाओ ते पंच सालिअक्खए गेण्हइ २ एगंतमवक्कमइ एगंतमवक्कमियाए इमेयारूवे अज्झत्थिए ४ जाव समुप्पज्जित्था-एवं खलु तायाणं कोट्टागारंसि बहवे पल्ला सालीणं पडिपुण्णा चिट्ठंति । तं जया णं मम ताओ इमे पंच सालिअक्खए जाणसइ तथा णं अहं पल्लंतराओ अन्ने पंच सालिअक्खए गहाय दाहामि त्तिकट्ठु एवं संपेहेइ २ ते पंच सालिअक्खए एगंते एडेइ सकम्मसंजुत्ता जाया यावि होत्था । एवं भोगवइयाए वि नवरं सा छोल्लइ २ अणुगिलइ २ सकम्मसंजुत्ता जाया यावि होत्था । एवं रक्खिया वि नवरं गेण्हइ २ इमेयारूवे अज्झत्थिए ४-एवं खलु ममं ताओ इमस्स मित्तनाइ० चउण्हं य सुण्हाणं कुलघरवग्गस्स य पुरओ सद्दावेत्ता एवं वयासी-तुमं णं पुत्ता ! मम हत्थाओ जाव पडिनिज्जाएज्जासि त्तिकट्ठु मम हत्थंसि पंच सालिअक्खए दलयइ । तं भवियव्वं एत्थ कारणेणं त्तिकट्ठु एवं संपेहेइ २ ते पंच सालिअक्खए सुद्धे वत्थे बंधइ २ रयणकरंडियाए पक्खिवइ २ उसीसामूले ठावेइ २ तिसंझं पडिजागरमाणी २ विहरइ । तए णं से धणे सत्थवाहे तहेव मित्त जाव चउत्थिं रोहिणीयं सुण्हं सद्दावेइ २ जाव तं भवियव्वं एत्थ कारणेणं त्तिकट्ठु सेयं खलु मम एए पंच सालिअक्खए सारक्खमाणीए संगोवेमाणीए संवहेमाणीए त्तिकट्ठु एवं संपेहेइ २ कुलघरपुरिसे सद्दावेइ २ एवं वयासी-तुम्हे णं देवाणुप्पिया ! एए पंच सालिअक्खए गेण्हइ २ पढम-

पाउसंसि महावुट्टिकायंसि निवइयंसि समानंसि खुड्डागं केयारं सुपरिकम्मियं करेह २ इमे पंच सालिअक्खए वावेह २ दोच्चं पि तच्चं पि उक्खयनिहए करेह २ वाडिपक्खेवं करेह २ सारक्खमाणा संगोवेमाणा आणुपुव्वेणं संवहेह । तए णं ते कोडुंबिया रोहिणीए पयमट्टं पडिसुणेंति ते पंच सालिअक्खए गेण्हंति २ अणुपुव्वेणं सारक्खंति संगोविति । तए णं ते कोडुंबिया पढमपाउसंसि महावुट्टिकायंसि निवइयंसि समानंसि खुड्डागं केयारं सुपरिकम्मियं करेंति २ ते पंच सालिअक्खए ववंति दोच्चं पि तच्चं पि उक्खयनिहए करेंति २ वाडिपरिक्खेवं करेंति अणुपुव्वेणं सारक्खेमाणा संगोवेमाणा संवहेमाणा विहरंति । तए णं ते साली अणुपुव्वेणं सारक्खिज्जमाणा संगोविज्जमाणा संवड्ढिज्जमाणा साली जाया क्रिण्हा क्रिण्होभासा जाव निउरंबभूया पासाईया ४ । तए णं ते साली पत्तिया वत्तिया गब्भिया पसूइया आगयगंधा खीराइया बद्धफला पक्का परियागया सल्लूइया पत्तईया हरियपव्वकंडा जाया यावि होत्था । तए णं ते कोडुंबिया ते साली पत्तिए जाव सल्लइयपत्तइए जाणित्ता तिक्खेहिं नवपज्जणएहिं असिएहिं लुणंति २ करयलमलिए करेंति २ पुणंति । तत्थ णं चोक्खाणं सूईयाणं अखंडाणं अफुडियाणं छडछडापूयाणं सालीणं मागहए पत्थए जाए । तए णं ते कोडुंबिया ते साली नवएसु घडएसु पक्खिवंति उल्लिपंति २ लंछियमुद्दिए करेंति २ कोट्टागारस्स एगदेसंसि ठावेंति सारक्खमाणा संगोवेमाणा विहरंति । तए णं ते कोडुंबिया दोच्चंसि वासारत्तंसि पढमपाउसंसि महावुट्टिकायंसि निवइयंसि खुड्डागं केयारं सुपरिकम्मियं करेंति ते साली ववंति दोच्चं पि उक्खायनिहए जाव लुणंति जाव चलणतलमलिए करेंति २ पुणंति । तत्थ णं सालीणं बहवे कुंडवा जाव एगदेसंसि ठावेंति २ सारक्खेमाणा संगोवेमाणा विहरंति । तए णं ते कोडुंबिया तच्चंसि वासारत्तंसि महावुट्टिकायंसि निवइयंसि बहवे केयारे सुपरिकम्मिए जाव लुणंति २ संवहंति २ खलयं करेंति २ मलेंति जाव बहवे कुंभा जाया । तए णं ते कोडुंबिया साली कोट्टागारंसि पल्लेवंति जाव विहरंति । चउत्थे वासारत्ते बहवे

कुंभसया जाया । तए णं तस्स धणस्स पंचमयंसि संवच्छरसि परिणममाणंसि पुव्वरत्तावरत्तकालसमयंसि इमेयारूवे अज्झत्थिए ४ जाव समुप्पज्जित्था-एवं खलु मए इओ अईए पंचमे संवच्छरे चउण्हं सुण्हाणं परिकखणट्ठयाए ते पंच २ सालिअक्खया हत्थे दिन्ना । तं सेयं खलु मम कल्लं जाव जलंते पंच सालिअक्खए परिजाइत्तए जाव जाणामि काए किह सारक्खिया वा संगोविया वा संवड्डिया वा । एवं संपेहेइ २ कल्लं जाव जलंते विपुलं असणं ४ मित्तनाइनियग० चउण्ह य सुण्हाणं कुलघरवग्गं जाव सम्माणित्ता तस्सेव मित्त जाव चउण्ह य सुण्हाणं कुलघरवग्गस्स पुरओ जेट्ठं उज्झिययं सदावेइ २ एवं वयासी-एवं खलु अहं पुत्ता ! इओ अईए पंचमंसि संवच्छरंसि इमस्स मित्त जाव चउण्ह य सुण्हाणं कुलघरस्स य पुरओ तव हत्थंसि पंच सालिअक्खए दलयामि जया णं अहं पुत्ता ! एए पंच सालिअक्खए जाएज्जा तया णं तुमं मम इमे पंच सालिअक्खए पडिनिज्जाएसि त्तिकट्ठु । से नूनं पुत्ता ! अट्ठे समट्ठे ? हंता अत्थि । तं णं तुमं पुत्ता ! मम ते सालिअक्खए पडिनिज्जाएसि । तए णं सा उज्झिया एयमट्ठं धणस्स पडिसुणेइ जेणेव कोट्ठागारं तेणेव उवागच्छइ २ पल्लाओ पंच सालिअक्खए गेण्हइ २ जेणेव धणे सत्थवाहे तेणेव उवागच्छइ २ एवं वयासी-एए णं ते पंच सालिअक्खए त्तिकट्ठु धणस्स हत्थंसि ते पंच सालिअक्खए दलयइ । तए णं धणे उज्झियं सवहसावियं करेइ २ एवं वयासी-किं णं पुत्ता ! ते चेव पंच सालिअक्खए उदाहु अन्ने ? तए णं उज्झिया धणं सत्थवाहं एवं वयासी-एवं खलु तुब्बे ताओ ! इओ अईए पंचमे संवच्छरे इमस्स मित्तनाइ० चउण्ह य जाव विहराहि । तए णं अहं तुब्बं एयमट्ठं पडिसुणेमि ते पंच सालिअक्खए गेण्हामि एगंतमवक्कामि । तए णं मम इमेयारूवे अज्झत्थिए ४ जाव समुप्पज्जित्था-एवं खलु तायाणं कोट्ठागारंसि जाव सकम्मसंजुत्ता । तं नो खलु ताया ! ते चेव पंच सालिअक्खए एए णं अन्ने । तए णं से धणे उज्झियाए अंतिए एयमट्ठं सोच्चा निसम्म आ सुरुत्ते जाव मिसिमिसेमाणे उज्झियं तस्स मित्तनाइ० चउण्हं

सुण्हाणं कुलघरवग्गस्स य पुरओ तस्स कुलघरस्स छारुज्झियं च छाणु-
 ज्झियं च कयवरुज्झियं च संपुच्छियं च सम्मज्जियं च पाउवदाइयं च
 ण्हाणोवदाइयं च बाहिरपेसणकारियं च ठावेइ । एवामेव समणाउसो !
 जो अम्हं निगंथो वा २ जाव पव्वइए पंच य से महव्वयाइं उज्झियाइं
 भवंति से णं इहभवे चेव बहूणं समणाणं ४ हीलणिज्जे जाव अणुपरि-
 यट्ठइस्सइ जहा सा उज्झिया । एवं भोगवइया वि नवरं तस्स कुलघरस्स
 कंडितियं च कोट्टितियं च पीसंतियं च एवं रुचंतियं रंधंतियं परिवेसं-
 तियं च परिभायंतियं च अब्भितरियं च पेसणकारिं महाणसिणिं ठावेइ ।
 एवामेव समणाउसो ! जो अम्हं समणो वा पंच य से महव्वयाइं
 फोडियाइं भवंति से णं इहभवे चेव बहूणं समणाणं ४ जाव हीलणिज्जे
 ४ जहाव सा भोगवइया । एवं रक्खिइयावि नवरं जेणेव वासघरे
 तेणेव उवागच्छइ २ मंजूसं विहाडेइ २ रयणकरंडगाओ ते पंच सालि-
 अक्खए गेण्हइ २ जेणेव धणे सत्थवाहे तेणेव उवागच्छइ २ पंच
 सालिअक्खए धणस्स हत्थे दलयइ । तए णं से धणे रक्खिइयं एवं
 वयासी-किं णं पुत्ता ! ते चेव एए पंच सालिअक्खए उदाहु अन्ने ?
 तए णं रक्खिइया धणं एवं वयासी-ते चेव ताया ! एए पंच
 सालिअक्खया नो अन्ने । कहं णं पुत्ता ? एवं खलु ताओ ! तुव्भे
 इओ पंचमंमि जाव भवियव्वं एत्थ कारणेणं तिकट्ठु ते पंच सालि-
 अक्खए सुद्धे वत्थे जाव तिसंझं पडिजागरमाणी यावि विहरामि ।
 ताओ एएणं कारणेणं ताओ ! ते चेव पंच सालिअक्खए नो अन्ने ।
 तए णं से धणे रक्खिइयाए अंतियं एयमट्ठं सोच्चा हट्ठुत्ठे तस्स
 कुलघरस्स हिरण्णस्स य कंसदूसविपुलधण जाव सावणज्जस्स य भंडा-
 गारिणिं ठावेइ । एवामेव समणाउसो ! जाव पंच य से महव्वयाइं
 रक्खिइयाइं भवंति से णं इहभवे चेव बहूणं समणाणं ४ अच्चणिज्जे जाव
 जहा सा रक्खिइया । रोहिणीया वि एवं चेव नवरं तुव्भे ताओ मम
 सुवहुयं सगडीसागडं दलाह जाणं अहं तुव्भे ते पंच सालिअक्खए
 पडिनिज्जाणमि । तए णं से धणे रोहिणिं एवं वयासी-कहं णं तुमं

मम पुत्ता ! ते पंच सालिअक्खए सगडसागडेणं निज्जाएस्ससि ? तए णं सा रोहिणी धणं एवं वयासी-एवं खलु ताओ ! इओ तुब्भे पंचमे संवच्छरे इमस्स मित्त जाव वहवे कुंभसया जाया तेणेव कमेण । एवं खलु ताओ ! तुब्भे ते पंच सालिअक्खए सगडीसागडेणं निज्जा-
 एमि । तए णं से धणे सत्थवाहे रोहिणीयाए सुबहुयं सगडीसागडं वलयइ । तए णं रोहिणी सुबहुं सगडीसागडं गहाय जेणेव सए कुलघरे तेणेव उवागच्छइ कोट्टागारं विहाडेइ २ पल्ले उब्भिदइ २ सगडी-
 सागडं भरेइ २ रायगिहं नगरं मज्झमज्जेणं जेणेव सए गिहे जेणेव धणे सत्थवाहे तेणेव उवागच्छइ । तए णं रायगिहे नयरे सिंघाडग जाव बहुजणो अन्नमन्नं एवमाइक्खइ ४ - धन्ने णं देवाणुप्पिया ! धणे सत्थवाहे जस्स णं रोहिणीया सुण्हा पंच सालिअक्खए सगडसागडि-
 एणं निज्जाएइ । तए णं से धणे सत्थवाहे ते पंच सालिअक्खए सगड-
 सागडेणं निज्जाएइ पासए २ हट्ठ जाव पडिच्छइ २ तस्सेव मित्तनाइ० चउण्ह य सुण्हाणं कुलघरपुरओ रोहिणीयं सुण्हं तस्स कुलघरस्स बहसु कज्जेसु य जाव रहस्सेसु य आपुच्छणिज्जं जाव वट्ठावियं पमाणभूयं ठावेइ । एवामेव समणाउसो ! जाव पंच से महच्चयाइं संवड्डियाइं भवंति से णं इहभवे चेव बहूणं समणाणं जाव वीईवइस्सइ जहा व सा रोहिणीया ।

एवं खलु जंवू ! समणेणं भगवया महावीरेणं जाव संपत्तेणं सत्तमस्स नायज्झयणस्स अयमट्ठे पन्नत्ते त्तिवेमि ॥

॥ सत्तमं अज्झयणं समत्तं ॥ ७ ॥

॥ अट्टमं अज्झयणं ॥

(69) जइ णं भंते ! समणेण जाव संपत्तेणं सत्तमस्स नायज्झयणस्स अयमट्ठे पन्नत्ते अट्टमस्स णं भंते ! के अट्ठे पन्नत्ते ? एवं खलु जंबू ! तेणं कालेणं २ इहेव जंबुदीवे २ महाविदेहे वासे मंदरस्स पव्वयस्स पच्चत्थिमेणं निसदस्स वासहरपव्वयस्स उत्तरेणं सीओयाए महानदीए दाहिणेणं सुहावहस्स वक्खारपव्वयस्स पच्चत्थिमेणं पच्चत्थिमलवणसमुदस्स पुरत्थिमेणं एत्थ णं सलिलावई नामं विजए पन्नत्ते । तत्थ णं सलिलावईविजए वीयसोगा नामं रायहाणी पन्नत्ता नवजोयणवित्थिण्णा जाव पच्चक्खं देवलोगभूया । तीसे णं वीयसोगाए रायहाणीए उत्तरपुरत्थिमे दिसीभाए इंदकुंभे नामं उज्जाणे । तत्थ णं वीयसोगाए रायहाणीए बले नामं राया । तस्स धारिणीपामोक्खं देवीसहस्सं आरोहे होत्था । तए णं सा धारिणी देवी अन्नया कयाइ सीहं सुमिणे पासित्ताणं पडिवुद्धा जाव महव्वले दारए जाए उम्मुक्क जाव भोगसमत्थे । तए णं तं महव्वलं अम्मापियरो सरिसियाणं कमलसिरिपामोक्खाणं पंचण्हं रायवरकन्नासयाणं एगदिवसेणं पाणिं गेण्हावेति । पंच पासायसया पंचसओ दाओ जाव विहरइ । थेरागमणं इंदकुंभे उज्जाणे समोसढे परिसा निग्गया बलो वि निग्गओ धम्मं सोच्चा निसम्म जं नवरं महव्वलं कुमारं रज्जे ठावेइ जाव एक्कारसंगवी बहूणि वासाणि सामण्णपरियाणं पाउणित्ता जेजेव चारुपव्वए मासिएणं भत्तेणं सिद्धे । तए णं सा कमलसिरी अन्नया कयाइ सीहं सुमिणे जाव वलभद्दो कुमारो जाओ जुवराया यावि होत्था । तस्स णं महव्वलस्स रत्तो इमे छप्पियवालवयंसगा रायाणो होत्था तंजहा-अयले धरणे पूरणे वसू वेसमणे अभिचंदे सहजायया जाव संहिच्चाए नित्थरियव्वे त्तिक्कट्टु अन्नमन्नस्स एयमट्ठं पडिसुणेंति । तेणं कालेणं २ इंदकुंभे उज्जाणे थेरा समोसढा । परिसा निग्गया । महव्वले णं धम्मं सोच्चा जं नवरं छप्पियवालवयंसए आपुच्छामि वलभद्दं च कुमारं रज्जे ठावेमि जाव छप्पियवालवयंसए आपुच्छइ । तए णं ते छप्पिय० महव्वलं रायं एवं वयासी- जइ णं देवाणु-

पिया ! तुम्हे पवयह अमहं के अन्ने आहारे जाव पवयामो । तए णं से महव्वले राया ते छप्पियं एवं वयासी - जइ णं तुम्हे मए सद्धि जाव पवयह तो णं गच्छह जेट्ठे पुत्ते सएहिं २ रज्जेहिं ठावेह पुरिस-सहस्सवाहिणीओ सीयाओ दुरुद्धा जाव पाउब्भवंति । तए णं से महव्वले राया छप्पियवालवयंसए पाउब्भूए पासइ २ हट्ठ जाव कोडुंबियपुरिसे सहावेइ २ बलभदस्स रायाभिसेओ जाव आपुच्छइ । तए णं से महव्वले जाव महया इट्ठीए पँवइए एक्कारसअंगवी वहूहिं चउत्थ जाव भावेमाणे विहरइ । तए णं तेसिं महव्वलपामोकखाणं सत्तण्हं अणगाराणं अन्नया कयाइ एगयओ सहियाणं इमेयारूवे मिहोकहासमुल्लावे समुप्पज्जित्था - जं णं अमहं देवाणुप्पिया एगे तवोकम्मं उवसंपज्जित्ताणं विहरइ तं णं अमहेहिं सवेहिं तवोकम्मं उवसंपज्जित्ताणं विहरित्तए त्तिकहु अन्न-मन्नस्स एयमट्ठं पडिसुणेंति २ वहूहिं चउत्थ जाव विहरंति । तए णं से महव्वले अणगारे इमेणं कारणेणं इत्थिनामगोयं कम्मं निव्वत्तिं सु - जइ णं ते महव्वलवज्जा छ अणगारा चउत्थं उवसंपज्जित्ताणं विहरंति तओ से महव्वले अणगारे छट्ठं उवसंपज्जित्ताणं विहरइ । जइ णं ते महव्वलवज्जा छ अणगारा छट्ठं उवसंपज्जित्ताणं विहरंति तओ से महव्वले अणगारे अट्ठमं उवसंपज्जित्ताणं विहरइ । एवं अह अट्ठमं तो दसमं अह दसमं तो दुवालसमं । इमेहि य णं वीसाएहि य कारणेहिं आसेवियबहुलीकएहिं तित्थयरनामगोयं कम्मं निव्वत्तेसु तंजहा - अरहंतसिद्धपवयणगुरुत्थेरबहुस्सुए तवस्सीसुं । वच्छल्लया य तेसिं अभिक्ख नाणोवओगा य ॥ १ ॥ दंसणविणए आवस्सए य सीलव्वए निरइयारो । खणलवतवचियाए वेयावच्चे समाही य ॥ २ ॥ अपुब्ब-नाणगहणे सुयभत्ती पवयणे पहावणया । एएहिं कारणेहिं तित्थयरत्तं लहइ सो उ ॥ ३ ॥ तए णं ते महव्वलपामोकखा सत्त अणगारा मासियं भिक्खुपडिमं उवसंपज्जित्ताणं विहरंति जाव एगराइयं । तए णं ते मह-व्वलपामोकखा सत्त अणगारा खुट्ठागं सीहनिक्कीलियं तवोकम्मं उवसंप-ज्जित्ताणं विहरंति तंजहा - चउत्थं करेंति २ सव्वकामगुणियं पारेंति २

छट्ठं करेति २ चउत्थं करेति २ अट्ठमं करेति २ छट्ठं करेति २ दसमं करेति २ अट्ठमं करेति २ दुवालसमं करेति २ दसमं करेति २ चोद्दसमं करेति २ दुवालसमं करेति २ सोलसमं करेति २ चोद्दसमं करेति २ अट्ठारसमं करेति २ सोलसमं करेति २ वीसइमं करेति २ अट्ठारसमं करेति २ वीसइमं करेति २ सोलसमं करेति २ अट्ठारसमं करेति २ चोद्दसमं करेति २ सोलसमं करेति २ दुवालसमं करेति २ चोद्दसमं करेति २ दसमं करेति २ दुवालसमं करेति २ अट्ठमं करेति २ दसमं करेति २ छट्ठं करेति २ अट्ठमं करेति २ चउत्थं करेति २ छट्ठं करेति २ चउत्थं करेति सव्वत्थं सव्वकामगुणिणं पारंति । एवं खलु एसा खुड्ढागसीहनिक्कीलियस्स तवोकम्मस्स पढमा परिवाडी छहिं मासेहिं सत्तहिं य अहोरत्तेहिं य अहासुत्तं जाव आराहिया भवइ । तयाणंतं दोच्चाए परिवाडीए चउत्थं करेति नवरं विगयं वज्जं पारंति । एवं तच्चाए वि परिवाडीए नवरं पारणं अलेवाडं पारंति । एवं चउत्था वि परिवाडी नवरं पारणं आयं विलेण पारंति । तए णं ते महच्चलपामोक्खा सत्त अणगारा खुड्ढागं सीहनिक्कीलियं तवोकम्मं दोहिं संवच्छरेहिं अट्ठावीसाए अहोरत्तेहिं अहासुत्तं जाव आणाए आराहेत्ता जेणेव थेरे भगवंते तेणेव उवागच्छंति २ थेरे भगवंते वंदंति नमंसंति २ एवं वयासी-इच्छामो णं भंते ! महालयं सीहनिक्कीलियं तहेव जहा खुड्ढागं नवरं चोत्तीसइमाओ नियत्तं एगाए परिवाडीए कालो एगेणं संवच्छरेणं छहिं मासेहिं अट्ठारसहिं य अहोरत्तेहिं समप्पेइ । सव्वं पि सीहनिक्कीलियं छहिं वासेहिं दोहिं मासेहिं वारसहिं य अहोरत्तेहिं समप्पेइ । तए णं ते महच्चलपामोक्खा सत्त अणगारा महालयं सीहनिक्कीलियं अहासुत्तं जाव आराहिता जेणेव थेरे भगवंते तेणेव उवागच्छंति २ थेरे भगवंते वंदंति नमंसंति २ बहूणि चउत्थं जाव विहरंति । तए णं ते महच्चलपामोक्खा सत्त अणगारा तेणं उरालेणं सुक्का भुक्खा जहा खंदओ नवरं थेरे आपुच्छित्ता चारुपच्चयं सणियं दुरुहंति जाव दोमासियाए संलेहणाए सवीसं भत्तसयं चतुरासीइं वास-सयसहस्साइं सामण्णपरियागं पाउणंति २ चुलसीइं पुव्वसयसहस्साइं

सच्चाउयं पालइत्ता जयंते विमाणे देवत्ताए उववच्चा ।

(70) तत्थ णं अत्थेगइयाणं देवाणं वत्तीसं सागरोवमाइं ठिई पन्नत्ता । तत्थ णं महच्चलवज्जाणं छण्हं देवाणं देसूणाइं वत्तीसं सागरोवमाइं ठिई । महच्चलस्स देवस्स पडिपुण्णाइं वत्तीसं सागरोवमाइं ठिई । तए णं ते महच्चलवज्जा छप्पि देवा ताओ देवलोगाओ आउक्खएणं जाव अणंतरं चयं चइत्ता इहेव जंबुदीवे २ भारहे वासे विसुद्धपिइमाइवंसेसु रायकुलेसु पत्तेयं २ कुमारत्ताए पच्चायाया तंजहा - पडिवुद्धी इक्खागराया, चंदच्छाए अंगराया, संखे कासिराया, रुप्पी कुणालाहिर्वई, अदीणसत्तू कुरुराया, जियसत्तू पंचालाहिर्वई । तए णं से महच्चले देवे तिहिं नाणेहिं समग्गे उच्चट्ठाणगएंसु गहेसु सोमासु दिसासु वितिमिरासु विसुद्धासु जइएसु सउणेसु पयाहिणाणुकूलंसि भूमिसप्पिसि मारुयंसि पवायंसि निप्फन्नस्समेइणीयंसि कालंसि पमुइयपक्कीलिएसु जणवएसु अद्धरत्तकालसमयंसि अस्सिणीनक्खत्तेणं जोगमुवागएणं जे से गिम्हाणं पढमे मासे दोच्चे पक्खे चेत्तसुद्धे तस्स णं चेत्तसुद्धस्स चउत्थिपक्खेणं जयंताओ विमाणाओ वत्तीसं सागरोवमट्ठिइयाओ अणंतरं चयं चइत्ता इहेव जंबुदीवे २ भारहे वासे मिहिलाए रायहाणीए कुंभगस्स रत्तो पभावईए देवीए कुच्छिसि आहारवक्कंतीए भववक्कंतीए सरीरवक्कंतीए गब्भत्ताए वक्कंते । तं रयणिं च णं चोइस महासुमिणा वण्णओ । भत्तारकहणं सुमिणपाढगपुच्छा जाव विहरइ । तए णं तीसे पभावईए देवीए तिण्हं मासाणं बहुपडिपुण्णाणं इमेयारूवे डोहले पाउब्भूए - धन्नाओ णं ताओ अम्मयाओ जाओ णं जलथलयभासुरप्पभूएणं दसद्धवण्णेणं मल्लेणं अत्थुयपच्चत्थुयंसि सयणिज्जंसि सन्निसण्णाओ संनिवच्चाओ य विहरंति एगं च महं सिरिदामगंडं पाडलमल्लियचंपगअसोगपुन्नागनागमरुयगदमणगअणोज्जकोज्जयपउरपरमसुहदरिसणिज्जं महया गंधद्वणिं मुयंतं अग्घायमाणीओ डोहलं विणेति । तए णं तीए पभावईए इमं एयारूवं डोहलं पाउब्भूयं पासित्ता अहासन्निहिया वाणमंतरा देवा खिप्पामेव जलथलय जाव दसद्धवण-

मल्लं कुंभग्गसो य भारग्गसो य कुंभग्गस्स रत्तो भवणंसि साहरंति एगं च णं महं सिरिदामगंडं जाव मुयंतं उवणेंति । तए णं सा पभावई देवी जलथलय जाव मल्लेणं दोहलं विणेइ । तए णं सा पभावई देवी पसत्थदोहला जाव विहरइ । तए णं सा पभावई देवी नवण्हं मासाणं अद्धट्टमाण य रायंदियाणं जे से हेमंताणं पढमे मासे दोच्चे पक्खे मग्गसिरसुद्धे तस्स णं एक्कारसीए पुव्वरत्तावरत्तकाल-समयंसि अस्सीणीनक्खत्तेणं उच्चट्टाण जाव पमुइयपक्कीलिएसु जणवएसु आरोगारोगं एगूणवीसइमं तिथयरं पयाया ।

(71) तेणं कालेणं २ अहेलोगवत्थवाओ अट्ट दिसाकुमारी-मयहरियाओ जहा जंबुद्वीवपत्ततीए जम्मणं सव्वं नवरं मिहिलाए कुंभग्गस्स पभावईए अभिलाओ संजोएयव्वो जाव नंदीसरवरदीवे महिमा । तया णं कुंभए राया बहूहिं भवणवईहिं ४ तिथयरजायकम्मं जाव नामकरणं - जम्हा णं अम्हं इमीए दारियाए माऊए मल्लसयणीयंसि डोहले विणीए तं होउ णं नामेणं मल्ली जहा महव्वले जाव परिवड्डिया । सा वड्डई भगवई दियलोयचुया अणोवमसिरीया । दासीदासपरिवुडा परिकिण्णा पीढमहेहि ॥ १ ॥ असियसिरया सुनयणा विंवोटी धवलदंतपंतीया । वरकमलकोमलंगी फुल्लुप्पलगंधनीसासा ॥ २ ॥

✓ (72) तए णं सा मल्ली विदेहरायवरकन्ना उम्मुक्कवालभावा जाव रूवेण य जोव्वणेण य लावण्णेण य अईव २ उक्किट्ठा उक्किट्ठसरीरा जायावि होत्था ॥ तए णं सा मल्ली देसूणवाससयजाया ते छप्पि रायाणो विउलेणं ओहिणा आभोएमाणी २ विहरइ तंजहा - पडिवुद्धि जाव जियसत्तुं पंचालाहिवई । तए णं सा मल्ली कोडुंवियपुरिसे सदावेइ २ एवं वयासी - गच्छह णं तुम्हे देवाणुप्पिया ! असोगवणियाए एगं महं मोहणघरं करेह अणेगखंभसयसन्निविट्ठं । तस्स णं मोहणघरस्स बहुमज्झदेसभाए छ गव्वभघरए करेह । तेसि णं गव्वभघरगाणं बहुमज्झदेसभाए जालघरयं करेह । तस्स णं जालघरयस्स बहुमज्झदेसभाए मणिपेटियं करेह जाव पच्चप्पिणंति । तए णं सा मल्ली मणिपेटियाए उवरिं अप्पणो सरिसियं

सरित्तयं सरिच्चयं सरिसलावण्णजोवण्णगुणोववेयं कणगंमयं मत्थय-
च्छिड्डं पउमं पलपिहाणं पडिमं करेइ २ जं विउलं असणं ४ आहारेइ
तओ मणुन्नाओ असणाओ ४ कल्लाकल्लिं एगमेगं पिंडं गहाय तीसे कणगा-
मईए मत्थयच्छिड्डाए जाव पडिमाए मत्थयंसि पक्खिवमाणी २ विहरइ ।
तए णं तीसे कणगंमईए जाव मत्थयच्छिड्डाए पडिमाए एगमेगंसि पिंडे
पक्खिण्णमाणे २ तओ गंधे पाउब्भवइ से जहानामए अहिमडे इ वा
जाव एत्तो अणिट्ठतराए अमणामतराए चेव ।

(73) तेणं कालेणं २ कोसला नामं जणवए । तत्थ णं सागेए
नामं नयरे । तस्स णं उत्तरपुरत्थिमे दिसीभाए एत्थ णं महेगे नाग-
घरए होत्था दिव्वे सच्चे सच्चोवाए संनिहियपाडिहेरे ! तत्थ णं
सागेए नयरे पडिवुद्धी नामं इक्खागराया परिवसइ पउमावई देवी सु-
वुद्धी अमच्चे सांमदंड० । तए णं पउमावईए देवीए अन्नया कयाइ नाग-
जन्नए यावि होत्था । तए णं सा पउमावई नागजन्नमुवट्ठियं जाणित्ता
जेणेव पडिवुद्धी करयल जाव एवं वयासी-एवं खलु सामी ! मम
कल्लं नागजन्नए भविस्सइ । तं इच्छामि णं सामी ! तुब्भेहिं अब्भणु-
न्नाया समाणी नागजन्नयं गमित्तए । तुब्भे वि णं सामी ! मम नागजन्न-
यंसि समोसरह । तए णं पडिवुद्धी पउमावईए एयमट्ठं पडिसुणेइ ।
तए णं पउमावई पडिवुद्धिणा रत्ता अब्भणुन्नाया समाणी हट्ठा जाव कोडुं-
बियपुरिसे सद्दावेइ २ एवं वयासी-एवं खलु देवाणुप्पिया ! मम कल्लं
नागजन्नं भविस्सइ । तं तुब्भे मालागारे सद्दावेह २ एवं वयाह-एवं
खलु पउमावईए देवीए कल्लं नागजन्नए भविस्सइ । तं तुब्भे णं देवा-
णुप्पिया ! जलथलयदसद्धवण्णं मल्लं नागघरयंसि साहरह एगं च णं
महं सिरिदामगंडं उवणेह । तए णं जलथलयदसद्धवण्णेणं मल्लेणं
नाणाविहभत्ति सुविरइयं हंसमियमयूरकौंचसारसचक्रवायमयणसाल-
कोइलकुलोववेयं ईहामिय जाव भत्तिचित्तं महग्घं महरिहं विउलं पुप्फ-
मंडवं विरणह । तस्स णं बहुमज्झदेसभाए एगं महं सिरिदामगंडं जाव
गंधं द्वाणिं मुयंतं उल्लोयंसि आलंबेह २ पउमावई देविं पडिवालेमाणा २

चिट्ठह । तए णं ते कोहुंबिया जाव चिट्ठंति । तए णं सा पउमावई देवी कल्लं कोहुंबिए एवं वयासी - खिप्पामेव भो देवाणुप्पिया ! सागेयं नयरं सन्निभतरवाहिरियं आसियसम्मज्जिओवलित्तं जाव पच्चप्पिणंति । तए णं सा पउमावई दोच्चंपि कोहुंबिय जाव खिप्पामेव लहुकरणजुत्तं जाव जुत्तामेव उवट्ठुवेति । तए णं सा पउमावई अंतो अंतेउरंसि ण्हाया जाव धम्मियं जाणं दुरूढा । तए णं सा पउमावई नियगपरियालसंपरिवुडा सागेयं नयरं मज्झंमज्झेणं निज्जाइ २ जेणेव पुक्खरणी तेणेव उवागच्छइ २ पोक्खरणि ओगाहेइ २ जलमज्जणं जाव परमसुइभूया उल्लपडसाडया जाइं तत्थ उप्पलाइं जाव गेण्हइ २ जेणेव नागघरण तेणेव पहारेत्थ गमणाए । तए णं पउमावईए दासचेडीओ बहूओ पुप्फपंडलगहत्थगयाओ धूवकडं च्लुयहत्थगयाओ पिट्ठुओ समणुगच्छंति । तए णं पउमावई सत्विहीए जेणेव नागघरण तेणेव उवागच्छइ २ नागघरं अणुपविसइ २ लोमहत्थगं जाव धूवं डहइ २ पडिबुद्धिं पडिवालेमाणी २ चिट्ठइ । तए णं पडिबुद्धी ण्हाए हत्थिखंधवरगए सकोरंट जाव सेयवरचामराहि य हयगयरहमहयाभडच्चडगरपहकरेहिं सागेयं नगरं मज्झंमज्झेणं निग्गच्छइ २ जेणेव नागघरण तेणेव उवागच्छइ २ हत्थिखंधाओ पच्चोरुहइ २ आलोए पणामं करेइ २ पुप्फमंडवं अणुपविसइ २ पासइ तं एगं महं सिरिदामगंडं । तए णं पडिबुद्धी तं सिरिदामगंडं सुचिरं कालं निरिक्खइ २ तंसि सिरिदामगंडंसि जायविस्सए सुवुद्धिं अमच्चं एवं वयासी - तुमं देवाणुप्पिया ! मम दोच्चेणं बहूणि गामागर जाव सन्निवेसाइं आहिंडसि बहूण य राईसर जाव गिहाइं अणुपविससि । तं अत्थि णं तुमे कहिंचि एरिसए सिरिदामगंडे दिट्ठपुव्वे जारिसए णं इमे पउमावईदेवीए सिरिदामगंडे ? तए णं सुवुद्धी पडिबुद्धिं रायं एवं वयासी - एवं खलु सामी ! अहं अन्नया कयाइं तुब्भं दोच्चेणं मिहिलं रायहाणिं गए । तत्थ णं मए कुंभगस्स रत्तो धूयाए पभावईए देवीए अत्तयाए मल्लीए संवच्छरपडिलेहणगंसि दिव्वे सिरिदामगंडे दिट्ठपुव्वे । तस्स णं सिरिदामगंडस्स इमे

पउमावईए देवीए सिरिदामगंडे सयसहस्सइमंपि कलं न अग्घइ । तए णं पडिबुद्धी सुबुद्धिं अमच्चं एवं वयासी-केरिसिया णं देवाणुप्पिया ! मल्ली २ जस्स णं संवच्छरपडिलेहणयंसि सिरिदामगंडस्स पउमावईए देवीए सिरिदामगंडे सयसहस्सइमंपि कलं न अग्घइ ? तए णं सुबुद्धी पडिबुद्धिं इक्खागरायं एवं वयासी-मल्ली विदेहरायवरकन्नगा सुपइट्ठिय-कुम्मुन्नयचारुचरणा वण्णओ । तए णं पडिबुद्धी सुबुद्धिस्स अमच्चस्स अंतिए एयमट्ठं सोच्चा निसम्म सिरिदामगंडजणियहासे दूयं सद्दावेइ २ एवं वयासी-गच्छाहि णं तुमं देवाणुप्पिया ! मिहिलं रायहाणिं । तत्थ णं कुंभगस्स रत्तो धूयं पभावईए अत्तियं मल्लिं २ मम भारियत्ताए वरेहि जइ वि य णं सा सयं रज्जसुंका । तए णं से दूए पडिबुद्धिणा रत्ता एवं बुत्ते समाणे हट्ठ जाव पडिसुणेइ २ जेणेव सए गिहे जेणेव चाउग्घंटे आसरहे तेणेव उवागच्छइ २ चाउग्घंटे आसरहं पडिकप्पावेइ २ दुरूढे जाव हयगयमह्याभडचडगरेणं साएयाओ निग्गच्छइ २ जेणेव विदेह-जणवए जेणेव मिहिला रायहाणी तेणेव पहारेत्थ गमणाए (१) ।

(74) तेणं कालेणं २ अंगा नाम जणवए होत्था । तत्थ णं चंपा नामं नयरी होत्था । तत्थ णं चंपाए नयरीए चंदच्छाए अंगराया होत्था । तत्थ णं चंपाए नयरीए अरहन्नगपामोक्खा बहवे संजत्तानावावाणियगा परिवसंति अट्ठा जाव अपरिभूया । तए णं से अरहन्नगे समणोवासए यावि होत्था अहिगयजीवाजीवे वण्णओ । तए णं तेसिं अरहन्नगपामोक्खाणं संजत्तानावावाणियगाणं अन्नया कयाइ एगयओ सहियाणं इमेयारूवे मिहोकहासमुल्लावे समुप्पज्जित्था-सेयं खलु अमहं गणिमं च धरिमं च मेज्जं च परिच्छेज्जं च भंडगं गहाय लवणसमुदं पोयवहणेणं ओगाहित्तए त्तिकट्ठु अन्नमन्नस्स एयमट्ठं पडिसुणेति २ गणिमं च ४ गेणहंति २ सगडीसागडयं सज्जेति २ गणिमस्स ४ भंडगस्स सगडसागडियं भरेति २ सोहणांसि तिहिकरणनक्खत्तमुहुत्तंसि विउलं असणं ४ उवक्खडावेति मित्तनाइ भोयणवेलाए भुंजावेति जाव आपुच्छंति २ सगडीसागडियं जोयंति २ चंपाए नयरीए मज्झंमज्झेणं निग्गच्छंति २ जेणेव गंभीरए

पोयपट्टणे तेणेव उवागच्छंति २ सगडीसागडियं मोयंति २ पोयवहणं सज्जेति २ गणिमस्स जाव चउविहंभंडगस्स भरेति तंदुलाण य समि-
यस्स य तेल्लस्स य घयस्स य गुलस्स य गोरसस्स य उदगस्स य उदय-
भायणाण य ओसहाण य भेसज्जाण य तणस्स य कट्टस्स य आवरणाण य
पहरणाण य अन्नेसिं च बहूणं पोयवहणपाउग्गाणं दघ्वाणं पोयवहणं भरेति
सोहणंसि तिहिकरणनक्खत्तमुहुत्तंसि विउलं असणं ४ उवक्खडावेति २
मित्तनाइ० आपुच्छंति २ जेणेव पोयट्टाणे तेणेव उवागच्छंति । तए णं
तेसिं अरहन्नग जाव वाणियगाणं परियणो जाव ताहिं इट्ठाहिं जाव वग्गूहिं
अभिनंदंता य अभिसंथुणमाणा य एवं क्यासी-अज्ज! ताया! भाया! माउल!
भाइणेज्ज! भगवया समुदेणं अभिरक्खिज्जमाणा २ चिरं जीवह भइं च
भे पुणरवि लद्धेट्ठे कयकज्जे अणहसमग्गे नियगं घरं हव्वमागए पासामो
त्तिकट्ट ताहिं सोमाहिं निद्धाहिं दीहाहिं सप्पिवासाहिं पप्पुयाहिं दिट्ठीहिं
निरिक्खमाणा मुहुत्तमेत्तं संचिट्ठंति । तओ समाणिएसु पुप्फबलिकम्मेसु
दिन्नेसु सरसरत्तचंदणदहरपंचंगुलितलेसु अणुक्खित्तंसि धूवंसि पूइएसु
समुदवाएसु संसारियासु वलयबाहासु ऊसिएसु सिएसु झयग्गेसु पडु-
प्पवाइएसु तूरेसु जइएसु सव्वसउणेसु गहिएसु रायवरसासणेसु महया
उक्किट्टसीहनाय जाव रवेणं पक्खुभियमहासमुहरवभूयं पिव मेइणिं करेमा-
णा एगदिसिं जाव वाणियगा नावाए दुरूढा । तओ पुस्समाणवो वक्कमुदा^{१०}हु-
-हं भो ! सव्वेसिमवि अत्थसिद्धी उवट्ठियाइं कल्लाणाइं पडिहयाइं सव्वपा-
वाइं जुत्तो पूसो विजओ मुहुत्तो अयं देसकालो । तओ पुस्समाणपणं वक्क-
मुदाहरिए हट्टतुट्ठे कुच्छिधारकणधारगब्भिज्जसंजत्ताना^{११}वावणियभा
वावारिसु^{१३} तं नावं पुणु^{१४}च्छंगं पुण्णमुहिं बंधणेहिं तो मुंचंति । तए णं सा नावा
विमुक्कबंधणा पवणबलसमाहया ऊसियसिया विततपंखा^{१७} इव गरुल-
जुवई गंगासलिलतिकखसोयवेगेहिं संखुब्ध^{१८}माणी २ उम्मीतरंगमाला-
सहस्साइं समइच्छमाणी २ कइवणहिं अहोरत्तेहिं लवणसमुदं अणेगाइं
जोयणसयाइं ओगाढा । तए णं तेसिं अरहन्नगपामोक्खाणं संजत्तानावा-
वाणियगाणं लवणसमुदं अणेगाइं जोयणसयाइं ओगाढाणं समा^{१९}णाणं

बहुइं उप्पाइयसयाइं पाउब्भूयाइं तंजहा - अकाले गज्जिए अकाले विज्जु-
ए अकाले थणियसदे अभिक्खणं २ आगासे देवयाओ नच्चंति एगं च णं
महं पिसायरूचं पासंति तालजंघं दिवंगयाहिं बाहाहिं मसिमूसगमहिस-
कालं भरियमेहवणं लंबोटुं निग्गयग्गदंतं निल्लालियजमलजुयलजीहं
आऊंसियवयणगंडदेसं चीणच्चिमिढं नासियं विगयभुग्गभग्गभुमयं
खज्जोयगदित्तचक्खुरागं उत्तासणगं विसालवच्छं विसालकुच्छं पलंब-
कुच्छं पहसियपयलियपयडियगत्तं पणच्चमाणं अप्फोडंतं अभिवयंतं अ-
भिगज्जंतं बहुसो २ अट्टट्टहासे विणिम्मुयंतं नीलुप्पलगवलगुलियअयसि-
कुसुमप्पगासं खुरधारं असिं गहाय अभिमुहमावयमाणं पासंति । तए
णं ते अरहन्नगवज्जा संजत्तानावावाणियगा एगं च णं महं तालपिसायं
पासित्ता तालजंघं दिवंगयाहिं बाहाहिं फुट्टसिरं भमरनिरगरवरमासरासि-
महिसकालं भरियमेहवणं सुप्पणहं फालसरिसजीहं लंबोटुं धवल-
वट्टअसिलिट्टतिकखथिरपीणकुडिलदाढोवगूढवयणं विकोसियधारासि-
जुयलसमसरिसतण्यचंचलगलंतरसलोलचवलफुरुफुरेतनिल्लालियग्ग-
जीहं अवयच्छियमहल्लविगयबीभच्छलालपगलंतरत्ततालुयं हिंगुलयस-
गव्वभंकंदरबिलं व अंजणगिरिस्स अग्गिजालुग्गिलंतवयणं आऊंसिय-
अक्खचम्म^{१३}उड्डुगंडदेसं चीणच्चिमिढं वंक्कभग्गनासं रोसागयधमधमेत-
मारुयनिट्टुरखरफरुसझुसिरं ओभुग्गनासियपुडं घडं उब्भडरइयभीसण-
मुहं उड्डमुहकण्णसकुलियमहंतविगयलोमसंखालगलंबंत^{१६}लियकण्णं
पिंगलदिप्पंतलोयं^{१७}णं भिउडितडिनिडालं नरसरिमालपरिणद्धं^{१८}विधं विचि-
त्तगोणससुबद्धपरिकरं अवहोलंतपुप्फयायंतसप्पविच्छ्रुयगोधुंदरनउलस-
रडविरइयविचित्तवेयच्छमालियागं भोगकूरकण्णसप्पधमधमेतलंबंतक-
ण्णपूरं मज्जारसियाललइयखंधं दित्तघू^{१९}यंतघूयकयकुंतलसिरं घंटारवेण
भीमं भयंकरं कायरजणहिययफोडणं दित्तं अट्टट्टहासं विणिम्मुयंतं वसारु-
हिरपूयमंसमलमलिणपोच्चडतणुं उत्तासणयं विसालवच्छं पेच्छंताभिन्नन
हं^{२१}मुहनयणकण्णवरवग्गचित्तकत्तीणियंसणं सरसरुहिरगयचम्मविययऊं-
सवियबाहुजुयलं ताहि य खरफरुसअसिणिद्ध^{२७}अणिट्टदित्तअसुभअप्पिय-

अकंतवग्गूहिय तज्जयंतं पासंति तं तालपिसायरूवं एज्जमाणं पासंति २
भीया संजायभया अन्नमन्नस्स कायं समतुरंगेमाणा २ बहूणं इंदाण
य खंदाण य रुद्धसिववेसमणनागाणं भूयाण य जक्खाण य अज्जकोट्ट-
किरियाणं य बहूणि उवाइयसयाणि ओवाइयमाणा २ चिट्ठंति । तए
णं से अरहन्नए समणोवासए तं दिव्वं पिसायरूवं एज्जमाणं पासइ २
अभीए अतत्थे अचलिए असंभंते अणाउले अणुविग्गे अभिन्नमुह-
रागनयणवण्णे अदीणविमणमाणसे पोयवहणस्स एगदेसंसि वत्थंतेणं
भूमिं पमज्जइ २ ठाणं ठाइ २ करयल जाव एवं वयासी-नमोत्थु णं
अरहंताणं जाव संपत्ताणं । जइ णं अहं एत्तो उवसग्गाओ मुंचामि तो मे
कप्पइ पारित्तए । अहं णं एत्तो उवसग्गाओ न मुंचामि तो मे तहा
पच्चक्खाण्यव्वे तिकट्ठु सागारं भत्तं पच्चक्खाइ । तए णं से पिसाय-
रूवे जेणेव अरहन्नगे समणोवासए तेणेव उवागच्छइ २ अरहन्नगं
एवं वयासी-हं भो ! अरहन्नगा अपत्थियपत्थिया जाव परिवज्जिया !
नो खलु कप्पइ तव सीलव्वयगुणवेरमणपच्चक्खाणपोसहोववासाइं
चालित्तए वा एवं खोभित्तए वा खंडित्तए वा भंजित्तए वा उज्झित्तए
वा परिच्चइत्तए वा । तं जइ णं तुमं सीलव्वयं जाव न परिच्चयसि
तो ते अहं एयं पोयवहणं दोहिं अंगुलियाहिं गेण्हामि २ सत्तट्ठतल-
प्पमाणमेत्ताइं उट्ठं वेहंसां उव्विहामि अंतोजलंसि निच्छोलेमि जा णं
तुमं अट्ठदुहट्ठवसट्ठे असमाहिपत्ते अकाले चेव जीवियाओ ववरोविज्जसि ।
तए णं से अरहन्नगे समणोवासए तं देवं मणसा चेव एवं वयासी-
अहं णं देवाणुप्पिया ! अरहन्नए नामं समणोवासए अहिगयजीवाजीवे ।
नो खलु अहं सक्का केणइ देवेण वा जाव निग्गंथाओ पावयणाओ चालि-
त्तए वा खोभित्तए वा विपरिणामित्तए । वा तुमं णं जा सद्धा तं करेहि
त्तिकट्ठु अभीए जाव अभिन्नमुहरागनयणवण्णे अदीणविमणमाणसे
निच्चले निष्फंदे तुसिणीए धम्मज्झाणोवगए विहरइ । तए णं से दिव्वे
पिसायरूवे अरहन्नगं समणोवासगं दोच्चंपि तच्चंपि एवं वयासी-हं
भो अरहन्नगा ! जाव धम्मज्झाणोवगए विहरइ । तए णं से दिव्वे

पिसायरूवे अरहन्नगं धम्मज्झाणोवगयं पासइ २ बलियतरागं आसुरुत्ते तं पोयवहणं दोहिं अंगुलियाहिं गिण्हइ २ सत्तट्ठतंलाइं जाव अरहन्नगं एवं वयासी-हं भो अरहन्नगा ! अपत्थियपत्थिया ! नो खलु कप्पइ तव सीलव्वय तहेव जाव धम्मज्झाणोवगए विहरइ । तए णं से पिसायरूवे अरहन्नगं जाहे नो संचाएइ निग्गंथाओ चालित्तए वा तहेवं संते जाव निव्विण्णे तं पोयवहणं सणियं २ उवरिं जलस्स ठवेइ २ तं दिव्वं पिसायरूवं पडिसाहरेइ २ दिव्वं देवरूवं विउघइ २ अंतलिक्खपडिवन्ने सखिंखिणीयाइं जाव परिहिण अरहन्नगं समणोवासगं एवं वयासी-हं भो अरहन्नगा ! धन्नोसि णं तुमं देवाणुप्पिया ! जाव जीवियफले जस्स णं तव निग्गंथे पावयणे इमेयारूवा पडिवत्ती लद्धा पत्ता अभिसमन्नागया । एवं खलु देवाणुप्पिया ! सक्के देविंदे देवराया सोहम्मं कप्पे सोहम्मवडिसए विमाणे सभाए सुहम्माए बहूणं देवाणं मज्झगए महया २ सद्देणं एवं आइक्खए ४-एवं खलु जंबुद्दीवे २ भारहे वासे चंपाए नयरीए अरहन्नए समणोवासए अभिगयजीवाजीवे नो खलु सक्का केणइ देवेण वा ६ निग्गंथाओ पावयणाओ चालित्तए जाव वि परिणामित्तए वा । तए णं अहं देवाणुप्पिया ! सक्कस्स नो एयमट्ठं सद्धामि । तए णं मम इमेयारूवे अज्झत्थिए-गच्छामि णं अहं अरहन्नगस्स अतियं पाउब्भवामि जाणामि ताव अहं अरहन्नगं किं पियधम्मे नो पियधम्मे, दढधम्मे नो दढधम्मे, सीलव्वयगुणे किं चालेइ जाव परिच्चयइ नो परिच्चयइ त्तिकट्ठु एवं संपेहेमि २ ओहिं पउंजामि २ देवाणुप्पियं ओहिणा आभोएमि २ उत्तरपुरत्थिमं २ उत्तरवेउव्वियं० ताए उक्किट्ठाए जेणेव लवणसमुद्दे जेणेव देवाणुप्पिया तेणेव उवागच्छामि २ देवाणुप्पियं उवसगं करेमि नो चेव णं देवाणुप्पिया भीया वा । तं जं णं सक्के ३ एवं वयइ सच्चे णं एसमट्ठे । तं दिट्ठे^६ णं देवाणुप्पियाणं इट्ठी जाव परक्कमे लद्धे पत्ते अभिसमन्नागए । तं खामेमि णं देवाणुप्पिया ! खमंतु मरहंतु णं देवाणुप्पिया ! नाइभुज्जो एवंकरणयाए त्तिकट्ठु पंजलिउडे पायवडिए एयमट्ठं विणएणं भुज्जो २ खामेइ अरहन्नगस्स य

दुवे कुंडलजुयले दलयइ २ जामेव दिसिं पाउब्भूए तामेव पडिगए ।

(75) तए णं से अरहन्नए निरुवसग्गमितिकट्टु पडिमं पारेइ ।
 तए णं ते अरहन्नगपामोक्खा जाव वाणियगा दक्खिणाणुकूलेणं वाएणं
 जेणेव गंभीरए पोयट्टाणे तेणेव उवागच्छंति २ पोयं लंबेति २ सगडि-
 सागडं सज्जेति तं गणिमं च ४ सगडि० संकामेति २ सगडी०
 जोर्विति २ जेणेव मिहिला तेणेव उवागच्छंति २ मिहिलाए रायहाणीए
 बहिया अग्गुज्जाणंसि सगडीसागडं मोएंति २ महत्थं विलउं रायारिहं
 पाहुडं कुंडलजुयलं च गेण्हंति २ अणुप्पविसंति २ जेणेव कुंभए तेणेव
 उवागच्छंति २ करयल जाव महत्थं दिव्वं कुंडलजुयलं उवणेति । तए णं
 कुंभए तेसिं संजत्तगाणं जाव पडिच्छइ २ मल्लिं २ सद्दावेइ २ तं दिव्वं
 कुंडलजुयलं मल्लीए २ पिणद्धेइ २ पडिविसज्जेइ । तए णं से कुंभए राया
 ते अरहन्नगपामोक्खे जाव वाणियगे विपुलेणं वत्थगंधमल्लालंकारेणं जाव
 उस्सुकं वियरइ २ रायमग्गमोगाढे य आवासे वियरइ २ पडिविसज्जेइ ।
 तए णं अरहन्नगसंजत्तगा जेणेव रायमग्गमोगाढे आवासे तेणेव उवा-
 गच्छंति २ भंडववहरणं करेति पडिभंडे गेण्हंति २ सगडी० भरेति जेणेव
 गंभीरए पोयपट्टणे तेणेव उवागच्छंति २ पोयवहणं सज्जेति २ भंडं संका-
 मेति दक्खिणाणुकूले जेणेव चंपां पोयट्टाणे तेणेव पोयं लंबेति २ सगडी०
 सज्जेति २ तं गणिमं ४ सगडी० संकामेति जाव महत्थं महग्घं पाहुडं दिव्वं
 च कुंडलजुयलं गेण्हंति २ जेणेव चंदच्छाए अंगराया तेणेव उवागच्छंति २
 तं महत्थं जाव उवणेति । तए णं चंदच्छाए अंगराया तं दिव्वं महत्थं
 कुंडलजुयलं पडिच्छइ २ ते अरहन्नगपामोक्खे एवं वयासी-तुब्भे णं
 देवाणुप्पिया ! बहूणि गामागर जाव आहिंडह लवणसमुदं च अभिक्खणं
 २ पोयवहणेहिं ओगाहेह । तं अत्थियाइं मे केइ कहिंचि अच्छेरए दिट्ठ-
 पुव्वे ? तए णं ते अरहन्नगपामोक्खा चंदच्छायं अंगरायं एवं वयासी-
 एवं खलु सामी ! अम्हे इहेव चंपाए नयरीए अरहन्नगपामोक्खा बहवे
 संजत्तगानावावाणियगा परिवसामो । तए णं अम्हे अन्नया कयाइ गणिमं
 च ४ तहेव अहीणअइरित्तं जाव कुंभगस्स रन्नो उवगेमो । तए णं से

कुंभए मलीए २ तं दिव्वं कुंडलजुयलं पिणद्धेइ २ पडिविसज्जेइ । तं एस णं सामी ! अम्हेहिं कुंभगरायभवणंसि मली २ अच्छेरए दिट्ठे । तं नो खलु अन्ना कावि तारिसिया देवकन्ना वा जाव जारिसिया णं मली २ । तए णं चंदच्छाए अरहन्नगपामोक्खे सक्कारेइ सम्माणेइ २ उस्सुंकं वियरइ पडिविसज्जेइ । तए णं चंदच्छाए वाणियगजणियहासे दूयं सद्दावेइ जाव जइ वि य णं सा सयं रज्जसुक्का । तए णं से दूए हट्ठ जाव पहारेत्थ गमणाए (२) ।

(76) तेणं कालेणं २ कुणाला नामं जणवए होत्था । तत्थ णं सावत्थी नामं नयरी होत्था । तत्थ णं रुप्पी कुणालाहिवई नामं राया होत्था । तस्स णं रुप्पिस्स धूया धारिणीए देवीए अत्तया सुबाहु नामं दारिया होत्था सुकुमाल जाव रूवेण य जोव्वणेण य लावणणेण य उक्किट्ठा उक्किट्ठसरीरा जाया यावि होत्था । तीसे णं सुबाहुए दारियाए अन्नया चाउम्मासियमज्जणए जाए यावि होत्था । तए णं से रुप्पी कुणालाहिवई सुबाहुए दारियाए चाउम्मासियमज्जणयं उवट्ठियं जाणइ २ कोडुंबिय-पुरिसे सद्दावेइ २ एवं वयासी - एवं खलु देवाणुप्पिया ! सुबाहुदारियाए कल्लं चाउम्मासियमज्जणए भविस्सइ । तं तुम्हे णं रायमग्गमोगाढंसि मंडवंसि जलथलयदसद्धवणमल्लं साहरह जाव सिरिदामगंडं ओल्लंति । तए णं से रुप्पी कुणालाहिवई सुवण्णगारसेणिं सद्दावेइ २ एवं वयासी - खिप्पामेव भो देवाणुप्पिया ! रायमग्गमोगाढंसि पुप्फमंडवंसि नाणा-विहपंचवण्णेहिं तंदुलेहिं नयरं आलिहह तस्स बहुमज्झदेसभाए पट्टयं रएह जाव पच्चप्पिणंति । तए णं से रुप्पी कुणालाहिवई हत्थिखंधवरगए चाउरंगिणीए सेणाए महया भडचडगर जाव अंतेउरपरियालसंपरिवुडे सुबाहुं दारियं पुरओ कट्ठ जेणेव रायमग्गे जेणेव पुप्फमंडवे तेणेव उवागच्छइ २ हत्थिखंधाओ पच्चोरुहइ २ पुप्फमंडवे अणुप्पविसइ २ सीहासणवरगए पुरत्थाभिमुहे सन्निसण्णे । तए णं ताओ अंतेउरियाओ सुबाहुं दारियं पट्टयंसि दुरूहंति २ सेयापीयएहिं कलसेहिं ण्हाणेंति २ सच्चालंकार विभूसियं करेंति २ पिउणो पायवंदियं उवणेंति । तए णं सुबाहु

दारिया जेणेव रुप्पी राया तेणेव उवागच्छइ २ पायग्गहणं करेइ । तए णं से रुप्पी राया सुबाहुं दारियं अंके निवेसेइ २ सुबाहुदारियाए रूवेण य जोव्वणेण य लावणेण य जायविम्हए वरिसधरं सद्दावेइ २ एवं वयासी-तुमं णं देवाणुप्पिया ! मम दोच्चेणं बहूणि गामागरनगर-गिहाणि अणुप्पविससि । तं अत्थियाइं ते कस्सइ रत्तो वा ईसरस्स वा कहिंत्ति एयारिस्सए मज्जणए दिट्ठपुव्वे जारिस्सए णं इमीसे सुबाहुदारियाए मज्जणए ? तए णं से वरिसधरे रुप्पि करयल जाव वद्धावेत्ता एवं वयासी-एवं खलु सामी ! अहं अन्नया तुब्भं दोच्चेणं मिहिलं गए । तत्थ णं मए कुंभगस्स रत्तो धूयाए पभावईए देवीए अत्तयाए मल्लीए २ मज्जणए दिट्ठे । तस्स णं मज्जणगस्स इमीए सुबाहुदारियाए मज्जणए सयसहस्स-इमंपि कलं न अग्घइ । तए णं से रुप्पी राया वरिसधरस्स अंतियं एयमट्ठं सोच्चा निसम्म मज्जणगजणियहासे दूयं सद्दावेइ जाव जेणेव मिहिला नयरी तेणेव पहारेत्थ गमणाए (३) ।

(77) तेणं कालेणं २ कासी नामं जणवए होत्था । तत्थ णं वाणा-रसी नामं नयरी होत्था । तत्थ णं संखे नामं कासीराया होत्था । तए णं तीसे मल्लीए २ अन्नया कयाइ तस्स दिव्वस्स कुंडलजुयलस्स संधी विसंघडिए यावि होत्था । तए णं से कुंभए राया सुवण्णगार-सेणिं सद्दावेइ २ एवं वयासी-तुब्भे णं देवाणुप्पिया ! इमस्स दिव्वस्स कुंडलजुयलस्स संधिं संघाडेह । तए णं सा सुवण्णगार-सेणी एयमट्ठं तहत्ति पडिसुणेइ २ तं दिव्वं कुंडलजुयलं गेण्हइ २ जेणेव सुवण्णगारभिसियाओ तेणेव उवागच्छइ २ सुवण्णगारभिसि-यासु निवेसेइ २ बहूहिं आएहि य जाव परिणामेमाणा इच्छंति तस्स दिव्वस्स कुंडलजुयलस्स संधिं घडित्तए नो चेव णं संचापइ घडित्तए । तए णं सा सुवण्णगारसेणी जेणेव कुंभए तेणेव उवागच्छइ २ करयल जाव वद्धावेत्ता एवं वयासी-एवं खलु सामी ! अज्ज तुम्हे अम्हे सद्दावेह जाव संधिं संघाडेत्ता एवमाणत्तियं पच्चप्पिणह । तए णं अम्हे तं दिव्वं कुंडलजुयलं गेण्हामो जेणेव सुवण्णगारभिसियाओ जाव नो

संचाएमो संघाडित्तए । तए णं अम्हे सामी ! एयस्स दिव्वस्स कुंडलस्स अन्नं सरिसयं कुंडलजुयलं घडेमो । तए णं से कुंभए राया तीसे सुवण्णगारसेणीए अंतिए एयमट्ठं सोच्चा निसम्म आसुरुत्ते ४ तिवलियं भिउडिं निडाले साहट्ठ एवं वयासी - केस णं तुब्भे कलायाणं भवह जे णं तुब्भे इमस्स दिव्वस्स कुंडल-जुयलस्स नो संचाएह संधिं संघाडित्तए ? ते सुवण्णगारे निव्विसए आणवेइ । तए णं ते सुवण्णगारा कुंभणेणं रत्ता निव्विसया आणत्ता समाणा जेणेव साइं २ गिहाइं तेणेव उवागच्छंति २ सभंडमत्तोव-गरणमायाए मिहिलाए रायहाणीए मज्झंमज्झेणं निक्खमंति २ विदेहस्स जणवयस्स मज्झंमज्झेणं जेणेव कासी जणवए जेणेव वाणारसी नयरी तेणेव उवागच्छंति २ अग्गुज्जाणंसि सगडीसागडं मोएंति २ महत्थं जाव पाहुडं गेणहंति २ वाणारसीए नयरीए मज्झंमज्झेणं जेणेव संखे कासीराया तेणेव उवागच्छंति २ करयल जाव वद्धावेति एवं वयासी - अम्हे णं सामी ! मिहिलाओ कुंभएणं रत्ता निव्विसया आणत्ता समाणा इह हव्वमागया । तं इच्छामो णं सामी ! तुब्भं बाहुच्छाया-परिग्गहिया निब्भया निरुव्विग्गा सुहंसुहेणं परिवसिउं । तए णं संखे कासीराया ते सुवण्णगारे एवं वयासी - किं णं तुब्भे देवाणुप्पिया ! कुंभएणं रत्ता निव्विसया आणत्ता ? तए णं ते सुवण्णगारा संखं एवं वयासी - एवं खलु सामी ! कुंभगस्स रत्तो धूयाए पभावईए देवीए अत्तयाए मल्लीए कुंडलजुयलस्स संधी विसंघडिए । तए णं से कुंभए सुवण्णगारसेणिं सद्दावेइ जाव निव्विसया आणत्ता । तं एएणं कारणेणं सामी ! अम्हे कुंभएणं निव्विसया आणत्ता । तए णं से संखे सुवण्णगारे एवं वयासी - केरिसिया णं देवाणुप्पिया ! कुंभगस्स रत्तो धूया पभावई-देवीए अत्तया मल्ली विदेहरायवरकन्ना ? तए णं से सुवण्णगारा संखं रायं एवं वयासी - नो खलु सामी ! अन्ना कावि तारिसिया देवकन्ना वा गंधव्वकन्ना वा जाव जारिसिया णं मल्ली २ । तए णं से संखे कुंडल-जणियहासे दूयं सद्दावेइ जाव तहेव पहारेत्थ गमणाए ४ ।

(78) तेणं कालेणं २ कुरुजणवण होत्था । हत्थिणाउरे नयरे । अदीणसत्तू नामं राया होत्था जाव विहरइ । तत्थ णं मिहिलाए तस्स णं कुंभगस्स पुत्ते पभावईए अत्तए मल्लीए अणुमग्गजायए मल्लदिन्ने नामं कुमारे जाव जुवराया यावि होत्था । तए णं मल्लदिन्ने कुमारे अन्नया कोहुंवियपुरिसे सदावेइ २ एवं वयासी - गच्छह णं तुब्भे मम पमंद-वणंसि एगं महं चित्तसभं करेह २ अणेग जाव पच्चप्पिणंति । तए णं से मल्लदिन्ने चित्तगरसेणिं सदावेइ २ एवं वयासी - तुब्भे णं देवाणु-प्पिया ! चित्तसभं हावभावविलासविब्बोयकलिएहिं रूवेहिं चित्तेह जाव पच्चप्पिणह । तए णं सा चित्तगरसेणी तहत्ति पडिसुणेइ २ जेणेव सयाइं गिहाइं तेणेव उवागच्छइ २ तूलियाओ वण्णए य गेण्हइं २ जेणेव चित्तसभा तेणेव अणुप्पविसइ २ भूमिभागे विरयइ २ भूमिं सज्जेइ २ चित्तसभं हावभाव जाव चित्तेउं पयत्ता यावि होत्था । तए णं एगस्स चित्तगरस्स इमेयारूवा चित्तगरलद्धी लद्धा पत्ता अभिसमन्नागया - जस्स णं दुपयस्स वा चउप्पयस्स वा अपयस्स वा एगदेसमवि पासइ तस्स णं देसाणुसारेणं तयाणुरूवं रूवं निवत्तेइ । तए णं से चित्तगरए मल्लीए जवणियंतरियाए जालंतरेण पायंगुट्ठं पासइ । तए णं तस्स चित्तगरस्स इमेयारूवे अज्झत्थिए जाव समुप्पज्जित्था - सेयं खलु ममं मल्लीए २ पायंगुट्ठाणुसारेणं सरिसगं जाव गुणोववेयं रूवं निवत्तित्तए । एवं संपेहेइ २ भूमिभागं सज्जेइ मल्लीए २ पायंगुट्ठाणुसारेणं जाव निवत्तेइ । तए णं सा चित्तगरसेणी चित्तसभं जाव हावभावं चित्तेइ २ जेणेव मल्लदिन्ने कुमारे तेणेव उवा-गच्छइ जाव एवमाणत्तियं पच्चप्पिणइ । तए णं मल्लदिन्ने चित्तगरसेणिं सक्कारेइ २ विपुलं जीवियारिहं पीइदाणं दलयइ २ पडिविसज्जेइ । तए णं मल्लदिन्ने अन्नया ण्हाए अंतेउरपरियालसंपरिवुडे अम्मधार्यए सद्धिं जेणेव चित्तसभा तेणेव उवागच्छइ २ चित्तसभं अणुप्पविसइ २ हाव-भावविलासविब्बोयकलियाइं रूवाइं पासमाणे जेणेव मल्लीए २ तयाणु-रूवं निवत्तिए तेणेव पहारेत्थ गमणाए । तए णं से मल्लदिन्ने मल्लीए २

तयाणुरूवं निव्वत्तियं पासइ २ इमेयारूवे अज्झत्थिए जाव समुप्प-
 ज्जित्था-एस णं मल्ली २ तिकडु लज्जिए वीडिए विडु^१ सणियं २
 पच्चोसकइ । तए णं तं मल्लदिन्नं अम्मधाई सणियं २ पच्चोसकंतं
 पासित्ता एवं वयासी-किन्नं तुमं पुत्ता ! लज्जिए वीडिए विडु^१
 सणियं २ पच्चोसकसि ? तए णं से मल्लदिन्ने अम्मधाई एवं वयासी-
 जुत्तं णं अम्मो ! मम जेट्ठाए भगिणीए गुरुदेवयभूयाए लज्जिणज्जाए
 मम चित्तगरणिव्वत्तियं सभं अणुपविसित्तए ? तए णं अम्मधाई
 मल्लदिन्नं कुमारं एवं वयासी-नो खलु पुत्ता ! एस मल्ली । एस णं
 मल्लीए २ चित्तगरणं तयाणुरूवे निव्वत्तिए । तए णं से मल्लदिन्ने
 अम्मधाईए एयमट्ठं सोच्चा निसम्म आसुरुत्ते ४ एवं वयासी-केस णं
 भो से चित्तगरणं अपत्थियपत्थिए जाव परिवज्जिए जे णं मम
 जेट्ठाए भगिणीए गुरुदेवयभूयाए जाव निव्वत्तिए तिकडु तं चित्तगरं
 वज्झं आणवेइ । तए णं सा चित्तगरसेणी इमीसे कहाए लद्धट्ठा समाणा
 जेणेव मल्लदिन्ने कुमारे तेणेव उवागच्छइ २ करयलपरिगहियं जाव वद्धा-
 वेत्ता एवं वयासी-एवं खलु सामी ! तस्स चित्तगरस्स इमेयारूवा
 चित्तगरलद्धी लद्धा पत्ता अभिसमन्नागया-जस्स णं दुपयस्स वा जाव
 निवत्तेइ । तं मा णं सामी ! तुब्भे तं चित्तगरं वज्झं आणवेइ । तं तुब्भे
 णं सामी ! तस्स चित्तगरस्स अन्नं तयाणुरूवं दंडं निव्वत्तेइ ! तए णं
 से मल्लदिन्ने तस्स चित्तगरस्स संडासगं छिंदावेइ २ निव्विसयं आण-
 वेइ । तए णं से चित्तगरणं मल्लदिन्नेणं निव्विसए आणत्ते सभंडमत्तो-
 वगरणमायाए मिहिलाओ नयरीओ निक्खमइ २ विदेहं जणवयं मज्झं-
 मज्झेणं जेणेव कुरुजणवए जेणेव हत्थिणाउरे नयरे तेणेव उवागच्छइ २
 भंडनिकखेवं करेइ २ चित्तफलगं सज्जेइ २ मल्लीए २ पायंगुट्ठाणुसारेण
 रूवं निव्वत्तेइ २ कक्खंतरंसि लुब्भइ २ महत्थं जाव पाहुडं गेणहइ २
 हत्थिणाउरं नयरं मज्झंमज्झेणं जेणेव अदीणसत्तू राया तेणेव उवागच्छइ
 २ तं करयल जाव वद्धावेइ २ पाहुडं उवणेइ २ एवं वयासी-एवं खलु
 अहं सामी ! मिहिलाओ रायहाणीओ कुंभगस्स रत्तो पुत्तेणं पभावईए

देवीए अत्तएणं मल्लदिन्नेणं कुमारेणं निव्विसए आणत्ते समाणे इहं हव्व-
मागए । तं इच्छामि णं सामी ! तुब्भं बाहुच्छायापरिग्गहिए जाव परि-
वसित्तए । तए णं से अदीणसत्तू राया तं चित्तगरदारयं एवं वयासी -
किन्नं तुमं देवाणुप्पिया ! मल्लदिन्नेणं निव्विसए आणत्ते ? तए णं से
चित्तगरदारए अदीणसत्तुं रायं एवं वयासी - एवं खलु सामी ! मल्लदिन्ने
कुमारे अन्नया कयाइ चित्तगरसेणिं सदावेइ २ एवं वयासी - तुब्भे णं
देवाणुप्पिया ! मम चित्तसभं तं चेव सव्वं भाणियव्वं जाव मम संडासगं
छिंदावेइ २ निव्विसयं आणवेइ । तं एवं खलु अहं सामी ! मल्लदिन्नेणं
कुमारेणं निव्विसए आणत्ते । तए णं अदीणसत्तू राया तं चित्तगरं एवं
वयासी - से केरिसए णं देवाणुप्पिया ! तुमे मल्लीए तहाणुरूवे^१ निव्व-
त्तिए ? तए णं से चित्तगरे कक्खंतराओ चित्तफलं नीणेइ २ अदीण-
सत्तुस्स उवणेइ २ एवं वयासी - एस णं सामी ! मल्लीए २ तयाणु-
रूवस्स रूवस्स केइ आगारभावपडोयारे निव्वत्तिए । नो खलु सक्का
केणइ देवेण वा जाव मल्लीए २ तयाणुरूवे रूवे निव्वत्तित्तए । तए णं से
अदीणसत्तु पडिरूवजणियहासे दूयं सदावेइ २ एवं वयासी तहेव जाव
पहारेत्थ गमणाए (५) ।

(79) तेणं कालेणं २ पंचाले जणवए कपिलपुरे नयरे । जिय-
सत्तू नामं राया पंचालाहिवई । तस्स णं जियसत्तुस्स धारिणीपामोक्खं
देवीसहस्सं ओरोहे होत्था । तत्थ णं मिहिलाए चोक्खा नामं परि-
च्चाइया रिउव्वेय जाव सुपरिणिट्ठिया यावि होत्था । तए णं सा चोक्खा
परिच्चाइया मिहिलाए बहूणं राईसर जाव सत्थवाहपभिईणं पुरओ दाण-
धम्मं च सोयधम्मं च तित्थाभिसेयं च आघवेमाणी पन्नवेमाणी परूवे-
माणी उव्वंदंसेमाणी विहरइ । तए णं सा चोक्खा अन्नया कयाइं तिदंडं
च कुंडियं च जाव धाउरत्ताओ ४ गेणहइ २ परिच्चाइगावसहाओ पडि-
निक्खमइ २ पविरलपरिच्चाइयासद्धिं संपरिवुडा मिहिलं रायहाणिं
मज्झंमज्झेणं जेणेव कुंभगस्स रत्तो भवणे जेणेव कंघंतेउरे जेणेव मल्ली २
तेणेव उवागच्छइ २ उदयपरिफोसियाए दब्भोवरि पच्चत्थुयाए

भिसियाए निसीयइ २ मल्लीए २ पुरओ दाणधम्मं च जाव विहरइ । तए णं मल्ली २ चोक्खं परिव्वाइयं एवं वयासी-तुब्भे णं चोक्खे ! किंमूलए धम्मे पन्नत्ते ? तए णं सा चोक्खा परिव्वाइया मल्लि २ एवं वयासी-अम्हं णं देवाणुप्पिए ! सोयमूलए धम्मे पन्नत्ते । जं णं अम्हं किंचि असुई भवइ तं णं उदएण य मट्टियाए जाव अविग्घेणं सगं गच्छामो । तए णं मल्ली २ चोक्खं परिव्वाइयं एवं वयासी-चोक्खा ! से जहानामए केइ पुरिसे रुहिरकयं वत्थं रुहिरेणं चेव धोवेज्जा अत्थि णं चोक्खा ! तस्स रुहिरकयस्स वत्थस्स रुहिरेणं धोव्वमाणस्स काइ सोही ? नो ईण्ठे समट्ठे । एवामेव चोक्खा ! तुब्भे णं पाणाइवाएणं जाव मिच्छादंसण-सल्लेणं नत्थि काइ सोही जहा वा तस्स रुहिरकयस्स वत्थस्स रुहिरेणं चेव धोव्वमाणस्स । तए णं सा चोक्खा परिव्वाइया मल्लीए २ एवं वुत्ता समाणी संकिया कंखिया विइगिच्छिया भेयसमावन्ना जाया वि होत्था मल्लीए नो संचाएइ किंचिवि पामोक्खमाइक्खत्तए तुसिणीया संचिट्ठइ । तए णं तं चोक्खं मल्लीए २ बह्वओ दासचेडीओ हीलेंति निंदंति खिसंति गरिहंति अप्पेगइयाओ हेरुयालेंति अप्पेगइया मुहमक्कडियाओ करेंति अप्पेगइया वग्घाडीओ करेंति अप्पेगइया तज्जेमाणीओ तालेमाणीओ निच्छुहंति । तए णं सा चोक्खा मल्लीए २ दासचेडियाहिं हीलिज्जमाणी जाव गरहिज्जमाणी आसुरुत्ता जाव मिसिमिसेमाणी मल्लीए २ पओसमावज्जइ २ भिसियं गेण्हइ २ कंभत्तेउराओ पडिनिक्खमइ २ मिहिलाओ निग्गच्छइ २ परिव्वाइयासंपुरिवुडा जेणेव पंचालजणवए जेणेव कंपिल्लपुरे तेणेव उवागच्छइ २ बह्वणं राईसर जाव परूवेमाणी विहरइ । तए णं से जियसत्तू अन्नया कयाइ अंतैउरपरियालसद्धिं संपरिवुडे एवं जाव विहरइ । तए णं सा चोक्खा परिव्वाइयासंपरिवुडा जेणेव जियसत्तुस्स रन्नो भवणे जेणेव जियसत्तू तेणेव अणुपविसइ २ जियसत्तुं जएणं विजएणं वद्धवेइ । तए णं से जियसत्तू चोक्खं परिव्वाइयं एजमाणं पासइ २ सीहासणाओ अब्भुट्ठेइ २ चोक्खं सक्कारेइ २ आसणेणं उवनिमंतेइ । तए णं सा चोक्खा उदगपरिफोसियाए जाव भिसियाए निविसइ

जियसत्तुं रायं रज्जे य जाव अंतेउरे य कुसलोदंतं पुच्छइ । तए णं सा चोक्खा जियसत्तुस्स रन्नो दाणधम्मं च जाव विहरइ । तए णं से जियसत्तू अप्पणो ओरोहंसि जायविम्हए चोक्खं एवं वयासी-तुमं णं देवाणुप्पिया ! बहूणि गामागर जाव आहिंसि बहूण य राईसरगिहाइं अणुप्पविसंहि । तं अत्थियाइं ते कस्सइ रन्नो वा जाव एरिसए ओरोहे दिट्ठपुव्वे जारिसए णं इमे मम ओरोहे ? तए णं सा चोक्खा परिव्वाइया जियसत्तुं एवं ईसि अवहसियं करेइ २ एवं वयासी-सरिसए णं तुमं देवाणुप्पिया ! तस्स अगडदहुरस्स । केसं णं देवाणुप्पिए ! से अगडदहुरे ? जियसत्तू ! से जहानामए अगडदहुरे सिया । से णं तत्थ जाए तत्थेव वुद्धिए अन्नं अगडं वा तलांगं वा दहं वा सरं वा सागरं वा अपासमाणे मन्नइ-अयं चेव अगडे वा जाव सागरे वा । तए णं तं कूवं अन्ने सामुदए दहुरे हव्वमागए । तए णं से कूवदहुरे तं समुददहुरं एवं वयासी-से केसं णं तुमं देवाणुप्पिया ! कत्तो वा इह हव्वमागए ? तए णं से सामुदए दहुरे तं कूवदहुरं एवं वयासी-एवं खलु देवाणुप्पिया ! अहं सामुदए दहुरे । तए णं से कूवदहुरे तं सामुदयं दहुरं एवं वयासी-केमहालए णं देवाणुप्पिया ! से समुदे ? तए णं से सामुदए दहुरे तं कूवदहुरं एवं वयासी-महालए णं देवाणुप्पिया ! समुदे । तए णं से कूवदहुरे पाएणं लीहं कहेइ २ एवं वयासी-एमहालए णं देवाणुप्पिया ! से समुदे ? नो इणट्ठे समट्ठे । महालए णं से समुदे । तए णं से कूवदहुरे पुरत्थिमिल्लाओ तीराओ उप्पिडित्ताणं पच्चत्थिमिल्लं तीरं गच्छइ २ एवं वयासी-एमहालए णं देवाणुप्पिया ! से समुदे ? नो इणट्ठे तहेव । एवामेव तुमंपि जियसत्तू अन्नेसिं बहूणं राईसर जाव सत्थवाहप्पभिईणं भज्जं वा भगिणिं वा धूयं वा सुण्हं वा अपासमाणे जाणसि जारिसए मम चेव णं ओरोहे तारिसए नो अन्नस्स । तं एवं खलु जियसत्तू ! मिहिलाए नयरीए कुंभगस्स धूया पभावईए अत्तिया मल्लीनामं २ रूवेण य जाव नो खलु अन्ना काइ देवकन्ना वा जारिसिया मल्ली । विदेहवररायकन्नाए छिन्नस्स वि पायंगुट्ठगस्स इमे तव ओरोहे

सयसहस्सइमंपि कलं न अग्घइ त्तिकट्टु जामेव दिसं पाउब्भूया तामेव दिसं पडिगया । तए णं से जियसत्तू परिच्चाइयाजणियहासे दूयं सहावेइ जाव पहारेत्थ गमणाए ६ ।

(80) तए णं तेसिं जियसत्तुपामोकखाणं छण्हं राईणं दूया जेणेव मिहिला तेणेव पहारेत्थ गमणाए । तए णं छप्पि दूयगा जेणेव मिहिला तेणेव उवागच्छंति २ मिहिलाए अग्गुज्जाणंसि पत्तेयं २ खंधावार-निवेसं करेति २ मिहिलं रायहाणि अणुप्पविसंति २ जेणेव कुंभए तेणेव उवागच्छंति २ पत्तेयं करयल जाव साणं २ राईणं वयणाइं निवेदंति । तए णं से कुंभए तेसिं दूयाणं एयमट्ठं सोच्चा आसुरुत्ते जाव तिवलियं भिउडिं एवं वयासी - न देमि णं अहं तुब्भं मल्लिं २ तिकट्टु ते छप्पि दूए असक्कारिय असम्माणिय अवदारेणं निच्छुभावेइ । तए णं जियसत्तु-पामोकखाणं छण्हं राईणं दूया कुंभएणं रत्ता असक्कारिया असम्माणिया अवहारेणं निच्छुभाविया समाणा जेणेव सगा २ जणवया जेणेव सयाइं २ नगराइं जेणेव सया २ रायाणो तेणेव उवागच्छंति २ करयल जाव एवं वयासी - एवं खलु सामी ! अम्हे जियसत्तुपामोकखाणं छण्हं रायाणं दूया जमगसमगं चेव जेणेव मिहिला जाव अवदारेणं निच्छु-भावेइ । तं न देइ णं सामी ! कुंभए मल्लिं २ । साणं २ राईणं एयमट्ठं निवेदंति । तए णं ते जियसत्तुपामोकखा छप्पि रायाणो तेसिं दूयाणं अंतिए एयमट्ठं सोच्चा आसुरुत्ता अन्नमन्नस्स दूयसंपेसणं करेति एवं वयासी - एवं खलु देवाणुप्पिया ! अम्हं छण्हं राईणं दूया जमगसमगं चेव जाव निच्छुढा । तं सेयं खलु देवाणुप्पिया ! कुंभगस्स जत्तं गेण्हि-त्तए त्तिकट्टु अन्नमन्नस्स एयमट्ठं पडिसुणेंति २ णहाया सन्नद्धा हत्थिखंध-वरगया सकोरिंटमल्लदामा जाव सेयवरचामराहिं महयाहयगयरहपवर-जोहकलियाए चाउरंगिणीए सेणाए सद्धिं संपरिवुडा सव्विंढीए जाव रवेणं सएहिंतो २ नगरेहिंतो जाव निग्गच्छंति २ एगयओ मिलायंति जेणेव मिहिला तेणेव पहारेत्थ गमणाए । तए णं कुंभए राया इमीसे कहाए लद्धेट्ठे समाणे बलदाउयं सहावेइ २ एवं वयासी

- खिप्पामेव हय जाव सेन्नं सन्नाहेह जाव पच्चप्पिणंति । तए णं कुंभए ण्हाए सन्नद्धे हत्थिखंधवरगए जाव सेयवरचामरण महया मिहिलं मज्झंमज्जेणं निज्जाइ २ विदेहजणवयं मज्झंमज्जेणं जेणेव देसंअंते तेणेव खंधावारनिवेसं करेइ २ जियसत्तूपामोक्खा छप्पि य रायाणो पडिवाले-माणे जुज्झसज्जे पडिचिट्ठइ । तए णं ते जियसत्तूपामोक्खा छप्पि रायाणो जेणेव कुंभए तेणेव उवागच्छंति २ कुंभएणं रत्ता सद्धिं संपलग्गा यावि होत्था । तए णं जियसत्तूपामोक्खा छप्पि रायाणो कुंभयं रायं हय-महियपवरवीरघाइयविवांडियचिंधधयछत्तपडागं किच्छप्पाणोवगयं दिसोदिसं पडिसेहंति । तए णं से कुंभए जियसत्तूपामोक्खेहिं छहिं राईहिं हयमहिय जाव पडिसेहिए समाणे अत्थामे अबले अवीरिए जाव अधार-णिज्जमितिकट्टु सिग्धं तुरियं जाव वेइयं जेणेव मिहिला तेणेव उवा-गच्छइ २ मिहिलं अणुपविसइ २ मिहिलाए दुवाराइं पिहेइ २ रोहसज्जे चिट्ठइ । तए णं ते जियसत्तूपामोक्खा छप्पि रायाणो जेणेव मिहिला तेणेव उवागच्छंति २ मिहिलं रायहाणिं निस्संचारं निरुच्चारं सव्वओ समंता ओरुंभित्ताणं चिट्ठंति । तए णं से कुंभए मिहिलं रायहाणिं रुद्धं जाणित्ता अर्ब्भितरियाए उवट्ठाणसालाए सीहासणवरगए तेसिं जियसत्तूपामो-क्खाणं छण्हं राईणं छिदाणि यं विवराणि य मम्मणि य अलभमाणे बहूहिं आपंहि य उवाएहि य उप्पत्तियाहि य ४ बुद्धीहिं परिणामेमाणे २ किंचि आर्यं वा उवायं वा अलभमाणे ओहयमणसंकप्पे जाव झियायइ । इमं च णं मली २ ण्हाया जाव बहूहिं खुज्जाहिं परिवुडा जेणेव कुंभए तेणेव उवागच्छइ २ कुंभगस्स पायग्गहणं करेइ ! तए णं कुंभए मल्लिं २ नो आढाइ नो परियाणाइ तुसिणीए संचिट्ठइ । तए णं मली २ कुंभगं एवं वयासी-तुब्भे णं ताओ ! अन्नया ममं एज्जमाणं जाव निवेसेह । किन्नं तुब्भं अज्ज ओहय जाव झियायइ ? तए णं कुंभए मल्लिं २ एवं वयासी-एवं खलु पुत्ता ! तव कज्जे जियसत्तूपामोक्खेहिं छहिं राईहिं दूया संप्रेसिया । ते णं मए असक्कारिया जाव निच्छूढा । तए णं जियसत्तु-पामोक्खा तेसिं दूयाणं अंतिए एयमट्ठं सोच्चा परिकुविया समाणा मिहिलं

रायहाणिं निस्संचारं जाव चिट्ठंति । तए णं अहं पुत्ता तेसिं जियसत्तु-
 पामोकखाणं छण्हं राईणं अंतराणि अलभमाणे जाव झियामि । तए णं सा
 मल्ली २ कुंभगं रायं एवं वयासी - मा णं तुब्भे ताओ ! ओहवमणसंकप्पा
 जाव झियायह । तुब्भे णं ताओ ! तेसिं जियसत्तुपामोकखाणं छण्हं
 राईणं पत्तयं २ रहस्सिए दूयसंपेसे करेह एगमेगं एवं वयह - तव देमि
 मल्लिं २ तिकट्टु संझाकालसमयंसि पविरलमणुस्संसि निसंतपडिनिसं-
 तंसि पत्तेयं २ मिहिलं रायहाणिं अणुप्पविसेह २ गब्भघरणसु अणुप्प-
 विसेह मिहिलाए रायहाणीए दुवाराइं पिहेह २ रोहसंज्जे चिट्ठह । तए
 णं कुंभए एवं तं चेव जाव पवेसेइ रोहसंज्जे चिट्ठइ । तए णं ते जिय-
 सत्तुपामोकखा छप्पि रायाणो कल्लं जाव जलंते जालंतरेहिं कणगमयं
 मत्थयच्छिड्डं पउमुप्पलपिहाणं पडिमं पासंति एस णं मल्ली २ तिकट्टु
 मल्लीए २ रूवे य जोव्वणे य लावण्णे य मुच्छिया गिद्धा जाव अज्झो-
 ववन्ना अणिमिसाए दिट्ठीए पेहमाणा २ चिट्ठंति । तए णं सा मल्ली २
 ण्हाया जाव पायच्छित्ता सव्वालंकारविभूसिया बहूहिं खुज्जाहिं जाव
 परिकिखत्ता जेणेव जालघरण जेणेव कणगपडिमा तेणेव उवागच्छइ २
 तीसे कणगपडिमाए मत्थयाओ तं पउमं अवणेइ ! तए णं गंधे निद्धा-
 वेइ से जहानामए अहिमडे इ वा जाव असुभतराए चेव । तए णं ते
 जियसत्तुपामोकखा तेणं असुभेणं गंधेणं अभिभूया समाणा सएहिं २
 उत्तरिज्जेहिं आसाइं पिहेति २ परम्मुहा चिट्ठंति । तए णं सा मल्ली २
 ते जियसत्तुपामोकखे एवं वयासी - किं णं तुब्भे देवाणुप्पिया ! सएहिं २
 उत्तरिज्जेहिं जाव परम्मुहा चिट्ठह ? तए णं ते जियसत्तुपामोकखा
 मल्लिं २ एवं वयंति - एवं खलु देवाणुप्पिए ! अम्हे इमेणं असुभेणं
 गंधेणं अभिभूया समाणा सएहिं २ जाव चिट्ठामो । तए णं मल्ली २
 ते जियसत्तुपामोकखे एवं वयासी - जइं ताव देवाणुप्पिया ! इमीसे
 कणग जाव पडिमाए कल्लाकल्लिं ताओ मणुन्नाओ असणाओ ४ एगमेगे
 पिंडे पक्खिप्पमाणे २ इमेयारूवे असुभे पोग्गले परिणामे इमस्स पुण
 ओशालियसरीरस्स खेलासवस्स घंतासवस्स पित्तासवस्स सुक्कासवस्स

सोणियपूयासवस्स दुहयऊसासनीसासस्स दुहयमुत्तपूइयपुरीसपुण्ण-
 स्स सडण जाव धम्मस्स केरिसए य परिणामे भविस्सइ? तं मा णं तुब्भे
 देवाणुप्पिया ! माणुस्सएसु कामभोगेसु सज्जह रज्जह गिज्झंह मुज्झंह
 अज्झोववज्जह । एवं खलु देवाणुप्पिया ! अंहे इमे तच्चे भवग्गहणे अवर-
 विदेहवासे सलिलावईविजए वीयसोगाए रायहाणीए महब्बलपामोक्खा
 सत्तं पियवालवयंसया रायाणो होत्था सहजाया जाव पव्वइया । तए णं
 अहं देवाणुप्पिया ! इमेणं कारणेणं इत्थीनामगोयं कम्मं निव्वत्तेमि -
 जइ णं तुब्भे चउत्थं उवसंपज्जित्ताणं विहरह तओ णं अहं छट्ठं उव-
 संपज्जित्ताणं विहरामि सेसं तहेव सव्वं । तए णं तुब्भे देवाणुप्पिया ! काल -
 मासे कालं किच्चा जयंते विमाणे उववच्चा । तत्थ णं तुब्भं देसूणाइं
 बत्तीसाइं सागरोवमाइं ठिई । तए णं तुब्भे ताओ देवलोगाओ अणंतं
 चयं चइत्ता इहेव जंवुदीवे २ साइं २ रज्जाइं उवसंपज्जित्ताणं विहरह ।
 तए णं अहं ताओ देवलोगाओ आउक्खएणं जाव दारियत्ताए पच्चायाया ।
 किं च तयं पम्हुट्ठं जं थं तथा भो जयंतपवरंमि । वुत्था समयनिबद्धं
 देवा तं संभरह जाइं ॥ १॥ तए णं तेसिं जियसत्तुपामोक्खाणं छण्हं
 राईणं मलीए २ अंतिए एयमट्ठं सोच्चा २ सुमेणं परिणामेणं पसत्थेणं
 अज्झवसाणेणं लेसाहिं विसुज्झमाणीहिं तयावरणिज्जाणं कम्माणं
 खओवसमेणं ईहापूह जाव सन्निजाईसरणे समुप्पन्ने एयमट्ठं सम्मं अभि-
 समागच्छंति । तए णं मली अरहा जियसत्तुपामोक्खे छप्पि रायाणो
 समुप्पन्नजाईसरणे जाणित्ता गब्भघराणं दाराइं विहाडेइ । तए णं जिय-
 सत्तुपामोक्खा जेणेव मली अरहा तेगेव उवागच्छंति । तए णं महब्बल-
 पामोक्खा सत्तं पियवालवयंसा एगयओ अभिसमन्नागया वि होत्था ।
 तए णं मली अरहा ते जियसत्तुपामोक्खे छप्पि रायाणो एवं वयासी -
 एवं खलु अहं देवाणुप्पिया ! संसारभउविग्गा जाव पव्वयामि ।
 तं तुब्भे णं किं करेह किं ववसह किं भे हियसामत्थे ? तए णं
 जियसत्तुपामोक्खा मल्लिं अरहं एवं वयासी - जइ णं तुब्भे
 देवाणुप्पिया ! संसार जाव पव्वयह अम्हाणं देवाणुप्पिया ! के अन्ने

आलंबणे वा आहारे वा पडिवंधे वा ? जह चेव णं देवाणुप्पिया ! तुम्हे अम्हं इओ तच्चे भवग्गहणे बहसु कज्जेसु य मेठी पमाणं जाव धम्मधुरा होत्था तह चेव णं देवाणुप्पिया ! इण्हि पि जाव भविस्सह । अम्हे वि णं देवाणुप्पिया ! संसारभउव्विग्गा जाव भीया जम्मणंमरणाणं देवाणुप्पियासद्धिं मुंडा भवित्ता जाव पव्वयामो । तए णं मल्ली अरहा ते जियसत्तुपामोकखे एवं वयासी - जइ णं तुम्हे संसार जाव मए सद्धिं पव्वयह तं गच्छह णं तुम्हे देवाणुप्पिया ! सएहिं २ रज्जेहिं जेट्ठपुत्ते रज्जे ठावेह २ पुरिससहस्सवाहिणीओ सीयाओ दुरूहह २ मम अंतियं पाउव्वभवह । तए णं ते जियसत्तुपामोकखा मल्लिस्स अरहओ एयमट्ठं पडिसुणेंति । तए णं मल्ली अरहा ते जियसत्तुपामोकखा गहाय जेणेव कुंभए तेणेव उवागच्छइ २ कुंभगस्स पाएसु पाडेइ । तए णं कुंभए ते जियसत्तुपामोकखा विउलेणं असणेणं ४ पुण्णवत्थगंधमल्लालंकारेणं सक्कारेइ जाव पडिविस्सज्जेइ । तए णं ते जियसत्तुपामोकखा कुंभएणं रत्ता विसज्जिया समाणा जेणेव साइं २ रज्जाइं जेणेव नगराइं तेणेव उवागच्छंति २ सगाइं २ रज्जाइं उवसंपज्जित्ताणं विहरंति । तए णं मल्ली अरहा संवच्छरावसाणे निक्खमिस्सामि त्ति मणं पहारेइ ।

(81) तेणं कालेणं २ सक्कस्स आसणं चलइ । तए णं सक्के देविंदे देवराया आसणं चलयं पासइ २ ओहिं पउंजइ २ मल्लि अरहं ओहिणा आभोएइ २ इमेयारूवे अज्झत्थिए जाव समुप्पज्जित्था - एवं खलु जंवुदीवे २ भारहे वासे मिहिलाए कुंभगस्स रत्तो मल्ली अरहा निक्खमिस्सामित्ति मणं पहारेइ । तं जीयमेयं तीयपच्चुप्पन्नमणागयाणं सक्काणं अरहंताणं भगवंताणं निक्खममाणाणं इमेयारूवं अत्थसंपयाणं दलइत्तए तं जहा - तिण्णेव य कोडिसया अट्ठासीइं च हुंति कोडीओ । असिइं च सयसहस्सा इंदा दलयंति अरहाणं ॥१॥ एवं संपेहेइ २ वेसमणं देवं सदावेइ २ एवं वयासी - एवं खलु देवाणुप्पिया ! जंवुदीवे २ भारहे वासे जाव असीइं च सयसहस्साइं दलइत्तए । तं गच्छह णं देवाणुप्पिया ! जंवुदीवे भारहे वासे मिहिलाए कुंभगभवणंसि इमेयारूवं अत्थसंपयाणं साहराहि

२ खिप्पामेव मम एयमाणत्तियं पच्चप्पिणाहि । तए णं से वेसमणे देवे सक्केणं देविदेणं एवं वुत्ते हट्ठे करयल जाव पडिसुणेइ २ जंभए देवे सद्दावेइ २ एवं वयासी-गच्छह णं तुम्हे देवाणुप्पिया ! जंबुद्दीवं २ भारहं वासं मिहिलं रायहाणिं कुंभगस्स रत्नो भवणंसि तिन्नेव य कोडिसया अट्टासीयं च कोडीओ असीयं च सयसहस्साइं अयमेयारूवं अत्थसंपयाणं साहरह २ मम एयमाणत्तियं पच्चप्पिणह । तए णं ते जंभगा देवा वेसमणेणं जाव सुणेत्ता उत्तरपुरत्थिमं दिसीभागं अवक्कमंति जाव उत्तरवेउव्वियाइं रूवाइं विउव्वंति २ ताए उक्किट्ठाए जाव वीइवयमाणा जेणेव जंबुद्दीवे २ भारहे वासे जेणेव मिहिला रायहाणी जेणेव कुंभगस्स रत्नो भवणे तेणेव उवागच्छंति २ कुंभगस्स रत्नो भवणंसि तिन्नि कोडिसया जाव साहरंति २ जेणेव वेसमणे देवे तेणेव उवागच्छंति २ करयल जाव पच्चप्पिणंति । तए णं से वेसमणे देवे जेणेव सक्के २ तेणेव उवागच्छइ २ करयल जाव पच्चप्पिणइ । तए णं मल्ली अरहा कलाकल्लिं जाव मागहओ पायरासोत्ति बहूणं सणाहाण य अणाहाण य पहियाण य पंथियाण य कंरोडियाण य कप्पडियाण य एगमेगं हिरण्णकोडिं अट्ठ य अणूणाइं सयसहस्साइं इमेयारूवं अत्थसंपयाणं दलयइ । तए णं कुंभए मिहिलाए रायहाणीए तत्थ २ तहिं २ देसे २ बहूओ महाणससालाओ करेइ । तत्थ णं बहवे मणुया दिन्नभइभत्तवेयणा विउलं असणं ४ उवक्खडेंति जे जहा आगच्छंति तं जहा-पंथिया वा पहिया वा करोडिया वा कप्पडिया वा पासंडत्था वा गिहत्था वा तस्स य तहा आसत्थस्स वीसत्थस्स सुहासणवरगयस्स तं विउलं असणं ४ परिभाएमाणा परिवेसेमाणा विहरंति । तए णं मिहिलाए सिंघाडग जाव बहुजणो अन्नमन्नस्स एवमाइक्खइ-एवं खलु देवाणुप्पिया ! कुंभगस्स रत्नो भवणंसि सव्वकामगुणियं किमिच्छियं विपुलं असणं ४ बहूणं समणाण य जाव परिवेसिज्जइ । वरवरिया घोसिज्जइ किमिच्छियं दिज्जए बहुविहीयं । सुरअसुरदेवदानवन्नरिंदमहियाण निक्खमणे ॥ १ ॥ तए णं मल्ली अरहा संवच्छरेणं तिन्नि कोडिसया अट्टासीयं च होंति कोडीओ असीयं च सयसहस्साइं

इमेयारूवं अत्थसंपयाणं दलइत्ता निक्खमामित्ति मणं पहारेइ ।

(82) तेणं कालेणं २ लोगंतिया देवा बंभलोए कप्पे रिट्टे विमाण-
पत्थडे सएहिं २ विमाणेहिं सएहिं २ पासायवडिसएहिं पत्तेयं २ चउहिं
सामाणियसाहस्सीहिं तिहिं परिसाहिं सत्तहिं अणिएहिं सत्तहिं अणिया-
हिवईहिं सोलसहिं आयरक्खदेवसाहस्सीहिं अन्नेहि य बहूहिं लोगंति-
एहिं देवेहिं सद्धिं संपरिवुड्ढा महयाहयनट्टगीयवाइय जाव रवेणं भुंज-
माणा विहरंति तं जहा—सारस्सयमाइच्चा वण्ही वरुणा य गद्धतोया य ।
तुसिया अद्वावाहा अग्गिच्चा चेव रिट्ठा य ॥ १ ॥ तए णं तेसिं लोगंति-
याणं देवाणं पत्तेयं २ आसणाइं चलंति तहेव जाव अरहंताणं निक्खम-
माणानं संबोहणं करित्तए त्ति । तं गच्छामो णं अम्हे वि मल्लिस्स अरहओ
संबोहणं करेमो त्तिकट्ठु एवं संपेहेति २ उत्तरपुरत्थिमं दिसीभागं
वेउव्वियसमुग्घाएणं समोहणंति संखेज्जाइं जोयणाइं एवं जहा जंभगा जाव
जेणेव मिहिला रायहाणी जेणेव कुंभगस्स रत्तो भवणे जेणेव मल्ली अरहा
तेणेव उवागच्छंति २ अंतलिक्खपडिवन्ना सखिंखिणियाइं जाव
वत्थाइं पवरपरिहिया करयल जाव ताहिं इट्ठाहिं एवं वयासी -
वुज्झाहि भगवं लोगनाहा ! पवत्तेहि धम्मतित्थं जीवाणं हियसुह-
निस्सेयसकं भविस्सइ त्तिकट्ठु दोच्चंपि तच्चंपि एवं वयंति मल्लि अरहं
वंदंति नमंसंति २ जामेव दिस्सि पाउब्भूया तामेव दिस्सि पडिगया ।
तए णं मल्ली अरहा तेहिं लोगंतिएहिं देवेहिं संबोहिण समाणे जेणेव
अम्मापियरो तेणेव उवागच्छइ २ करयल जाव एवं वयासी-इच्छामि
णं अम्मयाओ ! तुब्भेहिं अब्भणुन्नाए मुंडे भवित्ता जाव पव्वइत्तए ।
अहासुहं देवाणुप्पिया ! मा पडिवंधं करेहं । तए णं कुंभए राया कोहुं-
वियपुरिसे सद्दावेइ २ एवं वयासी-खिप्पामेव अट्टसहस्सं सोवणिण-
याणं कलसाणं जाव भोमेज्जाणं अन्नं च महत्थं जाव तित्थयरभिसेयं
उवट्ठवेह जाव उवट्ठवेति । तेणं कालेणं २ चमरे असुरिंदे जाव अच्चुय-
पज्जवसाणा आगया । तए णं सक्के आभिओगिए देवे सद्दावेइ २ एवं
वयासी-खिप्पामेव अट्टसहस्सं सोवणिणयाणं जाव अन्नं च तं विपुलं

उवट्टवेह जाव उवट्टवेति । ते वि कलसा ते चेव कलसे अणुपविट्ठा । तए णं से सक्के देविंदे देवराया कुंभए य राया मल्लि अरहं सीहासणंसि पुरत्थाभिमुहं निवेसेइ अट्टसहस्सेणं सोवणिण्याणं जाव अभिसिंचन्ति । तए णं मल्लिस्स भगवओ अभिसेए वट्टमाणे अप्पेगइया देवा मिहिलं च सद्धिभतरबाहिरं जाव सद्धओ समंता संपरिधावन्ति । तए णं कुंभए राया दोच्चंपि उत्तरावक्कमणं जाव सद्वालंकारविभूसियं करेइ २ कोहुं-वियपुरिसे सद्दावेइ २ एवं वयासी-खिप्पामेव मणोरमं सीयं उवट्टवेह ते उवट्टवेति । तए णं सक्के आभिओगिए देवे वयासी-खिप्पामेव अणेगखंभ जाव सीयं उवट्टवेह जाव सावि सीया तं चेव सीयं अणुप्पविट्ठा । तए णं मल्ली अरहा सीहासणाओ अब्भुट्टेइ २ जेणेव मणोरमा सीया तेणेव उवागच्छइ २ मणोरमं सीयं अणुपयाहिणीकरेमाणा मणोरमं सीयं दुरूहइ २ सीहासणवरगए पुरत्थाभिमुहे सन्निसण्णे । तए णं कुंभए अट्टारस सेणिप्पसेणीओ सद्दावेइ २ एवं वयासी-तुम्भे णं देवाणुप्पिया ! ण्हाया जाव सद्वालंकारविभूसिया मल्लिस्स सीयं परिवहह जाव परिवहन्ति । तए णं सक्के ३ मणोरमाए सीयाए दक्खिणिल्लं उवरिल्लं बाहं गेण्हइ । ईसाणे उत्तरिल्लं उवरिल्लं बाहं गेण्हइ । चमरे दाहिणिल्लं हेट्ठिल्लं बली उत्तरिल्लं हेट्ठिल्लं अवसेसा देवा जहारिहं मणोरमं सीयं परिवहन्ति-पुर्व्वि उक्खित्ता माणुसेहिं सां हट्टरोमकूवेहिं । पच्छा वहन्ति सीयं असुरिंदसुरिंदनागिंदा ॥१॥ चलचवलकुंडलधरा सच्छंदविउव्वियाभरणधारी । देविंददाणविंदा वहन्ति सीयं जिणिंदस्स ॥ २ ॥ तए णं मल्लिस्स अरहओ मणोरमं सीयं दुरूढस्स इमे अट्टमंगलगा पुरओ अहाणुपुर्व्वेणं एवं निग्गमो जहा जमालिस्स । तए णं मल्लिस्स अरहओ निक्खममाणस्स अप्पेगइया देवा मिहिलं आसिय जाव अद्धिभतरवासविहिगाहा जाव परिधावन्ति । तए णं मल्ली अरहा जेणेव सहस्संबवणे उज्जाणे जेणेव असोगवरपायवे तेणेव उवागच्छइ २ सीयाओ पच्चोरुहइ २ आभरणालंकारं पभावई पडिच्छइ । तए णं मल्ली अरहा सयमेव पंचमुट्ठियं लोयं करेइ । तए णं सक्के ३

मल्लिस्स केसे पडिच्छइ खीरोदगसमुदे साहरइ । तए णं मल्ली अरहा नमोऽत्थु णं सिद्धाणं तिकट्टु सामाइयचारित्तं पडिवज्जइ । जं समयं च णं मल्ली अरहा चारित्तं पडिवज्जइ तं समयं च णं देवाणं य माणुसाणं य निग्घोसे तुड्डियणाए गीयवाइयनिग्घोसे य सक्कवयण-संदेसेणं निलुक्के यावि होत्था । जं समयं च णं मल्ली अरहा सामाइयचारित्तं पडिवज्जे तं समयं च मल्लिस्स अरहओ माणुस-धम्माओ उत्तरिए मणपज्जवनाणे समुप्पन्ने । मल्ली णं अरहा जे से हेमंताणं दोच्चे मासे चउत्थे पक्खे पोमसुद्धे तस्स णं पोससुद्धस्स एक्का-रसीपक्खेणं पुव्वण्हकालसमयंसि अट्टमेणं भत्तेणं अपाणणं अस्सिणीहिं नक्खत्तेणं जोगमुवागणं तिहिं इत्थीसएहिं अर्धितरियाए परिसाए तिहिं पुरिससएहिं बाहिरियाए परिसाए सद्धिं मुंडे भवित्ता पव्वइए । मल्लिं अरहं इमे अट्ट नायकुमारा अणुपव्वइंसु तं जहा-नंदे य नंदिमित्ते सुमित्त-वलमित्तभागुमित्ते य । अमरवइ अमरसेणे महसेणे चेव अट्टमए ॥ १ ॥ तए णं ते भवणवई ४ मल्लिस्स अरहओ निक्खमणमहिमं करेति २ जेणेव नंदीसरे अट्टाहियं करेति जाव पडिगया । तए णं मल्ली अरहा जं चेव दिवसं पव्वइए तस्सेव दिवसस्स पुव्वावरण्हकालसमयंसि असोग-वरपायवस्स अहे पुढविसिलापट्टयंसि सुहासणवरगयस्स सुहेणं परिणामेणं पसत्थाहिं लेसाहिं तयावरणकम्मरयविकरणकरं अपुव्वकरणं अणुपविट्टस्स अणंते जाव केवलवरनाणदंसणे समुप्पन्ने ।

(83) तेणं कालेणं २ सव्वदेवाणं आसणाइं चलेंति समोसढा सुणेंति अट्टाहियं महानंदीसरं जाव जामेव दिंसि पाउब्भूया तामेव पडि-गया । कुंभए वि निग्गच्छइ । तए णं ते जियसत्तुपामोक्खा छप्पि य रायाणो जेट्टुप्पत्ते रज्जे ठावेत्ता पुरिससहस्सवाहिणीयाओ दुरूढा सँव्विड्ढीए जेणेव मल्ली अरहा जाव पज्जुवासंति । तए णं मल्ली अरहा तीसे महइमहा-लियाए कुंभगस्स तेसिं च जियसत्तुपामोक्खाणं धम्मं परिकहेइ । परिसा जामेव दिंसि पाउब्भूया तामेव दिंसि पडिगया । कुंभए समणोवासए जाए पडिगए पभावई पि । तए णं जियसत्तुपामोक्खा छप्पि रायाणो

धम्मं सोच्चा आलित्तणं णं भंते ! जाव पच्चइया जाव चोदसपुब्बिणो
 अणंते केवली सिद्धा । तणं णं मल्ली अरहा सहसंबवणाओ पडिनिक्खमइ
 २ वहिया जणवयविहारं बिहरइ । मल्लिस्स णं भिसंगपामोक्खा अट्टावीसं
 गणा अट्टावीसं गणहरा होत्था । मल्लिस्स णं अरहओ अट्टचत्तालीसं
 समणसाहस्सीओ उक्कोसिया समणसंपया होत्था । बंधुमइपामोक्खाओ
 पणपन्नं अज्जियासाहस्सीओ उक्कोसेणं । सुंध्यपामोक्खाओ सावयाणं
 एगा सयसाहस्सी चुलसीइं सहस्सा सुणंदापामोक्खाओ सावियाणं
 तिणिणं सयसाहस्सीओ पण्णट्ठिं च सहस्सा छच्च सया चोदस-
 पुब्बिणं संपया । वीसं सया ओहिनाणीणं वत्तीसं सया केवलनाणीणं
 पणतीसं सया वेउव्वियाणं अट्टसया मणपज्जवनाणीणं चोदससया
 वाईणं वीसं सया अणुत्तरोववाइयाणं । मल्लिस्स णं अरहओ दुविहा
 अंतगंडभूमी होत्था तं जहा-जुगंतकरभूमी परियायंतकरभूमी य
 जाव वीसइमाओ पुरिसजुगाओ जुगंतकरभूमी दुवालसपरियाए
 अंतमकासी । मल्ली णं अरहा पणवीसं धणू उहं उच्चत्तेणं वण्णेणं
 पियंगुसामे समचउरंससंठाणे वज्जरिसहनारायसंघयणे मज्झदेसे सुहं-
 सुहेणं बिहरित्ता जेणेव सम्मेए पच्चए तेणेव उवागच्छइ २ संमेयसेल-
 सिहरे पाओवगमणुववन्ने । मल्ली णं अरहा एगं वाससयं अगारवास-
 मज्झे पणपन्नं वाससहस्साइं वाससयऊणाइं केवलिपरियागं पाउणित्ता
 पणपन्नं वाससहस्साइं सच्चाउयं पालइत्ता जे से गिम्हाणं पढमे मासे
 दोच्चे पक्खे चेतिसुद्धे तस्स णं चेतिसुद्धस्स चउत्थीए भरणीए नक्खत्तेणं
 अद्धरत्तकालसमयंसि पंचहिं अज्जियासएहिं अर्द्धितरियाए परिसाए
 पंचहिं अणगारसएहिं बाहिरियाए परिसाए मासिएणं भत्तेणं अपाणएणं
 वग्घारियपाणीं खीणे वेयणिज्जे आउए नामगोए सिद्धे¹⁷ । एवं परिनिब्बान-
 महिमा भाणियव्वा जहा जंबुदीवपण्णत्तीए नंदीसरे अट्टाहियाओ पडिगयाओ ।

एवं खलु जंबू ! समणेणं ३ अट्टमस्स नायज्झयणस्स अयमट्ठे
 पन्नत्ते त्ति वेमि ॥ ८ ॥

॥ अट्टमं नायज्झयणं समत्तं ॥ ८ ॥

॥ नवमं अञ्जयणं ॥

(84) जइ णं भंते । समणेणं भगवया महावीरेणं जाव संपत्तेणं अट्टमस्स नायञ्जयणस्स अयमट्ठे पन्नत्ते नवमस्स णं भंते ! नायञ्जयणस्स समणेणं जाव संपत्तेणं के अट्ठे पन्नत्ते ? एवं खलु जंबू ! तेणं कालेणं तेणं समएणं चंपा नामं नयरी होत्था । पुण्णभहे चेइए । तत्थ णं माकंदी नामं सत्थवाहे परिवसइ अट्ठे जाव अपरिभूए । तस्सं णं भद्दा नामं भारिया होत्था । तीसे णं भद्दाए अत्तया दुवे सत्थवाहदारया होत्था तंजहा — जिणपालिएं य जिणरक्खिए य । तए णं तेसिं मागंदियदारगणं अन्नया कयाइ एगयओ इमेयारूवे मिहोकहासमुल्लावे समुप्पज्जित्था — एवं खलु अम्हे लवणसमुदं पोयवहणेणं एक्कारस वारा ओगाढा सव्वत्थ वि य णं लद्धट्ठा कयकज्जा अणहसमग्गा पुणरवि नियगघरं हव्वमागया । तं सेयं खलु अम्हं देवाणुप्पिया ! दुवालसमंपि लवणसमुदं पोयवहणेणं ओगाहित्तए त्तिकट्ठु अन्नमन्नस्स एयमट्ठं पडिसुणेंति २ जेणेव अम्मापियरो तेणेव उवागच्छंति २ एवं वयासी — एवं खलु अम्हे अम्मयाओ ! एक्कारस वारा तं चेव जाव नियगघरं हव्वमागया । तं इच्छामो णं अम्मयाओ तुब्भेहिं अब्भणुन्नाया समाणा दुवालसलवणसमुदं पोयवहणेणं ओगाहित्तए । तए णं ते मागंदियदारए अम्मापियरो एवं वयासी — इमे भे जाया ! अज्जग जाव परिभाएत्तए । तं अणुद्दोह ताव ज्ञाया ! विपुले माणुस्सए इड्डीसक्कारसमुदए । किं भे सपच्चवाएणं निरालंबणेणं लवणसमुद्दोत्तारेणं ? एवं खलु पुत्ता ! दुवालसमी जत्ता सोवसग्गा यावि भवइ । तं मा णं तुब्भे दुवे पुत्ता ! दुवालसमंपि लवण जाव ओगाहेह । मा हु तुब्भं सरीरस्स वावत्ती भविस्सइ । तए णं ते माकंदियदारगा अम्मापियरो दोच्चंपि तच्चंपि एवं वयासी — एवं खलु अम्हे अम्मयाओ ! एक्कारस वारा लवण जाव ओगाहित्तए । तए णं ते माकंदियदारए अम्मापियरो जाहे नो संचाएंति बहूहिं आघवणाहिं य पण्णवणाहिं य ताहे अकामा चेव एयमट्ठं अणुमज्जित्था । तए णं ते माकंदियदारगा अम्मापिऊहिं अब्भणुन्नाया समाणा गणिमं य

धरिमं च मेज्जं च पारिच्छेज्जं च जहा अरहन्नास्स जाव लवणसमुहं
बहूइं जोयणसयाइं ओगाढा ।

(85) तए णं तेसिं माकंदियदारगाणं अणेगाइं जोयणसयाइं ओगा-
ढाणं समाणाणं अणेगाइं उप्पाइयसयाइं पाउब्भूयाइं तंजहा — अकाले
गज्जियं जाव थणियसहे कालियवाए तत्थ समुट्ठिं । तए णं सा नावा तेणं
कालियवाएणं आहुणिज्जमाणी २ संचालिज्जमाणी २ संखोभिज्जमाणी
२ सलिलतिक्खवेगेहिं अइवट्ठिज्जमाणी २ कोट्ठिमांसि करतलाहए
विव तिंदूसए तत्थेव २ ओवयमाणी य उप्पयमाणी य उप्पयमाणी विव
धरणीयलाओ सिद्धविज्जा विज्जाहरकन्नगा ओवयमाणी विव गगण-
तलाओ भट्टविज्जा विज्जाहरकन्नगा विपलायमाणी विव महागरुलवेग-
वित्तासिया भुयगवरकन्नगा धावमाणी विव महाजैणरसियसइवित्तत्था
ठाणभट्ठा आसकिसोरी निगुंजमाणी विव गुरुजणदिट्ठावराहा सुजणकुल-
कन्नगा घुम्ममाणी विव वीचिपहारसयतालिया गलिर्यलंबणा विव गगण-
तलाओ रोयमाणी विव सलिलभिन्नगंठिविप्पइरमाणंथोरंसुवाएहिं नववहू
उवरयभत्तुया विलवमाणी विव परचक्करायाभिरोहिया परममहब्भयाभिदुया
महापुरवरी ज्ञायमाणी विव कवडच्छोमैणपओगजुत्ता जोगपरिन्वाइया
नीससमाणी विव महाकंतरविणिग्गयपरिस्संता पारणयवया अम्मया
सोयमाणी विव तच्चरणखीणपरिभोगा चवणकाले देववरवहू संचुण्णिय-
कंठकूबरा भग्गमेढिमोडियसहस्समाला सूलाइयवंकपरिमासा फलहंतर-
तडतडेंतफुट्ठंतसंधिवियलंतलोहखीलिया सव्वंगवियंभिया परिसडियरज्जु-
विसरंतसव्वगत्ता आमगमल्लगभूया अकयपुण्णजणमणोरहो विव चित्ति-
ज्जमाणगुरुई हाहाकयकण्णधारनीवियवाणियगजणकम्मकरं विलविया
नाणाविहरयणपणियसंपुण्णा बहूहिं पुरिससएहिं रोयमाणेहिं कंदमाणेहिं
सोयमाणेहिं तिप्पमाणेहिं विलवमाणेहिं एगं महं अंतोजलगयं गिरिसिहर-
मासाइत्ता संभग्गकूबतोरणा मोडियज्झयदंडा वलयसयखंडिया कडकडैंस
तत्थेव विइवं उवगया । तए णं तीए नावाए भिज्जमाणीए ते बहवे
पुरिसा विपुलपणिर्यंभंडमायाए अंतोजलंमि निर्मज्जावि यावि होत्था ।

(86) तए णं ते माकंदियदारगा छेया दक्खा पत्तहा कुसला मेहावी निउणसिप्पोवगया बहुसु पोयवहणसंपराएसु कयकरणा लद्धविजया अमूढा अमूढहत्था एगं महं फलगखंडं आसादेति । जंसि च णं पए-संसि से पोयवहणे विवन्ने तंसि च णं पएसंसि एगे महं रयणदीवे नामं दीवे होत्था अणेगाइं जोयणाइं आयामविक्खंभेणं अणेगाइं जोयणाइं परिकेवेवेणं नाणादुमसंडमंडिउहेसे सस्सिरीए पासाईए दरिसणिज्जे अभिरूवे पडिरूवे । तस्स णं बहुमज्झदेसभाए एत्थ णं महं एगे पासायवडेंसए होत्था अब्भुगयमूसिए जाव सस्सिरीयरूवे पासाईए ४ । तत्थ णं पासायवडेंसए रयणदीवदेवया नामं देवया परिवसइ पावा चंडा रुद्धा खुद्धा साहसिया । तस्स णं पासायवडेंसयस्स चउदिसिं चत्तारि वणसंडा पन्नत्ता किण्हा किण्होभासा । तए णं ते माकंदियदारगा तेणं फलयखंडेणं उवुज्झमाणा २ रयणदीवन्तेणं संवुढां यावि होत्था । तए णं ते माकंदियदारगा थाहं लभंति २ मुहुत्ततरं आसांसंति २ फलगखंडं विसज्जेति २ रयणदीवं उत्तरेंति २ फलाणं मग्गणगवेसणं करेंति २ फळाइं आहारेंति २ नालियराणं मग्गणगवेसणं करेंति २ नालियराइं फोडेंति २ नालियरतेल्लेणं अन्नमन्नस्स गारयाइं अड्ढिभगेति २ पोक्खरणीओ ओगाहेंति २ जलमज्जणं करेंति २ जाव पच्चुत्तरंति २ पुढाविसिलापट्टयांसि निसीयंति २ आसत्था वीसत्था सुहासणवरगया चंपं नयरिं अम्मापिउआपुच्छणं च लवणसमुहोत्तारणं च कालियवायसमुच्छणं च पोयवहणविवत्तिं च फलयखंडयस्स आसायणं च रयणदीवोत्तारं च अणुचितेमाणा २ ओहयमणसंकप्पा जाव झियायंति । तए णं सा रयणदीवदेवया ते माकंदियदारए ओहिणा आभोएइ २ असिफलगवग्गहत्था सत्तअट्ठतलप्पमाणं उड्डुं वेहासं उप्पयइ २ ताए उक्किट्ठाए जाव देवगईए वीईवयमाणी २ जेणेव माकंदियदारए तेणेव उवागच्छइ २ आसुरुत्ता ते माकंदियदारए खरफरुसनिट्ठुरवयणेहिं एवं वयासी-हं भो माकंदियदारया ! जइ णं तुब्भे मए सद्धिं विउलाइं भोगभोगाइं भुंजमाणा विहरह तो भे अत्थि जीवियं । अहं णं तुब्भे मए सद्धिं विउलाइं नो विहरह तो भे इमेणं नीलुप्पलगवल्लुगुलिय जाव खुर-

धारेणं असिणा रत्तगंडमंसुयाइं माउआहिं उवसोहियाइं तालफलाणिब
सीसाइं एगंते एंडेमि । तए णं ते माकंदियदारगा रयणदीबदेवयाए
अंतिए एयमट्ठं सोच्चा निसम्म भीया करयल जाव वद्धावेत्ता एवं वयासी—
जज्जं देवाणुप्पिया वइस्सइ तस्स आणाउववायवयणनिहेसे चिट्ठिस्सामो ।
तए णं सा रयणदीबदेवया ते माकंदियदारए गेण्हइ २ जेणेव पासाय-
वडेंसए तेणेव उवागच्छइ २ असुभपोग्गलावहारं करेइ २ सुभपोग्गल-
पक्खेवं करेइ २ तओ पच्छा तेहिं सद्धिं विउलाइं भोगभोगाइं भुंजमाणी
विहरइ कल्लकल्लिं च अमयफलाइं उवणेइ ।

(87) तए णं सा रयणदीबदेवया सक्कवयणसंदेसेणं सुट्ठिएणं लवणा-
हिबइणा लवणसमुदे तिसत्तखुत्तो अणुपरियट्ठेयव्वे सि जं किंचि तत्थ
तणं वा पत्तं वा कट्ठं वा कयवरं वा असुइ पूयं दुरभिगंधमचोक्खं तं
सव्वं आहुणिय २ तिसत्तखुत्तो एगंते एंडेयव्वं तिकट्ठु निउत्ता । तए
णं सा रयणदीबदेवया ते माकंदियदारए एवं वयासी — एवं खलु अहं
देवाणुप्पिया ! सक्कवयणसंदेसेणं सुट्ठिएणं लवणाहिबइणा तं चेव जाव
निउत्ता । तं जाव ताव अहं देवाणुप्पिया ! लवणसमुदे जाव एडेमि ताव
तुब्भे इहेव पासायवडेंसए सुहंसुहेणं अभिरममाणा चिट्ठइ । जइ णं
तुब्भे एयंसि अंतरंसि उव्विग्गा वा उस्सुया वा उप्पुया वा भवेज्जाह तो
णं तुब्भे पुरत्थिमिल्लं वणसंडं गच्छेज्जाह । तत्थ णं दो उऊं सया साहीणा
तंजहा—पाउसे य वासारत्ते यः—तत्थ उ कंदलसिल्लिंधवंतो निउवरपुप्फ-
पीवरकरो । कुडयज्जुणनीवसुरभिदाणो पाउसउऊ गयवरो साहीणो ॥१॥
तत्थ यः—सुरगोवमणिविचित्तो देहुरकुलरसियउज्झेररवो । बरहिण-
वंदंपरिणद्धसिहरो वासारत्तउऊपव्वओ साहीणो ॥२॥ तत्थ णं तुब्भे
देवाणुप्पिया ! बहुसु वावीसु य जाव सरसरपंतियासु य बहुसु आली-
घरएसु य मालीघरएसु य जाव कुसुमघरएसु य सुहंसुहेणं अभिरम-
माणा २ विहरिज्जाह । जइ णं तुब्भे तत्थ वि उव्विग्गा वा उस्सुया
वा उप्पुया वा भवेज्जाह तो णं तुब्भे उत्तरिल्लं वणसंडं गच्छेज्जाह ।
तत्थ णं दो उऊं सया साहीणा तंजहाः—सरवो य हेमंतो य । तत्थ उ

सणसत्तिवण्णकड्हो नीलुप्पलपडमनल्लिणसिंगो । सारमच्चक्काबरवियघोसो
 सरयउऊ गोवई साहीणो ॥१॥ तत्थ य सियकुंदधवलजोण्हो कुसुमिय-
 लोद्धवणसंडमंडलतलो । तुसारदगधारपीवरकरो हेमंतउऊससी सया
 साहीणो ॥२॥ तत्थ णं तुब्भे देवाणुप्पिया ! वावीसु य जाव विहरे-
 ज्जाह । जइ णं तुब्भे तत्थ वि उव्विग्गा वा जाव उस्सुया वा भवेज्जाह
 तो णं तुब्भे अवरिल्लं वणसंडं गच्छेज्जाह । तत्थ णं दो उऊ सया
 साहीणा तंजहा :- वसंते य गिम्हे य । तत्थ उ सहकारच्चारुहारो
 किंसुयकण्णियारासोगमउडो । ऊसियतिलगवकुलायवत्तो वसंतउऊ नरबई
 साहीणो ॥१॥ तत्थ य पाडलसिरीससलिलो मल्लियावासंतियधवलवेलो
 सीयलसुरभिअनिलमगरचरिओ गिम्हउऊसागरो साहीणो ॥२॥ तत्थ णं
 बहूसु जाव विहरेज्जाह । जइ णं तुब्भे देवाणुप्पिया ! तत्थ वि उव्विग्गा
 वा उस्सुया वा उप्पुया वा भवेज्जाह तओ तुब्भे जेणेव पासायवडेंसए
 तेणेव उवागच्छेज्जाह ममं पडिवालेमाणा २ चिट्ठेज्जाह । मा णं तुब्भे
 दक्खिणिं वणसंडं गच्छेज्जाह । तत्थ णं महं एगे उग्गाविसे चंडविसे
 घोराविसे महाविसे अइकाए महाकाए जहा तेयनिसग्गे मसिमहिस्-
 मूसाकालए नयणविसरोसपुण्णे अंजणपुंजनियरप्पगासे रत्तच्छे जमल-
 जुयलचंचलचलंतजीहे धरणितलवेणिभूए उक्कडफुडकुडिलजडिलकक्खड-
 बियडफडाडोवकरणदच्छे लोहागरधम्ममाणधमधमेंतघोसे अणागलिय-
 चंडतिव्वरोसे सँमुहं तुरियचवलं धमधमेंतदिट्ठीविसे सप्पे परिवसइ ।
 मा णं तुब्भं सरीरस्स बावत्ती भविस्सइ । ते माकंदियदारए दोच्चंपि
 तच्चंपि एवं वयँइ २ वेउव्वियसमुग्घाएणं समोहण्णइ २ ताए उक्किट्ठाए
 लवणसमुदं तिसत्तखुत्तो अणुपरियट्ठेउं पयत्ता यावि होत्था ।

(88) तए णं ते माकंदियदारया तओ मुहुत्तंतरस्स पासायवडेंसए
 सँइ वा रँइ वा धिँ^{१०} वा अलभमाणा अन्नमन्नं एवं वयासी—एवं खलु
 देवाणुप्पिया ! रयणदीवदेवया अम्हे एवं वयासी—एवं खलु अहं सक्क-
 वयणसंदेसेणं सुट्ठिएणं लवणाद्विइणा जाव बावत्ती भविस्सइ । तं सेयं
 खलु अम्हं देवाणुप्पिया ! पुरत्थिमिल्लं वणसंडं गमित्तए । अन्नमन्नस्स

पडिसुणेंति २ जेणेव पुरत्थिमिल्ले वणसंडे तेणेव उवागच्छंति २ तत्थ णं वावीसु य जाव आलीघरएसु य जाव विहरंति । तए णं ते माकंदियदारगा तत्थ वि सइं वा जाव अलभमाणा जेणेव उत्तरिल्ले वणसंडे तेणेव उवागच्छंति । तत्थ णं वावीसु य जाव आलीघरएसु य विहरंति । तए णं ते माकंदियदारगा तत्थ वि सइं वा जाव अलभमाणा जेणेव पच्चत्थिमिल्ले वणसंडे तेणेव उवागच्छंति २ जाव विहरंति । तए णं ते माकंदियदारगा तत्थवि सइं वा जाव अलभमाणा अन्नमन्नं एवं वयासी - एवं खलु देवाणुप्पिया ! अम्हे रयणदीवदेवया एवं वयासी - एवं खलु अहं देवाणुप्पिया ! सक्कवयणसंदेसेणं सुट्ठिणं लवणाहिवइणा जाव मा णं तुब्भं सरीरस्स वावत्ती भविस्सइ । तं भवियव्वं एत्थ कारणेणं । तं सेयं खलु अम्हं दक्खिणिल्लं वणसंडं गमित्तए त्तिकट्ठु अन्नमन्नस्स एयमट्ठं पडिसुणेंति २ जेणेव दक्खिणिल्ले वणसंडे तेणेव पहारेत्थ गमणाए । तओ णं गंधे निद्धाइ से जहानामए अहिमडे इ वा जाव अणिट्ठतराए । तए णं ते माकंदियदारगा तेणं असुभेणं गंधेणं अभिभूया समाणा सएहिं २ उत्तरिज्जेहिं आसाइं पिहेंति २ जेणेव दक्खिणिल्ले वणसंडे तेणेव उवागया । तत्थ णं महं एगं आघयणं पासंति अट्ठियरासिसयसंकुलं भीमदरिसणिज्जं एगं च तत्थ सूलाइयं पुरिसं कलुणाइं कट्ठाइं विस्सराइं कुव्वमाणं पासंति भीया जाव संजायभया जेणेव से सूलाइए पुरिसे तेणेव उवागच्छंति २ तं सूलाइयं पुरिसं एवं वयासी - एस णं देवाणुप्पिया ! कस्सं आघयणे तुमं च णं के कओ वा इहं हव्वमागए केण वा इमेयारूवं आवयं पाविए ? तए णं से सूलाइए पुरिसे ते माकंदियदारगे एवं वयासी - एस णं देवाणुप्पिया ! रयणदीवदेवयाए आघयणे । अहं णं देवाणुप्पिया ! जंबुदीवाओ दीवाओ भारहाओ वासाओ काकंदिए आसवाणियए विपुलं पणियभंडमायाए पोयवहणेणं लवणसमुहं ओयाए । तए णं अहं पोयवहणाविवत्तीए निव्वुड्ढमंडसारे एगं फलणखंडं आसाएमि । तए णं अहं उर्वुज्झमाणे २ रयणदीवतेणं संवूढे । तए णं सा रयणदीवदेवया ममं पासइ २ ममं गेणहइ २ मए

सद्धिं विउलाइं भोगभोगाइं मुंजमाणी विहरइ । तए णं सा रयण-
 दीवदेवया अन्नया कयाइ अहाळहुंसगंसि अवराहंसि परिकुविया
 समाणी ममं एयारूवं आवयं पावेइ । तं न नज्जइ णं देवाणुप्पिया !
 तुब्भं पि इमेसिं सरीरगाणं का मन्ने आवई भविस्सइ । तए णं ते
 माकंदियदारगा तस्स सूलाइगस्स अंतिए एयमट्ठं सोच्चा निसम्म बलिय-
 तरं भीया जाव संजायभया सूलाइयं पुरिसं एवं वयासी — कहं णं देवाणु-
 प्पिया ! अम्हे रयणदीवदेवयाए हत्थाओ साहत्थिं नित्थारिज्जामो ? तए
 णं से सूलाइए पुरिसे ते माकंदियदारगे एवं वयासी — एस णं देवाणु-
 प्पिया ! पुरत्थिमिल्ले वणसंडे सेलगस्स जक्खस्स जक्खायणे सेलए नामं
 आसरूवधारी जक्खे परिवसइ । तए णं से सेलए जक्खे चाउइसट्ठ-
 मुद्धिट्ठपुण्णमासिणीसु आगयसमए पत्तसमए महया २ सहेणं एवं वदई-
 कं तारयामि ? कं पालयामि ? तं गच्छह णं तुब्भे देवाणुप्पिया ! पुरत्थिमिल्लं
 वणसंडं सेलगस्स जक्खस्स महरिहं पुप्फच्चाणियं करेह २ जन्नुपाय-
 वडिया पंजलिउडा विणएणं पज्जुवासमाणा विहरह । जाहे णं से सेलए
 जक्खे आगयसमए पत्तसमए एवं वएज्जा—कं तारयामि ? कं पालयामि ?
 ताहे तुब्भे एवं वयह — अम्हे तारयाहि अम्हे पालयाहि । सेलए भो
 जक्खे परं रयणदीवदेवयाए हत्थाओ साहत्थिं नित्थारेज्जा । अन्नहा भो
 न याणामि इमेसिं सरीरगाणं का मन्ने आवई भविस्सइ ।

(89) तए णं ते माकंदियदारगा तस्स सूलाइयस्स अंतिए एयमट्ठं
 सोच्चा निसम्म सिग्घं चंडं चवलं तुरियं वेईयं जेणेव पुरत्थिमिल्ले वण-
 संडे जेणेव पोक्खरिणी तेणेव उवागच्छंति २ पोक्खरिणिं ओगाहेति २
 जलमज्जणं करेति २ जाइं तत्थ उप्पलाइं जाव गेण्हंति २ जेणेव
 सेलगस्स जक्खस्स जक्खाययणे तेणेव उवागच्छंति २ आलोए पणामं
 करेति २ महरिहं पुप्फच्चाणियं करेति २ जन्नुपायवडिया सुस्सुस-
 माणा नमंसमाणा पज्जुवासंति । तए णं से सेलए जक्खे आगय-
 समए पत्तसमए एवं वयासी — कं तारयामि ? कं पालयामि ? तए
 णं ते माकंदियदारगा उट्ठाए उट्ठेति करयल जाव वट्ठावेत्ता एवं

बयासी — अम्हे तारयाहि अम्हे पालयाहि । तए णं से सेलए जक्खे ते माकंदियदारए एवं बयासी — एवं खलु देवाणुप्पिया ! तुब्भं मए सद्धिं लवणसमुहं मज्झंमज्झेणं वीईवयमाणानं सा रयणदीवदेवया पावा चंडा रुहा खुहा साहसिया बहुहिं खरण्हि य मउएहि य अणु-लोमेहि य पडिलोमेहि य सिंगारेहि य कलुणेहि य उवसग्गेहि य उव-सगं करेहिइ । तं जइ णं तुब्भे देवाणुप्पिया ! रयणदीवदेवयाए एयमट्ठं आढाह वा परियाणह वा अवयक्खह वा तो भे अहं पिट्ठाओ विहू-णामि । अहं णं तुब्भे रयणदीवदेवयाए एयमट्ठं नो आढाह नो परिया-णह नो अवयक्खह तो भे रयणदीवदेवयाए हत्थाओ साहत्थिं नित्थारेमि । तए णं ते माकंदियदारगा सेलगं जक्खं एवं बयासी — जं णं देवाणु-प्पिया वईस्संति तस्स णं उववायवयणनिदेसे चिट्ठिस्सामो । तए णं से सेलए जक्खे उत्तरपुरत्थिमं दिसीभागं अवक्कमइ २ बेउठ्वियसमु-ग्घाएणं समोहणइ २ संखेज्जाइं जोयणाइं दंडं निस्सरइ दोळ्चंपि बेउठ्वियसमुग्घाएणं समोहणइ २ एगं महं आसरूवं बेउठ्वइ २ ते माकंदियदारए एवं बयासी — हं भो माकंदियदारया ! आरुहं णं देवा-णुप्पिया ! मम पिट्ठं^१ । तए णं ते माकंदियदारया हट्ठा सेलगस्स जक्खस्स पणामं करेति २ सेलगस्स पिट्ठं^२ दुरुढा । तए णं से सेलए ते माकंदियदारए दुरुढे जाणित्ता सत्तअट्ठताल्लप्पमाणमेत्ताइं उड्डं वेहासं उप्पयइ २ ताए उक्किट्ठाए तुरियाए चवलाए चंडाए दिव्वाए देवयाए देवगईए लवणसमुहं मज्झंमज्झेणं जेणेव जंबुदीवे दीवे जेणेव भारहे वासे जेणेव चंपा नयरी तेणेव पहारेत्थ गमणाए ।

(90) तए णं सा रयणदीवदेवया लवणसमुहं तिसत्तखुत्तो अणुपरि-यट्ठइ जं तत्थ तणं वा जाव एडेइ जेणेव पासायवडेंसए तेणेव उवागच्छई २ ते माकंदियदारया पासायवडेंसए अपासमाणी जेणेव पुरत्थिमिल्ले वणसंडे जाव सठवओ समंता मगगणगवेसणं करेइ २ तेसिं माकंदियदारगानं कत्थइ सुंई वा ३ अलभमाणी जेणेव उत्तरिल्ले एवं चेव पक्वत्थिमिल्ले बि जाव अपासमाणी ओहिं पउंजइ ते माकंदियदारए सेलपणं सद्धिं

लवणसमुद्दं मज्झमज्झेणं वीईवयमाणे २ पासइ २ आसुरुत्ता असिखेडंगं
गेणइ २ सत्तइ जाव उप्पयइ २ ताए उक्किट्टाए जेणेव माकंदियदारया
तेणेव उवागच्छइ २ एवं वयासी—हं भो माकंदियदारगा अपत्थियपत्थिया !
किण्णं तुब्भे जाणह ममं विप्पजहाय सेलएणं जक्खेणं सद्धिं लवण-
समुद्दं मज्झमज्झेणं वीईवयमाणा ? तं एवमवि गए जइ णं तुब्भे ममं
अवयक्खह तो भे अत्थि जीवियं । अह णं नावयक्खह तो भे इमेणं
नीलुप्पलगवल जाव ऐडेमि । तए णं ते माकंदियदारगा रयणदीवदेवयाए
अंतिए एयमट्ठं सोच्चा निसम्म अभीया अतत्था अणुव्विग्गा अक्खुभिया
असंभंता रयणदीवदेवयाए एयमट्ठं नो आढंति नो परियाणंति नाव-
यक्खंति अणाढीयमाणा अपरियाणमाणा अणवयक्खमाणा य सेलएणं
जक्खेणं सद्धिं लवणसमुद्दं मज्झमज्झेणं वीईवयंति । तए णं सा रयण-
दीवदेवया ते माकंदियदारया जाहे नो संचाएइ बहूहिं पंडिलोमेहि य
उवसग्गेहि य चालित्तए वा खोभित्तए वा विपरिणामित्तए वा ताहे
मद्दुरेहिं य सिंगारेहिं य कलुणेहिं य उवसग्गेहिं य उवसग्गेउं पयत्ता
यावि होत्था— हं भो माकंदियदारगा ! जइ णं तुब्भेहिं देवाणु-
प्पिया ! मए सद्धिं हसियाणि य रमियाणि य ललियाणि य
कीलियाणि य हिंडियाणि य मोहियाणि य ताहे णं तुब्भे सव्वाइं
अगणेमाणा ममं विप्पजहाय सेलएणं सद्धिं लवणसमुद्दं मज्झमज्झेणं
वीईवयह । तए णं सा रयणदीवदेवया जिणरक्खियस्स मणं ओहिणा
आभोएइ २ एवं वयासी— निच्चंपि य णं अहं जिणपालियस्स
अणिट्ठा ५ । निच्चं मम जिणपालिए अणिट्ठे ५ । निच्चंपि य णं अहं
जिणरक्खियस्स इट्ठा ५ । निच्चंपि य णं ममं जिणरक्खिए इट्ठे ५ । जइ
णं ममं जिणपालिए रोयमाणं कंदमाणं सोयमाणं तिप्पमाणं विलव-
माणं नावयक्खइ किण्णं तुमंपि जिणरक्खिया ! ममं रोयमाणं जाव
नावयक्खासि ? तए णं:—सा पवररयणदीवस्सं देवया ओहिणां जिणर-
क्खियस्स मणं । नाऊणं वैधनिमित्तं उवरिं माकंदियदारगारं दोण्हंपि॥१॥
दोसकलिया सलिलयं नाणाविहचुण्णवासमीसियं दिव्वं । घाणमण-

निब्बुइकरं सर्वोदयसुरभिकुसुमबुद्धिं पमुंचमाणी ॥२॥ नाणामणि-
 कणमरयणघंटियखिखिणिनेउरमेहलभूसणरवेणं । दिसाओ विदिसाओ
 पूरयंती वयणमिणं वेइ सा कलुंसा ॥३॥ होल वसुल गोल नाह दइय
 पिय रमण कंत सामिय निग्घिण नित्थक । थिण्ण निक्किव अकयन्नुय
 सिट्ठिलभाव निज्जुज लुक्ख अकलुण जिणरक्खिय मज्झं हिययरक्खग ॥४॥
 न ह जुज्जसि एकियं अणाहं अबंधवं तुज्झ चलणओबायकारियं
 उज्झिउमर्धन्नं । गुणसंकर हं तुमे विहूणा न समत्था जीविउं खणंपि ॥५॥
 इमस्स उ अणेगीअसमगरविविधंसावयसयाकुल्लेघरस्स । रयणागरस्स
 मज्झे अप्पाणं वहेमि तुज्झ पुरओ एहि नियत्ताहि जइ सि कुविओ
 खमाहि एकावैराहं मे ॥६॥ तुज्झ य विगयघणविमलससिमंडलागारि-
 सस्सिरियं सारयनवकमलकुमुदकुवलयविमलदलनिकरसरिसंनिभनयणं ।
 वयणं पिवासागयाए सद्धी मे पेच्छिउं जे अवलोएहि ता इओ
 ममं नाह जां ते पेच्छामि वयणकमलं ॥७॥ एवं सप्पणयसरलमहुरीइं
 पुणो २ कलुणाइं वयणाइं जंपमाणी सा पावा मग्गओ समण्णेइ पाव-
 हियया ॥८॥ तए णं से जिणरक्खिए चलमणे तेणेव भूसणरवेणं कण-
 सुहमणोहरेणं तेहि य सप्पणयसरलमहुरभणिएहिं संजायविउणअणुराए
 रयणदीवस्स देवयाए तीसे सुंदरथणजहणवयणकरचरणनयणलावणरूव-
 ओवण्णसिरिं च दिव्वं सरभसउवगूहियाइं बिच्चोयविलसियीणि य
 बिहसियसकडक्खदिट्ठिनिस्ससियमलियउवल्लियथियगमणपणयखिज्जि-
 यपसाइयाणि य सरमाणे रागमोहियमई अवसे कम्मवसगए अवयक्खइ
 मग्गओ सविलियं । तए णं जिणरक्खियं समुप्पन्नकलुणभावं मच्चुगल-
 त्थैणोल्लियमइं अवयक्खंतं तहेव जक्खे उ सेलए जाणिऊण सणियं २
 उव्विहइ नियगपिट्ठाहिं विगयसंद्धे । तए णं सा रयणदीवदेवया निस्संसा
 कलुणं जिणरक्खियं सकलुसा सेलगपिट्ठाहिं ओबयंतं—दास ! मओसि ति
 जंपमाणी औपत्तं सागरसलिलं गेण्हिय बाहाहिं आरंसंतं उडुं उव्विहइ
 अंब्रतळे ओवयमाणं च मंडलग्गेण पडिच्छित्ता नीलुपलगावलअयसि-
 प्पगासेणं असिबरेणं खंडाखांडिं करेइ २ तत्थ विलवमाणं तस्स य

सरसवेहियस्स घेत्तूण अंगमंगाई सरुहिराई उक्खित्तबलिं चउद्दिंसें करेइ
सा पंजली पहँट्ठा ।

(91) एवामेव समणाउसो ! जो अम्हं निग्गंथाण वा निग्गंथीण वा
अंतिए पव्वइए समाणे पुणरवि माणुस्सए कामभोगे आसायइ पत्थच्चइ
पीहेइ अभिलसइ से णं इहभवे चेव बहूणं समणाणं बहूणं समणीणं
बहूणं सावयाणं बहूणं सावियाणं जाव संसारं अणुपरियट्ठिस्सइ जहा व
से जिणरक्खिए । छलिओ अवयकखंतो निरावयकखो गओ अविग्घेणं ।
तम्हा पव्वयणसारे निरावयकखेण भवियव्वं ॥१॥ भोगे अवयकखंता
पडंति संसारसागरे घोरे । भोगेहिं य निरवयक्खा तरंति संसारकंतारं ॥२॥

(92) तए णं सा रयणदीवदेवया जेणेव जिणपालिए तेणेव उवा-
गच्छइ बहूहिं अणुलोमेहिं य पडिलोमेहिं य खरमउयसिंगारेहिं य कलुणेहिं
य उवसग्गेहिं य जाहे नो संचाएइ चालित्तए वा खोभित्तए वा विपरिणा-
मित्तए वा ताहे संता तंता परितंता निठिवण्णा समाणी जामेव दिसिं
पाउब्भूया तामेव दिसिं पडिगया । तए णं से सेलए जक्खे जिणपालि-
एण सद्धिं लवणसमुद्धं मज्झमज्जेणं वीईवयइ २ जेणेव चंपा नयरी तेणेव
उवागच्छइ २ चंपाए नयरीए अग्गुज्जाणंसि जिणपालियं पट्ठाओ ओया-
रेइ २ एवं वयासी - एस णं देवाणुप्पिया ! चंपा नयरी दीसइ त्तिकट्टु
जिणपालियं आपुच्छइ २ जामेव दिसिं पाउब्भूए तामेव दिसिं पडिगए ।

(93) तए णं जिणपालिए चंपं अणुपविसइ २ जेणेव सए गिहे
जेणेव अम्मापियरो तेणेव उवागच्छइ २ अम्मापिऊणं रोयमाणे जाव
विलवमाणे जिणरक्खियवावात्तिं निवेदेइ । तए णं जिणपालिए अम्मापियरो
मित्तनाइ जाव परियणेणं सद्धिं रोयमाणाइं बहूइं लोइयाइं मयकिच्चाइं
करेति २ कालेणं विगयसाया जाया । तए णं जिणपालियं अन्नया कयाइं
सुहासणवरगयं अम्मापियरो एवं वयासी - कहणं पुत्ता ! जिणरक्खिए
कालगए ? तए णं से जिणपालिए अम्मापिऊणं लवणसमुद्धोत्तारणं च
कालियवायसमुच्छेणं च पोयवहणविवत्तिं च फलहखंडआसायणं च
रयणदीवुत्तारं च रयणदीवदेवयागेहिं च भोगेविभूइं च रयणदीवदेवमा-

अप्पाहणं च सूलाइयपुरिसदरिसणं च सेलगजक्खआरुहणं च रयणदीव-
 देवयाउवसगं च जिणरक्खियविवत्ति च लवणसमुदुत्तरणं च चंपागमणं
 च सेलगजक्खआपुच्छणं च जहाभूयमवितहमसंदिद्धं परिकहेइ । तए
 णं जिणपालिए जाव अप्पसोगे जाव विपुलाइ भोगभोगाइं भुंजमाणे
 विहरइ ।

(94) तेणं कालेणं तेणं समएणं समणे भगवं महावीरे समोसडे
 जाव धम्मं सोच्चा पव्वइए एगारसंगवी मासिएणं भत्तेणं जाव अत्ताणं
 झूसेत्ता सोहम्मे कप्पे दो सागरोवमाइं ठिई पन्नत्ता । तांओ आउक्ख-
 एणं ठिइक्खएणं भवक्खएणं अणंतरं चयं चइत्ता जेणेव महाविदेहे
 वासे सिञ्झिहिइ जाव अंतं काहिइ । एवामेव समणाउसो ! जाव माणुस्सए
 कामभोगे नो पुणरवि आसाइ से णं जाव वीईवइस्सइ जहा व से
 जिणपालिए ।

एवं खलु जंबू ! समणेणं भगवया महावीरेणं जाव संपत्तेणं
 नवमस्स नायज्झयणस्स अयमट्ठे पन्नत्ते त्तिबेमि ॥

॥ नवमं नायज्झयणं समत्तं ॥९॥

॥ दसमं अज्झयणं ॥

(95) जइ णं भंते ! समणेणं नवमस्स नायज्झयणस्स अयमट्ठे पन्नत्ते दसमस्स के अट्ठे पन्नत्ते ? एवं खलु जंबू ! तेणं कालेणं २ रायगिहे नयरे सामी समोसढे गोयमो एवं वयासी — कहणं भंते ! जीवा वडुंति वा हायंति वा ? गोयमा ! से जहानामए बहुलपक्खस्स पडिवयाचंदे पुण्णिमाचंदं पणिहाय हीणे वण्णेणं हीणे सोमयाए हीणे निद्धयाए हीणे कंतीए एवं दित्तीए जुत्तीए छायाए पभाए ओयाए लेसाए मंडलेणं । तयाणंतरं च णं बीयाचंदे पडिवयाचंदं पणिहाय हीणतराए वण्णेणं जाव मंडलेणं । तयाणंतरं च णं तइयाचंदे बीयाचंदं पणिहाय हीणतराए वण्णेणं जाव मंडलेणं । एवं खलु एएणं कमेणं परिहायमाणे २ जाव अमावसाचंदे चाउइसिचंदं पणिहाय नट्ठे वण्णेणं जाव नट्ठे मंडलेणं । एवामेव समणाउसो ! जो अम्हं निगंथो वा निगंथी वा जाव पव्वइए समाणे हीणे खंतीए एवं मुत्तीए गुत्तीए अज्जवेणं मद्दवेणं लाघवेणं सच्चेणं तवेणं चिथाए अकिंचणयाए बंभचेरवासेणं । तयाणंतरं च णं हीणे हीणतराए खंतीए जाव हीणतराए बंभचेरवासेणं । एवं खलु एएणं कमेणं परिहायमाणे २ नट्ठे खंताए जाव नट्ठे बंभचेरवासेणं । से जहा वा सुक्कपक्खस्स पडिवयाचंदे अमावसाचंदं पणिहाय अहिए वण्णेणं जाव अहिए मंडलेणं । तयाणंतरं च णं बीयाचंदे पडिवयाचंदं पणिहाय अहिययराए वण्णेणं जाव अहिययराए मंडलेणं । एवं खलु एएणं कमेणं परिवड्ढेमाणे २ जाव पुण्णिमाचंदे चाउइसिं चंदं पणिहाय पडिपुण्णवण्णेणं जाव पडिपुण्णे मंडलेणं । एवामेव समणाउसो ! जाव पव्वइए समाणे अहिए खंतीए जाव बंभचेरवासेणं । तयाणंतरं च णं अहिययराए खंतीए जाव बंभचेरवासेणं । एवं खलु एएणं कमेणं परिवड्ढेमाणे २ जाव पडिपुण्णे बंभचेरवासेणं । एवं खलु जीवा वडुंति वा हायंति वा ।

एवं खलु जंबू ! समणेणं भगवया महाबीरेणं दसमस्स नायज्झयणस्स अयमट्ठे पन्नत्ते त्ति बेमि ॥

॥ एक्कारसमं अज्झयणं ॥

(96) जइ णं भंते ! समणेणं दसमस्स नायज्झयणस्स अयमट्ठे पन्नत्ते एक्कारसमस्स के अट्ठे पन्नत्ते ? एवं खलु जंबू ! तेणं कालेणं २ रायगिहे जाव गोयमे एवं वयासी—कंहं णं भंते ! जीवा आराहगा वा विराहगा वा भवंति ? गोयमा ! से जहानामए एगंसि समुदकूलंसि दावइवा नामं रुक्खा पन्नत्ता किण्हा जाव निउरंवभूया पत्तिया पुप्फिया फलिया हरियगरेरिज्जमाणा सिरीए अईव उवसोभेमाणा २ चिट्ठंति । जया णं दीविच्चगा ईसिं पुरेवाया पच्छावाया मंदावाया महावाया वायंति तथा णं बहवे दावइवा रुक्खा पत्तिया जाव चिट्ठंति । अप्पेगइया दावइवा रुक्खा जुण्णा झोडा परिसडियपंडुपत्तपुप्फफला सुक्करूक्खओ विव मिलायमाणा २ चिट्ठंति । एवामेव समणाउसो ! जो अम्हं निगगंथो वा २ जाव पठ्वइए समाणे बहूणं समणाणं ४ सम्मं सहइ जाव अहियासेइ बहूणं अन्नउत्थियाणं बहूणं गिहत्थाणं नो सम्मं सहइ जाव नो अहियासेइ एस णं मए पुरिसे देसविराहए पन्नत्ते समणाउसो ! जया णं सामुहगा ईसिं पुरेवाया पच्छावाया मंदावाया महावाया वायंति तथा णं बहवे दावइवा रुक्खा जुण्णा झोडा जाव मिलायमाणा २ चिट्ठंति । अप्पेगइया दावइवा रुक्खा पत्तिया पुप्फिया जाव उवसोभेमाणा २ चिट्ठंति । एवामेव समणाउसो ! जो अम्हं निगगंथो वा २ जाव पठ्वइए समाणे बहूणं अन्नउत्थियगिहत्थाणं सम्मं सहइ बहूणं समणाणं ४ नो सम्मं सहइ एस णं मए पुरिसे देसाराहए पन्नत्ते समणाउसो ! जया णं नो दीविच्चगा नो सामुहगा ईसिं पच्छावाया जाव महावाया वायंति तथा णं सव्वे दावइवा रुक्खा जुण्णा झोडा । एवामेव समणाउसो ! जाव पठ्वइए समाणे बहूणं समणाणं ४ बहूणं अन्नउत्थियगिहत्थाणं नो सम्मं सहइ एस णं मए पुरिसे सव्वविराहए पन्नत्ते समणाउसो । जया णं दीविच्चगा वि सामुहगा वि ईसिं जाव वायंति तथा णं सव्वे दावइवा पत्तिया जाव चिट्ठंति । एवामेव समणाउसो ! जो अम्हं पठ्वइए समाणे बहूणं समणाणं ४ बहूणं अन्नउत्थियगिहत्थाणं सम्मं सहइ एस णं मए

पुरिसे सव्वआराहए पन्नत्ते । एवं खलु गोयमा ! जीवा आराहगा वा विराहगा वा भवंति ।

एवं खलु जंबू ! समणेणं भगवया महावीरेणं जाव संपत्तेणं एक्कारसमस्स अयमट्ठे पन्नत्ते त्तिवेमि ॥११॥

॥ एक्कारसमं नायज्झयणं समत्ते ॥११॥

॥ बारसमं अज्झयणं ॥

(97) जइ णं भंते ! समणेणं जाव संपत्तेणं एक्कारसमस्स नायज्झयणस्स अयमट्ठे पन्नत्ते बारसमस्स णं के अट्ठे पन्नत्ते ? एवं खलु जंबू ! तेणं कालेणं २ चंपा नाम नयरी । पुण्णभदे चेइए । जियसत्तू नामं राया । धारिणी देवी । अदीणसत्तू नामं कुमारे जुवराया वि होत्था । सुबुद्धी नामं अमच्चे जाव रज्जधुराचिंतए यावि होत्था जाव समणोबासए । तीसे णं चंपाए नयरीए बहिया उत्तरपुरात्थिमेणं एगे फरिहोदए यावि होत्था मेयवसारुहिरमंसपूयपडलपोच्चडे मयगकलेवरसंछन्ने अमणुन्ने णं वण्णेणं जाव फासेणं से जहानामए अहिमडे इ वा गोमडे इ वा जाव मयकुहियविणट्ठकिमिणवावण्णदुरभिगंधे किमिजालाडैले संसत्ते असुइविगयवीभच्छदरिसणिज्जे । भवेयारूवे सिया ? नो इणंट्ठे समट्ठे । एत्तो अणिट्ठतराए चेव जाव गंधेणं पन्नत्ते ।

(98) तए णं से जियसत्तू राया अन्नया कयाइ ण्हाए कयबलिक्कमे जाव अप्पमहग्घाभरणाळंकियसरीरे बहूहिं ईसर जाव सत्थवाह — पभिईहिं साद्धिं भोयणमंडवंसि भोयणवेलाए सुहासणवरगंए विउलं असणं ४ जाव विहरइ जिमियभुत्तुत्तरागए जाव सुइभूए तंसि विपुलंसि असणंसि ४ जाव जायविम्हए ते बह्वे ईसर जाव पभिईए एवं वयासी — अहो णं देवाणप्पिया ! इमे मणुन्ने असणं ४ वण्णेणं उववेए जाव फासेणं

उववेए अस्सायणिज्जे विसायाणिज्जे पीणणिज्जे दीवणिज्जे दप्पणिज्जे मयं-
 णिज्जे विहंणिज्जे सट्ठिवदियगायपल्हायणिज्जे । तए णं ते बहवे ईसर
 जाव पभियओ जियसत्तु एवं वयासी - तहेव णं सामी ! जणं तुम्हे
 वयह - अहो णं इमे मणुन्ने असणे ४ वण्णेणं उववेए जाव पल्हायणिज्जे ।
 तए णं जियसत्तु सुबुद्धिं अमच्चं एवं वयासी - अहो णं सुबुद्धी ! इमे
 मणुन्ने असणे ४ जाव पल्हायणिज्जे । तए णं सुबुद्धी जियसत्तुस्स रत्तो
 एयमट्ठं नो आढाइ जाव तुसिणीए संचिट्ठइ । तए णं जियसत्तु सुबुद्धिं
 दोच्चंपि तच्चंपि एवं वयासी - अहो णं सुबुद्धी ! इमे मणुन्ने तं चेव जाव
 पल्हायणिज्जे । तए णं से सुबुद्धी अमच्चं दोच्चंपि तच्चंपि एवं वुत्ते समाणे
 जियसत्तुं रायं एवं वयासी - नो खलु सामी ! अम्हं एयांसि मणुन्नांसि
 असणांसि ४ केइ विम्हए । एवं खलु सामी ! सुँरभिसद्दा वि पोग्गला
 दुरभिसद्दत्ताए परिणमंति दुरभिसद्दा वि पोग्गला सुरभिसद्दत्ताए परिण-
 मंति । सुरूवा वि पोग्गला दुरूवत्ताए परिणमंति दुरूवा वि पोग्गला
 सुरूवत्ताए परिणमंति । सुरभिगंधा वि पोग्गला दुरभिगंधत्ताए परिणमंति
 दुरभिगंधा वि पोग्गला सुरभिगंधत्ताए परिणमंति । सुरसा वि पोग्गला
 दुरसत्ताए परिणमंति दुरसा वि पोग्गला सुरसत्ताए परिणमंति । सुह-
 फासा वि पोग्गला दुहपासत्ताए परिणमंति दुहफासा वि पोग्गला सुह-
 फासत्ताए परिणमंति । पैओगवीससा परिणया वि य णं सामी ! पोग्गला
 पन्नत्ता । तए णं जियसत्तु सुबुद्धिस्स अमच्चस्स एवमाइक्खमाणस्स ४
 एयमट्ठं नो आढाइ नो परियाणंइ तुसिणीए संचिट्ठइ । तए णं से जिय-
 सत्तु अन्नया कयाइ ण्हाए आसखंधवरगए महयाभडचडगरआसवार्ह-
 णियाए निज्जायमाणे तस्स फरिहोदयस्स अदूरसामंतेणं वीईवयइ । तए
 णं जियसत्तु तस्स फरिहोदयस्स असुभेणं गंधेणं अभिभूए समाणे
 सएणं उत्तरिज्जएणं आसगं पिहेइ एगंतं अवक्कमइ २ बहवे ईसर
 जाव पभियओ एवं वयासी - अहो णं देवाणुप्पिया ! इमे फरिहोदए
 अमणुन्ने वण्णेणं ४ से जहानामए अहिमडे इ वा जाव अमणामतराए
 चेव । तए णं ते बहवे राईसर जाव पभियओ एवं वयासी - तहेव णं

तं सामी ! जं णं तुब्भे एवं वयह — अहो णं इमे फरिहोदए अमणुन्ने वण्णेणं ४ से जहानामए अहिमडे इ वा जाव अमणामतराए चेव । तए णं से जियसत्तू सुबुद्धिं अमच्चं एवं वयासी — अहो णं सुबुद्धी ! इमे फरिहोदए अमणुन्ने वण्णेणं ४ से जहानामए अहिमडे इ वा जाव अमणामतराए चेव । तए णं से सुबुद्धी अमच्चे जाव तुसिणीए संचि-
ट्ठइ । तए णं से जियसत्तू राया सुबुद्धिं अमच्चं दोच्चंपि तच्चंपि एवं वयासी — अहो णं तं चेव । तए णं से सुबुद्धी अमच्चे जियसत्तुणा रत्ता दोच्चंपि तच्चंपि एवं वुत्ते समाणे एवं वयासी—
नो खलु सामी ! अम्हं एयंसि फरिहोदगंसि केइ विम्हए । एवं खलु सामी ! सुरभिसद्दा वि पोग्गला दुब्भिसद्दत्ताए परिणमंति तं चेव जाव पओगवीससापरिण्या वि य णं सामी ! पोग्गला पन्नत्ता । तए णं जिय-
सत्त सुबुद्धिं एवं वयासी — मा णं तुमं देवाणुप्पिया ! अप्पाणं च परं च तदुभयं च बहूहि य असब्भावुब्भावणाहिं मिच्छत्ताभिनिवेसेण य वुग्गा-
हेमाणे वुप्पाएमाणे विहराहि । तए णं सुबुद्धिस्स इमेयारूवे अब्झत्थिए ४ समुप्पज्जित्था— अहो णं जियसत्तू संते तच्चे तद्दिए अवितहे सन्भूए जिणपन्नत्ते भावे नो उवलभइ । तं सेयं खलु मम जियसत्तुस्स रत्तो संताणं तच्चाणं तहियाणं अवितहाणं सन्भूयाणं जिणपन्नत्ताणं भावाणं अभिगमणट्ठयाए एयमट्ठं उवायणावेत्तए । एवं संपेहेइ २ पच्चइएहिं पुरि-
सेहिं सद्धिं अंतरावणाओ नवए घडए य पडए य गेण्हइ २ संज्ञाकाल-
समयांसि पविरलमणुस्संसि निसंतपडिनिसंतंसि जेणेव फरिहोदए तेणेव उवागच्छइ २ तं फरिहोदगं गेण्हावेइ २ नवएसु घडएसु गालावेइ २ नवएसु घडएसु पक्खिवावेइ २ सज्जखारं पक्खिवावेइ लंछियमुद्दिए
कारावेइ २ सत्तरत्तं परिवसावेइ २ दोच्चंपि नवएसु घडएसु गालावेइ २ नवएसु घडएसु पक्खिवावेइ २ सज्जखारं पक्खिवावेइ २ लंछिय-
मुद्दिए कारावेइ २ सत्तरत्तं परिवसावेइ २ तच्चंपि नवएसु घडएसु जाव संवसावेइ । एवं खलु एएणं उवाएणं अंतरा गालावेमाणे अंतरा पक्खि-
वावेमाणे अंतरा य वसावेमाणे सत्तसत्त य राइंदियाइं परिवसावेइ ।

तए णं से फरिहोदए सत्तमंसि सत्तयंसि परिणममाणंसि उदगरयणे जाए याविं होत्था अच्छे पत्थे जञ्जे तणुए फालियवण्णाभे वण्णेणं उववेए ४ आसायणिज्जे जाव सत्विदियगायपल्हायणिज्जे । तए णं सुबुद्धी जेणेव से उदगरयणे तेणेव उवागच्छइ २ करयलंसि आसादेइ २ तं उदगरयणं वण्णेणं उववेयं ४ आसायणिज्जं जाव सत्विदियगायपल्हायणिज्जं जाणित्ता हट्टतुट्ठे बहूहिं उदगसंभारणिज्जेहिं दव्वेहिं संभारेइ २ जियसत्तुस्स रत्तो पाणियघरियं सद्दावेइ २ एवं वयासी—तुमं णं देवाणुप्पिया ! इमं उदगरयणं गेण्हाहि २ जियसत्तुस्स रत्तो भोयणवेलाए उवणेज्जासि । तए णं से पाणियघरिए सुबुद्धिस्स एयमट्ठं पडिसुगेइ २ तं उदगरयणं गेण्हइ २ जियसत्तुस्स रत्तो भोयणवेलाए उवट्ठवेइ । तए णं से जियसत्तू राया तं बिपुलं असणं ४ आसाएमाणे जाव बिहरइ जिमियभुत्तुत्तरागए बि य णं जाव परमसुइभूए तंसि उदगरयणंसि जायविम्हए ते बहवे राईसर जाव एवं वयासी—अहो णं देवाणुप्पिया ! इमे उदगरयणे अच्छे जाव सत्विदियगायपल्हायणिज्जे । तए णं ते बहवे राईसर जाव एवं वयासी—तहेव णं सामी ! जणं तुब्भे वयह जाव एवं चेव पल्हायणिज्जे । तए णं जियसत्तू राया पाणियघरियं सद्दावेइ २ एवं वयासी—एस णं तुंमे देवाणुप्पिया ! उदगरयणे कओ आसाइए ? तए णं से पाणियघरिए जियसत्तुं एवं वयासी—एस णं सामी ! मए उदगरयणे सुबुद्धिस्स अंतियाओ आसाइए । तए णं जियसत्तू सुबुद्धिं अमच्चं सद्दावेइ २ एवं वयासी—अहो णं सुबुद्धी ! केणं कारणेणं अहं तव अणिट्ठे ५ जेणं तुमं मम कल्लाकल्लिं भोयणवेलाए इमं उदगरयणं न उवट्ठवेसि ? तं एस णं तुमे देवाणुप्पिया ! उदगरयणे कओ उवलद्धे ? तए णं सुबुद्धी जियसत्तुं एवं वयासी—एस णं सामी ! से फरिहोदए । तए णं से जियसत्तू सुबुद्धिं एवं वयासी—केणं कारणेणं सुबुद्धी ! एस से फरिहोदए ? तए णं सुबुद्धी जियसत्तुं एवं वयासी—एवं खलु सामी ! तुंभे तयां मम एवमाइक्खमाणस्स ४ एयमट्ठं नो सहहइ । तए णं मम इमेयारूवे अज्झत्थिए ४—अहो णं जियसत्तू संते जाव भावे नो सहहइ नो पत्तियइ नो रोएइ । तं

संवे खलु मम जियसत्तुस्स रत्तो संताणं जाव संभूयाणं जिणपन्नत्ताणं भावाणं अभिगमणद्वयाए एयमट्ठं उवायणावेत्तए । एवं संपेहेमि २ तं चेव जाव पाणियघरियं सद्दावेमि २ एवं वदामि — तुमं णं देवाणुप्पिया ! उदगरयणं जियसत्तुस्स रत्तो भोयणवेलाए उवणेहि । तं एएणं कारणेणं सामी ! एस से फरिहोदए । तए णं जियसत्तू राया सुबुद्धिस्स एवमाइ-क्खमाणस्स ४ एयमट्ठं नो सद्दहइ ३ असद्दहमाणे अपत्तियमाणे अरोए-माणे अब्भितरठाणिज्जे पुरिसे सद्दावेइ २ एवं वयासी — गच्छइ णं तुब्भे देवाणुप्पिया ! अंतरावणाओ नवए घडए पडए य गेण्हइ जाव उदगसंभार-णिज्जेहिं दव्वेहिं संभारेह । तेवि तहेव संभारेंति २ जियसत्तुस्स उवणेंति । तए णं से जियसत्तू राया तं उदगरयणं करयलंसि आसाएइ आसायणिज्जं जाव सत्विंदियगायपल्हायणिज्जं जाणित्ता सुबुद्धिं अमच्चं सद्दावेइ २ एवं वयासी — सुबुद्धी ! एए णं तुमे संता तच्चा जाव सब्भूया भावा कओ उवलद्धा ? तए णं सुबुद्धी जियसत्तुं एवं वयासी — एए णं सामी ! मए संता जाव भावा जिणवयणाओ उवलद्धा । तए णं जियसत्तू सुबुद्धिं एवं वयासी — तं इच्छामि णं देवाणुप्पिया ! तव अंतिए जिणवयणं निसा-मित्तए । तए णं सुबुद्धी जियसत्तुस्स विचित्तं केवलपिन्नत्तं चाउज्झां धम्मं परिकहेइ तमाइक्खइ जहा — जीवा वज्झंति जाव पंचाणुव्वयाइं । तए णं जियसत्तू सुबुद्धिस्स अंतिए धम्मं सोच्चा निसम्म हट्टतुट्ठं सुबुद्धिं अमच्चं एवं वयासी — सद्दहामि णं देवाणुप्पिया ! निगगंथं पावयणं ३ जाव से जहेयं तुब्भे वयह । तं इच्छामि णं तव अंतिए पंचाणुव्वइयं सत्त-सिक्खावइयं जाव उवसंपज्जित्ताणं विहरित्तए । अहासुहं देवाणुप्पिया ! मा पडिबधं । तए णं से जियसत्तू सुबुद्धिस्स अंतिए पंचाणुव्वइयं जाव दुवालसविहं सावयधम्मं पडिवज्जइ । तए णं जियसत्तू समणोवासए जाए अहिगयजीवाजीवे जाव पडिलाभेमाणे विहरइ । तेणं कालेणं २ थेरागमणं । जियसत्तू राया सुबुद्धी य निग्गच्छइ । सुबुद्धी धम्मं सोच्चा जं नवरं जियसत्तुं आपुच्छामि जाव पव्वयामि । अहासुहं देवाणुप्पिया ! तए णं से सुबुद्धी जेणेव जियसत्तू तेणेव उवागच्छइ २ एवं वयासी —

एवं खलु सामी ! मए थेराणं अंतिए धम्मं निसंते । से वि य धम्मं
 इच्छिए पडिच्छिए ३ । तए णं अहं सामी ! संसारभउव्विग्गे भीए जाव
 इच्छामि णं तुब्भेहिं अब्भणुन्नाए जाव पव्वइत्तए । तए णं जियसत्तू सुबुद्धिं
 एवं वयासी — अच्छसु ताव देवाणुप्पिया ! कइवयाइं वासाइं उरालाइं
 जाव भुंजमाणा । तओ पच्छा एगयंओ थेराणं अंतिए मुंडे भवित्ता जाव
 पव्वइस्सामो । तए णं सुबुद्धी जियसत्तुस्स रत्तो एयमट्ठं पडिसुणेइ । तए
 णं तस्स जियसत्तुस्स रत्तो सुबुद्धिणा सद्धिं विपुलाइं माणुस्सगाइं जाव
 पण्णुब्भवमाणस्स दुवालस वासाइं बीइक्कंताइं । तेणं कालेणं २ थेरागमणं ।
 जियसत्तू धम्मं सोच्चा एवं जं नवरं देवाणुप्पिया ! सुबुद्धिं आमंतेमि
 जेट्ठपुत्तं रज्जे ठावेमि तए णं तुब्भं अंतिए जाव पव्वयामि । अहासुहं देवा-
 णुप्पिया । तए णं जियसत्तू राया जेणेव सए गिहे तेणेव उवागच्छइ २
 सुबुद्धिं सहावेइ २ एवं वयासी — एवं खलु मए थेराणं जाव पव्वयामि । तुमं
 णं किं करोसि ? तए णं सुबुद्धी जियसत्तुं एवं वयासी जाव के अन्ने आधारे
 वा जाव पव्वामि । तं जइ णं देवाणुप्पिया जाव पव्वहि । गच्छह णं
 देवाणुप्पिया ! जेट्ठपुत्तं च कुडुंबे ठावेहि २ सीयं दुरुहित्ताणं ममं अंतिए
 सीया जाव पाउब्भवइ । तए णं जियसत्तू कोडुंबियपुरिसे सहावेइ २
 एवं वयासी — गच्छह णं तुब्भे देवाणुप्पिया ! अदीणसत्तुस्स कुमारस्स
 रायाभिसेयं उवट्ठवेह जाव अभिसिंचंति जाव पव्वइए । तए णं जियसत्तू
 एक्कारस अंगाइं अहिज्जइ बहूणि वासाणि परियाओ मासियाए संलेह-
 णाए जाव सिद्धे । तए णं सुबुद्धी एक्कारस अंगाइं अहिज्जित्ता बहूणि
 वासाणि जाव सिद्धे ।

एवं खलु जंबू । समणेणं भगवया महावीरेणं जाव संपत्तेणं
 बारसमस्स नायज्झयणस्स अयमट्ठे पन्नत्ते त्ति बेमि ॥

॥ तेरसमं अज्झयणं ॥

(99) जइ णं भंते ! समणेणं जाव संपत्तेणं बारसमस्स अयमट्ठे पन्नत्ते तेरसमस्स के अट्ठे पन्नत्ते ? एवं खलु जंबू ! तेणं कालेणं २ राय-
गिहे नयरे गुणसिलए चेइए समोसरणं परिसा निग्गया । तेणं कालेणं
२ सोहम्मं कप्पे दहुरवडिसए विमाणे सभाए सुहम्माए दहुरंसि सीहा-
सणंसि दहुरे देवे चउहिं सामाणियसाहस्सीहिं चउहिं अग्गमहिस्सीहिं
संपरिसाहिं एवं जहा सूरियाभे जाव दिव्वाइं भोगभोगाइं भुंजमाणे विहरइ
इमं च णं केवलकप्पं जंबुदीवं दीवं विउलेणं ओहिणा आभोएमाणे २
जाव नट्टविहिं उवदंसित्ता पडिगए जहा सूरियाभे । भंते ! त्ति भगवं गोयमे
समणं ३ वंदइ नमंसइ २ एवं वयासी - अहो णं भंते ! दहुरे देवे
महिड्डिए ६ । दहुरस्स णं भंते ! देवस्स सा दिव्वा देविड्डी ३ कहिं गया ?
कहिं पविट्ठा ? गोयमा ! सरीरं गया सरीरं अणुपविट्ठा कूडागारदिट्ठंतो । दहुरे
रेणं भंते ! देवेणं सा दिव्वा देविड्डी ३ किन्ना लद्धा जाव अभिसमन्नागया ?
एवं खलु गोयमा ! इहेव जंबुदीवे २ भारहे वासे रायगिहे गुणसिलए
चेइए सेणिए राया । तत्थ णं रायगिहे नंदे नामं मणियारसेट्ठी परिवसइ
अट्ठे दित्ते० । तेणं कालेणं २ अहं गोयमा ! समोसट्ठे परिसा निग्गया
सेणिए वि निग्गए । तए णं से नंदे मणियारसेट्ठी इमीसे कहाए लद्धट्ठे
समाणे ण्हाए पायचारेणं जाव पज्जुवासइ । नंदे धम्मं सोच्चा समणोवासए
जाए । तए णं अहं रायगिहाओ पडिनिक्खंते बहिया जणवयविहारं
विहरामि । तए णं से नंदमणियारसेट्ठी अन्नया कयाइ असाहुदंसणेण य
अपज्जुवासणाए य अणणुसासणाए य असुस्सुसणाए य सम्मत्तपज्जवेहिं
परिहायमाणेहिं २ मिच्छत्तपज्जवेहिं परिवड्डमाणेहिं २ मिच्छत्तं विप्पडि-
वन्ने जाए यावि होत्था । तए णं नंदे मणियारसेट्ठी अन्नया कयाइ गिम्ह-
कालसमयांसि जेट्टामूलंसि मासंसि अट्ठमभत्तं परिगेण्हइ २ पोसहसालाए
जाव विहरइ । तए णं नंदस्स अट्ठमभत्तंसि परिणममाणंसि तण्हाए
छुहाए य अभिभूयस्स समाणस्स इमेयारूवे अज्झत्थिए ४ - धन्ना णं
ते जाव ईसरपभियओ जेसिं णं रायगिहस्स बहिया बहूओ वावीओ

पोक्खरिणीओ जाव सरसरपंतियाओ जत्थ णं बहुजणो ण्हाइ य पियइ य पाणियं च संबहइ । तं सेयं खलु मम कल्लं सेणियं रायं आपुच्छित्ता रायगिहस्स बहिया उत्तरपुरत्थिमे दिसीभागे वेढमारपव्वयस्स अदूर-सामंते बत्थुपाढगरोइयंसि भूमिभागंसि नंदं पोक्खरिणि खणावेत्तए त्तिकट्ठु एवं संपेहेइ २ कल्लं जाव पोसहं पारेइ २ ण्हाए कयबलिकम्मे मित्तनाइ जाव संपरिवुडे महत्थं जाव पाहुडं रायारिहं गेण्हइ २ जेणेव सेणिए राया तेणेव उवागच्छइ जाव पाहुडं उवट्ठवेइ २ एवं वयासी — इच्छामि णं सामी ! तुब्भेहिं अब्भणुन्नाए समाणे रायगिहस्स बहिया जाव खणावेत्तए । अहासुहं देवाणुप्पिया । तए णं से नंदे सेणिएणं रन्ना अब्भणुन्नाए समाणे हट्ठुट्ठे रायगिहं नगरं मज्झमज्जेणं निग्गच्छइ २ बत्थुपाढयरोइयंसि भूमिभागंसि नंदं पोक्खरिणि खणावेउं पयत्ते यावि होत्था । तए णं सा नंदा पोक्खरणी अणुपुव्वेणं खम्ममाणा २ पोक्ख-रणी जाया यावि होत्था चाउक्कोणा समतीरा अणुपुव्वं सुजायवप्प-सीयलजला संच्छन्नपत्तभिसमुणाला बहुउप्पलपउमकुमुदनल्लिणसुभग-सोगंधियपुंडरीयमहापुंडरीयसयपत्तसहस्सपत्तपुप्फफलकेसरोववेया परि-हत्थभमंतर्मत्तल्लप्पयअणेगसउणगणमिहुणवियरियसहनइयमहुरसरनाइया पासाइया ४ । तए णं से नंदे मणियारसेट्ठी नंदाए पोक्खरिणीए चउदिसिं चत्तारि वणसंडे रोवावेइ । तए णं ते वणसंडा अणुपुव्वेणं सारक्खिज्ज-माणा संगोविज्जमाणा संबड्डिज्जमाणा य वणसंडा जाया किण्हा जाव निउरंबभूया पत्तिया पुप्फिया जाव उवसोभेमाणा २ चिट्ठंति । तए णं नंदे पुरंत्थिमिल्ले वणसंडे एगं महं चित्तसभं करंवेइ २ अणेगखंभसय-संनिविट्ठं पासाइयं ४ । तत्थ णं बहूणि किण्हाणि य जाव सुक्किळाणि य कट्ठकम्माणि य पोत्थकम्माणि य चित्तलेप्पगंधिमवेढिमपूरिमसंघाइमीइ उवदंसिज्जमाणाइ २ चिट्ठंति । तत्थ णं बहूणि आसणाणि य सयणाणि य अत्थुयपच्चत्थुयाइ चिट्ठंति । तत्थ णं बहवे नडा य नट्टा य जाव दिन्न-भईभत्तवेयणा तालायरकम्मं करेमाणा विहरंति । रायगिहविणिग्गओ तत्थ णं बहुजणो तेसु पुव्वंत्थेसु आसणसयणेसु संनिसण्णो य संतुयट्ठो

य सुणमाणो य पेच्छमाणो य साहेमाणो य सुहंसुहेणं विहरइ । तए
 णं नंदे दाहिणिह्ले वणसंडे एगं महं महाणससालं कारीवेइ अणेगखंभ
 जाव रूवं । तत्थ णं बहवे पुरिसा दिन्नभइभत्तवेयणा विउलं असणं ४
 उवक्खड्ढेति बहूणं समणमाहणअतिहिकिर्वणवणीमगाणं परिभाएमाणा २
 बिहरंति ! तए णं नंदे मणियारसेट्ठी पञ्चत्थिमिह्ले वणसंडे एगं महं
 तिगिच्छिसालं करेइ अणेगखंभसय जाव पडिरूवं । तत्थ णं बहवे
 वेज्जा य वेज्जपुत्ता य जाणुया य जाणुयपुत्ता य कुसला य कुसलपुत्ता य
 दिन्नभइभत्तवेयणा बहूणं वाहियाण य गिलाणाण य रोगियाण य दुब्ब-
 लाण य तेइच्छकम्मं करेमाणा विहरंति । अन्ने य तत्थ बहवे पुरिसा
 दिन्नभइ० तेसिं बहूणं वाहियाण य रोगियगिलाणदुब्बलाण य ओसह-
 भेसज्जभत्तपाणेणं पडियारकम्मं करेमाणा विहरंति । तए णं नंदे उत्त-
 रिह्ले वणसंडे एगं महं अलंकारियसभं करेइ अणेगखंभसय जाव पडि-
 रूवं । तत्थ णं बहवे अलंकारियमणुस्सा दिन्नभइभत्तपाणा बहूणं समणाण
 य माहणाण य सनाहाण य अणाहाण य गिलाणाण य रोगियाण
 य दुब्बलाण य अलंकारियकम्मं करेमाणा २ विहरंति । तए णं तीए
 नंदाए पोक्खरिणीए बहवे सणाहा य अणाहा य पंथिया य पहिया य
 करोडियार्यं तणहारा पत्तहारा कट्ठहारा अप्पेगइया ण्हायंति अप्पेगइया
 पाणियं पियंति अप्पेगइया पाणियं संबहंति अप्पेगइया विसज्जियसेय-
 जल्लमैलपरिस्समनिइखुप्पिवासा सुहंसुहेणं विहरंति । रायगिहनिग्गओ वि
 एत्थ बहुजणो किं ते जलरमणविविहमज्जणकयलिलयाहरयकुसुमंसत्थरय-
 अणेगसउणगणकयरिभियसंकुलेसु सुहंसुहेणं अभिरममाणो २ विहरइ ।
 तए णं नंदाए पोक्खरिणीए बहुजणो ण्हायमाणो य पीयमाणो य पाणियं
 च संवहमाणो य अन्नमन्नं एवं वयासी - धन्ने णं देवाणुप्पिया ! नंदे
 मणियारसेट्ठी कयत्थे जाव जम्मजीवियफले जस्स णं इमेयारूवा नंदा
 पोक्खरिणी चाउक्कोणा जाव पडिरूवा जस्स णं पुरत्थिमिह्ले तं चेव सव्वं
 चउसु वि वणसंडेसु जाव रायगिहविणिग्गओ जत्थ बहुजणो आसणेसु
 य सयणेसु य सन्निसण्णो य संतुयट्ठो य पेच्छमाणो य साहेमाणो य

सुहंसुहेणं विहरइ । तं धन्ने कयत्थे कयलक्खणे कयपुण्णे कया णं
 लोया सुलद्धे माणुस्सए जम्मजीवियफले नंदस्स मणियारस्स । तए णं
 रायगिहे सिंघाडग जाव बहुजणो अन्नमन्नस्स एवमाइक्खइ ४ — धन्ने णं
 देवाणुप्पिया ! नंदे मणियारे सो चेव गमओ जाव सुहंसुहेणं विहरइ ।
 तए णं से नंदे मणियारे बहुजणस्स अंतिए एयमट्ठं सोच्चा निसम्म
 हट्ठट्ठे धाराहयकयंबकं पिव समूसवियरोमकूवे परं सायासोकखमणु-
 भवेमाणे विहरइ ।

(100) तए णं तस्स नंदस्स मणियारसेट्ठिस्स अन्नया कयाइ सरीर-
 गंसि सोलस रोयायंका पाउब्भूया तंजहा— सासे कांसे जरे दाहे कुच्छि-
 सूले भगंदरे । अरिसां अजीरए दिट्ठीमुद्धसूले अकारए ॥१॥ अच्छि-
 वेयणा कणवेयणा कंडू दंडदरे कोटे ॥ तए णं से नंदे मणियारसेट्ठी
 सोलसहिं रोयायंकैहिं अभिभूए समाणे कोडुंबियपुरिसे सहावेइ २ एवं
 वयासी— गच्छह णं तुब्भे देवाणुप्पिया ! रायगिहे नयरे सिंघाडग जाव
 पहेसु महया २ सहेणं उघोसेमाणा २ एवं वयह— एवं खलु देवाणुप्पिया !
 नंदस्स मणियारस्स सरीरगंसि सोलस रोयायंका पाउब्भूया तंजहा —
 सासे जाव कोटे । तं जो णं इच्छइ देवाणुप्पिया ! विज्जो वा विज्ज-
 पुत्तो वा जाणुओ वा २ कुसलो वा २ नंदस्स मणियारस्स तेसिं च णं
 सोलसण्हं रोयायंकाणं एगमवि रोयायंकं उवसामित्तए तस्स णं नंदे
 मणियारे विउलं अत्थसंपयाणं दलयइ त्तिकट्ठु दोच्चं पि तच्चं पि घोसणं
 घोसेह २ एयमाणत्तिं पच्चप्पिणह तेवि तहेव पच्चप्पिणंति । तए णं राय-
 गिहे इमेयारूवं घोसणं सोच्चा निसम्म बहवे वेज्जा य वेज्जपुत्ता य जाव
 कुसलपुत्ता य सत्थकोसहत्थगया य सिलियाहत्थगया य गुलियाहत्थ-
 गया य ओसहभेसज्जहत्थगया य सएहिं २ गिहेहिंतो निक्खमंति २
 रायगिहं मज्झमज्जेणं जेणेव नंदस्स मणियारसेट्ठिस्स गिहे तेणेव उवा-
 गच्छंति २ नंदस्स मणियारस्स सरीरगं पासंति २ तेसिं रोयायंकाणं
 नियाणं पुच्छंति २ नंदस्स मणियारस्स बहूहिं उव्वलणेहि य उव्वट्ठणेहि
 य सिणेहपाणेहि य बमणेहि य बिरेयणेहि य सेयणेहि य अवदहणेहि य

अवण्हावणेहि य अणुवासणाहि य बत्थिकम्मेहि य निरूहेहि य सिरा-
वेहेहि य तच्छणाहि य पच्छणाहि य सिराबत्थीहि य तप्पणाहि य पुंड-
वाएहि य छलीहि य वलीहि य मूलेहि य कंदेहि य पत्तेहि य पुप्फेहि
य फलेहि य बीएहि य सिलियाहि य गुलियाहि य ओसहेहि य भेस-
ज्जेहि य इच्छंति तेसिं सोलसण्हं रोयायंकाणं एगमवि रोयायंकं उवसामि-
त्तए नो चेव णं संचाएंति उवसामेत्तए । तए णं ते बहवे विज्जा य ६
जाहे नो संचाएंति तेसिं सोलसण्हं रोयायंकाणं एगमवि रोयायंकं उव-
सामित्तए ताहे संता तंता जाव पडिगया । तए णं नंदे मणियारे तेहिं
सोलसेहिं रोयायंकेहिं अभिभूए समाणे नंदाए पुक्खरिणीए मुच्छिए ४
तिरिक्खजोणिणहिं निबद्धाउए बद्धपएसिए अट्टदुहट्टवसट्टे कालमासे कालं
किच्चा नंदाए पोक्खरिणीए ददुरीए कुच्छिसि ददुरत्ताए उववन्ने । तए
णं नंदे ददुरे गब्भाओ विर्पमुक्के समाणे उमुक्कवालभावे विज्जायपरि-
णयमित्ते जोव्वणगमणुप्पत्ते नंदाए पोक्खरिणीए अभिरममाणे २ विह-
रइ । तए णं नंदाए पोक्खरिणीए बहुजणो ण्हायमाणो य पियइ यं
पाणियं च संवहमाणो अन्नमन्नं एवमाइक्खइ ४- धन्ने णं देवाणु-
प्पिया ! नंदे मणियारे जस्स णं इमेयारूवा नंदा पुक्खरिणी चाउक्कोणा
जाव पडिरूवा जस्स णं पुरत्थिमिल्ले वणसंडे चित्तसभा अणेगखंभ तहेव
चत्तारि सभाओ जाव जम्मजीवियफले । तए णं तस्स ददुरस्स तं
आभिक्खणं २ बहुजणस्स अंतिए एयमट्ठं सोच्चा निसम्म इमेयारूवे
अज्झत्थिए ४ समुप्पज्जित्था - से कहिं मन्ने मए इमेयारूवे सडे निसंत-
पुव्वे त्तिक्कट्टु सुभेणं परिणामेणं जाव जाईसरणे समुप्पन्ने पुव्वजाइं
सम्मं समागच्छइ । तए णं तस्स ददुरस्स इमेयारूवे अज्झत्थिए ४-एवं
खलु अहं इहेव रायगिहे नयरे नंदे नामं मणियारे अट्ठे ० । तेणं कालेणं
२ समणे भगवं महावीरे इह समोसट्ठे । तए णं मए समणस्स ३
अंतिए पंचाणुव्वइए सत्तसिक्खावइए जाव पडिवन्ने । तए णं अहं
अन्नया कयाइ असाहुदंसणेणं य जाव मिच्छत्तं विप्पडिवन्ने । तए णं
अहं अन्नया कयाइं गिम्हकालसमयांसि जाव उवसंपज्जित्ताणं विहरामि-

एवं जहेव चिंता आपुच्छणा नंदापुक्खरिणी वणसंडा सहाओ तं चेव सव्वं जाव नंदाए दहुरत्ताए उववन्ने । तं अहो णं अहं अहन्ने अपुण्णे अकयपुण्णे निग्गंथाओ पावयणाओ नट्टे भट्टे परिभट्टे । तं सेयं खलु ममं सयमेव पुव्वपडिवन्नाइं पंचाणुव्वयाइं उवसंपज्जित्ताणं विहरित्तए । एवं संपेहेइ २ पुव्वपडिवन्नाइं पंचाणुव्वयाइं जाव आरुहइ २ इमेयारूवं अभिग्गहं अभिगिण्हइ — कप्पइ मे जावज्जीवं छट्ठंछट्ठेणं अणिक्खित्तेणं अप्पाणं भावेमाणस्स विहरित्तए । छट्ठस्स वि य णं पारणगंसि कप्पइ मे नंदाए पोक्खरिणीए परिपेरंतेसु फासुएणं ण्हाणोदएणं उम्मईणालोलियाहि य वित्तिं कप्पेमाणस्स विहरित्तए । इमेयारूवं अभिग्गहं अभिगेण्हइ जावज्जीवाए छट्ठंछट्ठेणं जाव विहरइ । तेणं कालेणं २ अहं गोयमा ! गुणसिलए समोसट्ठे परिसा निग्गया । तए णं नंदाए पोक्खरिणीए बहुजणो ण्हाइ ३ अन्नमन्नं जाव समणे ३ इहेव गुणसिलए चेइए समोसट्ठे । तं गच्छामो णं देवाणुप्पिया ! समणं ३ वंदामो जाव पज्जुवासामो । एयं णे इहभवे परभवे य हियाए जाव आणुगामियत्ताए भविस्सइ । तए णं तस्स दहुरस्स बहुजणस्स अंतिए एयमट्ठं सोच्चा निसम्म अयमेयारूवे अज्झत्थिए ४ समुप्पज्जित्था—एवं खलु समणे ३ समोसटे । तं गच्छामि णं वंदामि । एवं संपेहेइ २ नंदाओ पुक्खरिणीओ साणियं २ उत्तरेइ जेणेव रायमग्गे तेणेव उवागच्छइ २ ताए उक्किट्ठाए ५ दहुरगईए वीईवयमाणे जेणेव ममं अंतिए तेणेव पैहारेत्थ गमणाए । इमं च णं सेणिए राया भिभसारे ण्हाए कयकोउय जाव सव्वालंकारविभूसिए हत्थिखंधवरगए सकोरेंटमल्लदामेणं छत्तेणं धरिज्जमाणेणं सेयवरचामरेहि य उद्धव्वमाणेहिं हयगयरह० महया भड्चडगरचाउरंगिणीए सेणाए सद्धिं संपरिवुडे मम पायवंदए हव्वमागच्छइ । तए णं से दहुरे सेणियस्स रत्तो एगेणं आसकिसोरएणं वामपाएणं अक्कंते समाणे अंतनिग्घाइए कए यावि होत्था । तए णं से दहुरे अथामे अबले अवीरिए अपुरिसक्कारपरक्कमे अधारणिज्जमित्तिकट्ठु एगंतमवक्कमइ करयल जाव एवं वयासी—नमोत्थु णं अरहंताणं जाव संपत्ताणं । नमोत्थु णं मम धम्मायरियस्स जाव संपाविउकामस्स ।

पुर्विपि य णं मए समणस्स ३ अंतिए थूलए पाणाइवाए पञ्चक्खाए जाव थूलए परिग्गहे पञ्चक्खाए । तं इयाणिपि तस्सेव अंतिए सव्वं पाणाइवायं पञ्चक्खामि जाव सव्वं परिग्गहं पञ्चक्खामि जावज्जीवं सव्वं असणं ४ पञ्चक्खामि जावज्जीवं जंपि य इमं सरीरं इट्ठं कंतं जाव मा फुसंतु एयंपि य णं चरिमेहिं ऊसासेहिं वोसिरामि त्तिकट्ठु । तए णं से दहुरे कालमासे कालं किञ्चा जाव सोहम्मे कप्पे दहुरवडिंसए उव-वायसभाए दहुरदेवत्ताए उववन्ने । एवं खलु गोयमा ! दहुरेणं सा दिव्वा देविट्ठी लद्धा ३ । दहुरस्स णं भंते ! देवस्स केवइयं कालं ठिई पन्नत्ता ? गोयमा ! चत्तारि पलिओवमाइं ठिई पन्नत्ता । दहुरे णं भंते ! देवे ताओ देवलोगाओ आउक्खएणं ठिइक्खएणं कहिं गच्छिहिइ कहिं उववज्जिहिइ ? गोयमा ! से णं दहुरे देवे महाविदेहे वासे सिज्झिहिइ बुज्झिहिइ मुच्चि-हिइ जाव अंतं करेहिइ ।

एवं खलु जंबू ! समणेणं भगवया महावीरेणं जाव संपत्तेणं तेरसमस्स नायज्झयणस्स अयमट्ठे पन्नत्ते त्ति वेमि ॥

॥ तेरसमं नायज्झयणं संमत्तं ॥१३॥

॥ चोइसमं अज्झयणं ॥

(101) जइ णं भंते ! समणेणं जाव संपत्तेणं तेरसमस्स नायज्झयणस्स अयमट्ठे पन्नत्ते चोइसमस्स के अट्ठे पन्नत्ते ? एवं खलु जंबू ! तेणं कालेणं २ तेयल्लिपुरं नाम नैयरं । पमयबणे उज्जाणे । कणगरहे रायी । तस्स णं कणगरहस्स पउमावई देवी । तस्स णं कणग-रहस्स रन्नो तेयलिपुत्ते नामं अमच्चे सामदंडभेयनिउणे । तत्थ णं तेयलिपुरे कलादे नामं मूसियारदारए होत्था अट्ठे जाव अपरिभूए । तस्स णं भद्दा नामं भारिया । तस्स णं कलायईस्स मूसियारदारगस्स धूया भद्दाए अत्तया पोट्टिला नामं दारिया होत्था रूवेण य उक्किट्ठा जाव उक्किट्ठसरीरा । तए णं सा पोट्टिला दारिया अन्नया कयाइ ण्हाया सव्वालंकारविभूसिया

चेडियाचक्कवालसंपरिवुडा उप्पि पासायवरगया आगासतलगंसि कणगतिंदू-
 सएणं कीलमाणी २ विहरइ । इमं च णं तेयलिपुत्ते अमच्चे ण्हाए आस-
 खंधवरगए महया भडचडगर० आसवाहणियाए निज्जायमाणे कलायस्स
 मूसियारदारगस्स गिहस्स अदूरसामंतेणं वीईवयइ । तए णं से तेयलिपुत्ते
 अमच्चे मूसियारदारगगिहस्स अदूरसामंतेणं वीईवयमाणे २ पोट्टिलं दारियं
 उप्पि आगासतलगंसि कणगतिंदूसएणं कीलमाणीं पासइ २ पोट्टिलाए दारि-
 याए रूवे य जाव अज्झोववन्ने कोहुंवियपुरिसे सद्दावेइ २ एवं वयासी-
 एस णं देवाणुप्पिया ! कस्स दारिया किं नामधेज्जा वा ? तए णं कोहुं-
 वियपुरिसा तेयलिपुत्तं एवं वयासी - एस णं सामी ! कलायस्स मूसियार-
 दारयस्स धूया भद्दाए अत्तया पोट्टिला नामं दारिया रूवेण य जाव उक्किट्ट-
 सरीरा । तए णं से तेयलिपुत्ते आसवाहणियाओ पडिनियत्ते ममाणे
 अब्भितरठाणिज्जे पुरिसे सद्दावेइ २ एवं वयासी - गच्छह णं तुब्भे देवा-
 णुप्पिया ! कलायस्स २ धूयं भद्दाए अत्तयं पोट्टिलं दारियं मम भारि-
 यत्ताए वरेइ । तए णं ते अब्भितरठाणिज्जा पुरिसा तेयलिणा एवं वुत्ता
 हट्ठा करयल० तहत्ति जेणेव कलायस्स २ गिहे तेणेव उवागया । तए णं से
 कलाए २ ते पुरिसे एज्जमाणे पासइ २ हट्ठतुट्ठे आसणाओ अब्भुट्ठेइ २
 संत्तट्ठपयाइं अणुगच्छइ २ आसणेणं उवणिमंतेइ २ आसत्थे वीसत्थे
 सुहासणवरगए एवं वयासी - संदिसंतु णं देवाणुप्पिया ! किमागमण-
 पओयणं । तए णं ते अब्भितरठाणिज्जा कलायं २ एवं वयासी-अम्हे णं
 देवाणुप्पिया ! तव धूयं भद्दाए अत्तयं पोट्टिलं दारियं तेयलिपुत्तस्स भारि-
 यत्ताए वरेमो । तं जइ णं जाणसि देवाणुप्पिया ! जुत्तं वा पत्तं वा सला-
 हणिज्जं वा सरिसो वा संजोगो ता दिज्जउ णं पोट्टिला दारिया तेयलिपुत्तस्स ।
 तो भण देवाणुप्पिया ! किं दलामो सुक्कं । तए णं कलाए २ ते अब्भितर-
 ठाणिज्जे पुरिसे एवं वयासी - एस चेव णं देवाणुप्पिया ! मम सुक्कं जन्नं
 तेयलिपुत्ते मम दारियानिमित्तेणं अणुग्गाहं करेइ । ते ठाणिज्जे पुरिसे
 विपुलेणं असणेणं ४ पुप्फवत्थ जाव मल्लालंकारेणं सक्कारेइ सम्माणेइ
 पडिविसज्जेइ । तए णं ते पुरिसा कलायस्स २ गिहाओ पडिनियत्तंति २

जेणेव तेयलिपुत्ते अमञ्चे तेणेव उवागच्छंति २ तेयलिपुत्तं एयमट्ठं निवे-
इंति । तए णं कलाए २ अन्नया कयाइं सोहणंसि तिहिकरणनक्खत्तमुहु-
त्तंसि पोट्टिलं दारियं ण्हायं सन्वालंकारविभूसियं सीयं दुरुहेत्ता मित्तणाइ-
संपरिवुडे सयाओ गिहाओ पडिनिक्खमइ २ सन्विट्ठिए ४ तेयलिपुरं
नयरं मज्झमज्जेणं जेणेव तेयलिस्स गिहे तेणेव उवागच्छइ पोट्टिलं दारियं
तेयलिपुत्तस्स सयमेव भारियत्ताए दलयइ । तए णं तेयलिपुत्ते पोट्टिलं
दारियं भारियत्ताए उवणीयं पासइ २ पोट्टिलाए माद्धि पट्ठयं दुरुहइ २
सेयापीएहिं कलसेहिं अप्पाणं मज्जावेइ २ अग्गिहोमं करेइ २ पाणिग्ग-
हणं करेइ २ पोट्टिलाए भारियाए मित्तनाइ जाव परियणं विउलेणं असण-
पाणखाइमसाइमेणं पुप्फवत्थ जाव पडिविमज्जेइ । तए णं से तेयलिपुत्ते
पोट्टिलाए भारियाए अणुरत्ते अविरत्ते उगलाइं जाव विहरइ ।

(102) तए णं से कणगरहे रज्जे य रट्ठे य बले य वाहणे य कोसे य
कोट्ठागारे य अंतरे य मुच्छिए ४ जाए २ पुत्ते वियंगेइ । अप्पेगइयाणं
हत्थंगुलियाओ छिंदइ अप्पेगइयाणं हत्थंगुट्ठए छिंदइ । एवं पायंगुलियाओ
पायंगुट्ठए वि कणसंकुलीयाओ वि नासापुडाइं फालेइ अंगोवंगीइं वियंगेइ ।
तए णं तीसे पउमावईए देवीए अन्नया कयाइ पुव्वरत्तावरत्तकालसमयंसि
अयमेयारूवे अज्झत्थिए ४ समुप्पज्जित्था — एवं खलु कणगरहे राया रज्जे
य जाव पुत्ते वियंगेइ जाव अंगमंगाइं वियंगेइ । तं जइ णं अहं दारयं
पर्यामि सेयं खलु मम तं दारगं कणगरहस्स रहस्सिययं चेव सारक्खमाणीए
संगोवेमाणीए विहरित्तए त्तिकट्ठु एवं संपेहेइ २ तेयलिपुत्तं अमञ्चं सदावेइ
२ एवं वयासी—एवं खलु देवाणुप्पिया ! कणगरहे राया रज्जे य जाव वियंगेइ ।
तं जइ णं अहं देवाणुप्पिया ! दारगं पर्यायामि तए णं तुमं कणगरहस्स
रहस्सिययं चेव अणुपुव्वेणं सारक्खमाणे संगोवेमाणे संवट्ठेहि । तए
णं से दारए उमुक्कवालभावे जाव जोव्वणगमणुप्पत्ते तव य मम य
भिक्ष्वाभायणे भविस्सइ । तए णं से तेयलिपुत्ते पउमावईए
एयमट्ठं पडिसुणेइ २ पडिगए । तए णं पउमावई देवी पोट्टिला य
अमञ्ची सममेव गम्भं गेण्हइ सममेव परिवहंति । तए णं सा

पउमावई नवण्हं मासाणं जाव पियदंसणं सुरूवं दारगं पयाया । जं रयणिं च णं पउमावई दारयं पयाया तं रयणिं च णं पोट्टिला वि अमञ्ची नवण्हं मासाणं विणिघायमावन्नं दारियं पयाया । तए णं सा पउमावई देवी अम्मधाइं सद्दावेइ २ एवं वयासी — गच्छह णं तुमं अम्मो ! तेयलि-पुत्तं रहस्सियं चेव सद्दावेहि । तए णं सा अम्मधाइं तहत्ति पडि-सुणेइ २ अंतेउरस्स अवदारेणं निग्गच्छइ २ जेणेव तेयलिस्स गिहे जेणेव तेयलिपुत्ते तेणेव उवागच्छइ २ करयल जाव एवं वयासी — एवं खलु देवाणुप्पिया ! पउमावई देवी सद्दावेइ । तए णं तेयलिपुत्ते अम्म-धाइए अंतिए एयमट्ठं सोच्चा हट्ठतुट्ठे अम्मधाइए साद्धिं सयाओ गिहाओ निग्गच्छइ २ अंतेउरस्स अवदारेणं रहस्सियं चेव अणुप्पविसइ २ जेणेव पउमावई तेणेव उवागच्छइ करयल जाव एवं वयासी — संदिसंतु णं देवाणुप्पिया ! जं मए कायव्वं । तए णं पउमावई तेयलिपुत्तं एवं वयासी — एवं खलु कणगरहे राया जाव वियंगेइ । अहं च णं देवाणु-प्पिया ! दारगं पयाया । तं तुम्हे णं देवाणुप्पिया ! एयं दारगं गेण्हाहि जाव तव मम य भिक्खाभायणे भविस्सइ त्तिकट्ठु तेयलिपुत्तस्स हत्थे दलयइ । तए णं तेयलिपुत्ते पउमावईए हत्थाओ दारगं गेण्हइ उत्तरि-ज्जेणं पिहेई २ अंतेउरस्स रहस्सियं अवदारेणं निग्गच्छइ २ जेणेव सए गिहे जेणेव पोट्टिला भारिया तेणेव उवागच्छइ २ पोट्टिलं एवं वयासी — एवं खलु देवाणुप्पिए ! कणगरहे राया रज्जे य जाव वियं-गेइ । अयं च णं दारए कणगरहस्स पुत्ते पउमावईए अत्तए । तन्नं तुमं देवाणुप्पिए ! इमं दारगं कणगरहस्स रहस्सियं चेव अणुपुव्वेणं सारक्खाहि य संगोवेहि य संवट्ठेहि य । तए णं एस दारए उमुक्क-बालभावे तव य मम य पउमावईए य आहारे भविस्सइ त्तिकट्ठु पोट्टिलाए पासे निक्खिर्वइ २ पोट्टिलाए पासाओ तं विणिहायमावन्नियं दारियं गेण्हइ २ उत्तरिज्जेणं पिहेई २ अंतेउरस्स अवदारेणं अणुप्प-विसइ २ जेणेव पउमावई देवी तेणेव उवागच्छइ २ पउमावईए देवीए पासे ठावेइ जाव पडिनिग्गए । तए णं तीसे पउमावईए अंगपडि-

यारियाओ पउमावइं देविं विणिहायमावन्नियं दारियं पयायं पासंति २ जेणेव कणगरहे राया तेणेव उवागच्छंति २ करयल जाव एवं वयासी — एवं खलु सामी ! पउमावइं देवी मणल्लियं दारियं पयाया । तए णं कणगरहे राया तीसे मणल्लियाए दारियाए महया नीहरणं करेइ बहूइं लोगियाइं मयकिञ्चाइं करेइ २ कालेणं विगयसोए जाएँ । तए णं से तेयलिपुत्ते कल्लं कोडुंबियपुरिसे सद्दावेइ २ एवं वयासी — खिप्पामेव चारगसोहणं जाव ठिइपडियं जम्हा णं अम्हं एस दारए कणगरहस्स रज्जे जाए तं होउ णं दारए नामेणं कणगज्झए जाव अलंभोगसमत्थे जाए ।

(103) तए णं सा पोट्टिला अन्नया कयाइ तेयलिपुत्तस्स अणिट्ठा ५ जाया यावि होत्था नेच्छइ णं तेयलिपुत्ते पोट्टिलाए नामगोयमवि सवणयाए किंपुण दंसणं वा परिभोगं वा । तए णं तीसे पोट्टिलाए अन्नया कयाइं पुव्वरत्तावरत्तकालसमयांसि इमेयारूवे अज्झत्थिए ४ जाव समुप्पज्जित्था — एवं खलु अहं तेयलिस्स पुव्वि इट्ठा ५ आसि इयाणिं अणिट्ठा ५ जाया । नेच्छइ णं तेयलिपुत्ते मम नामं जाव परिभोगं वा ओहयमणसंकप्पा जाव झियायइ । तए णं तेयलिपुत्ते पोट्टिलं ओहय-मणसंकप्पं जाव झियायमाणं पासइ २ एवं वयासी — मा णं तुमं देवाणुप्पिए ! ओहयमणसंकप्पा जाव झियाहि । तुमं णं मम महाणसंसि विपुलं असणं ४ उवक्खडावेहि २ बहूणं समणमाहण जाव वणीमगाणं देयमाणी य द्वावेमाणी य विहराहि । तए णं सा पोट्टिला तेयलिपुत्तेणं अमञ्चेणं एवं वुत्ता समाणी हट्ठा तेयलिपुत्तस्स एयमट्ठं पडिसुणेइ २ कल्लकल्लिं महाणसंसि विपुलं असणं ४ जाव द्वावेमाणी विहरइ ।

(104) तेणं कालेणं २ सुव्वयाओ नामं अज्जाओ इरियासभियाओ जाव गुत्तबंभचारिणीओ बहुस्सुयाओ बहुपरिवाराओ पुव्वाणुपुव्वि चर-माणीओ जेणामेव तेयलिपुरे नयरे तेणेव उवागच्छंति २ अहापडिरूवं उग्गहं ओगिण्हंति २ संजमेणं तवसा अप्पाणं भावेमाणीओ विहरंति । तए णं तासिं सुव्वयाणं अज्जाणं एगे संघाडए पढमाए पोरिसीए सज्झायं करेइ जाव अडमाणीओ तेयलिस्स गिहं अणुपविट्ठाओ । तए णं सा

पोट्टिला ताओ अज्जाओ एज्जमाणीओ पासइ २ हट्टुट्टा आसणाओ
 अब्भुट्ठेइ वंदइ नमंसइ २ विपुलेणं असणेणं ४ पडिलाभेइ २ एवं
 वयासी — एवं खलु अहं अज्जाओ ! तेयलिपुत्तस्स पुन्वि इट्ठा ५ आसि
 इयाणिं अणिट्ठा ५ जाव दंसणं वा परिभोगं वा । तं तुब्भे णं अज्जाओ
 बहुनायाओ बहुसिक्खियाओ बहुपट्टियाओ बहूणि गामागर जाव आहिं-
 डह बहूणं राईसर जाव गिहाइं अणुपविसह । तं अत्थियाइं भे अज्जाओ !
 केइ कहिचि चुण्णजोए वा मंतजोगे वा कम्मणजोए वा हियंउड्ढावणे वा
 काउड्ढावणे वा आभिओगिए वा वसीकरणे वा कोउयकम्मे वा भूइ-
 कम्मे वा मूले वा कंदे वा छल्ली वल्ली सिलिया वा गुलिया वा ओसहे वा
 भेसज्जे वा उवलद्धपुव्वे जेणहं तेयलिपुत्तस्स पुणरवि इट्ठा ५ भवेज्जामि ?
 तए णं ताओ अज्जाओ पोट्टिलाए एवं वुत्ताओ समाणीओ दोवि कण्णे
 अंगुलियं ठवेंति २ पोट्टिलं एवं वयासी — अम्हे णं देवाणुप्पिए ! समणीओ
 निगगंथीओ जाव गुत्तबंभचारिणीओ । नो खलु कप्पइ अम्हं एयप्पगारं
 कण्णेहिं वि निसामित्तए किमंग पुण उव्वदंसित्तए वा आयरित्तए वा ।
 अम्हे णं तव देवाणुप्पिया ! विचित्तं केवलपन्नत्तं धम्मं परिकहि-
 ज्जामो । तए णं सा पोट्टिला ताओ अज्जाओ एवं वयासी — इच्छामि णं
 अज्जाओ ! तुब्भं अंतिए केवलपन्नत्तं धम्मं निसामित्तए । तए णं ताओ
 अज्जाओ पोट्टिलाए विचित्तं धम्मं परिकहेति । तए णं सा पोट्टिला
 धम्मं सोच्चा निसम्म हट्ठा एवं वयासी — सद्वहामि णं अज्जाओ !
 निगगंथं पावयणं जाव से जहेयं तुब्भे वयह । इच्छामि णं अहं तुब्भं
 अंतिए पंचाणुव्वइयं जाव धम्मं पडिवज्जित्तए । अहासुहं देवाणुप्पिया ।
 तए णं सा पोट्टिला तासिं अज्जाणं अंतिए पंचाणुव्वइयं जाव धम्मं
 पडिवज्जइ ताओ अज्जाओ वंदइ नमंसइ २ पडिविसज्जेइ । तए णं सा
 पोट्टिला समणोवासिया जाया जाव पडिलाभेमाणी विहरइ ।

(105) तए णं तीसे पोट्टिलाए अन्नया कयाइ पुव्वरत्तावरत्त-
 कालसमयंसि कुंडुंबजागरियं जागरमाणीए अयमेयारूवे अज्झत्थिए ४-
 एवं खलु अहं तेयलिपुत्तस्स पुन्वि इट्ठा ५ आसि इयाणिं अणिट्ठा ५ जाव

परिभोगं वा । तं सेयं खलु ममं सुव्वयाणं अज्जाणं अंतिए पव्वइत्तए । एवं संपेहेइ २ कल्लं जेणेव तेयलिपुत्ते तेणेव उवागच्छइ २ करयल जाव एवं वयासी - एवं खलु देवाणुप्पिया ! मए सुव्वयाणं अज्जाणं अंतिए धम्मं निसंते जाव अब्भणुत्ताया पव्वइत्तए ! तए णं तेयलिपुत्ते पोट्टिलं एवं वयासी - एवं खलु तुमं देवाणुप्पिए ! मुंडा पव्वइया समाणी कालमासे कालं किञ्चा अणंतरेसु देवलोएसु देवत्ताए उववज्जिहिसि । तं जइ णं तुमं देवाणुप्पिए ! ममं ताओ देवलोगाओ आगम्म केवलपन्नते धम्मं बोहेहिं तो हं विसज्जेमि । अहं णं तुमं ममं न संबोहेसि तो ते न विसज्जेमि । तए णं सा पोट्टिला तेयलिपुत्तस्स एयमट्ठं पडिसुणेइ । तए णं तेयलिपुत्ते विउलं असणं ४ उवक्खडावेइ २ मित्तनाइ जाव आमंतेइ जाव सम्माणेइ २ पोट्टिलं ण्हायं जाव पुरिससहस्सवाहिणीयं सीयं दुरुहित्ता मित्तनाइ जाव संपरिवुडे सव्विड्डीए जाव रवेणं तेयलिपुरं मज्झमज्जेणं जेणेव सुव्वयाणं उवस्सए तेणेव उवागच्छइ २ सीयाओ पञ्चोरुहइ २ पोट्टिलं पुरओकट्ठु जेणेव सुव्वया अज्जा तेणेव उवागच्छइ २ बंदइ नमंसइ २ एवं वयासी - एवं खलु देवाणुप्पिया ! मम पोट्टिला भरिया इट्ठा ५ । एस णं संसारभवविग्गा जाव पव्वइत्तए । पडिच्छंतु णं देवाणुप्पिया ! सिसिणिभिक्खं । अहासुहं मा पडिबंधं । तए णं सा पोट्टिला सुव्वयाहिं अज्जाहिं एवं वुत्ता समाणी हट्ठा उत्तरपुरत्थिमं दिसीभागं अवक्कमइ २ सयमेव आभरणमल्लालंकारं ओमुयइ २ सयमेव पंचमुट्ठियं लोयं करेइ २ जेणेव सुव्वयाओ अज्जाओ तेणेव उवागच्छइ २ बंदइ नमंसइ २ एवं वयासी - आलित्ते णं भंते ! लोए एवं जहा देवाणंदा जाव एक्कारस अंगाइं बहूणि वासाणि सामण्णपरियागं पाउणइ २ मासियाए संलेहणाए अत्ताणं झोसेत्ता सट्ठिं भत्ताइं अणसणेणं छेएत्ता आलोइयपडिक्कंता समाहिपत्ता कालमासे कालं किञ्चा अन्नयरेसु देवलोएसु देवत्ताए उववत्ता ।

(106) तए णं से कणगरहे राया अन्नया कयाइ कालधम्मणा संजुत्ते यावि होत्था । तए णं ते राईसर जाव नीहरणं करंति २

अन्नमन्नं एवं वयासी — एवं खलु देवाणुप्पिया ! कणगरहे राया रज्जे य जाव पुत्ते वियंमिथा । अम्हे णं देवाणुप्पिया ! रायाहीणा रावाहिट्टिया रायाहीणकज्जा । अयं च णं तेयली अमच्चे कणगरहस्स रन्नो सव्वट्ठाणेषु सव्वभूमियासु लद्धपच्चए दिन्नवियारे सव्वकज्जवड्डावए यावि होत्था । तं सेयं खलु अम्हं तेयलिपुत्तं अमच्चं कुमारं जाइत्तए त्तिकट्ठु अन्नमन्नस्स एयमट्ठं पडिसुणेंति २ जेणेव तेयलिपुत्ते अमच्चे तेणेव उवागच्छंति २ तेयलिपुत्तं एवं वयासी — एवं खलु देवाणुप्पिया ! कणगरहे राया रज्जे य रट्ठे य जाव वियंगेइ । अम्हे णं देवाणुप्पिया ! रायाहीणा जाव रायाहीण-कज्जा । तुमं च णं देवाणुप्पिया ! कणगरहस्स रन्नो सव्वट्ठाणेषु जाव रज्जधुरार्षितए होत्था । तं जइ णं देवाणुप्पिया ! अत्थि केइ कुमारे रायलक्खणसंपन्ने अभिसेयारिहे तण्णं तुमं अम्हं दलाहि जण्णं अम्हे महया २ रायाभिसेएणं अभिसिंचामो । तए णं तेयलिपुत्ते तेसिं ईसर जाव एयमट्ठं पडिसुणेइ २ कणगज्जयं कुमारं ण्हायं जाव सस्तिरीयं करेइ २ तेसिं ईसर जाव उवणेइ २ एवं वयासी — एस णं देवाणुप्पिया ! कणगरहस्स रन्नो पुत्ते पडमावईए देवीए अत्तए कणगज्जए नामं कुमारे अभिसेयारिहे रायलक्खणसंपन्ने मए कणगरहस्स रन्नो रहस्सिययं संवट्ठिए । एयं णं तुब्भे महया २ रायाभिसेएणं अभिसिंचह । सव्वं च तेसिं उट्ठाणपरियावणियं पस्सिहेइ । तए णं ते ईसर जाव कणगज्जयं कुमारं महया रायाभिसेएणं अभिसिंचंति । तए णं से कणगज्जए कुमारे राया आए अहयाहिमवंत वण्णओ जाव रज्जं पसाहेमाणे विहरइ । तए णं सा पडमावई देवी कणगज्जयं रीयं सहावेइ २ एवं वयासी — एस णं पुत्ता ! तव रज्जे जाव अंतरे य तुमं च तेयलिपुत्तस्स अमच्चस्स पभावेणं । तं तुमं णं तेयलिपुत्तं अमच्चं अट्ठाहि परिजाणाहि स्सक्कारेहि सम्मण्णेहि इंतं अम्भुट्ठेहि ठियं पज्जुवासाहि वचंतं पडिसंस्सहेहि अट्ठासणेणं उवणिमंतहे भोगं च से अणुवट्ठेहि । तए णं से कणगज्जए सव्वसव्वईए तहत्ति वचणं पडिसुणेइ जाव भोगं च से संवट्ठेइ ।

(107) तए णं से पोट्टेले देवे तेयलिपुत्तं अभिक्खणं २ पडि-

पन्नत्ते धम्मो संबोहेइ नो चेव णं से तेयलिपुत्ते संबुज्झइ । तए णं तस्स पोट्टिलदेवस्स इमेयारूवे अज्झत्थिए ४—एवं खलु कणगज्झए राया तेयलिपुत्तं आढाइ जाव भोगं च संबुद्धेइ । तए णं से तेयलिपुत्ते अभिक्खणं २ संबोहिज्जमाणे वि धम्मो नो संबुज्झइ । तं सेयं खलु कणगज्झयं तेयलिपुत्ताओ विप्परिणामित्तए त्तिकट्टु एवं संपेहेइ २ कणगज्झयं तेयलिपुत्ताओ विप्परिणामेइ । तए णं तेयलिपुत्ते कलं ण्हाए जाव पायच्छित्ते आसखंधवरगए बहूहिं पुरिसेहिं साद्धिं संपरिवुडे सयाओ गिहाओ निग्गच्छइ २ जेणेव कणगज्झए राया तेणेव पहारेत्थ गमणाए । तए णं तेयलिपुत्तं अमब्बं जे जहा बहूवे राईसरतलवर जाव पभियओ पासंति ते तहेव आढायंति परियाणंति अब्भुद्धेति २ अंजलिपरिग्गहं करेति इट्ठाहिं कंताहिं जाव वग्गूहिं आलवमाणा य संलवमाणा य पुरओ य पिट्ठओ य पासओ य मग्गओ य समणुगच्छंति । तए णं से तेयलिपुत्ते जेणेव कणगज्झए तेणेव उवागच्छइ । तए णं से कणगज्झए तेयलिपुत्तं एज्जमाणं पासइ २ नो आढाइ नो परियाणाइ नो अब्भुद्धेइ अणाढायमाणे ३ परम्मुहे संचिट्ठइ । तए णं से तेयलिपुत्ते कणगज्झयस्स रत्तो अंजलिं करेइ । तए णं से कणगज्झए राया अणाढायमाणे तुसिणीए परम्मुहे संचिट्ठइ । तए णं तेयलिपुत्ते कणगज्झयं रायं विप्परिणयं जाणित्ता भीए जाव संजायभए एवं वयासी—रुद्धे णं मम कणगज्झए राया । हीणे णं मम कणगज्झए राया । अवज्झाए णं कणगज्झए । तं न नज्झइ णं मम केणइ कुमारेण मारेहिइ त्तिकट्टु भीए तत्थे जाव साणियं २ पच्चोसक्कइ २ तमेव आसखंधं दुरूहइ २ तेयलिपुरं मज्झमज्जेणं जेणेव सए गिहे तेणेव पहारेत्थ गमणाए । तए णं तेयलिपुत्तं जे जहा ईसर जाव पासंति ते तहा नो आढायंति नो परियाणंति नो अब्भुद्धेति नो अंजलिं ० इट्ठाइं जाव नो संलवंति नो पुरओ य पिट्ठओ य पासओ समणुगच्छंति । तए णं तेयलिपुत्ते जेणेव सए गिहे तेणेव उवागए । जा वि य से तत्थ बाहिरिया परिसा भवइ तंजहा—दासे इ वा पेसे इ वा भाइल्लए इ वा सा वि य णं नो आढाइ ३ । जा वि य से अक्खितरिया परिसा भवइ तंजहा—पिया इ वा माया इ वा जाव सुण्हा इ ।

वा सा वि यणं नो आढाइ ३ । तए णं से तेयलिपुत्ते जेणेव वासघरे जेणेव
 सयणिज्जे तेणेव उवागच्छइ २ सयणिज्जंसि निसीयइ २ एवं वयासी —
 एवं खलु अहं सयाओ गिहाओ निगगच्छामि तं चेव जाव अहिंभतरिया
 परिसा नो आढाइ नो परियाणाइ नो अब्भुट्टेइ । तं सेयं खलु मम
 अप्पाणं जीवियाओ बवरोवित्तए त्तिकट्टु एवं संपेहेइ २ तालउडं विसं
 आसगंसि पक्खिवइ । से नो संकमइ । तए णं से तेयलिपुत्ते अमब्बे
 नीलुप्पल जाव असिं खंधंसि ओहरइ । तत्थ वि य से धारा ओपल्ला ।
 तए णं से तेयलिपुत्ते जेणेव असोगवणिया तेणेव उवागच्छइ २ पासगं
 गीवाए बंधइ २ रुक्खं दुरूहइ २ पासगं रुक्खे बंधइ २ अप्पाणं मुयइ ।
 तत्थ वि य से रज्जू छिन्ना । तए णं से तेयलिपुत्ते महइमहालियं सिलं
 गीवाए बंधइ २ अत्थाहमतारमपोरिसीयंसि उदगंसि अप्पाणं मुयइ ।
 तत्थ वि से थाहे जाए । तए णं से तेयलिपुत्ते सुक्कंसि तणकूडंसि अगणि-
 कायं पक्खिवइ २ अप्पाणं मुयइ । तत्थ वि य से अगणिकाए विज्झाए ।
 तए णं से तेयलिपुत्ते एवं वयासी — सद्धेयं खलु भो समणा वयंति ।
 सद्धेयं खलु भो माहणा वयंति । सद्धेयं खलु भो समणा माहणा वयंति ।
 अहं एगो असद्धेयं वयामि । एवं खलु अहं सह पुत्तेहिं अपुत्ते । को
 मेदं सइहिस्सइ ? सह मित्तेहिं अमित्ते । को मेदं सइहिस्सइ ? एवं
 अत्थेणं दारेणं दासेहिं पेसेहिं परिजणेणं । एवं खलु तेयलिपुत्तेणं अम-
 ब्बेणं कणगज्झएणं रत्ता अवज्झाएणं समाणेणं तालपुडगे विसे आसगंसि
 पक्खित्ते । से वि य नो कमइ । को मेयं सइहिस्सइ ? तेयलिपुत्ते नीलु-
 प्पल जाव खंधंसि ओहरिए । तत्थ वि य से धारा ओपल्ला । को मेदं सइ-
 हिस्सइ ? तेयलिपुत्ते पासगं गीवाए बंधित्ता जाव रज्जू छिन्ना । को मेयं
 सइहिस्सइ ? तेयलिपुत्ते महालियं जाव बंधित्ता अत्थाह जाव उदगंसि
 अप्पाणं मुक्के । तत्थ वि य णं थाहे जाए । को मेयं सइहिस्सइ ? तेयलिपुत्ते
 सुक्कंसि तणकूडे अग्गी विज्झाए । को मेयं सइहिस्सइ ? — ओहयमण-
 संकप्पे जाव झियायइ । तए णं से पोट्टिले देवे पोट्टिलारूवं विउव्वइ २
 तेयलिपुत्तस्स अदूरसामंते ठिब्बा एवं वयासी — हं भो तेयलिपुत्ता !

पुरओ पवाए पिट्ठओ हत्थिभयं दुहओ अचक्खुपासे मज्झे सराणि
 पतंति । गामे पलित्ते रत्ते झियाइ रत्ते पलित्ते गामे झियाइ । आउसो
 तेयलिपुत्ता ! कओ वयामो ? तए णं से तेयलिपुत्ते पोट्टिले एवं वयासी —
 भीयस्स खलु भो ! पव्वज्जा सरणं । उक्कट्टियस्स सदेसगमणं छुहियस्स
 अन्नं तिसियस्स पाणं आउरस्स भेसज्जं माइयस्स रहस्सं अभिजुत्तस्स
 पच्चयकरणं अद्धाणपरिसंतस्स बाहणगमणं तरिउकामस्स पवहणकिच्चं परं
 अभिओजिउकामस्स सहायकिच्चं । खंतस्स दंतस्स जिहंदियस्स एत्तो
 एगमवि न भवइ । तए णं से पोट्टिले देवे तेयलिपुत्तं अमच्चं एवं वयासी —
 सुट्ठु णं तुमं तेयलिपुत्ता ! एयमट्ठं आर्याणहि त्तिकट्ठु दोच्चंपि तच्चंपि
 एवं वयई २ जामेव दिसिं पाउब्भूए तामेव दिसिं पडिगए ।

(108) तए णं तस्स तेयलिपुत्तस्स सुभेणं परिणामेणं जाईसरणे
 समुप्पन्ने । तए णं तेयलिपुत्तस्स अयमेयारूवे अज्झत्थिए ४ समुप्पन्ने —
 एवं खलु अहं इहेव जंबुद्दीवे २ महाविदेहे वासे पोक्खलावईविजए पोंड-
 रिगिणीए रायहाणीए महापउमे नामं राया होत्था । तए णं हं थेराणं अंतिए
 मुंडे भवित्ता जाव चोइसपुव्वाइं बहूणि वासाणि सामण्णपरियागं पाउणित्ता
 मासियाए संलेहणाए महासुक्के कप्पे देवे । तए णं हं ताओ देवलोगाओ
 आउक्खएणं भवक्खएणं ठिइक्खएणं अणंतरं चयं चइत्ता इहेव तेयलि-
 पुरे तेयलिस्स अमच्चस्स भद्दाए भारियाए दारगत्ताए पच्चायाए । तं सेयं
 खलु मम पुव्वदिट्ठाइं महव्वयाइं सयमेव उवसंपज्जित्ताणं विहारित्तए ।
 एवं संपेहेइ २ सयमेव महव्वयाइं आरुहेइ २ जेणेव पमयवणे उज्जाणे
 तेणेव उवागच्छइ २ असोगवरपायवस्स अहे पुढविसिलापट्टयांसि सुह-
 निसण्णस्स अणुचितेमाणस्स पुव्वाहीयाइं सामाइयमाइयाइं चोइसपुव्वाइं
 सयमेव अभिसमन्नागयाइं । तए णं तस्स तेयलिपुत्तस्स अणगारस्स
 सुभेणं परिणामेणं जाव तयावरणिज्जाणं कम्माणं खओवसमेणं कम्मरय-
 विकरणकरं अपुव्वकरणं पविट्ठस्स केवलवरनानंदसणे समुप्पन्ने ।

(109) तए णं तेयलिपुरे नयरे अहासन्निहिण्हिं वाणमंतरेहिं
 देवेहिं देवीहिं य देवदुंदुहीओ समाहयाओ दसद्धवण्णे कुसुमे निवाइए

दिब्बे मीयगंघकनिनाए कए यावि होत्था । तए णं से कणगज्झए राया इमीसे कहाए लछट्टे समणे । एवं वयासी — एवं खलु तेयलिपुत्ते मए अवज्झाए मुंडे भवित्ता पवइए । तं गच्छामि णं तेयलिपुत्तं अणगारं बंहामि नमंतामि २ एयमट्ठं विणएणं भुज्जे २ खामेमि । एवं संपेहेइ २ णहाए चाडरंगिणीए सेणाए जेणेब पमयवणे उज्जाणे जेणेब तेयलिपुत्ते अणगारे तेणेब उवागच्छइ २ तेयलिपुत्तं वंदइ नमंसइ २ एयमट्ठं च णं विणएणं भुज्जे २ खामेइ २ नञ्जासन्ने जाव पज्जुवासइ । तए णं से तेयलिपुत्ते अणगारे कणगज्झयस्स रत्तो तीसे य महइमहालियाए परिसाए धम्मं परिकहेइ । तए णं से कणगज्झए राया तेयलिपुत्तस्स केवलिस्स अंतिए धम्मं सोच्चा निसम्म पंचाणुव्वइयं सत्तसिक्खावइयं सावगधम्मं पडिवज्जइ २ समणेवासए जाए जाव अभिगयजीवाजीवे । तए णं तेयलिपुत्ते केवली बहूणि वासाणि केवलिपरियागं पाउणिन्ता जाव सिद्धे ।

एवं खलु जंबू ! समणेणं भगवया महावीरेणं जाव संपत्तेणं चोइसमस्स नायज्झयणस्स अयमट्ठे पन्नत्ते तिबेमि ।

॥ चोइसमं नायज्झयणं समत्तं ॥ १४ ॥

॥ पन्नरसमं अज्झयणं ॥

(110) जइ णं भंते ! चोइसमस्स नायज्झयणस्स अयमट्ठे पन्नत्ते पन्नरसमस्स णं के अट्ठे पन्नत्ते ? एवं खलु जंबू ! तेणं कालेणं २ चंपा नाम नयरी होत्था पुण्णभहे चेइए जियसत्तू राया । तत्थ णं चंपाए नयरीए धेणे नामं सत्थवाहे होत्था अड्डे जाव अपरिभूए । तीसे णं चंपाए नयरीए उत्तरपुरत्थिमे दिसीभाए अहिच्छत्ता नामं नयरी होत्था

रिद्धत्थिमियसमिद्धा वण्णओ । तत्थ णं अहिच्छत्ताए नयरीए कणगकेउ
 नामं राया होत्था वण्णओ । तए णं तस्स धणस्स सत्थवाहस्स
 अन्नया कयाइ पुब्बरत्तावरत्तकालसमयांसि इमेयारूवे अज्झत्थिए
 चित्थिए पत्थिए मणोगए संकप्पे समुप्पज्जित्था — सेयं खलु मम विपुलं
 पणियमंडमायाए अहिच्छत्तं नयरिं वाणिज्जाए गमित्तए । एवं संपेहेइ २
 गणिमं च ४ चउत्विहं मंडं गेण्हइ सगडीसागडं सज्जेइ २ सगडी-
 सागडं भरेइ २ कोडुंबियपुरिसे सद्दावेइ २ एवं वयासी — गच्छह णं
 तुग्गे देवाणुप्पिया ! चंपाए नयरीए सिंघाडग जाव पहेसु एवं वय्ह —
 एवं खलु देवाणुप्पिया ! धणे सत्थवाहे विपुलं पणियं आदाय इच्छइ
 अहिच्छत्तं नयरिं वाणिज्जाए गमित्तए । तं जो णं देवाणुप्पिया ! चए
 वा चीरिए वा चम्मखंडिए वा भिच्छुंडे वा पंडरगे वा गोयमे वा
 गोवत्तिए वा गिहिधम्मधितए वा अविरुद्धविरुद्धवुड्डसावगरत्तपडनिगंथ-
 प्पभिइपासंडत्थे वा गिहत्थे वा धणेणं साद्धिं अहिच्छत्तं नयरिं गच्छइ
 तस्स णं धणे अच्छत्तगस्स छत्तगं दलाइ अनुवाहणस्स ओवाहणाओ
 दलयइ अकुंडियस्स कुंडियं दलयइ अपत्थयणस्स पत्थयणं दलयइ
 अपक्खेवगस्स पक्खेवं दलयइ अंतरा वि य से पडियस्स वा भग्गलुगस्स
 साहेज्जं दलयइ सुहंसुहेण य अहिच्छत्तं संपावेइ त्तिकट्ठु दोष्पि तच्चपि
 घोसणं घोसेह २ मम एयमाणासियं पच्चप्पिणह । तए णं ते कोडुंबियपुरिसा
 जाव एवं वयासी — हंदि सुणंतु भगवंतो चंपानयरीवत्थत्वा बहवे
 चरणा जाव पच्चप्पिणंति । तए णं तेसिं कोडुंबियपुरिसाणं अंतिए
 एयमट्ठं सोळा चंपाए नयरीए बहवे चरणा य जाव गिहत्था य जेणेव
 धणे सत्थवाहे तेणेव ज्जागच्छंति । तए णं धणे सत्थवाहे तेसिं चरमाणा
 य जाव गिहत्थाण थ अच्छत्तगस्स छत्तं दलयइ जाव वत्थयणं दलाइ —
 गच्छह णं तुग्गे देवाणुप्पिया ! चंपाए नयरीए बहिया अग्गुज्जाणंसि ममं
 पडिकलेमाणा चिट्ठह । तए णं ते चरमा य० धणेणं सत्थवाहेणं एवं
 मुत्ता समाणा जाव चिट्ठंति । तए णं धणे सत्थवाहे सोहणंसि सिहिकरण-
 नक्खत्तंसि विठलं असणं ४ उवक्खडावेइ २ मित्तवाइ आत्तंतेइ २ भोय्यणं

भोयावेइ २ आपुच्छइ २ सगडीसागडं जोयावेइ २ चंपाओ नयरीओ
 निग्गच्छइ नाइविप्पगिट्ठेहिं अट्ठाणेहिं वसमाणे २ सुहेहिं वसहिपायरासेहिं
 अंगं जणवयं मज्झमज्झेणं जेणेव देसंगं तेणेव उवागच्छइ २ सगडीसागडं
 भोयावेइ सत्थनिवेसं करेइ २ कोडुंबियपुरिसे सहावेइ २ एवं वयासी —
 तुब्भे णं देवाणुप्पिया ! मम सत्थनिवेसंसि महया २ सहेणं उग्घोसेमाणा २
 एवं वयह — एवं खलु देवाणुप्पिया ! इमीसे आगामियाए छिन्नावायाए
 दीहमद्वाए अडवीए बहुमज्झदेसभाए एत्थ णं बहवे नंदिफला नामं रुक्खा
 पन्नत्ता किण्हा जाव पत्तिया पुप्फिया फलिया हरिया रेरिज्जमाणा सिरिई
 अईव २ उवसोभेमाणा चिट्ठंति मणुन्ना वण्णेणं ४ जाव मणुन्ना फासेणं
 मणुन्ना छायाए । तं जो णं देवाणुप्पिया ! तेसिं नंदिफलाणं रुक्खाणं
 मूलाणि वा कंदतयपत्तपुप्फफलबीयाणि वा हरियाणि वा आहारेइ
 छायाए वा वीसमइ तस्स णं आवाए भइए भवइ तओ पच्छा परिणम-
 माणा २ अकाले चेव जीवियाओ ववरोवेइ । तं मा णं देवाणुप्पिया !
 केइ तेसिं नंदिफलाणं मूलाणि वा जाव छायाए वा वीसमउ मा णं से
 वि अकाले चेव जीवियाओ ववरोविज्जिस्सइ । तुब्भे णं देवाणुप्पिया !
 अन्नेसिं रुक्खाणं मूलाणि य जाव हरियाणि य आहारेह छायासु
 वीसमह । त्ति घोसणं घोसेह जाव पच्चप्पिणंति । तए णं धणे सत्थवाहे
 सगडीसागडं जोएइ २ जेणेव नंदिफला रुक्खा तेणेव उवागच्छइ २ तेसिं
 नंदिफलाणं अदूरसामंते सत्थनिवेसं करेइ २ दोच्चंपि तच्चंपि कोडुंबिय-
 पुरिसे सहावेइ २ एवं वयासी—तुब्भे णं देवाणुप्पिया ! मम सत्थनिवेसंसि
 महया २ सहेणं उग्घोसेमाणा २ एवं वयह — एए णं देवाणुप्पिया ! ते
 नंदिफला रुक्खा किण्हा जाव मणुन्ना छायाए । तं जो णं देवाणुप्पिया ।
 एएसिं नंदिफलाणं रुक्खाणं मूलाणि वा कंदपुप्फतयापत्तफलाणि जाव
 अकाले चेव जीवियाओ ववरोवेइ । तं मा णं तुब्भे जाव वीसमह मा णं
 अकाले चेव जीवियाओ ववरोविस्संति अन्नेसिं रुक्खाणं मूलाणि य जाव
 वीसमह त्ति कट्ठु घोसणं जाव पच्चप्पिणंति । तत्थ णं अत्थेगइया पुरिसा
 धणस्स सत्थवाहस्स एयमट्ठं सइहंति जाव रोयंति एयमट्ठं सइहमाणा

तेसिं नंदिफलाणं दूरंदूरेणं परिहरमाणा २ अन्नोसिं रुक्खाणं मूलाणि य जाव वीसमंति । तेसिं णं आवाए नो भइए भवइ तओ पच्छा परिणम-
 माणा २ सुभरूवत्ताए ५ भुज्जो २ परिणमंति । एवामेव समणाउसो !
 जो अम्हं निगंथो वा २ जाव पंचसु कामगुणेषु नो सज्जइ से णं इह-
 भवे चेव बहूणं समणाणं ४ अच्चणिज्जे परलोए नो आगच्छइ जाव वीई-
 वइस्सइ । तत्थ णं अप्पेगइया पुरिसा धणस्स एयमट्ठं नो सइहंति ३
 धणस्स एयमट्ठं असइहमाणा ३ जेणेव ते नंदिफला तेणेव उवागच्छंति २
 तेसिं नंदिफलाणं मूलाणि य जाव वीसमंति तेसिं णं आवाए भइए भवइ
 तओ पच्छा परिणममाणा जाव ववरोवेति । एवामेव समणाउसो ! जो
 अम्हं निगंथो वा २ पव्वइए पंचसु कामगुणेषु सज्जइ जाव अणुपरि-
 यट्ठिस्सइ जहा व ते पुरिसा । तए णं से धणे सगडीसागडं जोयावेइ २
 जेणेव अहिच्छत्ता नयरी तेणेव उवागच्छइ २ अहिच्छत्ताए नयरीए
 बहिया अग्गुज्जाणे सत्थनिवेसं करेइ २ सगडीसागडं मोयावेइ । तए णं
 से धणे सत्थवाहे महत्थं ३ रायारिहं पाहुडं गेण्हइ २ बहुपुरिसेहिं साद्धिं
 संपरिवुडे अहिच्छत्तं नयरिं मज्झंमज्झेणं अणुप्पविसइ २ जेणेव कणग-
 केऊ राया तेणेव उवागच्छइ २ करयल जाव वद्धावेइ २ तं महत्थं ३
 पाहुडं उवणेइ । तए णं से कणगकेऊ राया हट्ठतुट्ठे धणस्स सत्थवाहस्स
 तं महत्थं जाव पडिच्छइ २ धणं सत्थवाहं सक्कारेइ सम्माणेइ २ उस्सुकं
 वियरइ २ पडिविसज्जेइ २ भंडविणिमयं करेइ २ पडिभंडं गेण्हइ २
 सुहंसुहेणं जेणेव चंपा नयरी तेणेव उवागच्छइ २ मित्तनाइअभिसम-
 न्नागए विपुलाइं माणुस्सगाइं जाव विहरइ । तेणं कालेणं २ थेरागमणं धणे
 सत्थवाहे धम्मं सोच्चा जेट्ठपुत्तं कुडुंवे ठावेत्ता जाव पव्वइए सामाइय-
 माइयाइं एक्कारस अंगाइं बहूणि वासाणि जाव मासियाए जाव अन्नयरेसु
 देवलोएसु देवत्ताए उववन्ने महाविदेहे वासे सिज्झिहिइ जाव अंतं करेहिइ ।

एवं खलु जंबू ! समणेणं जाव संपत्तेणं पन्नरसमस्स नायज्झयणस्स
 अयमट्ठे पन्नत्ते त्तिबेमि ।

॥ पन्नरसमं नायज्झयणं समत्तं ॥ १५॥

॥ सोलसमं अज्झयणं ॥

(111) जइ णं भंते ! समणेणं ३ जाव संपत्तेणं पन्नरसमस्स नाय-
ज्झयणस्स अयमट्ठे पन्नत्ते सोलसमस्स णं भंते ! नायज्झयणस्स के
अट्ठे पन्नत्ते ? एवं खलु जंबू ! तेणं कालेणं २ चंपा नामं नयरी होत्था ।
तीसे णं चंपाए नयरीए बहिया उत्तरपुरत्थिमे दिसीभाए सुभूमिभागे नामं
उज्जाणे होत्था । तत्थ णं चंपाए नयरीए तओ माहणा भायरो परिवसंति
तंजहा — सोमे सोमदत्ते सोमभूई अट्ठा जाव अपरिभूया रिउव्वेयजउव्वेय-
सामवेयअथव्वणवेय जाव सुपरिनिट्ठिया । तेसिं माहणाणं तओ भारियाओ
होत्था तंजहा — नागसिरी भूयसिरी जक्खसिरी सुकुमाला जाव तेसि णं
माहणाणं इट्ठाओ विउले माणुस्सए कामभोए भुंजमाणा विहरंति । तए
णं तेसिं माहणाणं अन्नया कयाइ एगयओ समुवागयाणं जाव इमेयारूवे
मिहोकहासमुल्लावे समुप्पज्जित्था — एवं खलु देवाणुप्पिया ! अम्हं इमे
विउले धणे जाव सावएज्जे अलाहि जाव आसत्तमाओ कुलवंसाओ पकामं
दाउं पकामं भोत्तुं पकामं परिभाएउं । तं सेयं खलु अम्हं देवाणुप्पिया !
अन्नमन्नस्स गिहेसु कल्लाकल्लिं विपुलं असणपाणखाइमसाइमं उवक्खडेउं
परिभुंजेमाणाणं विहरित्तए । अन्नमन्नस्स एयमट्ठं पडिसुणेंति कल्लाकल्लिं
अन्नमन्नस्स गिहेसु विपुलं असणं ४ उवक्खडावेंति २ परिभुंजेमाणा
विहरंति । तए णं तीसे नागसिरीए माहणीए अन्नया कयाइ भोयण-
वारंए जाए यावि होत्था । तए णं सा नागसिरी माहणी विपुलं असणं
४ उवक्खडावेंइ २ एगं महं सालइयं तित्तलाउयं बहुसंभारसंजुत्तं नेहाव-
गाढं उवक्खडावेंइ एगं बिंदुयं करयलंसि आसाएइ २ तं खारं कडुयं
अखज्जं विसभूयं जाणित्ता एवं वयासी — धिरत्थु णं मम नागसिरीए
अर्धन्नाए अपुण्णाए दूभगाए दूभगसत्ताए दूभगनिंबोलियाए जाए णं मए
सालइए बहुसंभारसंभिणं नेहावगाढे उवक्खडिणं सुबहुदव्वक्खए नेह-
क्खए य कए । तं जइ णं ममं जाउयाओ जाणिस्संति तो णं मम खिसि-
स्संति । तं जावतीव ममं जाउयाओ न जाणंति ताव मम सेयं एयं
सालइयं तित्तलाउयं बहुसंभारनेहकयं एगंते गोवित्तए अन्नं सालइयं

महुरंलाउयं जाव नेहावगाढं उवक्खडित्तए । एवं संपेहेइ २ तं सालइयं जाव गोवेइ २ अन्नं सालइयं महुरंलाउयं उवक्खडेइ २ तेसिं माहणाणं ण्हायाणं जाव सुहासणवरगयाणं तं विपुलं असणं ४ परिवेसेइ । तए णं ते माहणा जिभियभुत्तुत्तरागया समाणा आयंता चोक्खा परम-सुइभूया सकम्मसंपउत्ता जाया यावि होत्था । तए णं ताओ माहणीओ ण्हायाओ जाव विभूसियाओ तं विपुलं असणं ४ आहारेंति २ जेणेव सयाइं २ गिहाइं तेणेव उवागच्छंति २ सकम्मसंपउत्ताओ जायाओ ।

(112) तेणं कालेणं २ धम्मघोसा नामं थेरा जाव बहुपरिवारी जेणेव चंपा नयरी जेणेव सुभूमिभागे उज्जाणे तेणेव उवागच्छंति २ अहापडिरूवं जाव विहरंति । परिसा निग्गया धम्मो कहिओ परिसा पडिगया । तए णं तेसिं धम्मघोसाणं थेराणं अंतेवासी धम्मरुई नामं अणगारे उराले जाव तेयलेस्से मासंमासेणं खममाणे विहरइ । तए णं से धम्मरुई अणगारे मासखमणपारणगांसि पढमाए पोरिसीए सज्झायं करेइ २ बीयाए पोरिसीए एवं जहा गोयमसामी तहेव उंग्गाहेइ २ तहेव धम्मघोसं थेरं आपुच्छइ जाव चंपाए नयरीए उच्चनीयमज्झिमकुलाइं जाव अडमाणे जेणेव नागसिरीए माहणीए गिहे तेणेव अणुपविट्ठे । तए णं सा नागसिरी माहणी धम्मरुई एज्जमाणं पासइ २ तस्स सालइयस्स तित्त-कडुयस्स बहुनेहावगाढस्स एडणट्ठयाए हट्टतुट्ठा उट्ठाए उट्ठेइ २ जेणेव भत्तघरे तेणेव उवागच्छइ २ तं सालइयं तित्तकडुयं च बहुनेहावगाढं धम्मरुइस्स अणगारस्स पडिं गहांसि सव्वमेव निस्सिरइ । तए णं से धम्म-रुई अणगारे अहापज्जत्तमित्तिकट्टु नागसिरीए माहणीए गिहाओ पडिनि-क्खमइ २ चंपाए नयरीए मज्झमज्झेणं पडिनिक्खमइ २ जेणेव सुभूमि-भागे उज्जाणे तेणेव उवागच्छइ २ जेणेव धम्मघोसा थेरा तेणेव उवा-गच्छइ २ धम्मघोसस्स अदूरसामंते अन्नपाणं पडिलेहेइ २ अन्नपाणं करयलंसि पडिदंसेइ । तए णं धम्मघोसा थेरा तस्स सालइयस्स नेहा-वगाढस्स गंधेणं अभिभूया समाणा तओ सालइयाओ नेहावगाढाओ एगं बिंदुयं गहाय करयलंसि आसादित्ति तित्तं खारं कडुयं अखज्जं

अभोज्जं विसभूयं जाणित्ता धम्मरुइं अणगारं एवं वयासी—जइ णं तुमं देवाणुप्पिया ! एयं सालइयं जाव नेहावगाढं आहारेसि तो णं तुमं अकाले चेव जीवियाओ ववरोविज्जसि । तं मा णं तुमं देवाणुप्पिया ! ईमं सालइयं जाव आहारेसि मा णं तुमं अकाले चेव जीवियाओ ववरोविज्जसि । तं गच्छह णं तुमं देवाणुप्पिया ! ईमं सालइयं एगंतमणावाए अचित्ते थंडिल्ले परिट्ठवेहि २ अन्नं फासुयं एसणिज्जं असणं ४ पडिगाहेत्ता आहारं आहारेहि । तए णं से धम्मरुई अणगारे धम्मघोसेणं थेरेणं एवं वुत्ते समाणे धम्मघोसस्स थेरस्स अंतियाओ पडिनिक्खमइ २ सुभूमिभागाओ उज्जाणाओ अदूरसामंते थंडिल्लं पडिल्लेहेइ २ ताओ सालइयाओ एगं बिंदुगं गहाय २ थंडिल्लंसि निसिरइ । तए णं तस्स सालइयस्स तित्तकडुयस्स बहुनेहावगाढस्स गंधेणं बहूणि पिपीलिगासहस्साणि पाउब्भूया जा जहा य णं पिपीलिगा आहारेइ सा णं तहा अकाले चेव जीवियाओ ववरोविज्जइ । तए णं तस्स धम्मरुइस्स अणगारस्स इमेयारूवे अज्झत्थिए ४— जइ ताव इमस्स सालइयस्स जाव एगंमि बिंदुयंमि पक्खित्तंमि अणेगाइं पिपीलिगासहस्साइं ववरोविज्जंति तं जइ णं अहं एयं सालइयं थंडिल्लंसि सव्वं निसिरामि तो णं बहूणं पाणाणं ४ वहकरणं भविस्सइ । तं सेयं खलु मम एयं सालइयं जाव नेहावगाढं सयमेव आहारित्तए मम चेव एएणं सरीरणं निज्जाउ त्तिकट्ठु एवं संपेहेइ २ मुहपोत्तियं २ पडिल्लेहेइ २ ससीसोवरियं कायं पमज्जेइ २ तं सालइयं तित्तकडुयं बहुनेहावगाढं बिलमिव पन्नगभूएणं अप्पाणएणं सव्वं सरीरकोट्ठगंसि पक्खिवइ । तए णं तस्स धम्मरुइयस्स तं सालइयं जाव नेहावगाढं आहारियस्स समाणस्स मुहुत्तंतरेणं परिणममाणांसि सरीरगंसि वेयणा पाउब्भूया उज्जला जाव दुरहियासा । तए णं से धम्मरुई अणगारे अथामे अबले अवीरिए अपुरिसक्कारपरक्कमे अधारणिज्जमित्ति-कट्ठु आयारभंडगं एगंते ठावेइ २ थंडिल्लं पडिल्लेहेइ २ दब्भसंधारगं संधारेइ २ दब्भसंधारगं दुरूहइ २ पुरत्थाभिमुहे संपलियंकनिसण्णे करयलपरिगाहियं एवं वयासी—नमोत्थु णं अरहंताणं जाव संपत्ताणं नमोत्थु

णं धम्मघोसाणं थेराणं मम धम्मायरियाणं मम धम्मोर्वएसगाणं पुठ्वि पि
 णं मए धम्मघोसाणं थेराणं अंतिए सव्वे पाणाइवाए पञ्चक्खाए जाव-
 ज्जीवाए जाव परिग्गहे इयाणिं पि णं अहं तेसिं चेव भगवंताणं अंतिए
 सव्वं पाणाइवायं पञ्चक्खामि जाव परिग्गहं पञ्चक्खामि जावज्जीवाए जहा
 खंदओ जाव चरिमेहिं उस्सासेहिं वोसिरामि त्तिकट्ठु आलोइयपडिक्कंते
 समाहिपत्ते कालगए । तए णं ते धम्मघोसा थेरा धम्मरूइं अणगारं
 चिरगयं जाणित्ता समणे निग्गंथे सदावेंति २ एवं वयासी — एवं खलु
 देवाणुप्पिया ! धम्मरूइस्स अणगारस्स मासक्खमणपारणगंसि सालइयस्स
 जाव नेहावगाढस्स निसिरणट्ठयाए बहिया निग्गए चिरावेइ । तं गच्छह णं
 तुब्भे देवाणुप्पिया ! धम्मरूइस्स अणगारस्स सव्वओ समंता मग्गणगवेसणं
 करेह । तए णं ते समणा निग्गंथा जाव पडिमुणेंति २ धम्मघोसाणं थेराणं
 अंतियाओ पडिनिक्खमांति २ धम्मरूइस्स अणगारस्स सव्वओ समंता
 मग्गणगवेसणं करेमाणा जेणेव थंडिल्लं तेणेव उवागच्छंति २ धम्मरूइ-
 यस्स अणगारस्स सरीरगं निप्पाणं निच्चेट्ठं जीवविप्पजडं पावेंति २ हा
 हा ! अहो ! अकज्जमित्तिकट्ठु धम्मरूइस्स अणगारस्स परिनिव्वाणवत्तिथं
 काउस्सगं करेंति धम्मरूइस्स आयारभंडगं गेण्हंति २ जेणेव धम्मघोसा
 थेरा तेणेव उवागच्छंति २ गमणागमणं पडिक्कमांति २ एवं वयासी —
 एवं खलु अम्हे तुब्भं अंतियाओ पडिनिक्खमामो २ सुभूमिभागस्स
 उज्जाणस्स परिपेरंतेणं धम्मरूइस्स अणगारस्स सव्वं जाव करेमाणा जेणेव
 थंडिल्ले तेणेव उवागच्छामो जाव इहं हव्वमागया । तं कालगए णं
 भंते ! धम्मरूइं अणगारे इमे से आयारभंडए । तए णं धम्मघोसा थेरा
 पुठ्वगए उवओगं गच्छंति २ समणे निग्गंथे निग्गंथीओ य सदावेंति २
 एवं वयासी — एवं खलु अज्जो ! मम अंतेवासी धम्मरूइं नामं अणगारे
 पगइभइए जाव विणीए मासंमासेणं अणिक्खित्तेणं तवोकम्मणं जाव
 नागसिरीए माहणीए गिहं अणुपविसई । तए णं सा नागसिरी माहणी
 जाव निसिरइ । तए णं से धम्मरूइं अणगारे अहापज्जत्तमित्तिकट्ठु जाव
 कालं अणवकंखमाणे विहरइ । से णं धम्मरूइं अणगारे बहुणि वासाणि

सामण्णपरियागं पाउणित्ता आलोइयपडिक्कंते समाहिपत्ते कालमासे कालं किञ्चा उडुं सोहम्मं जाव सव्वट्ठसिद्धे महाविमाणे देवत्ताए उववन्ने । तत्थ णं अत्थेगइयाणं जहन्नमणुक्कोसेणं तेत्तीसं सागरोवमाइं ठिई पन्नत्ता । तत्थ णं धम्मरुइस्स वि देवस्स तेत्तीसं सागरोवमाइं ठिई पन्नत्ता । से णं धम्मरुई देवे ताओ देवलोगाओ जाव महाविदेहे वासे सिञ्जिहिइ ।

(113) तं धिरत्थु णं अज्जो ! नागसिरीए माहणीए अर्धन्नाए अपुण्णाए जाव निंबोलियाए जाए णं तहारूवे साहू साहुरूवे धम्मरुई अणगारे मासक्खमणपारणगंसि सालइएणं जाव गाढेणं अकाले चेव जीवियाओ ववरोविए । तए णं ते समणा निग्गंथा धम्मघोसाणं थेराणं अंतिए एयमट्ठं सोच्चा निसम्म चंपाए सिंघाडग जाव पहेसु बहुजणस्स एवमाइक्खंति ४— धिरत्थु णं देवाणुप्पिया ! नागसिराए जाव निंबोलियाए जाए णं तहारूवे साहू साहुरूवे सालइएणं जीवियाओ ववरोविए । तए णं तेसिं समणाणं अंतिए एयमट्ठं सोच्चा निसम्म बहुजणो अन्नमन्नस्स एवमाइक्खइ एवं भासइ—धिरत्थु णं नागसिरीए माहणीए जाव जीवियाओ ववरोविए । तए णं ते माहणा चंपाए नयरीए बहुजणस्स अंतिए एयमट्ठं सोच्चा निसम्म आसुरुत्ता जाव मिसिमिसेमाणा जेणेव नागसिरी माहणी तेणेव उवागच्छंति २ नागसिरिं माहणिं एवं वयासी—हं भो नागसिरी ! अपत्थियपत्थिए ! दुरंतपंतलक्खणे ! हीणपुण्णचाउइसे ! धिरत्थु णं तव अधन्नाए अपुण्णाए निंबोलियाए जाए णं तुमे तहारूवे साहू साहुरूवे मासक्खमणपारणगंसि सालइएणं जाव ववरोविए उच्चावयाहिं अक्कोसणाहिं अक्कोसंति उच्चावयाहिं उद्धंसणाहिं उद्धंसंति उच्चावयाहिं निब्भच्छणाहिं निब्भच्छंति उच्चावयाहिं निच्छोडणाहिं निच्छोडंति तज्जेति तालेंति तज्जित्ता तालित्ता सयाओ गिहाओ निच्छुभंति । तए णं सा नागसिरी सयाओ गिहाओ निच्छूढा समाणी चंपाए नयरीए सिंघाडगतियचउक्कचच्चरचउम्महमहापहपहेसु बहुजणेणं हीलिज्जमाणी खिसिज्जमाणी निदिज्जमाणी गरहिज्जमाणी तिज्जिज्जमाणी पँवहिज्जमाणी धिक्कारिज्जमाणी थुक्कारिज्जमाणी कत्थइ ठाणं वा निलयं वा अलभ-

माणी २ दंडीखंडनिवसणा खंडमल्लयखंडघडगहत्थगया फुट्टहडाहडसीसा मच्छियाचडगरेणं अन्नज्जमाणमग्गा गिहंगिहेणं देहंबेलियाए वित्ति कप्पेमाणा विहरइ । तए णं तीसे नागसिरीए माहणीए तब्भवंसि चेव सोलस रोयायंका पाउब्भूया तंजहा— सासे कासे जोणिसूले जाव कोढे । तए णं सा नागसिरी माहणी सोलसहिं रोगायंकेहिं अभिभूया समाणी अट्टदुहट्टवसट्टा कालमासे कालं किच्चा छट्ठीए पुढवीए उक्कोसं बावीस-सागरोवमट्ठिइएसु नेरइएसु नेरइयत्ताए उववन्ना । सा णं तओ अणंतरं उव्वट्ठित्ता मच्छेसु उववन्ना । तत्थ णं सत्थवज्झा दाहवक्कंतीए कालमासे कालं किच्चा अहेसत्तमाए पुढवीए उक्कोसंसागरोवमट्ठिइएसु नरएसु नेर-इएसु उववन्ना । सा णं तओणंतरं उव्वट्ठित्ता दोच्चंपि मच्छेसु उववज्जइ । तत्थ वि य णं सत्थवज्झा दाहवक्कंतीए दोच्चंपि अहे सत्तमाए पुढवीए उक्कोससागरोवमट्ठिइएसु नेरइएसु उववज्जइ । सा णं तओहिंतो जाव उव्व-ट्ठित्ता तच्चंपि मच्छेसु उववन्ना । तत्थ वि य णं सत्थवज्झा जाव कालमासे कालं किच्चा दोच्चंपि छट्ठीए पुढवीए उक्कोसेणं । तओणंतरं उव्वट्ठित्ता उरएसु एवं जहा गोसाले तहा नेयव्वं जाव रयणप्पभाओ पुढवीओ उव्वट्ठित्ता सन्नीसुं उववन्ना । तओ उव्वट्ठित्ता जाइं इमाइं खहयरविहाणांइ जाव अदुत्तरं च णं खरबायरपुढविकाइयत्ताए तेसु अणेगसयसहस्सखुत्तो ।

(114) सा णं तओणंतरं उव्वट्ठित्ता इहेव जंबुद्दीवे दीवे भारहे वासे चंपाए नयरीए सागरदत्तस्स सत्थवाहस्स भद्दाए भारियाए कुच्छिसि दारियत्ताए पञ्चार्याया । तए णं सा भद्दा सत्थवाही नवण्हं मासाणं दारियं पयाया सुक्कुमालकोमलियं गयतालुयसमाणं । तीसे णं दारियाए निव्वत्तबारसाहियाए अम्मापियरो इमं एयारूवं गोण्णं गुणनिप्फन्नं नाम-धेज्जं करेंति— जम्हा णं अम्हं एत्ता दारिया सुक्कुमाला गयतालुयसमाणा तं होउ णं अम्हं इमीसे दारियाए नामधेज्जं सुक्कुमालिया २ । तए णं तीसे दारियाए अम्मापियरो नामधेज्जं करेंति सूमीलियत्ति । तए णं सा सूमीलिया दारिया पंचधाईपरिगगहिया तंजहा— खीरधाईए जाव गिरि-कंदरमल्लीणा इव चंपगलया निवायनिव्वाघायंसि जाव परिवड्डइ । तए

णं सा सूमालिया दारिया उम्मुक्कवालभावा जाव रूवेण य जोव्वणेण य लावणेण य उक्किट्ठा उक्किट्ठसरीरा जाया यावि होत्था ।

(115) तत्थ णं चंपाए नयरीए जिणदत्ते नामं सत्थवाहे अड्डे । तस्स णं जिणदत्तस्स भद्दा भारिया सूमाला इट्ठा माणुस्सए कामभोगे पच्चणुब्भवमाणा विहरइ । तस्स णं जिणदत्तस्स पुत्ते भद्दाए भारियाए अत्तए सागरए नामं दारए सुकुमाले जाव सुरूवे । तए णं से जिणदत्ते सत्थवाहे अन्नया कयाइ सयाओ गिहाओ पडिनिक्खमइ २ सागरदत्तस्स सत्थवाहे अन्नया कयाइ सयाओ गिहाओ पडिनिक्खमइ २ सागरदत्तस्स सत्थवाहस्स अदूरसामंतेणं वीईवयइ । इमं च णं सूमालिया दारिया ण्हाया चेडियासंघपरिवुडा उप्पि आणासतलगंसि कणगातिंदूसएणं कील-
माणी विहरइ । तए णं से जिणदत्ते सत्थवाहे सूमालियं दारियं पासइ २ सूमालियाए दारियाए रूवे य ३ जायविम्हए कोडुंवियपुरिसे सद्दावेइ २ एवं वयासी - एस णं देवाणुप्पिया ! कस्स दारिया किं वा नामधेज्जं से ? तए णं ते कोडुंवियपुरिसा जिणदत्तेणं सत्थवाहेणं एवं वुत्ता समाणा हट्ठतुट्ठा करयल जाव एवं वयासी - एस णं सागरदत्तस्स २ धूया भद्दाए अत्तया सूमालिया नामं दारिया सुकुमालपाणिपाया जाव उक्किट्ठा । तए णं जिणदत्ते सत्थवाहे तेसिं कोडुंवियाणं अंतिए एयमट्ठं सोच्चा जेणेव सए गिहे तेणेव उवागच्छइ २ ण्हाए मित्तनाइपरिवुडे चंपाए नयरीए मज्झिमज्जेणं जेणेव सागरदत्तस्स गिहे तेणेव उवागए । तए णं से सागरदत्ते २ जिणदत्तं २ एज्जमाणं पासइ २ आसणाओ अब्भुट्ठेइ २ आसणेणं उवनिमंतेइ २ आसत्थं वीसत्थं सुहासणवरगयं एवं वयासी - भण देवाणुप्पिया ! किमागमणपओयणं । तए णं से जिणदत्ते सागरदत्तं एवं वयासी - एवं खलु अहं देवाणुप्पिया ! तव धूयं भद्दाए अत्तियं सूमालियं सागरस्स भारियत्ताए वरेमि । जइ णं जाणह देवाणुप्पिया ! जुत्तं वा पत्तं वा सलाहणिज्जं वा सरिसो वा संजोगो ता दिज्जउ णं सूमालिया सागरदारगस्स । तए णं देवाणुप्पिया ! किं दल्लयामो सुकं च सूमालियाए ? तए णं से सागरदत्ते २ जिणदत्तं २ एवं वयासी - एवं खलु देवाणुप्पिया ! सूमालिया दारिया एगा एगजाया

इट्ठा ५ जाव किमंग पुण पासण्याए । तं नो खलु अहं इच्छामि सूमा-
 लियाए दारियाए खणमवि विप्पओगं । तं जइ णं देवाणुप्पिया ! सागरए
 दारए मम घरजामाउए भवइ तो णं अहं सागरदारगस्स सूमालियं दल-
 यामि । तए णं से जिणदत्ते २ सागरदत्तेणं २ एवं वुत्ते समाने जेणेव
 सए गिहे तेणेव उवागच्छइ २ सागरदारगं सहावेइ २ एवं वयासी—
 एवं खलु पुत्ता ! सागरदत्ते २ ममं एवं वयासी—एवं खलु देवाणु-
 प्पिया ! सूमालिया दारिया इट्ठा तं चेव । तं जइ णं सागरदारए मम
 घरजामाऊए भवइ ताव दलयामि । तए णं से सागरए दारए जिण-
 दत्तेणं २ एवं वुत्ते समाने तुसिणीए । तए णं जिणदत्ते २ अन्नया
 कयाइ सोहणंसि तिहिकरणे विपुलं असणं ४ उवक्खडावेइ २ मित्तनाइ
 आमंतेइ जाव सक्कारेत्ता सम्माणेत्ता सागरं दारगं ण्हायं जाव सन्वा-
 लंकारविभूसियं करेइ २ पुरिससहस्सवाहिणीयं सीयं दुरुहावेइ २ मित्त-
 नाइ जाव संपरिवुडे सत्विड्डीए सयाओ गिहाओ निग्गच्छइ २ चंपं
 नयरिं मज्झमज्जेणं जेणेव सागरदत्तस्स गिहे तेणेव उवागच्छइ २
 सीयाओ पच्चोरुहइ २ सागरं दारगं सागरदत्तस्स २ उवणेइ । तए णं
 से सागरदत्ते २ विपुलं असणं ४ उवक्खडावेइ २ जाव सम्माणेत्ता
 सागरं दारगं सूमालियाए दारियाए साद्धिं पैट्टयंसि दुरुहावेइ २ सेथा-
 पीएहिं कलसेहिं मज्जावेइ २ अग्गिहोमं करावेइ २ सागरं दारयं
 सूमालियाए दारियाए पाणिं गेण्हावेइ ।

(116) तए णं सागरए सूमालियाए दारियाए इमं एयारूवं पाणिफासं
 'संवेदेइ से जहानामए असिपत्ते इ वा जाव मुम्मुरे इ वा एत्तो अणिट्ठतराए
 चेव पाणिफासं संवेदेइ । तए णं से सागरए अकामए अबसवसे मुहुत्त-
 मेत्तं संचिट्ठइ । तए णं सागरदत्ते २ सागरस्स अम्मापियरो मित्तनाइ विपुलं
 असणं ४ पुप्फवत्थ जाव सम्माणेत्ता पडिविसज्जेइ । तए णं सागरए सूमा-
 लियाए साद्धिं जेणेव वासघरे तेणेव उवागच्छइ २ सूमालियाए दारियाए
 साद्धिं तल्लिमंसि निवज्जइ । तए णं से सागरए दारए सूमालियाए दारियाए
 इमं एयारूवं अंगफासं पडिसंवेदेइ से जहानामए असिपत्ते इ वा जाव

अमणामतरागं चेव अंगफासं पच्चणुब्भवमाणे विहरइ । तए णं से सागरए दारए सूमालियाए दारियाए अंगफासं असहमाणे अवसवसे मुहुत्तमेत्तं संचिद्धइ । तए णं से सागरदारए सूमालियं सुहपसुत्तं जाणित्ता सूमालियाए दारियाए पासाओ उट्टेइ २ जेणेव सए सयणिज्जे तेणेव उवागच्छइ २ सयणीयंसि निवज्जइ । तए णं सूमालिया दारिया तओ मुहुत्तंतरस्स पडिबुद्धा समाणी पइंवया पइमणुरत्ता पइं पासे अपस्सैमाणी तैलिमाओ उट्टेइ २ जेणेव से सयणिज्जे तेणेव उवागच्छइ २ सागरस्स पासे णुवज्जइ । तए णं से सागरदारए सूमालियाए दारियाए दोच्चपि इमं एयारूवं अंगफासं पडिसंवेदेइ जाव अकामए अवसवसे मुहुत्तमेत्तं संचिद्धइ । तए णं सागरदारए सूमालियं दारियं सुहपसुत्तं जाणित्ता सयणिज्जाओ उट्टेइ २ वासघरस्स दारं विहाडेइ २ मारामुक्के विव काए जामेव दिसिं पाउब्भूए तामेव दिसिं पडिगए ।

(117) तए णं सूमालिया दारिया तओ मुहुत्तंतरस्स पडिबुद्धा पतिंवया जाव अपासमाणी सयणिज्जाओ उट्टेइ सागरस्स दारगस्स सव्वओ समंता मग्गणगवेसणं करेमाणी २ वासघरस्स दारं विहाडियं पासइ २ एवं वयासी - गए णं से सागरए तिकट्टु ओहयमणसंकप्पा जाव झियायइ । तए णं सा भइा सत्थवाही कलं पाउप्पभायाए दासचेडिं सइावेइ २ एवं वयासी - गच्छह णं तुमं देवाणुप्पिए ! बहूवरस्स मुहधोवणियं उवणेहि । तए णं सा दासचेडिं भइाए एवं वुत्ता समाणी एयमहं तहत्ति पडिसुणेइ २ मुहधोवणियं गेणइ २ जेणेव वासघरे तेणेव उवागच्छइ सूमालियं दारियं जाव झियायमाणिं पासइ २ एवं वयासी - किन्नं तुम्हे देवाणुप्पिया ! ओहयमणसंकप्पा जाव झियाहि ? तए णं सा सूमालिया दारिया तं दासचेडियं एवं वयासी - एवं खलु देवाणुप्पिया ! सागरए दारए ममं सुहपसुत्तं जाणित्ता मम पासाओ उट्टेइ २ वासघरद्धवारं अवर्णुणेइ जाव पडिगए । तए णं इं तओ मुहुत्तंतरस्स जाव विहाडियं पासामि २ गए णं से सागरए तिकट्टु ओहयमणसंकप्पा जाव झियायामि । तए णं सा दासचेडिं

सूमाळियाए दारियाए एयमट्ठं सोच्चा जेणेव सागरदत्ते २ तेणेव उवा-
गच्छइ २ सागरदत्तस्स एयमट्ठं निवेदेइ । तए णं से सागरदत्ते दास-
चेडीए अंतिए एयमट्ठं सोच्चा निसम्म आसुरुत्ते ४ जाव मिसिमिसेमाणे
जेणेव जिणदत्तस्स २ गिहे तेणेव उवागच्छइ २ जिणदत्तं २ एवं
वयासी — किन्नं देवाणुप्पिया ! एयं जुत्तं वा पत्तं वा कुलाणुरूवं वा
कुलसरिसं वा जण्णं सागरए दारए सूमाळियं दारियं अदिट्ठदोसवडियं
पइवयं विप्पजहाय इहमागए ? बहूहिं खिज्जणियाहि य हंटाणियाहि य
उवालंभइ । तए णं जिणदत्ते सागरदत्तस्स २ एयमट्ठं सोच्चा जेणेव
सागरए तेणेव उवागच्छइ २ सागरं दारयं एवं वयासी — दुट्ठु णं
पुत्ता ! तुमे कयं सागरदत्तस्स गिहाओ इहं इव्वमागच्छंतेणं । तं
गच्छह णं तुमं पुत्ता ! एवमवि गए सागरदत्तस्स गिहे । तए णं से
सागरए जिणदत्तं एवं वयासी — अवियाइं अहं ताओ ! गिरिपडणं वा
तरुपडणं वा मरुप्पवायं वा जलप्पवायं वा जलणप्पवेसं वा विस-
भक्खणं वा सत्थोवाडणं वा विहीणसं वा गिद्धपट्ठं वा पव्वज्जं वा विदेस-
गमणं वा अब्भुवगच्छेज्जा नो खलु अहं सागरदत्तस्स गिहं गच्छेज्जा ।
तए णं से सागरदत्ते २ कुट्टुंतरियाए सागरस्स एयमट्ठं निसामेइ २
लज्जिए विलीए विट्ठे जिणदत्तस्स २ गिहाओ पडिनिक्खमइ २ जेणेव
सए गिहे तेणेव उवागच्छइ २ सुकुमाळियं दारियं सदावेइ २ अंके
निवेसेइ २ एवं वयासी — किन्नं तव पुत्ता ! सागरएणं दारएणं ? अहं
णं तुमं तस्स दाहामि जस्स णं तुमं इट्ठा मणांमा भविस्ससि त्ति सूमा-
ळियं दारियं ताहिं इट्ठाहिं जाव वग्गूहिं समासासेइ २ पडिबिस्सजेइ ।
तए णं से सागरदत्ते २ अन्नया उप्पि आगासतलंगंसि सुहनिसण्णे राय-
मगं ओलोएमाणे २ चिट्ठइ । तए णं से सागरदत्ते एयं महं दमगपुरिसं
पासइ दंडिखंडनिवसणं खंडमल्लगखंडघडगहत्थगयं मच्छियासहस्सेहिं
जाव अज्जिजमाणमगं । तए णं से सागरदत्ते सत्थवाहे कोडुंबियपुरिसे
सदावेइ २ एवं वयासी — तुब्भे णं देवाणुप्पिया ! एयं दमगपुरिसं
विपुलेणं असणेणं ४ पडिलाभेइ गिहं अणुप्पविसेइ २ खंडमल्लं खंड-

घड्ढं च से एगंते एडेह २ अलंकारियकम्मं करेह २ ण्हायं कयबलि-
 कम्मं जाव सव्वालंकारविभूसियं करेह २ मणुन्नं असणं ४ भोयावेह
 मम अंतियं उवणेह । तए णं ते कोडुंबियपुरिसा जाव पडिसुणेति २
 जेणेव से दमगपुरिसे तेणेव उवागच्छंति २ तं दमगपुरिसं असणेणं ४
 उवंप्पलोभंति २ सयं गिहं अणुप्पवेसिति २ तं खंडमल्लगं खंडघड्ढं च
 तस्स दमगपुरिस्स एगंते एडेति । तए णं से दमगपुरिसे तंसि खंड-
 मल्लगंसि खंडघड्ढगंसि य एडिज्जमाणंसि महया २ सहेणं आरसइ ।
 तए णं से सागरदत्ते तस्स दमगपुरिस्स तं महया २ आरसियसइं
 सोच्चा निसम्म कोडुंबियपुरिसे एवं वयासी — किन्नं देवाणुप्पिया ! एस
 दमगपुरिसे महया २ सहेणं आरसइ ? तए णं ते कोडुंबियपुरिसा एवं
 वयासी — एस णं सामी ! तंसि खंडमल्लगंसि खंडघड्ढगंसि य एडिज्ज-
 माणंसि महया २ सहेणं आरसइ । तए णं से सागरदत्ते २ ते कोडुं-
 बियपुरिसे एवं वयासी — मा णं तुम्भे देवाणुप्पिया ! एयस्स दमगस्स
 तं खंडगं जाव एडेह पासे से ठवेह जहा णं पत्तियं भवइ । ते तहेव
 ठावेति २ तस्स दमगस्स अलंकारियकम्मं करेति २ सयपागसहस्स-
 पागेहिं तेलेहिं अब्भिगोति अब्भिगिए समाणे सुरभिणा गंधवट्टएणं गायं
 उवट्टेति २ उसिणोदगेणं गंधोदएणं ण्हाणेति सीओदगेणं ण्हाणेति
 पम्हलसुकुमालगंधकासाइए गायाइं ल्हेंति २ हंसलक्खणं पडगसाडगं
 परिहेंति २ सव्वालंकारविभूसियं करेति २ विपुलं असणं ४ भोयावेति २
 सागरदत्तस्स समीवे उवणेति । तए णं से सागरदत्ते २ सूमालियं दारियं
 ण्हायं जाव सव्वालंकारविभूसियं करेत्ता तं दमगपुरिसं एवं वयासी —
 एस णं देवाणुप्पिया ! मम धूया इट्ठा । एयं णं अहं तव भारियत्ताए
 दलयामि भदियाए भइओ भवेज्जासि । तए णं से दमगपुरिसे सागर-
 दत्तस्स एयमट्टं पडिसुणेइ २ सूमालियाए दारियाए सद्धिं वासघरं
 अणुपविसइ सूमालियाए दारियाए सद्धिं तल्लिमंसि निवज्जइ । तए णं से
 दमगपुरिसे सूमालियाए इमं एयारूवं अंगफासं पडिसंवेदेइ सेसं जहा
 सागरस्स जाव सयणिज्जाओ अब्भुट्टेइ २ वासघराओ निग्गच्छइ २ खंड-

मल्लगं खंडघडगं च गहाय मारामुके विव काए जामेव दिसिं पाउब्भूप
तामेव दिसिं पडिगए । तए णं सा सूमालिया जाव गए णं से दमग-
पुरिसे त्तिक्कट्ठ ओहयमणसंकप्पा जाव श्रियायइ ।

(118) तए णं सा भद्दा कलं पाउप्पभायाए दासचेडिं सद्दावेइ
जाव सागरदत्तस्स एयमट्ठं निवेदेइ । तए णं से सागरदत्ते तहेव संभंते
समाणे जेणेव वासघरे तेणेव उवागच्छइ २ सूमालियं दारियं अंके
निवेसेइ २ एवं वयासी—अहो णं तुमं पुत्ता ! पुरापोराणाणं कम्माणं जाव
पञ्चणुब्भवमाणी विहरसि । तं मा णं तुमं पुत्ता ! ओहयमणसंकप्पा जाव
श्रियाहि । तुमं णं पुत्ता ! मम महाणसंसि विपुलं असणं ४ जहा पोट्टिला
जाव परिभाएमाणी विहराहि । तए णं सा सूमालिया दारिया एयमट्ठं
पडिसुणेइ २ महाणसंसि विपुलं असणं ४ जाव दलमाणी विहरइ ।
तेणं कालेणं २ गोवालियाओ अज्जाओ बहुस्सुयाओ एवं जहेव तेयलिणाए
सुव्वयाओ तहेव समोसढाओ तहेव संघाडओ जाव अणुपविट्ठे तहेव जाव
सूमालिया पडिलाभेत्ता एवं वयासी — एवं खलु अज्जाओ ! अहं
सागरस्स अणिट्ठा जाव अमणामा । नेच्छइ णं सागरए दारए मम नामं वा
जाव परिभोगं वा । जस्स जस्स वि य णं देज्जामि तस्स तस्स वि य णं
अणिट्ठा जाव अमणामा भवामि । तुब्भे य णं अज्जाओ ! बहुनायाओ
एवं जहा पोट्टिला जाव उवलद्धे णं जेणं अहं सागरस्स दारगस्स इट्ठा कंता
जाव भवेज्जामि । अज्जाओ तहेव भणंति तहेव साविया जाया तहेव
चिंता तहेव सागरदत्तस्स आपुच्छइ जाव गोवालियाणं अंतियं पव्वइया ।
तए णं सा सूमालिया अज्जा जाया इरियासमिया जाव गुत्तबंभयारिणी
बहूहिं चउत्थछट्ठम जाव विहरइ । तए णं सा सूमालिया अज्जा अन्नया
कयाइ जेणेव गोवालियाओ अज्जाओ तेणेव उवागच्छइ २ वंदइ नमंसइ
२ एवं वयासी — इच्छामि णं अज्जाओ ! तुब्भेहिं अब्भणुन्नाया समाणी
चंपाए बाहिं सुभूमिभागस्स उज्जाणस्स अदूरसामंते छट्ठंछट्ठेणं अणिवि-
त्तेणं तवोकम्मेणं सूराम्भिमुही आयावेमाणी विहरित्तए । तए णं ताओ
गोवालियाओ अज्जाओ समालियं एवं वयासी—अम्हे णं अज्जो !

समणीओ निगंथीओ हरियासमियाओ जाव गुत्तबंभचारिणीओ । नो खलु अम्हं कप्पइ बहिया गामस्स वा जाव सन्निवेसस्स वा छट्ठंछट्ठेणं जाव विहरित्ते । कप्पइ णं अम्हं अंतोउवत्सयस्स बहूपरिक्खित्तस्स संघाडिबद्धियाए णं समत्तलपईयाए आयावेत्तए । तए णं सा सूमालिया गोवालियाए एयमट्ठं नो सइहइ नो पत्तियइ नो रोएई एयमट्ठं असइह-माणी ३ सुभूमिभागस्स उज्जाणस्स अदूरसामंते छट्ठंछट्ठेणं जाव विहरइ ।

(119) तत्थ णं चंपाए ललिया नाम गोट्टी परिवसइ नरवइदिभ-पयारा अम्मापिइनिययनिप्पिवासा वेसविहारकयनिकेया नाणाविह-अविणयप्पहाणा अड्ढा जाव अपरिभूया । तत्थ णं चंपाए देवदत्ता नामं गणिया होत्था सूमाला जहा अंडनाए । तए णं तीसे ललियाए गोट्टीए अन्नया कयाइ पंच गोट्टिल्लगपुरिसा देवदत्ताए गणियाए सद्धिं सुभूमि-भागस्स उज्जाणस्स उज्जाणसिद्धिं पञ्चगुब्भवमाणा विहरंति । तत्थ णं एगे गोट्टिल्लगपुरिसे देवदत्तं गणियं उच्छंगे धरेइ एगे पिट्ठओ आयवत्तं धरेइ एगे पुप्फपूरगं रएइ एगे पाए रएइ एगे चामरुक्खेवं करेइ । तए णं सा सूमालिया अज्जा देवदत्तं गणियं तेहिं पंचहिं गोट्टिल्लपुरिसेहिं सद्धिं उरालाई माणुस्सगाई भोगभोगाई भुंजमाणीं पासइ २ इमेयारूवे संकप्पे समुप्पज्जित्था - अहो णं इमा इत्थिया पुरापोराणाणं कम्माणं जाव विहरइ । तं जइ णं केइ इमस्स सुचरियस्स तवनियमबंभचेरवासस्स कल्लणे फलवित्तिविसेसे अत्थि तो णं अहमवि आगमिस्सेणं भवग्गहणेणं इमेयारूवाइ उरालाई जाव विहरिज्जामि त्तिकट्ठु नियाणं करेइ २ आयावणभूमिई पञ्चोरुमई ।

(120) तए णं सा सूमालिया अज्जा सरिरबारुसा जाया यावि होत्था अभिक्खणं २ हत्थे धोवेइ अभिक्खणं २ पाए धोवेइ सीसं धोवेइ मुहं धोवेइ थणंतराई धोवेइ कक्खंतराई धोवेइ गुज्जंतराई धोवेइ जत्थ २ णं ठाणं वा सेज्जं वा निसीदियं वा चेएइ तत्थ वि य णं पुव्वामेव उदईणं अब्भुक्खेत्ता तओ पच्छा ठाणं वा ३ चेएइ । तए णं ताओ गोवालियाओ अज्जाओ सूमालियं अज्जं एवं वयासी-एवं खलु अज्जे ! अम्हे

समणीओ निगंथीओ इरियासमियाओ जाव बंभचेरधारिणीओ । नो खलु कप्पइ अम्हं सररीबाउसियाए होत्तए । तुमं च णं अज्जे ! सररीबाउसिया अभिक्खणं २ हत्थे धोवेसि जाव चेएसि । तं तुमं णं देवाणु-पिए ! एयस्स ठाणस्स आलोएहि जाव पडिवज्जाहि । तए णं सूमालिया गोवालियाणं अज्जाणं एयमट्ठं नो आढाइ नो परियाणाइ अणाढायमाणी अपरियाणमाणी विहरइ । तए णं ताओ अज्जाओ सूमालियं अज्जं अभिक्खणं २ हीलेंति जाव परिभवन्ति अभिक्खणं २ एयमट्ठं निवारेंति । तए णं तीसे सूमालियाए समणीहिं निगंथीहिं हीलिज्जमाणीए जाव बारिज्जमाणीए इमेयारूवे अज्झत्थिए जाव समुप्पज्जित्था — जया णं अहं अगारवासमज्जे वसामि तया णं अहं अप्पवसा । जया णं अहं मुंडा भवित्ता पव्वइया तया णं अहं परवसा । पुठ्वि च णं ममं समणीओ आढायंति इयाणिं नो आढायंति । तं सेयं खलु मम कलं पाउप्पभायाए गोवालियाणं अंतियाओ पडिनिक्खमित्ता पाडिएकं उवस्सयं उवसंपज्जित्ताणं विहरित्तए त्तिकट्ठु एवं संपेहेइ २ कलं गोवालियाणं अंतियाओ पडिनिक्खमइ २ पाडिएकं उवस्सयं उवसंपज्जित्ताणं विहरइ । तए णं सा सूमालिया अज्जा अणोहट्ठिया अनिवारिया सच्छंदमई अभिक्खणं २ हत्थे धोवेइ जाव चेएइ तत्थ वि य णं पासत्था पासत्थविहारिणी ओसन्ना ओसन्नविहारी कुसीला कुसीलविहारी संसत्ता संसत्ताविहारी बहूणि वासाणि सामण्णपरियागं पाउणइ २ अद्धमासियाए संलेहणाए तस्स ठाणस्स अणालोइयपडिक्कंता कालमासे कालं किञ्चा ईसाणे कप्पे अन्नयरंसि विमाणंसि देवगणियत्ताए उववन्ना । तत्थेगइयाणं देवीणं नवपलिओवमाइं ठिई पन्नत्ता । तत्थ णं सूमालियाए देवीए नवपलिओवमाइं ठिई पन्नत्ता ।

(121) तेणं कालेणं २ इहेव जंबुदीवे २ भारहे वासे पंचालेसु जणवणसु कंपिल्लपुरे नामं नयरे होत्था वण्णओ । तत्थ णं दुवए नामं राया होत्था वण्णओ । तस्स णं चुळणी देवी धट्ठंज्जुणे कुमारे जुवराया । तए णं सा सूमालिया देवी ताओ देवलोगाओ आउक्खएणं जाव चइत्ता इहेव जंबुदीवे २ भारहे वासे पंचालेसु जणवणसु कंपिल्लपुरे नयरे

दुवयस्स रत्तो चुलणीए देवीए कुच्छिसि दारियत्ताए पञ्चायाया । तए णं सा चुलणी देवी नवण्हं मासाणं जाव दारियं पयाया । तए णं तीसे दारियाए निव्वत्तवारसाहियाए इमं एयारूवं नामं — जम्हा णं एसा दारिया दुपयस्स रत्तो धूया चुलणीए देवीए अत्तया तं होऊं णं अम्हं इमीसे दारियाए नामधेज्जं दोवई । तए णं तीसे अम्मापियरो इमं एयारूवं गोणं गुणनिप्फन्नं नामधेज्जं करेति दोवई । तए णं सा दोवई दारिया पंचधाईपरिग्गहिंया जाव गिरिकंदरमल्लीणा इव चंपगलया निवायनिव्वा-घायंसि सुहंसुहेणं परिवड्ढइ । तए णं सा दोवई देवी रायवरकन्ना उम्मुक्क-बालभावा जाव उक्किट्टसरीरा जाया यावि होत्था । तए णं तं दोवई रायवरकन्नं अन्नया कयाइ अंतेउरियाओ प्हायं जाव विभूसियं करेति २ दुवयस्स रत्तो पायवंदियं पेसेति । तए णं सा दोवई २ जेणेव दुवए राया तेणेव उवागच्छइ २ दुवयस्स रत्तो पायग्गहणं करेइ । तए णं से दुवए राया दोवइं दारियं अंके निवेसेइ २ दोवईए २ रूवे^५ य जोर्व्वणे य लाव्वणे य जायविम्हए दोवइं २ एवं वयासी — जस्स णं अहं तुमं पुत्ता ! रायस्स वा जुवरायस्स वा भारियत्ताए सयमेव दलइस्सामि तत्थ णं तुमं सुहिया वा दुहिया वा भवेज्जासि । तए णं मम जावज्जीवाए हिययदाहे भविस्सइ । तं णं अहं तव पुत्ता ! अज्जरयाए सयंवरं वियंरामि । अज्जरयाए णं तुमं दिन्नं सयंवरा । जं णं तुमं सयमेव रायं वा जुवरायं वा वरेहिंसि से णं तव भत्तारे भविस्सइ त्तिक्कट्ठु ताहिं इट्ठाहिं जाव आसासेइ २ पडिविसज्जेइ ।

(122) तए णं से दुवए राया दूयं सदावेइ २ एवं वयासी — गच्छह णं तुमं देवाणुप्पिया ! बारवइं नयरिं । तत्थ णं तुमं कण्हं वासुदेवं समुहविजयपामोक्खे दस दसारे बलदेवपामोक्खे पंच महा-वीरे उग्गसेणपामोक्खे सोलस रायसहस्से पज्जुन्नपामोक्खाओ अद्धुट्ठाओ कुमारकोडीओ संबपामोक्खाओ सट्ठिं दुइतसाहस्सीओ वीरसेणपामो-क्खाओ एक्कवीसं रायवीरपुरिससाहस्सीओ महींसेणपामोक्खाओ छप्पन्नं बलवगसाहस्सीओ अन्ने य बहवे राईसरतलवरमाडंबियकोडुंबियइब्भ-

सेट्ठिसेणावइसत्थवाहपभिइओ करयलपरिग्गदियं दसनहं सिरसावत्तं
 मत्थए अंजालिं कट्ठु जएणं विजएणं वद्धावेहि २ एवं वयाहि — एवं
 खलु देवाणुप्पिया ! कंपिलपुरे नयरे दुवयस्स रन्नो धूयाए चुलणीए
 अत्तयाए धट्ठज्जुणकुमारस्स भइणीए दोवईए २ सयंवरे भविस्सइ । तए
 णं तुब्भे दुवयं रायं अणुगिण्हेमाणा अकालपरिहीणं चेव कंपिलपुरे नयरे
 समोसरह । तए णं से दूए करयल जाव कट्ठु दुवयस्स रन्नो एयमट्ठं पडि-
 सुणेइ २ जेणेव सए गिहे तेणेव उवागच्छइ २ कोडुंबियपुरिसे सद्दावेइ २
 एवं वयासी — खिप्पामेव भो देवाणुप्पिया ! चाउग्घंटं आसरहं
 जुत्तामेव उवट्ठवेह जाव उवट्ठवेंति । तए णं से दूए ण्हाए जाव सरीरे
 चाउग्घंटं आसरहं दुरूहइ २ बहूहिं पुरिसेहिं सन्नद्ध जाव गहियाउह-
 पहरणेहिं सद्धिं संपरिवुडे कंपिलपुरं नयरं मज्झंमज्झेणं निग्गच्छइ पंचाल-
 जणवयस्स मज्झंमज्झेणं जेणेव देसपंपते तेणेव उवागच्छइ २ सुरट्ठा-
 जणवयस्स मज्झंमज्झेणं जेणेव बारवई नयरी तेणेव उवागच्छइ २
 बारवइं नयरिं मज्झंमज्झेणं अणुप्पविसइ २ जेणेव कण्हस्स वासुदेवस्स
 वाहिरिया उवट्ठाणसाला तेणेव उवागच्छइ २ चाउग्घंटं आसरहं ठावेइ
 २ रहाओ पच्चोरुहइ २ मणुस्सवग्गुरापरिक्खित्ते पायचारविहारेणं जेणेव
 कण्हे वासुदेवे तेणेव उवागच्छइ २ कण्हं वासुदेवं समुद्विजयपामोक्खे
 य दस दसारे जाव बलवगसाहस्सीओ करयल तं चेव जाव समोसरह ।
 तए णं से कण्हे वासुदेवे तस्स दूयस्स अंतिए एयमट्ठं सोच्चा निसम्म
 हट्ठतुट्ठे जाव हियए तं दूयं सक्कारेइ सम्माणेइ २ पडिविसज्जेइ । तए
 णं से कण्हे वासुदेवे कोडुंबियपुरिसे सद्दावेइ २ एवं वयासी — गच्छह
 णं तुमं देवाणुप्पिया ! सभाए सुहम्माए सामुदाइयं भेरिं तालेहि । तए
 णं से कोडुंबियपुरिसे करयल जाव कण्हस्स वासुदेवस्स एयमट्ठं पडि-
 सुणेइ २ जेणेव सभाए सुहम्माए सामुदाइया भेरी तेणेव उवागच्छइ २
 सामुदाइयं भेरिं महया २ सदेणं तालेइ । तए णं ताए सामुदाइयाए
 भेरीए तालियाए समाणीए समुद्विजयपामोक्खा दस दसारा जाव महा-
 सेणपामोक्खाओ छप्पन्नं बलवगसाहस्सीओ ण्हाया जाव विभूसिया

जहाविभवइद्धिसक्कारसमुदएणं अप्पेगइया हयगया जाव अप्पेगइया पाय-
 चारविहारेणं जेणेव कण्हे वासुदेवे तेणेव उवागच्छंति २ करयल जाव
 कण्हं वासुदेवं जएणं विजएणं वद्धावेति । तए णं से कण्हे वासुदेवे
 कोडुंभियपुरिसे सदावेइ २ एवं वयासी - खिप्पामेव भो देवाणुप्पिया !
 अभिसेकं हत्थिरयणं पडिकप्पेह हयगय जाव पच्चपिणंति । तए णं से
 कण्हे वासुदेवे जेणेव मज्जणघरे तेणेव उवागच्छइ २ समुत्तजालाकुला-
 भिरामे जाव अंजणगिरिकूडसन्निभं गयवइं नरवई दुरूढे । तए णं से
 कण्हे वासुदेवे समुद्धविजयपामोक्खेहिं दसहिं वसारेहिं जाव अणंगसेणा-
 पामोक्खेहिं अणेगाहिं गणियासाहस्सीहिं सद्धिं संपरिवुडे सत्थिबुट्टीए जाव
 रवेणं बारवइं नयरिं मज्झंमज्जेणं निग्गच्छइ २ सुरट्ठाजणवयस्स मज्झं-
 मज्जेणं जेणेव देसप्पंते तेणेव उवागच्छइ २ पंचालजणवयस्स मज्झं-
 मज्जेणं जेणेव कंपिल्लपुरे नयरे तेणेव पहारेत्थ गमणाए । तए णं से दुवए
 राया दोच्चं पि दूयं सदावेइ २ एवं वयासी - गच्छइं 'णं तुमं देवाणु-
 पिया ! हत्थिणाउरं नयरं । तत्थ णं तुमं पंडुरायं सपुत्तयं जुहिट्ठिल्लं
 भीमसेणं अज्जुणं नवलं सहदेवं दुज्जोहणं भाइसयसमगं गंगेयं विदुरं
 दोणं जयइइं सउणिं कीवं आसत्थामं करयल जाव कट्ठु तहेव जाव
 समोसरह । तए णं से दूए एवं जहा वासुदेवे नवरं भेरी नत्थि जाव जेणेव
 कंपिल्लपुरे नयरे तेणेव पहारेत्थ गमणाए । एएणेव कमेणं तच्चं दूयं चंपं
 नयरिं । तत्थ णं तुमं कण्हं अंगरायं सैल्लं नंदिरायं करयल तहेव जाव समो-
 सरह । चच्छत्थं दूयं सुत्तिमइं नयरिं । तत्थ णं तुमं सिसुपालं दमघोससुयं
 पंचभाइसयसंपरिवुडं करयल तहेव जाव समोसरह । पंचमगं दूयं हत्थि-
 सीसं नयरिं । तत्थ णं तुमं दमवत्तं रायं करयल जाव समोसरह । छट्ठं
 दूयं महुरं नयरिं । तत्थ णं तुमं धरं रायं करयल जाव समोसरह । सत्तमं
 दूयं रायमिइं नयरं । तत्थ णं तुमं सहदेवं ऊरत्तसंधसुयं करयल जाव
 समोसरह । अट्ठमं दूयं कोडिणं नयरं । तत्थ णं तुमं रुप्पि मेस्सगसुयं करयल
 तहेव जाव समोसरह । नवमं दूयं विरीटं नयरिं । तत्थ णं तुमं कीर्थगं
 भावसुवसमगं करयल जाव समोसरह । दसमं दूयं अवस्सेसु

गामागरनगरेसु अणेगाइं रायसहस्साइं जाव समोसरह । तए णं से दूए तहेव निग्गच्छइ जेणेव गामागर तहेव जाव समोसरह । तए णं ताइं अणेगाइं रायसहस्साइं तस्स दूयस्स अंतिए एयमहं सोळा निसम्म हहा तं दूयं सक्करोति सम्माणेति २ पडिविसज्जेति । तए णं ते वासुदेवपामोक्खा बहवे रायसहस्सा पत्तेयं २ ण्हाया सम्मद्वहत्थिखंधवरगया महया हयगयरहभडचडगरपहकर सएहिं २ नगरोहिं तो अभिनिग्गच्छंति २ जेणेव पंचाले जणवए तेणेव प्हारेत्थ गमणाए ।

(123) तए णं से दुवए राया कोडुंबियपुरिसे सहावेइ २ एवं वयासी — गच्छह णं तुमं देवाणुप्पिया ! कंपिल्लपुरे नयरे बहिवा गंगाए महानईए अदूरसामंते एगं महं सयंवरमंडवं करेह अणेगखंभसयसन्नि-
विट्ठं लीलट्टियसालिभंजियागं जाव पच्चप्पिणंति । तए णं से दुवए राया दोक्षंपि कोडुंबियपुरिसे सहावेइ २ एवं वयासी — खिप्पामेव भो देवाणु-
प्पिया ! वासुदेवपामोक्खाणं बहूणं रायसहस्साणं आवासे करेह । ते वि करेत्ता पच्चप्पिणंति । तए णं से दुवए राया वासुदेवपामोक्खाणं बहूणं रायसहस्साणं आगमंणं जाणेत्ता पत्तेयं २ हत्थिखंध जाव परिवुडे अगंधं च पज्जं च गहाय सव्विड्डीए कंपिल्लपुराओ निग्गच्छइ २ जेणेव ते वासुदेवपामोक्खा बहवे रायसहस्सा तेणेव उवागच्छइ २ ताइं वासुदेव-
पामोक्खाइं अगघेण य पज्जेण य सक्करोइ सम्माणेइ २ तोसिं वासुदेव-
पामोक्खाणं पत्तेयं २ आवासे वियरइ । तए णं ते वासुदेवपामोक्खा जेणेव सया २ आवासा तेणेव उवागच्छंति २ हत्थिखंधेहिं तो पच्चोरुहंति २ पत्तेयं २ खंधावारनिवेसं करेति २ सएसुं २ आवासेसुं अणुप्पवि-
संति २ सएसु आवासेसु य आसणेसु य सयणेसु य सन्निसण्णा य संतुर्यहा य बहूहिं गंधव्वेहि य नाडएहि य उवगिज्जमाणा य उवनच्चिज्ज-
माणा य विहरंति । तए णं से दुवए राया कंपिल्लपुरं नयरं अणुप्प-
विसइ २ विपुलं असणं ४ उवक्खडावेइ २ कोडुंबियपुरिसे सहावेइ २ एवं वयासी — गच्छह णं तुम्हे देवाणुप्पिया ! विपुलं असणं ४ सुरं च मज्जं च मंसं च सीधुं च पसन्नं च सुबहुपुप्फवत्थगंधमल्लालंकारं च

वासुदेवपामोक्खाणं रायसहस्साणं आवासेसु साहरह । ते वि साहरंति । तए णं ते वासुदेवपामोक्खा तं विपुलं असणपाणखाइमसाइमं जाव पसन्नं च आसाएमाणा ४ विहरंति जिमियभुंतुत्तरागया वि य णं समाणा आयंता चोक्खा जाव सुहासणवरगया बहूहिं गंधव्वेहिं जाव विहरंति । तए णं से दुवए राया पुव्वावरण्हकालसमयांसि कोडुंबिय-पुरिसे सहावेइ २ एवं वयासी—गच्छह णं तुब्भे देवाणुप्पिया ! कंपिल्लपुरे सिंघाडग जाव पहेसु वासुदेवपामोक्खाण य रायसहस्साणं आवासेसु हत्थिखंधवरगया महया २ सहेणं जाव उगघोसेमाणा २ एवं वयह— एवं खलु देवाणुप्पिया ! कल्लं पाउप्पभायाए दुवयस्स रन्नो धूयाए चुलणीए देवीए अत्तियाए धट्टंज्जुणस्स भगिणीए दोवईए २ सयंवरे भविस्सइ । तं तुब्भे णं देवाणुप्पिया ! दुवयं रायाणं अणुगिणहेमाणा ण्हाया जाव विभूसिया हत्थिखंधवरगया सकोरेंट० सेयवरचामरा हयगयरह० महया भडचडगरेणं जाव परिक्खित्ता जेणेव सयंवरा मंडवे तेणेव उवा-गच्छह २ पत्तेयं नामंकेसु आसणेसु निसीयह २ दोवई २ पडिवालेमाणा २ चिट्ठह घोसणं घोसेह २ मम एयमाणत्तियं पच्चप्पिणह । तए णं ते कोडुंबिया तहेव जाव पच्चप्पिणंति । तए णं से दुवए राया कोडुंबिय-पुरिसे सहावेइ २ एवं वयासी—गच्छह णं तुब्भे देवाणुप्पिया ! सयवर-मंडवं आसियसंमज्जिओवलित्तं सुगंधवरगंधियं पंचवण्णपुप्फोवयारकलियं कालागरुपवरकुंदुरुक्कतुरुक्क जाव गंधवट्ठिभूयं मंचाइमंचकलियं करेह कारवेह करेत्ता कारवेत्ता वासुदेवपामोक्खाणं बहूणं रायसहस्साणं पत्तेयं २ नामंकाइं आसणाइं अत्थुयपच्चत्थुयाइं रएह २ एयमाणत्तियं पच्चप्पिणह जाव पच्चप्पिणंति । तए णं ते वासुदेवपामोक्खा बहवे रायसहस्सा कल्लं ण्हाया जाव विभूसिया हत्थिखंधवरगया सकोरेंटमल्लछत्तेणं धरिज्ज-माणेहिं सेयवरचामराहिं महया हयगय जाव परिवुडा सन्विड्डीए जाव रवेणं जेणेव सयंवरा मंडवे तेणेव उवागच्छंति २ अणुप्पविसंति २ पत्तेयं २ नामंकाइं सु निसीयंति दोवई २ पडिवालेमाणा चिट्ठंति । तए णं से दुवए राया कल्लं ण्हाए जाव विभूसिए हत्थिखंधवरगए सकोरेंट०

हयगय० कंपिल्लपुरं मज्झमंज्जेणं निगच्छइ जेणेव सयंवरांमंडवे जेणेव वासुदेवपामोक्खा बहवे रायसहस्सा तेणेव उवागच्छइ २ तेसिं वासुदेव-पामोक्खाणं करयल जाव वद्धावेत्ता कण्हस्स वासुदेवस्स सेयवरचामरं गहाय उबवीयमाणे चिट्ठइ ।

(124) तए णं सा दोवई २ कल्लं जाव जेणेव मज्जणघरे तेणेव उवागच्छइ २ मज्जणघरं अणुपविसइ २ ण्हाया कयबलिकम्मा कयकोउय-मंगलपायच्छित्ता सुद्धप्पावेसाइं मंगलाइं वत्थाइं पवरपरिहिया मज्जण-घराओ पडिनिक्खमइ २ जेणेव जिणघरे तेणेव उवागच्छइ २ जिणघरं अणुपविसइ २ जिणपडिमाणं आलोए पणामं करेइ २ लोमहत्थयं परामुसइ एवं जहा सूरियाभो जिणपडिमाओ अच्चेइ तहेव भाणियव्वं जाव धूवं डहइ २ वामं जाणुं अंचेइ दाहिणं जाणुं धरणितलंसि निहंट्ठु तिक्खुत्तो मुद्धाणं धरणितलंसि नंमेइ २ ईसिं पच्चुन्नमइ २ करयल जाव कट्ठु एवं वयासी - नमोत्थु णं अरहंताणं जाव संपत्ताणं वंदइ नमंसइ २ जिणघराओ पडिनिक्खमइ २ जेणेव अंतेउरे तेणेव उवागच्छइ ।

(125) तए णं तं दोवईं २ अंतेउरियाओ सव्वालंकारविभूसियं करेति । किं ते ? वरपायपत्तनेउरा जाव चेडियाचक्कवालमहंयरगविंद-परिक्खित्ता अंतेउराओ पडिनिक्खमइ २ जेणेव बाहिरिया उवट्ठाणसाला जेणेव चाउघंटे आसरहे तेणेव उवागच्छइ २ किड्ढावियाए लेहियाए सार्द्धं चाउघंटे आसरहं दुरुहइ । तए णं से धट्ठज्जुणे कुमारे दोवईए कन्नाए सारत्थं करेइ । तए णं सा दोवई २ कंपिल्लपुरं मज्झमंज्जेणं जेणेव सयंवरांमंडवे तेणेव उवागच्छइ २ रहं ठावेइ रहाओ पच्चोरुभंइ २ किड्ढावियाए लेहियाए सार्द्धं सयंवरांमंडवं अणुपविसइ करयल जाव तेसिं वासुदेवपामोक्खाणं बहूणं रायवरसहस्साणं पणामं करेइ । तए णं सा दोवई २ एगं महं सिरिदामगंडं० किं ते ? पाडलमल्लियचंपय जाव सत्त-च्छयाईहिं गंधर्द्धाणि मुयंतं परमसुहफासं दरिसणिज्जं गेणहइ । तए णं सा किड्ढाविया सुरूवा जाव वामहत्थेणं चिल्लगं दप्पणं गहेऊण सललियं दप्पणसंकंतविंबसंदंसिए य से दाहिणेणं हत्थेणं दरिसए पवररायसीहे फुड-

विसयविसुद्धरिभियगंभीरमहुरभाणिया सा तेसिं सव्वेसिं पत्थिवाणं अम्मा-
 पिउबंससत्तसामत्थगोत्तविक्कंतिकंतिवहुविहआगममाहप्परूबजोव्वणगुण-
 लावण्णकुलसीलजाणिया कित्तणं करेइ । पढमं ताव वणिहपुंगवाणं
 दसैदसारवरवीरपुरिसितिलोक्कवलवगाणं सत्तुसयसहस्समाणावमहगाणं
 भवसिद्धिपवरपुंडरीयाणं चिल्लागाणं बलवीरियरूबजोव्वणगुणलावण्ण-
 कित्तिया कित्तणं करेइ । तओ पुणं उग्गसेणमाईणं जायवाणं भणइ —
 सोहगगरूबकलिए बरेहि वरपुरिसगंधहत्थीणं । जो हु ते लोए होइ
 हिययदइओ ॥ तए णं सा दोवई रायवरकन्नगा बहूणं रायवरसहस्साणं
 मज्झंमज्झेणं समइच्छमाणी २ पुव्वकयनियानेणं चोइज्जमाणी २ जेणेव
 पंच पंडवा तेणेव उवागच्छइ २ ते पंच पंडवे तेणं दसद्ववण्णेणं कुसुम-
 दामेणं आवेढियपरिवेढिए करेइ २ एवं वयासी — एए णं मए पंच
 पंडवा वरिया । तए णं ताई वासुदेवपामोक्खाइं बहूणि रायसहस्साणि
 महया २ सहेणं उग्गसेमाणाइं २ एवं वयंति — सुवरियं खलु भो !
 दोवईए रायवरकन्नाए तिकट्टु सयंवरमंडवाओ पडिनिक्खमंति २
 जेणेव सया २ अवासा तेणेव उवागच्छंति । तए णं धट्टज्झुणकुमारे पंच
 पंडवे दोवइं च रायवरकन्नगं चाउग्घंटं आसरहं दुरूहेइ २ कंपिल्लपुरं
 मज्झंमज्झेणं जाव सयं भवणं अणुपविसइ । तए णं दुवए राया पंच-
 पंडवे दोवइं २ पट्टयं दुरूहेइ २ सेयापीयएहिं कलसेहिं मज्जावेइ २
 अग्गिहोमं करीवेइ पंचण्हं पंडवाणं दोवईए य पाणिग्गहणं करीवेइ । तए
 णं से दुवए राया दोवईए २ इमं एयारूवं पीइदाणं दलयइ तंजहा — अट्ट
 हिरण्णकोडीओ जाव पेसणकारीओ दासचेडीओ अन्नं च विपुलं धणकणग
 जाव दळयइ । तए णं से दुवए राया ताई वासुदेवपामोक्खाइं विपुलेणं
 असणपाणखाइमसाइमेणं वत्थगंधं जाव पडिविसज्जेइ ।

(126) तए णं से पंडू राया तेसिं वासुदेवपामोक्खाणं बहूणं राय-
 सहस्साणं करयल जाव एवं वयासी — एवं खलु देवाणुप्पिया ! हत्थिणाउरे
 नयरे पंचण्हं पंडवाणं दोवईए य देवीए कल्लाणंकरे भविस्सइ । तं तुब्भे
 णं देवाणुप्पिया ! ममं अणुगिण्हमाणा अकालपरिहीणं समोसरइ । तए णं

ते वासुदेवपामोक्खा पत्तेयं २ जाव पहारेत्थ गमणाए । तए णं से पंडू राया कोडुंबियपुरिसे सद्दावेइ २ एवं वयासी — गच्छह णं तुब्भे देवाणु-
पिया ! हत्थिणाउरे पंचग्हं पंडवाणं पंच पासायवडिंसए कारेहि अम्भु-
गयमूसिय वण्णओ जाव पडिरूवे । तए णं ते कोडुंबियपुरिसा पडि-
सुणेंति जाव कारवेंति । तए णं से पंडू राया पंचहिं पंडवेहिं दोवईए
देवीए साद्धिं हयगयसंपरिवुडे कंपिल्लपुराओ पडिनिक्खमइ २ जेणेव
हत्थिणाउरे तेणेव उवागए । तए णं से पंडूराया तेसिं वासुदेवपामोक्खाणं
आगमणं जाणित्ता कोडुंबियपुरिसे सद्दावेइ २ एवं वयासी — गच्छह णं
तुब्भे देवाणुपिया ! हत्थिणाउरस्स नयरस्स बहिया वासुदेवपामोक्खाणं
बहूणं रायसहस्साणं आवासे कारेह अणेगथंमसय तहेव जाव पच्चप्पिणंति ।
तए णं ते वासुदेवपामोक्खा बहवे रायसहस्सा जेणेव हत्थिणाउरे
तेणेव उवागच्छंति । तए णं पंडूराया ते वासुदेवपामोक्खे जाव आगए
जाणित्ता दट्ठतुट्ठे ण्हाए कयबालिकम्मे जहा दुवए जाव जहारिहं आवासे
दलयइ । तए णं ते वासुदेवपामोक्खा बहवे रायसहस्सा जेणेव सयां २
आवासां तेणेव उवागच्छंति तहेव जाव विहरंति । तए णं से पंडूराया
हत्थिणाउरं नयरं अणुपविसइ २ कोडुंबियपुरिसे सद्दावेइ २ एवं वयासी—
तुब्भे णं देवाणुपिया ! विपुलं असणं ४ तहेव जाव उवणेंति । तए णं ते
वासुदेवपामोक्खा बहवे रायसहस्सा ण्हाया कयबालिकम्मा कयकोउब-
मंगलपायच्छित्तां तं विपुलं असणं ४ तहेव जाव विहरंति । तए णं से
पंडूराया ते पंचपंडवे दोवइं च देविं पट्ठयं दुरुहेइ २ सीयापीएहिं कलसेहिं
ण्हावेइ २ कल्लाणकंरं करेइ २ ते वासुदेवपामोक्खे बहवे रायसहस्से
विपुलेणं असणेणं ४ पुण्णवत्थेणं सक्कारेइ सम्माणेइ जाव पडिविसज्जेइ ।
तए णं ताइं वासुदेवपामोक्खाइं बहूइं जाव पडिगयाइं ।

(127) तए णं ते पंच पंडवा दोवईए देवीए साद्धिं कल्लाकलिं
वारंबारेणं उराळाइं भोगभोगाइं जाव विहरंति । तए णं से पंडू राया
अज्जाया कयाइं पंचहिं पंडवेहिं कौंतीए देवीए दोवईए य साद्धिं अंतो-
अंतोउदपरियाळसद्धिं संपरिवुडे सीहासणवरगए यावि विहरइ । इमं च णं

कच्छुल्लनारए दंसणेणं अइभइए विणीए अंतो य कलुसहियए मज्झत्थं-
 उवत्थिए य अल्लीणसोमपियदंसणे सुंरूवे अमइलसगलपरिहिए काल-
 मियचम्मउत्तरासंगरइयवच्छे दण्डकैमण्डलुहत्थे जडामउडदित्तसिए
 जन्नोवइयगणेत्तियमुंजमेहलावागलधरे हत्थकयकच्छंभीए पियगंधव्वे
 धरणिगोयरप्पहाणे संवरणावरणओवयणुप्पयणिलेसणीसु य संकामणि-
 औभिओगपन्नत्तिगमणीथंभिणीसु य बहूसु विज्जाहरीसु विज्जासु विस्सुय-
 जसे इट्ठे रामस्स य केसवस्स य पज्जुन्नपईवसंबअनिरुद्धनिसठउम्मुय-
 सारणगयसुमुहदुम्मुहार्हणं जायवाणं अद्धुट्ठाण य कुमारकोडीणं हियय-
 दइए संथवए कलहजुद्धकोलाहलप्पिए भंडणाभिलासी बहूसु य समरसय-
 संपराएसु दंसणरए समंतओ कलहं सदक्खिणं अणुगवेसमाणे असमाहि-
 करे दसारवरवीरपुरिसतेलोक्कबलवगाणं आमंतेऊण तं भगवइं पक्कमणिं
 गगणगमणदच्छं उप्पइओ गगणमभिलंघयंतो गामागरनगरखेडकब्बड-
 मडंबदोणमुहपट्टणसंबाहसहस्समंडियं थिमियमेइणीतलं वसुहं ओलोइते¹²
 रम्मं हत्थिणाउरं उवागए पंडुरायभवणंसि अइवेगेण सैमोवइए । तए
 णं से पंडू राया कच्छुल्लनारयं एज्जमाणं पासइ २ पंचहिं पंडवेहिं कुंतीए
 य देवीए सद्धि आसणाओ अब्भुट्ठेइ २ कच्छुल्लनारयं सत्तट्ठपयाइं
 पच्चुगगच्छइ २ तिक्खुत्तो आयाहिणपयाहिणं करेइ २ वंदइ नमंसइ २
 महुरिहेणं आसणेणं उवनिमंतेइ । तए णं से कच्छुल्लनारए उदगपरि-
 फोसियाए दम्भोवरिपच्चुत्थुयाए भिसियाए निसीयइ २ पंडुरायं रज्जे
 य जाव अंतेउरे य कुसलोदंतं पुच्छइ । तए णं से पंडूराया कौंती य देवी
 पंच य पंडवा कच्छुल्लनारयं आढंति जाव पज्जुवासंति । तए णं सा
 दोवई देवी कच्छुल्लनारयं अस्संजयअविरयअप्पडिहयअपच्चक्खायपावकम्मं
 तिकट्ठु नो आढाइ नो परियाणइ नो अब्भुट्ठेइ नो पज्जुवासइ ।

(128) तए णं तस्स कच्छुल्लनारयस्स इमेयारूवे अज्झत्थिए
 चित्थिए पत्थिए मणोगए संकप्पे समुप्पज्जित्था—अहो णं दोवई देवी
 रूवेण य जाव लावणणेण य पंचहिं पंडवेहिं अवत्थद्धा समाणी ममं नो
 आढाइ जाव नो पज्जुवासइ । तं सेयं खलु मम दोवईए देवीए विप्पियं

करेत्तए त्तिकट्ठु एवं संपेहेइ २ पंडुरायं आपुच्छइ २ उत्पयणिं विज्जं
 आवाहेइ २ ताए उक्किट्ठाए जाव विज्जाहरगईए लवणसमुदं मज्झमज्झेणं
 पुरत्थाभिमुहे वीईवइउं पयत्ते यावि होत्था । तेणं कालेणं २ धायइसंडे
 दीवे पुरत्थिमद्धदाहिणड्ढभरह्वासे अवरकंका नामं रायहाणी होत्था ।
 तत्थ णं अवरकंकाए रायहाणीए पउमनाभे नामं राया होत्था महया
 हिमवंत वण्णओ । तस्स णं पउमनाभस्स रत्तो सत्त देवीसयाइं ओरोहे
 होत्था । तस्स णं पउमनाभस्स रत्तो सुनाभे नामं पुत्ते जुवरायावि होत्था ।
 तए णं से पउमनाभे राया अंतोअंतेउरंसि ओरोहसंपरिवुडे सीहासण-
 वरगए विहरइ । तए णं से कच्छुल्लनारए जेणेव अवरकंका रायहाणी
 जेणेव पउमनाभस्स भवणे तेणेव उवागच्छइ २ पउमनाभस्स रत्तो
 भवणंसि झत्ति वेगेण समोवइए । तए णं से पउमनाभे कच्छुल्लनारयं
 एज्जमाणं पासइ २ आसणाओ अब्भुट्ठेइ २ अग्घेणं जाव आसणेणं
 उवनिमंतेइ । तए णं से कच्छुल्लनारए उदयपरिफोसियाए दब्भोवरि-
 पच्चत्थुयाए भिसियाए निसीयइ जाव कुसलोदंतं आपुच्छइ । तए णं से
 पउमनाभे राया नियगओरोहे जायविम्हए कच्छुल्लनारयं एवं वयासी-
 तुमं देवाणुप्पिया ! बहूणि गामाणि जाव गिहाइं अणुपविससि । तं
 अत्थियाइं ते कहिंचि देवाणुप्पिया ! एरिसए ओरोहे दिट्ठपुण्वे जारिसए
 णं मम ओरोहे ? तए णं से कच्छुल्लनारए पउमनाभेणं एवं वुत्ते समाणे
 ईसिं बिहसियं करेइ २ एवं वयासी-सरिसे णं तुमं पउमनाभा !
 तस्स अगडददुरस्स । के णं देवाणुप्पिया ! से अगडददुरे ? एवं जहा
 मल्लिणाए । एवं खलु देवाणुप्पिया ! जंबुदीवे २ भारहे बासे हत्थिणाउरे
 नयरे दुपयस्स रत्तो धूया चुलणीए देवीए अत्तया पंडुस्स सुण्हा पंचण्हं
 पंडवाणं भारिया दोवई देवी रूवेण य जाव उक्किट्ठसरीरा । दोवईए
 णं देवीए छिन्नस्सवि पायंगुट्ठस्स अयं तव ओरोहे सयंपि कलं न
 अग्घइ त्तिकट्ठु पउमनाभं आपुच्छइ जाव पडिगए । तए णं से
 पउमनाभे राया कच्छुल्लनारयस्स अंतिए एयमट्ठं सोच्चा निसम्म दोवईए
 देवीए रूवे य ३ मुच्छिए ४ जेणेव पोसहसाला तेणेव उवागच्छइ २

पोसहसालं जाव पुण्वसंगइयं देवं एवं वयासी - एवं खलु देवाणुप्पिया ! जंबुद्वीपे २ भारहे वासे हत्थिणाउरे जाव उक्किट्टसरीरा । तं इच्छामि णं देवाणुप्पिया ! दोवइं देवीं इहमाणीयं । तए णं पुण्वसंगइए देवे पउमनाभं एवं वयासी - नो खलु देवाणुप्पिया ! एवं भूयं वा भव्वं वा भविस्सं वा जन्नं दोवइं देवी पंचपंडवे मोत्तूणं अग्नेण पुरिसेणं सद्धिं उरालाइं जाव विहरिस्सइ । तहावि य णं अहं तव पियट्ठ-याए दोवइं देविं इहं हव्वमाणेमि त्तिकट्ठु पउमनाभं आपुच्छइ २ ताए उक्किट्ठाए जाव लवणसमुदं मज्झिमज्जेणं जेणेव हत्थिणाउरे नयरे तेणेव पहारेत्थ गमणाए । तेणं कालेणं २ हत्थिणाउरे नयरे जुहिट्ठिले राया दोवइए देवीए सद्धिं उप्पि आगासतलगंसि सुहप्पसुत्ते यावि होत्था । तए णं से पुण्वसंगइए देवे जेणेव जुहिट्ठिले राया जेणेव दोवइं देवी तेणेव उवागच्छइ २ दोवइए देवीए ओसोवणिं दलयइ २ दोवइं देविं गिण्हइ २ ताए उक्किट्ठाए जाव जेणेव अवरकंका जेणेव पउमनाभस्स भवणे तेणेव उवागच्छइ २ पउमनाभस्स भवणांसि असोगवणियाए दोवइं देविं ठावेइ २ ओसोवणिं अवहरइ २ जेणेव पउमनाभे तेणेव उवागच्छइ २ एवं वयासी - एस णं देवाणुप्पिया ! मए हत्थिणाउराओ दोवइं देवी इहं हव्वमाणीया तव असोगवणियाए चिट्ठइ । अओ परं तुमं जाणसि त्तिकट्ठु जामेव दिसिं पाउब्भूए तामेव दिसिं पडिगए । तए णं सा दोवइं देवी तओ मुहुत्तंतरस्स पडिबुद्धा समाणी तं भवणं असोगवणियं च अपच्चभिजाणमाणी एवं वयासी - नो खलु अम्हं एसे सए भवणे नो खलु एसा अम्हं सया असोगवणिया । तं न नज्जइ णं अहं केणइ देवेण वा दाणवेण वा किंपुरिसेण वा किन्नरेण वा महो-रगेण वा गंधर्वेण वा अन्नस्स रत्तो असोगवणियं साहरिय त्तिकट्ठु ओहयमणसंकप्पा जाव श्रियायइ । तए णं से पउमनाभे राया ण्हाए जाव सव्वालंकारविभूसिए अंतैउरपरियालसंपरिवुडे जेणेव असोगवणिया जेणेव दोवइं देवी तेणेव उवागच्छइ २ दोवइं देविं ओहय जाव श्रियाय-माणिं पासइ २ एवं वयासी - किन्नं तुमं देवाणुप्पिए ! ओहय जाव

झियाहि ? एवं खलु तुमं देवाणुप्पिए ! मम पुव्वसंगइएणं देवेणं जंबु-
 दीवाओ २ भारहाओ वासाओ हत्थिणाउराओ नयराओ जुहिट्ठिल्लस्स
 रत्तो भवणाओ साहरिया । तं मा णं तुमं देवाणुप्पिया । ओहय जाव
 झियाहि । तुमं णं मए सद्धिं विपुलाइं भोगभोगाइं जाव बिहराहि । तए
 णं सा दोवई पउमनाभं एवं वयासी — एवं खलु देवाणुप्पिया ! जंबुदीवे २
 भारहे वासे बारवईए नयरीए कण्हे नामं वासुदेवे मम पियभाउए परि-
 वसइ । तं जइ णं से छण्हं मासाणं मम कूवं नो हव्वमागच्छइ तए
 णं अहं देवाणुप्पिया ! जं तुमं वदसि तस्स आणाओवायवयणनिहेत्ते
 विट्ठिस्सामि । तए णं से पउमनाभे दोवईए एयमट्ठं पडिसुणेइ २ दोवइं
 देविं कन्नंतेउरे ठवेइ । तए णं सा दोवई देवी छट्ठंछट्ठेणं अणिक्वित्तेणं
 आयंघिलपरिग्गहिएणं तवोकम्मेशं अप्पाणं भावेमाणी विहरइ ।

(129) तए णं से जुहिट्ठिल्ले राया तओ भुहुत्तंतरस्स पडिबुद्धे
 समाणे दोवइं देविं पासे अपासमाणे सयणिज्जाओ उट्ठेइ २ दोवईए
 देवीए सव्वओ समंता मग्गणगवेसणं करेइ २ दोवईए देवीए कत्थइ
 सुइं वा खुइं वा पवत्तिं वा अलभमाणे जेणेव पंडूराया तेणेव उवा-
 गच्छइ २ पंडूरायं एवं वयासी — एवं खलु ताओ ! मम आगासतल-
 गंसि सुहपसुत्तस्स पासाओ दोवई देवी न नज्जइ केणइ देवेण वा
 दाणवेण वा किंपुरिसेण वा किन्नरेण वा महोरगेण वा गंधव्वेण वा
 हिया वा निया वा अक्खित्ता वा । तं इच्छामि णं ताओ ! दोवईए
 देवीए सव्वओ समंता मग्गणगवेसणं करित्तए । तए णं से पंडूराया
 कोडुंबियपुरिसे सहावेइ २ एवं वयासी — गच्छह णं तुव्वे देवाणुप्पिया !
 हत्थिणाउरे नयरे सिंघाडगतिगचउक्कचच्चरमहापहपहेसु महया २ सहेणं
 उग्घोसेमाणा २ एवं वयइ — एवं खलु देवाणुप्पिया ! जुहिट्ठिल्लस्स रत्तो
 आगासतलगंसि सुहपसुत्तस्स पासाओ दोवई देवी न नज्जइ केणइ
 देवेण वा दाणवेण वा किन्नरेण वा किंपुरिसेण वा महोरगेण वा गंध-
 व्वेण वा हिया वा निया वा अक्खित्ता वा । तं जो णं देवाणुप्पिया !
 दोवईए देवीए सुइं वा खुइं वा पवत्तिं वा परिकहेइ तस्स णं पंडूराया

विउलं अत्थसंपयाणं दलयइ त्तिकट्ठु घोसणं घोसावेह २ एयमाणत्तिंयं पञ्चप्पिणह । तए णं ते कोडुंबियपुरिसा जाव पञ्चप्पिणंति । तए णं से पंडूराया दोवईए देवीए कत्थइ सुइं वा जाव अलभमाणे कौंतीं देवीं सद्दावेइ २ एवं वयासी—गच्छह णं तुमं देवाणुप्पिया ! बारवइं नयरिं कण्हस्स वासुदेवस्स एयमट्ठं निवेदेहि । कण्हे णं परं वासुदेवे दोवईए मग्गणगवेसणं करेज्जा अन्नहा न नज्जइ दोवईए देवीए सुइं वा खुइं वा पवत्तिं वा उवलभेज्जा । तए णं सा कौंती देवी पंडुणा एवं वुत्ता समाणी जाव पडिसुणेइ २ ण्हाया कयबलिकम्मा हत्थिखंधवरगया हत्थिणपुरं नयरं मज्झंमज्झेणं निग्गच्छइ २ कुरुजणवयं मज्झंमज्झेणं जेणेव सुरट्ठाजणवए जेणेव बारवई नयरी जेणेव अग्गुज्जाणे तेणेव उवागच्छइ २ हत्थिखंधाओ पच्चोरुहइ २ कोडुंबियपुरिसे सद्दावेइ २ एवं वयासी—गच्छह णं तुब्भे देवाणुप्पिया ! जेणेव बारवइं नयरिं अणुपविसह २ कण्हं वासुदेवं करयल० एवं वयह—एवं खलु सामी ! तुब्भं पिउच्छा कौंती देवी हत्थिणाउराओ नयराओ इहं हव्वमागया तुब्भं दंसणं कंखइ । तए णं ते कोडुंबियपुरिसा जाव कहेंति । तए णं कण्हे वासुदेवे कोडुंबियपुरिसाणं अंतिए एयमट्ठं सोच्चा निसम्म हट्ठतुट्ठे हत्थिखंधवरगए हयगय० बारवईए नयरीए मज्झंमज्झेणं जेणेव कौंती देवी तेणेव उवागच्छइ २ हत्थिखंधाओ पच्चोरुहइ २ कौंतीए देवीए पायग्गहणं करेइ २ कौंतीए देवीए सद्धिं हत्थिखंधं दुरुहइ २ बारवइं नयरीं मज्झंमज्झेणं जेणेव सए गिहे तेणेव उवागच्छइ २ सयं गिहं अणुप्पविसइ । तए णं से कण्हे वासुदेवे कौंतिं देविं ण्हायं कयबलिकम्मं जिमियभुत्तुत्तरागयं जाव सुहासणवरगयं एवं वयासी—संदिसउ णं पिउच्छा ! किमागमणपओयणं । तए णं सा कौंती देवी कण्हं वासुदेवं एवं वयासी—एवं खलु पुत्ता ! हत्थिणाउरे नयरे जुहि-ट्टिस्स रज्जो आगासतलए सुहप्पसुत्तस्स पासाओ दोवई देवी न नज्जइ केणइ अवहिया जाव अवक्खित्ता वा । तं इच्छामि णं पुत्ता ! दोवईए देवीए मग्गणगवेसणं कैयं । तए णं से कण्हे वासुदेवे कौंतीपिउच्छि एवं वयासी—जं नवरं पिउच्छा दोवईए देवीए कत्थइ सुइं वा जाव

लभामि तो णं अहं पायालाओ वा भवणाओ वा अद्धभरहाओ वा समंतओ दोवइं देविं साहत्थि उवणेमि त्तिकट्ठु कौंतीपिउच्छि सक्कारेइ सम्माणेइ जाव पडिविसज्जेइ । तए णं सा कौंती देवी कण्हेणं वासुदेवेणं पडिविसज्जिया समाणी जामेव दिसिं पाउब्भूया तामेव दिसिं पडिगया । तए णं से कण्हे वासुदेवे कोडुंबियपुरिसे सहावेइ २ एवं वयासी—गच्छह णं तुब्भे देवाणुप्पिया ! बारवइं नयरिं एवं जहा पंडू तहा घोसणं घोसावेइ जाव पच्चप्पिणंति पंडुस्स जहा । तए णं से कण्हे वासुदेवे अन्नया अंतोअंतेउरगए ओरोहे जाव विहरइ । इमं च णं कच्छुल्लए नारए जाव समोवइए जाव निसीइत्ता कण्हं वासुदेवं कुसलोदंतं पुच्छइ । तए णं से कण्हे वासुदेवे कच्छुल्लं नारयं एवं वयासी—तुमं णं देवाणुप्पिया ! बहूणि गामागर जाव अणुपाविससि । तं अत्थियाइं ते कहिंचि दोवइए देवीए सुई वा जाव उवलद्धा ! तए णं से कच्छुल्लए कण्हं वासुदेवं एवं वयासी—एवं खलु देवाणुप्पिया ! अन्नया कयाइं धायईसंडे दीवे पुरत्थिमद्धं दाहिणडुभरह-वासं अवरकंकारायहाणिं गए । तत्थ णं मए पउमनाभस्स रत्तो भवणांसि दोवई देवी जारिसिया दिट्ठपुव्वा यावि होत्था । तए णं कण्हे वासुदेवे कच्छुल्लं एवं वयासी—तुब्भं चेव णं देवाणुप्पिया ! ऐयं पुव्व-कम्मं । तए णं से कच्छुल्लनारए कण्हेणं वासुदेवेणं एवं वुत्ते समाणे उप्पयणिं विज्जं आवाहेइ २ जामेव दिसिं पाउब्भूए तामेव दिसिं पडि-गए । तए णं से कण्हे वासुदेवे दूयं सहावेइ २ एवं वयासी—गच्छह णं तुमं देवाणुप्पिया ! हत्थिणाउरं पंडुस्स रत्तो एयमद्धं निवेएहि—एवं खलु देवाणुप्पिया ! दोवई देवी धायईसंडदीवे पुरत्थिमद्धे अवरकंकाए रायहाणीए पउमनाभभवणांसि साहियां दोवईए देवीए पउत्ती उवलद्धा । तं गच्छंतु पंच पंडवा चाउरंगिणीए सेणाए सद्धिं संपरिवुड्डा पुरत्थिम-वेयालीए ममं पडिवालेमाणा चिट्ठंतु । तए णं से दूए जाव भणइ जाव पडिवालेमाणा चिट्ठह तेवि जाव चिट्ठंति । तए णं से कण्हे वासुदेवे कोडुंबियपुरिसे सहावेइ २ एवं वयासी—गच्छह णं तुब्भे देवाणुप्पिया !

सन्नाहियं भेरिं तालेह तेवि तालेंति । तए णं तीए सन्नाहियाए भेरीए सइं
 सोच्चा समुहविजयपामोक्खा दस दसारा जाव छप्पन्नं बलवगसाहस्सीओ
 सन्नद्धबद्ध जाव गहियाउहपहरणा अप्पेगइया ह्यगया अप्पेगइया गयगया
 जाव मणुस्सवग्गुरापरिक्खत्ता जेणेव सभा सुहम्मा जेणेव कण्हे वासुदेवे
 तेणेव उवागच्छंति २ करयल जाव वद्धावेंति । तए णं से कण्हे वासुदेवे
 हत्थिखंधवरगए सकोरेंटमल्लदामेणं छत्तेणं धरिज्जमाणेणं सेयवर ० ह्यगय
 महया भड्चडगरपहकरेणं बारवईए नयरीए मज्झमज्जेणं निगगच्छइ
 जेणेव पुरत्थिमवेयाली तेणेव उवागच्छइ २ पंचहिं पंडवेहिं सद्धिं एगयओ
 मिलाइ २ खंधावारनिवेसं करेइ २ पोसहसालं करेइ २ पोसहसालं अणु-
 प्पविसइ २ सुट्ठियं देवं मणसीकरेमाणे २ चिट्ठइ । तए णं कण्हस्स वासु-
 देवस्स अट्ठमभत्तंसि परिणममाणंसि सुट्ठिओ जाव आगओ [एवं वयइ—]
 भण देवाणुप्पिया ! जं मए कायव्वं । तए णं से कण्हे वासुदेवे सुट्ठियं एवं
 वयासी — एवं खलु देवाणुप्पिया ! दोवई देवी जाव पउमनाभस्स भवणंसि
 साहिया । तण्णं तुमं देवाणुप्पिया ! मम पंचहिं पंडवेहिं सद्धिं अप्पछट्ठस्स
 छण्हं रहाणं लवणसमुदे मग्गं वियराहि जां णं^७ अहं अव्वरकंकारायहाणिं
 दोवईए कूवं गच्छामि । तए णं से सुट्ठिए देवे कण्हं वासुदेवं एवं
 वयासी — किण्णं देवाणुप्पिया ! जहा चेव पउमनाभस्स रन्नो पुव्वसंगइएणं
 देवेणं दोवई जाव साहिया तहा चेव दोवइं देविं धायईसंडाओ दीवाओ
 भारहाओ जाव हत्थिणाउरं साहरामि उदाहु पउमनाभं रायं सपुरबल-
 वाहणं लवणसमुदे पक्खिवामि ? तए णं से कण्हे वासुदेवे सुट्ठियं देवं एवं
 वयासी — मा णं तुमं देवाणुप्पिया ! जाव साहराहि । तुमं णं देवाणुप्पिया !
 मम लवणसमुदे पंचहिं पंडवेहिं सद्धिं अप्पछट्ठस्स छण्हं रहाणं
 मग्गं वियराहि । सयमेव णं अहं दोवईए कूवं गच्छामि । तए णं
 से सुट्ठिए देवे कण्हं वासुदेवं एवं वयासी — एवं होउ णं । पंचहिं
 पंडवेहिं सद्धिं अप्पछट्ठस्स छण्हं रहाणं लवणसमुदे मग्गं वियरइ ।
 तए णं से कण्हे वासुदेवे चाउरंगिणिं सेणं पडिविसज्जेइ २ पंचहिं
 पंडवेहिं सद्धिं अप्पछट्ठे छाहिं रहेहिं लवणसमुदं मज्झमज्जेणं

वीईवयइ २ जेणेव अवरकंका रायहाणी जेणेव अवरकंकाए रायहाणीए
अगुज्जाणे तेणेव उवागच्छइ २ रहं ठावेइ २ दारुयं सारहिं सद्देवेइ २
एवं वयासी — गच्छह णं तुमं देवाणुप्पिया ! अवरकंकारायहाणिं अणु-
प्पविस्ताहि २ पउमनाभस्स रत्तो वामेणं पाएणं पायपीढं अवक्कमित्ता
कुंतगणेणं लेहं पणामेहि तिवलियं भिउडिं निडाले साहट्टु आसुरुत्ते रुढे
कुढे कुविए चंडिक्किए एवं वयासी — हं भो पउमनाभा ! अपत्थिय-
पत्थिया दुरंतपंतलक्खणा हीणपुण्णचाउद्दसा सिरिहिरिधिईपरिवज्जिया !
अज्ज न भवसि ! किन्नं तुमं न याणासि कण्हस्स वासुदेवस्स भगिणिं
दोवइं देविं इहं हव्वमाणेभाणं ? तं एयमवि गए पच्चप्पिणाहिं णं तुमं
दोवइं देविं कण्हस्स वासुदेवस्स अहव णं जुद्धसज्जे निग्गच्छाहि । एस
णं कण्हे वासुदेवे पंचहिं पंडवेहिं सद्धिं अप्पछट्ठे दोवईए देवीए कूवं
हव्वमागए । तए णं से दारूए सारही कण्हेणं वासुदेवेणं एवं वुत्ते समाणे
हट्टुट्ठे पडिसुणेइ २ अवरकंकां रायहाणिं अणुपविसइ २ जेणेव पउमनाभे
तेणेव उवागच्छइ २ करयल जाव वद्धावेत्ता एवं वयासी — एस णं
सामी ! मम विणयपडिवत्ती इमा अन्ना मम सामिस्स समुहाणत्ति
त्तिकट्टु आसुरुत्ते वामपाएणं पायपीढं अवक्कमइ २ कुंतगणेणं लेहं
पणामेइ जाव कूवं हव्वमागए । तए णं से पउमनाभे दारुएणं सारहिणा
एवं वुत्ते समाणे आसुरुत्ते तिवलिं भिउडिं निडाले साहट्टु एवं
वयासी — न अप्पिणामि णं अहं देवाणुप्पिया ! कण्हस्स वासुदेवस्स
दोवइं । एस णं अहं सयमेव जुद्धसज्जे निग्गच्छामि त्तिकट्टु दारुयं
सारहिं एवं वयासी — केवलं भो ! रायसत्थेसु दूए अवज्जे त्तिकट्टु
असक्कारियं असम्माणियं अवदारेणं निच्छुभावेइ । तए णं से दारुए
सारही पउमनाभेणं असक्कारियं जाव निच्छुढे समाणे जेणेव कण्हे वासुदेवे
तेणेव उवागच्छइ २ करयल जाव कण्हं एवं वयासी — एवं खलु अहं
सामी ! तुळभं वयजेणं जाव निच्छुभावेइ । तए णं से पउमनाभे बलवाउयं
सद्देवेइ २ एवं वयासी — खिप्पामेव भो देवाणुप्पिया ! आभिसेकं
हत्थिरवणं पडिकण्णेह । तयाणंतं च णं छेयायरियउवईसमइविकप्पणाहि

जाव उवणेंति । तए णं से पउमनाहे सन्नद्ध० अभिसेयं दुरुहइ २ ह्यगय जेणेव कण्हे वासुदेवे तेणेव पहारेत्थ गमणाए । तए णं से कण्हे वासुदेवे पउमनाभं रायाणं एज्जमाणं पासइ २ ते पंच पंडवे एवं वयासी — हं भो दारगा ! किन्नं तुब्भे पउमनाभेणं सद्धिं जुञ्झिहं उयाहु पिच्छहह ? तए णं ते पंचपंडवा कण्हं वासुदेवं एवं वयासी — अम्हे णं सामी ! जुञ्झामो तुब्भे पेच्छह । तए णं पंचपंडवा सन्नद्ध जाव पहरणा रहे दुरुहंति २ जेणेव पउमनाभे राया तेणेव उवागच्छंति २ एवं वयासी — अम्हे वा पउमनाभे वा राय त्तिकट्टु पउमनाभेणं सद्धिं संपलगा यावि होत्था । तए णं से पउमनाभे राया ते पंचपंडवे खिप्पामेव ह्यमहियपवरविवडियचिंधंधयपडागे जाव दिसोदिसिं पडिसेहेइ । तए णं ते पंचपंडवा पउमनाभेणं रत्ता ह्यमहियपवरविवडिय जाव पडिसेहिया समाणा अत्थामा जाव अधारणिज्जमित्तिकट्टु जेणेव कण्हे वासुदेवे तेणेव उवागच्छंति । तए णं से कण्हे वासुदेवे ते पंचपंडवे एवं वयासी — कहणं तुब्भे देवाणुप्पिया ! पउमनाभेणं रत्ता सद्धिं संपलगा ? तए णं ते पंचपंडवा कण्हं वासुदेवं एवं वयासी — एवं खलु देवाणुप्पिया ! अम्हे तुब्भेहिं अब्भणुत्ताया समाणा सन्नद्धा० रहे दुरुहामो २ जेणेव पउमनाभे जाव पडिसेहेइ । तए णं से कण्हे वासुदेवे ते पंचपंडवे एवं वयासी — जइ णं तुब्भे देवाणुप्पिया ! एवं वयंता — अम्हे नो पउमनाभे रायत्तिकट्टु पउमनाभेणं सद्धिं संपलगांता तो णं तुब्भे नो पउमनाभे ह्यमहियपवर जाव पडिसेहत्था । तं पेच्छह णं तुब्भे देवाणुप्पिया ! अहं नो पउमनाभे रायत्तिकट्टु पउमनाभेणं रत्ता सद्धिं जुञ्झामि रहं दुरुहइ २ जेणेव पउमनाभे राया तेणेव उवागच्छइ २ सेयं गोखीरहारधवलं तणंसोल्लियसिंदुवारकुंदेंदुसन्निगासं निययस्स बलस्स हरिसजणणं रिउसेन्नविणासकरं पंचजैन्नं संखं परामुसइ २ मुहवायपूरियं करेइ । तए णं तस्स पउमनाभस्स तेणं संखसहेणं बलतिभाए हए जाव पडिसेहिए । तए णं से कण्हे वासुदेवे धणुं परामुसइ वेढो धणुं पूरेइ २ धणुसइं करेइ । तए णं तस्स पउमनाभस्स दोषे बलतिभाए तेणं धणुसहेणं ह्यमहिय जाव पडिसेहिए ।

तए णं से पउमनाभे राया तिभागबलावसेसे अत्थामे अबले अवीरिए
 अपुरिसक्कारपरक्कमे अधारणिज्जमित्तिकट्टु सिग्घं तुरियं जेणेव
 अवरकंका तेणेव उवागच्छइ २ अवरकंकारायहाणिं अणुपविसइ २
 बाराइं पिहेइ २ रोहंसज्जे चिट्ठइ । तए णं से कण्हे वासुदेवे जेणेव
 अवरकंका तेणेव उवागच्छइ २ रहं ठावेइ २ रहाओ पच्चोरुहइ २
 वेउव्वियसमुग्घाएणं समोहण्णइ एगं महं नरसीहरूवं विउव्वइ २
 महया २ सहेणं पायदहरियं करेइ । तए णं कण्हेणं वासुदेवेणं महया २
 सहेणं पायदहरणं कैएणं समाणेणं अवरकंका रायहाणी संभग्गपागार-
 गोउराट्ठालयचरियतोरणपत्तहत्थियपवरभवणसिरिघरा सरसरस्स धरणि-
 यले सन्निवइया । तए णं से पउमनाभे राया अवरकंका रायहाणिं संभग्गं
 जाव पासित्ता भीए दोवइं देविं सरणं उवेइ । तए णं सा दोवइं
 देवी पउमनाभं रायं एवं वयासी - किन्नं तुमं देवाणुप्पिया ! जाणसि
 कण्हस्स वासुदेवस्स उत्तमपुरिसस्स विप्पियं करेमाणे ? तं एवमवि
 गए गच्छह णं तुमं देवाणुप्पिया ! ण्हाए कयबलिकम्मे उल्लपडसाडए
 ओचूलगवत्थनियत्थे अंतेउरपरियालसंपरिवुडे अग्गाइं वराइं रयणाइं
 गहाय ममं पुरओकाउं कण्हं वासुदेवं करयल जाव पायवडिए
 सरणं उवेहि । पणिबइयवच्छला णं देवाणुप्पिया ! उत्तमपुरिसा । तए
 णं से पउमनाभे दोवईए देवीए एयमट्ठं पडिसुणेइ २ ण्हाए जाव सरणं
 उवेइ २ करयल जाव एवं वयासी - दिट्ठा णं देवाणुप्पियाणं इड्डी जाव
 परक्कमे । तं खामेमि णं देवाणुप्पिया ! जाव खमंतु "णं जाव नाहं भुज्जो २
 एवंकरणयाए त्तिकट्टु पंजलिउडे पायवडिए कण्हस्स वासुदेवस्स दोवइं
 देविं साहत्थि उवणेइ । तए णं से कण्हे वासुदेवे पउमनाभं एवं वयासी-
 हं भो पउमनाभा ! अपत्थियपत्थिया ४ किन्नं तुमं जाणसि मम भगिणिं
 दोवइं देविं इह हव्वमाणमाणे ? तं एवमवि गए नत्थि ते ममाहितो
 इयाणि भयंमत्थि त्तिकट्टु पउमनाभं पडिविसज्जेइ दोवइं देविं गेण्हइ २
 रहं दुरुहेइ २ जेणेव पंच पंडवा तेणेव उवागच्छइ २ पंचण्हं पंडवाणं
 दोवइं देविं साहत्थि उवणेइ । तए णं से कण्हे पंचहिं पंडवेहिं सद्धिं

अप्पलट्ठे छहिं रहेहिं लवणसमुदं मज्झमज्झेणं जेणेव जंबुदीवे २ जेणेव भारहे वासे तेणेव पहारेत्थ गमणाए ।

(130) तेणं कालेणं २ धायइसंडे दीवे पुरत्थिमद्धे भारहे वासे चंपा नामं नयरी होत्था । पुण्णभदे चेइए । तत्थ णं चंपाए नयरीए कविले नामं वासुदेवे राया होत्था वण्णओ । तेणं कालेणं २ मुणिसुव्वए अरहा चंपाए पुण्णभदे समोसडे । कविले वासुदेवे धम्मं सुणेइ । तए णं से कविले वासुदेवे मुणिसुव्वयस्स अरहओ अंतिए धम्मं सुणेमाणे कण्हस्स वासुदेवस्स संखसदं सुणेइ । तए णं तस्स कविलस्स वासुदेवस्स इमेयारूवे अज्झत्थिए ४ समुप्पज्जित्था — किं मण्णे धायइसंडे दीवे भारहे वासे दोव्वे वासुदेवे समुप्पन्ने जस्स णं अयं संखसदे ममं पिव मुहवायपूरिए वियंभइ ? कविले वासुदेवा भद्दं इ मुणिसुव्वए अरहा कविलं वासुदेवं एवं वयासी — से नूणं कविला वासुदेवा ! ममं अंतिए धम्मं निसामेमाणस्स संखसदं आकिणित्ता इमेयारूवे अज्झत्थिए — किं मन्ने जाव वियंभइ । से नूणं कविला वासुदेवा ! अट्ठे समट्ठे ? हंता ! अत्थि । तं नो खलु कविला ! एवं भूयं वा भव्वं वा भविस्सं वा जन्नं एगखेत्ते एगजुगे एगससए णं दुवे अरहंता वा चक्कवट्ठी वा बलदेवा वा वासुदेवा वा उप्पज्जिसु वा उप्पज्जिति वा उप्पज्जिस्संति वा । एवं खलु वासुदेवा ! जंबुदीवाओ २ भारहाओ वासाओ हत्थिणाउराओ नयराओ पंडुस्स रत्तो सुण्हा पंचण्हं पंडवाणं भारिया दोव्वे देवी तव पउमनाभस्स रत्तो पुव्वसंगइएणं देवेणं अबरककं नयरिं साहरिया । तए णं से कण्हे वासुदेवे पंचहिं पंडवेहिं सद्धिं अप्पलट्ठे छहिं रहेहिं अबरककं रायहाणिं दोव्वे देवीए कूवं हव्वमागए । तए णं तस्स कण्हस्स वासुदेवस्स पउमनाभेणं रत्ता सद्धिं संगामं संगामेमाणस्स अयं संखसदे तव मुहवाया० इट्ठे इव वियंभइ । तए णं से कविले वासुदेवे मुणिसुव्वयं वंदइ नमंसइ २ एवं वयासी — गच्छामि णं अहं भंते ! कण्हं वासुदेवं उत्तमपुरिसं मम सरिसपुरिसं पासामि । तए णं मुणिसुव्वए अरहा कविलं वासुदेवं एवं वयासी — नो खलु देवाणुप्पिया ! एवं भूयं वा ३ जण्णं अरहंता वा अरहंतं पासंति

चक्कवट्ठी वा चक्कवट्ठिं पासंति बलदेवा वा बलदेवं पासंति वासुदेवा वा वासुदेवं पासंति । तहवि य णं तुमं कण्हस्स वासुदेवस्स लवणसमुदं मज्झमज्जेणं वीईवयमाणस्स सेयापीयाइं धयग्गाइं पासिहिसि । तए णं से कविले वासुदेवे मुणिसुव्वयं वंदइ नमंसइ २ हत्थिखंधं दुरुहइ २ सिग्घं तुरियं जेणेव वेलाकूले तेणेव उवागच्छइ २ कण्हस्स वासुदेवस्स लवणसमुदं मज्झमज्जेणं वीईवयमाणस्स सेयापीयाइं धयग्गाइं पासइ २ एवं वयइ - एस णं मम सरिसपुरिसे उत्तमपुरिसे कण्हे वासुदेवे लवण-समुदं मज्झमज्जेणं वीईवयइ त्तिकट्ठु पंचयन्नं संखं परामुसइ २ मुह-वायपूरियं करेइ । तए णं से कण्हे वासुदेवे कविलस्स वासुदेवस्स संखसइं आयणेइ २ पंचयन्नं जाव पूरियं करेइ । तए णं दोवि वासु-देवा संखसइसमायारिं करेति । तए णं से कविले वासुदेवे जेणेव अवरकंका तेणेव उवागच्छइ २ अवरकंका रायहाणिं संभग्गतोरणं जाव पासइ २ पउमनाभं एवं वयासी - किन्नं देवाणुप्पिया ! एसा अवरकंका संभग्ग जाव सन्निवडिया ? तए णं से पउमनाभे कविलं वासुदेवं एवं वयासी - एवं खलु सामी ! जंबुदीवाओ २ भारहाओ वासाओ इहं हव्वमागम्म कण्हेणं वासुदेवेणं तुब्भे परिभूय अवरकंका जाव सन्निवडिया । तए णं से कविले वासुदेवे पउमनाभस्स अंतिए एयमट्ठं सोच्चा पउम-नाभं एवं वयासी - हं भो पउमनाभा ! अपत्थियपत्थिया ५ ! किन्नं तुमं जाणसि मम सरिसपुरिस्स कण्हस्स वासुदेवस्स विप्पियं करेमाणे ? - आसुरुत्ते जाव पउमनाभं त्रिन्विसयं आणवेइ पउमनाभस्स पुत्तं अवर-कंकाए रायहाणीए महया २ रायाभिसेएणं अभिसिंचइ जाव पडिगए ।

(131) तए णं से कण्हे वासुदेवे लवणसमुदं मज्झमज्जेणं वीईवयइ ते पंचपंडवे एवं वयासी - गच्छह णं तुब्भे देवाणुप्पिया ! गंगं महानइं उत्तरह जाव ताव अहं सुट्ठियं लवणाहिवइं पासामि । तए णं ते पंच पंडवा कण्हेणं २ एवं वुत्ता समाणा जेणेव गंगा महानदी तेणेव उवा-गच्छंति २ एगाट्टियाए नावाए मग्गणगवेसणं करेति २ एगाट्टियाए नावाए गंगं महानइं उत्तरंति २ अन्नमन्नं एवं वयंति - पहु णं देवाणुप्पिया !

कण्हे वासुदेवे गंगं महानइं बाहाहिं उत्तरित्तए उदाहु नो पडू उत्तरित्तए
 त्तिकट्ठु एगट्ठियाओ णूमेति २ कण्हं वासुदेवं पडिवालेमाणा २ चिट्ठंति ।
 तए णं से कण्हे वासुदेवे सुट्ठियं लवणाहिवइं पासइ २ जेणेव गंगा
 महानइं तेणेव उवागच्छइ २ एगट्ठियाए सव्वओ समंता मग्गणगवेसणं
 करेइ २ एगट्ठियं अपासमाणे एगाए बाहाए रहं सतुरगं ससारहिं गेण्हइ
 एगाए बाहाए गंगं महानइं बासाट्ठिं जोयणाइं अद्धजोयणं च वित्थिण्णं
 उत्तरिउं पयत्ते यावि होत्था । तए णं से कण्हे वासुदेवे गंगाए महा-
 नइए बहुमज्झदेसभाए संपत्ते समाणे संते तंते परितंते बद्धसेए जाए
 यावि होत्था । तए णं तस्स कण्हस्स वासुदेवस्स इमेयारूवे अज्झत्थिए-
 अहो णं पंच पंडवा महाबलवगा जेहिं गंगामहानइं बावट्ठिं जोयणाइं
 अद्धजोयणं च वित्थिण्णा बाहाहिं उत्तिण्णा । इच्छंतएहिं णं पंचहिं
 पंडवेहिं पउमनाभे हयमहिय जाव नो पडिसेहिए । तए णं गंगादेवी
 कण्हस्स वासुदेवस्स इमं एयारूवं अज्झत्थियं जाव जाणित्ता थाहं वियरइ ।
 तए णं से कण्हे वासुदेवे मुहुत्तंतरं समासासेइ २ गंगं महानदिं बावट्ठिं जाव
 उत्तरइ २ जेणेव पंचपंडवा तेणेव उवागच्छइ पंच पंडवे एवं वयासी-
 अहो णं तुब्भे देवाणुप्पिया ! महाबलवगा जेहिं णं तुब्भेहिं गंगामहानइं
 बावट्ठिं जाव उत्तिण्णा । इच्छंतएहिं णं तुब्भेहिं पउमनाहे जाव नो
 पडिसेहिए । तए णं ते पंच पंडवा कण्हेणं वासुदेवेणं एवं वुत्ता समाणा
 कण्हं वासुदेवं एवं वयासी-एवं खलु देवाणुप्पिया ! अम्हे तुब्भेहिं
 विसज्जिया समाणा जेणेव गंगा महानइं तेणेव उवागच्छामो २ एगट्ठियाए
 मग्गणगवेसणं तं चेव जाव णूमेमो तुब्भे पडिवालेमाणा चिट्ठामो । तए
 णं से कण्हे वासुदेवे तेसिं पंचपंडवाणं अंतिए एयमट्ठं सोच्चा निसम्म
 आसुरुत्ते जाव तिवलियं एवं वयासी-अहो णं जया मए लवणसमुद्धं
 दुवे जोयणसयसहस्सवित्थिण्णं वीईवइत्ता पउमनाभं हयमहियं जाव
 पडिसेहित्ता अवरकंका संभग्गा दोवई साहत्थि उवणीया तथा णं तुब्भेहिं
 मम माहप्पं न विन्नायं इयाणि जाणिस्सह त्तिकट्ठु लोहदंडं परामुसइ
 पंचण्हं पंडवाणं रहे सूसूरेइ २ निव्विसए आणवेइ २ तत्थ णं रहमइणे

नामं कौट्टे निविट्ठे । तए णं से कण्हे वासुदेवे जेणेव सए खंधावारे तेणेव उवागच्छइ २ सएणं खंधावारेणं साद्धिं अभिसमन्नागए यावि होत्था । तए णं से कण्हे वासुदेवे जेणेव बारवई नयरी तेणेव उवागच्छइ २ अणुप्पविसइ ।

(132) तए णं ते पंचपंडवा जेणेव हत्थिणाउरे तेणेव उवागच्छंति २ जेणेव पंडू राया तेणेव उवागच्छंति २ करयल जाव एवं वयासी — एवं खलु ताओ ! अम्हे कण्हेणं निव्विसया आणत्ता । तए णं पंडूराया ते पंचपंडवे एवं वयासी — कहणं पुत्ता ! तुम्हे कण्हेणं वासुदेवेणं निव्विसया आणत्ता ? तए णं ते पंचपंडवा पंडुं रायं एवं वयासी — एवं खलु ताओ ! अम्हे अवरकंकाओ पड्डिनियत्ता लवणसमुहं दोन्नि जोयण-सयसहस्साइं वीईवइत्था । तए णं से कण्हे वासुदेवे अम्हे एवं वयइ — गच्छह णं तुम्हे देवाणुप्पिया ! गंगं महानइं उत्तरह जाव ताव अहं एवं तहेव जाव चिट्ठामो । तए णं से कण्हे वासुदेवे सुट्ठियं लवणाहिवइं दट्ठूण तं चेव सव्वं नवरं कण्हस्स चिंता न भुज्झइ जाव निव्विसए आणवेइ । तए णं से पंडूराया ते पंचपंडवे एवं वयासी — दुट्ठु णं तुमं पुत्ता ! कयं कण्हस्स वासुदेवस्स विप्पियं करेमाणेहिं । तए णं से पंडूराया कौंतिं देविं सइवेइ २ एवं वयासी — गच्छह णं तुमं देवाणुप्पिया ! बारवइं कण्हस्स वासुदेवस्स निवेएहि — एवं खलु देवाणुप्पिया ! तुमे पंचपंडवा निव्विसया आणत्ता । तुमं च णं देवाणुप्पिया ! दाहिणडुभरहस्स सामी । तं संदिसंतु णं देवाणुप्पिया ! ते पंचपंडवा कयरं देसं वा दिसिं वा गच्छंतु ? तए णं सा कौंती पंडुणा एवं वुत्ता समाणी हत्थिखंधं दुरूहइ जहा हेहा जाव संदिसंतु णं पिउच्छा ! किमागमणपओयणं । तए णं सा कौंती कण्हं वासुदेवं एवं वयासी — एवं खलु तुमे पुत्ता ! पंचपंडवा निव्विसया आणत्ता तुमं च णं दाहिणडुभरहस्स जाव दिसं वा गच्छंतु । तए णं से कण्हे वासुदेवे कौंतिं देविं एवं वयासी — अपूयवयणा णं पिउच्छा ! उत्तमपुरिसा वासुदेवा बलदेवा चक्खवट्ठी । तं गच्छंतु णं पंचपंडवा दाहिणिस्सवेयालिं तत्थ पंडमहुं निवेसंतु मम अदिट्ठसेवगा भवंतु त्तिकट्ठु कौंतिं देविं

सक्कारेइ सम्माणेइ जाव पडिविसज्जेइ । तए णं सा कौंती जाव पंडुस्स एयमट्ठं निवेएइ । तए णं पंडू राया पंच पंडवे सहावेइ २ एवं वयासी — गच्छह णं तुब्भे पुत्ता ! दाहिणिल्लं वेयालिं । तत्थ णं तुब्भे पंडुमहुरं निवेसेह । तए णं ते पंचपंडवा पंडुस्स रत्तो जाव तहत्ति पडिसुणेंति २ सबलवाहणा ह्यगया हत्थिणाउराओ पडिनिक्खमंति २ जेणेव दक्खिणिल्ले वेयाली तेणेव उवागच्छंति २ पंडुमहुरं नाम नगरं निवेसंति । तत्थावि णं ते विपुलभोगसमिइसमन्नागया यावि होत्था ।

(133) तए णं सा दोवई देवी अन्नया कयाइ आवन्नसत्ता जायावि होत्था । तए णं सा दोवई देवी नवण्हं मासाणं जाव सुरूवं दारगं पयाया सूमालं निव्वत्तबारसाहस्स इमं एयारूवं — जम्हा णं अम्हं एस दारए पंचण्हं पंडवाणं पुत्ते दोवईए देवीए अत्तए तं होऊ णं इमस्स दारगस्स नामधेज्जं पंडुसेणे त्ति । तए णं तस्स दारगस्स अस्मा-पियरो नामधेज्जं करेंति पंडुसेणत्ति । वावत्तरिं कलाओ जाव अलंभोग-समत्थे जाए जुवराया जाव विहरइ । थेरा समोसढा परिसा निग्गया । पंडवा निग्गया धम्मं सोच्चा एवं वयासी — जं नवरं देवाणुप्पिया ! दोवइं देविं आपुच्छामो पंडुसेणं च कुमारं रज्जे ठावेमो तओ पच्छा देवाणु-प्पियाणं अंतिए मुंडे भवित्ता जाव पव्वयामो । अद्दासुहं देवाणुप्पिया ! तए णं ते पंचपंडवा जेणेव सए गिहे तेणेव उवागच्छंति २ दोवइं देविं सहावेंति २ एवं वयासी — एवं खलु देवाणुप्पिए ! अम्हेहिं थेराणं अंतिए धम्मे निसंते जाव पव्वयामो । तुमं णं देवाणुप्पिए । किं करोसि ? तए णं सा दोवई ते पंचपंडवे एवं वयासी — जइ णं तुब्भे देवाणुप्पिया ! संसारभउव्विग्गा जाव पव्वयह मम के अन्ने आलंवे वा जाव भविस्सइ ? अहं पि य णं संसारभउव्विग्गा देवाणुप्पिएहिं सद्धिं पव्वइस्सामि । तए णं ते पंचपंडवा पंडुसेणस्स अभिसेओ जाव राया जाए जाव रज्जं पसाहेमाणे विहरइ । तए णं ते पंचपंडवा दोवई य देवी अन्नया कयाइ पंडुसेणं रायाणं आपुच्छंति । तए णं से पंडुसेणे राया कोडुंवियपुरिसे सहावेइ २ एवं वयासी — खिप्पामेव भो ! देवाणुप्पिया ! निक्खमणा-

भिसेयं जाव उवट्ठवेह पुरिससहस्सवाहिणीओ सिबियाओ उवट्ठवेह जाव पच्चोरुहंति जेणेव थेरा भगवंतो तेणेव उवागच्छंति जाव आलित्ते णं जाव समणा जाया चोदस्स पुव्वाइं अहिज्जंति २ बहूणि वासाणि छट्ठट्ठम-दसमदुवालसेहिं मासद्धमासखमणेहिं अप्पाणं भावेमाणा विहरंति ।

(134) तए णं सा दोवई देवी सीयाओ पच्चोरुहइ जाव पव्वइया सुव्वयाए अज्जाए सिस्सिणियत्ताए दलयइ एक्कारस अंगाइं अहिज्जइ बहूणि वासाणि छट्ठट्ठमदसमदुवालसेहिं जाव विहरइ ।

(135) तए णं थेरा भगवंतो अन्नया कयाइ पंडुमहुराओ नयरीओ सहसंबवणाओ उज्जाणाओ पडिनिक्खमंति २ बहिया जणवयविहारं विहरंति । तेणं कालेणं २ अरहा अरिट्ठनेमी जेणेव सुरट्ठाजणवए तेणेव उवागच्छइ २ सुरट्ठाजणवयंसि संजमेणं तवसा अप्पाणं भावेमाणे विहरइ । तए णं बहुजणो अन्नमन्नस्स एवमाइक्खइ ४ — एवं खलु देवाणुप्पिया ! अरहा अरिट्ठनेमी सुरट्ठाजणवए जाव विहरइ । तए णं ते जुहिट्ठिल्लपामोक्खा पंच अणगारा बहुजणस्स अंतिए एयमट्ठं सोच्चा अन्नमन्नं सहावेंति २ एवं वयासी — एवं खलु देवाणुप्पिया ! अरहा अरिट्ठनेमी पुव्वाणुपुव्वि जाव विहरइ । तं सेयं खलु अम्हं थेरा आपुच्छित्ता अरहं अरिट्ठनेमिं वंदण्णाए गमित्तए अन्नमन्नस्स एयमट्ठं पडिसुणेंति २ जेणेव थेरा भगवंतो तेणेव उवागच्छंति २ थेरे भगवंते वंदंति नमंसंति २ एवं वयासी — इच्छामो णं तुब्भेहिं अब्भणुन्नाया समाणा अरहं अरिट्ठनेमिं जाव गमित्तए । अहासुहं देवाणुप्पिया ! तए णं ते जुहिट्ठिल्लपामोक्खा पंच अणगारा थेरेहिं अब्भणुन्नाया समाणा थेरे भगवंते वंदंति नमंसंति २ थेराणं अंतियाओ पडिनिक्खमंति मासंमासेणं अणिक्खित्तेणं तत्रोकम्मेणं गामाणुगामं दूइज्जमाणा जाव जेणेव हत्थकप्पे तेणेव उवागच्छंति हत्थ-कप्पस्स बहिया सहसंबवणे उज्जाणे जाव विहरंति । तए णं ते जुहि-ट्ठिल्लवज्जा चत्तारि अणगारा मासक्खमणपारणए पढमाए पोरिसीए सज्झायं करेंति बीयाए एवं जहा गोयमसामी नवरं जुहिट्ठिल्लं आपुच्छंति जाव अडमाणा बहुजणसहं निसामेंति । एवं खलु देवाणुप्पिया ! अरहा

अरिट्टेनेमी उज्जंतसेलसिहरे मासिएणं भत्तेणं अपाणएणं पंचहिं छत्तीसेहिं अणगारसएहिं सद्धि कालगए जाव पहीणे । तए णं ते जुहिट्टिल्ल-
वज्जा चत्तारि अणगारा बहुजणस्स अंतिएं सोच्चा हत्थकप्पाओ पडि-
निक्खमंति २ जेणेव सहसंबवणे उज्जाणे जेणेव जुहिट्टिल्ले अणगारे
तेणेव उवागच्छंति २ भत्तपाणं पच्चक्खंति २ गमणागमणस्स पडिक्कमंति २
एसणमणेसणं आलोएंति २ भत्तपाणं पडिदंसेंति २ एवं वयासी-
एवं खलु देवाणुप्पिया जाव कालगए । तं सेयं खलु अम्हं देवाणुप्पिया !
इमं पुव्वगहिंयं भत्तपाणं परिट्टवेत्ता सेत्तुंञ्जं पव्वयं सणियं २ दुरुहित्तए
संलेहणाझूसणाझोसियाणं कालं अणवेक्खमाणाणं विहरित्तए त्तिकट्टु
अन्नमन्नस्स एयमट्ठं पडिसुणेंति २ तं पुव्वगहिंयं भत्तपाणं एगंते परि-
ट्टवेंति २ जेणेव सेत्तुंञ्जे पव्वए तेणेव उवागच्छंति २ सेत्तुंञ्जं पव्वयं
सणियं २ दुरुहंति जाव कालं अणवक्खमाणा विहरंति । तए णं ते
जुहिट्टिल्लपामोक्खा पंच अणगारा सामाइयमाइयाइं चोइसपुव्वाइं
अहिज्जंति बहूणि वासाणि दोमासियाए संलेहणाए अत्ताणं झोसेत्ता
जस्सट्ठाए कीरइ नग्गभावे जाव तमट्ठमाराहेंति २ अणंते जाव
केवलवरनाणदंसणे समुप्पन्ने जाव सिद्धा ।

(136) तए णं सा दोवई अज्जा सुव्वयाणं अज्जियाणं अंतिए
सामाइयमाइयाइं एक्कारस अंगाइं अहिज्जइ २ बहूणि वासाणि मासियाए
संलेहणाए आलोइयपडिक्कंता कालमासे कालं किच्चा वंभलोए उववन्ना ।
तत्थ णं अत्थेगइयाणं देवाणं दस सागरोवमाइं ठिई पन्नत्ता । तत्थ णं
दुवर्यस्स वि देवस्स दससागरोवमाइं ठिई पन्नत्ता । से णं भंते ! दुवए
देवे ताओ जाव महाविदेहे वासे जाव अंतं काहिइ ।

एवं खलु जंबू ! समणेणं भगवया महावीरेणं जाव संपत्तेणं
सोलसमस्स नायज्झयणस्स अयमट्ठे पन्नत्ते त्तिबेमि ।

॥ सत्तरसमं अज्झयणं ॥

(137) जइ णं भंते ! समणेणं० सोलसमस्स नायज्झयणस्स अय-
मट्ठे पन्नत्ते सत्तरसमस्स नायज्झयणस्स के अट्ठे पन्नत्ते ? एवं खलु जंबू !
तेणं कालेणं २ हत्थिसीसे नामं नयरे होत्था वण्णओ । तत्थ णं कणगकेऊ
नामं राया होत्था वण्णओ । तत्थ णं हत्थिसीसे नयरे बहवे संजुत्ता-
नावावाणियगा परिवसंति अट्ठा जाव बहुजणस्स अपरिभूया यावि होत्था !
तए णं तेसिं संजुत्तानावावाणियगाणं अन्नया कयाइ एगयओ जहा अरह-
न्नए जाव लवणसमुहं अणेगाइं जोयणसयाइं ओगाढा यावि होत्था । तए
णं तेसिं जाव बहूणि उप्पायसयाइं जहा माकंदियदारगाणं जाव कालियबाए
य तत्थ संमुच्छिंए । तए णं सा नावा तेणं कालियबाएणं आरुणिज्ज-
माणी २ संचालिज्जमाणी २ संखोहिज्जमाणी २ तत्थेव परिभमइ । तए
णं से निज्जामए नट्ठमईए नट्ठसुईए नट्ठसन्ने मूढदिसाभाए जाए यावि
होत्था न जाणइ कयरं दिसं वा विदिसं वा पोयवहणे अवहिंए त्तिकट्ठु
ओहयमणसंकप्पे जाव झियायइ । तए णं ते बहवे कुच्छिधारा य कण-
धारा य गम्भेर्लगा य संजुत्तानावावाणियगा य जेणेव से निज्जामए
तेणेव उवागच्छंति २ एवं वयासी — किन्नं तुमं देवाणुप्पिया ! ओहय
मणसंकप्पे झियायसि ? तए णं से निज्जामए ते बहवे कुच्छिधारा य ४
एवं वयासी — एवं खलु अहं देवाणुप्पिया ! नट्ठमईए जाव अवहिंए-
त्तिकट्ठु तओ ओहयमणसंकप्पे । तए णं ते कणधारा य ४ तस्स
निज्जामयस्संति एयमट्ठं सोच्चा निसम्म भीया ४ ण्हाया कयवलिकम्मा
करयल जाव बहूणं इंदाण य खंधाण य जहा मल्लिनाए जाव उवायमाणा २
चिट्ठंति । तए णं से निज्जामए तओ मुहुत्तंतरस्स लद्धमईए ३ अमूढ-
दिसाभाए जाए यावि होत्था । तए णं से निज्जामए ते बहवे कुच्छि-
धारा य ४ एवं वयासी — एवं खलु अहं देवाणुप्पिया ! लद्धमईए जाव
अमूढदिसाभाए जाए । अम्हे णं देवाणुप्पिया ! कालियदीवतेणं संछूढा ।
एस णं कालियदीवे आलोकेइ । तए णं ते कुच्छिधारा य ४ तस्स
निज्जामगस्स अंतिए एयमट्ठं सोच्चा हट्ठुट्ठा पयक्खिणणुकूलेणं बाएणं

जेणेव कालियदीवे तेणेव उवागच्छंति २ पोयवहणं लंबेति २ एगट्टियाहिं कालियदीवं उत्तरंति । तत्थ णं बहवे हिरण्णागरे य सुवण्णागरे य रयणागरे य वइरागरे य बहवे तत्थ आसे पासंति किं ते ? हरिरेणुसोणिसुत्तग आइण्णवेदो । तए णं ते आसाओ वाणियए पासंति तेसिं गंधं आघायंति भीया तत्था उव्विग्गा उव्विग्गमणा तओ अणेगाइं जोयणाइं उव्वमंति । ते^१ णं तत्थ पउरगोयरा पउरतणपाणिया निव्वभया निरुव्विग्गा सुहंसुहेणं विहरंति । तए णं ते संजुत्तानावावाणियगा अन्नमन्नं एवं वयासी — किन्नं अम्हं देवाणुप्पिया ! आसेहिं ? इमे णं बहवे हिरण्णागरा य सुवण्णागरा य रयणागरा य वयरागरा य । तं सेयं खलु अम्हं हिरण्णस्स य सुवण्णस्स य रयणस्स य वयरस्स य पोयवहणं भरित्तए त्तिकट्ठु अन्नमन्नस्स एयमट्ठं पडिसुणेति २ हिरण्णस्स य सुवण्णस्स य रयणस्स य वयरस्स य तणस्स य कट्ठस्स य अन्नस्स य पाणियस्स य पोयवहणं भरेति २ दक्खिणाणुकूलेणं वाएणं जेणेव गंभीरपोयपट्टणे तेणेव उवागच्छंति २ पोयवहणं लंबेति २ सगडीसागडं सज्जेति २ तं हिरण्णं जाव वइरं च एगट्टियाहिं पोयवहणाओ संचारंति २ सगडीसागडं संजोएंति जेणेव हत्थिसीसे नयरे तेणेव उवागच्छंति २ हत्थिसीसयस्स नयरस्स बहिया अग्गुज्जाणे सत्थनिवेसं करंति २ सगडीसागडं मोएंति २ महत्थं जाव पाहुडं गेण्हंति २ हत्थिसीसं च नयरं अणुप्पविसंति २ जेणेव से कणगकेऊ तेणेव उवागच्छंति २ जाव उव्वेति । तए णं से कणगकेऊ तेसिं संजुत्तावाणियगाणं तं महत्थं जाव पडिच्छइ २ ते संजुत्तावाणियगा एवं वयासी — तुब्भे णं देवाणुप्पिया ! गामागर जाव आहिंडह लवणसमुहं च अभिक्खणं २ पोयवहणेणं ओगाहेह । तं अत्थियाइ त्थं केइ भे^२ कहिंचि^३ अच्छेरए दिट्ठुपुंवे ? तए णं ते संजुत्तावाणियगा कणगकेऊ एवं वयासी — एवं खलु अमहे देवाणुप्पिया ! इहेव हत्थिसीसे नयरे परिवसामो तं चेव जाव कालियदीवंतेणं संछ्छंढा । तत्थ णं बहवे हिरण्णागरा य जाव बहवे तत्थ आसे । किं ते ? हरिरेणु जाव अणेगाइं जोयणाइं उव्वमंति । तए णं सामी ! अमहेहिं कालियदीवे

ते आसा अच्छेरए दिट्ठपुव्वे । तए णं से कणगकेऊ तेसिं संजुत्ताणं
 अंतिए एयमट्ठं सोच्चा ते संजुत्तए एवं वयासी - गच्छह णं तुब्भे
 देवाणुप्पिया ! मम कोडुंबियपुरिसेहिं सद्धिं कालियदीवाओ ते आसे
 आणेह । तए णं ते संजुत्तावाणियगा कणगकेऊ एवं वयासी - एवं सामि त्ति
 आणाए विणएणं वयणं पडिसुणेंति । तए णं से कणगकेऊ कोडुंबियपुरिसे
 सद्दावेइ २ एवं वयासी - गच्छह णं तुब्भे देवाणुप्पिया ! संजुत्तएहिं
 नावावाणियएहिं सद्धिं कालियदीवाओ मम आसे आणेह । तेवि
 पडिसुणेंति । तए णं ते कोडुंबिया सगडीसागडं सज्जेति २ तत्थ णं बहूणं
 वीणाण य वल्लकीण य भामरीण य कच्छभीण य भंभाण य छब्भामरीण य
 विचित्तवीणाण य अन्नेसिं च बहूणं सोयंदियपाउग्गाणं दव्वाणं सगडी-
 सागडं भरेति २ बहूणं किण्हाण य जाव सुक्किलाण य कट्टकम्माण य ४
 गंधिमाण य ४ जाव संचाइमाण य अन्नेसिं च बहूणं चर्क्खिदियपाउग्गाणं
 दव्वाणं सगडीसागडं भरेति २ बहूणं कोट्टपुडाण य केयइपुडाण य जाव
 अन्नेसिं च बहूणं घाणिंदियपाउग्गाणं दव्वाणं सगडीसागडं भरेति २ बहुस्स
 खंडस्स य गुलस्स य सक्कराए य मच्छंडियाए य पुप्फुत्तरपउमुत्तर०
 अन्नेसिं च जिब्भिंदियपाउग्गाणं दव्वाणं सगडीसागडं भरेति २ अन्नेसिं
 च बहूणं कोयवाण य कंबलाण य पावाराण य नवतयाण य मलयाण य
 मसूराण य सिलावट्टाण य जाव हंसगब्भाण य अन्नेसिं च फासिंदिय-
 पाउग्गाणं दव्वाणं सगडीसागडं भरेति २ सगडीसागडं जोयंति २ जेणेव
 गंभीरए पोयट्ठण्णे तेणेव उवागच्छंति सगडीसागडं मोयंति २ पोयवहणं
 सज्जेति २ तेसिं उक्किट्ठाणं सहफरिसरसरूवगंधाणं कट्टस्स य तणस्स य
 पाणियस्स य तंदुलाण य समियस्स य गोरसस्स य जाव अन्नेसिं च बहूणं
 पोयवहणपाउग्गाणं पोयवहणं भरेति २ दक्खिणाणुकूलेणं वाएणं जेणेव
 कालियदीवे तेणेव उवागच्छंति २ पोयवहणं लंबेंति २ ताइं उक्किट्ठाइं
 सहफरिसरसरूवगंधाइं एगट्ठियाहिं कालियदीवं उत्तारेंति २ जहिं जहिं
 च णं ते आसा आसयंति वा सयंति वा चिट्ठंति वा तुय्यंठंति वा तहिं तहिं
 च णं ते कोडुंबियपुरिसा ताओ वीणाओ य जाव चित्तवीणाओ य

अन्नाणि बहूणि सोयंदियपाउग्गाणि य दब्बाणि समुदीरेमाणा ठवेंति तेसिं च परिपेरंतेणं पासे ठवेंति निच्चला निप्फंदा तुसिणीया चिट्ठंति । जत्थ जत्थ ते आसा आसयंति वा जाव तुंयट्ठंति वा तत्थ तत्थ णं ते कोडुंबिया बहूणि किण्हाणि य कट्टकम्माणि य जाव संघाइमाणि य अन्नाणि य बहूणि चक्खिंदियपाउग्गाणि य दब्बाणि ठवेंति तेसिं परिपेरंतेणं पासए ठवेंति २ निच्चला निप्फंदा तुसिणीया चिट्ठंति । जत्थ जत्थ ते आसा आसयंति तत्थ तत्थ ते णं तेसिं बहूणं कोट्टपुडाण य अन्नेसिं च घाणिंदियपाउग्गाणं दब्बाणं पुंजे य नियरे य करेति २ तेसिं परिपेरंते तत्थ तत्थ चिट्ठंति । जत्थ जत्थ णं ते आसा आसयंति ४ तत्थ तत्थ गुल्लस्स जाव अन्नेसिं च बहूणं जिब्भिंदियपाउग्गाणं दब्बाणं पुंजे य नियरे य करेति २ बियरए खणंति २ गुलपाणगस्स खंडपाणगस्स पौरपाणगस्स अन्नेसिं च बहूणं पाणगाणं बियरए भरेंति २ तेसिं परिपेरंतेणं पासए ठवेंति जाव चिट्ठंति । जहिं जहिं च णं ते आसा तहिं तहिं च ते बह्वे कोयवया जाव सिलावट्ठया अन्नाणि य फासिंदियपाउग्गाइं अत्थुयपच्चत्थुयाइं ठवेंति २ तेसिं परिपेरंतेणं जाव चिट्ठंति । तए णं ते आसा जेणेव ते उक्किट्ठा सहफरिसरसरूवगंधा तेणेव उवागच्छंति । तत्थ णं अत्थेगइया आसा अपुठ्ठा णं इमे सहफरिसरसरूवगंधा तिकट्ठु तेसु उक्किट्ठेसु सहफरिसरसरूवगंधेसु अमुच्छिया ४ तेसिं उक्किट्ठाणं सह जाव गंधाणं दूरंदूरेणं अवक्कमंति २ ते णं तत्थ पउरगोय्यंरा पउरतणपाणिया निब्भया निरुव्विग्गा सुहंसुहेणं विहरंति । एवामेव समणाउसो ! जो अम्हं निगंगथो वा निगंगथी वा सहफरिस जाव नो सज्जइ से णं इहलोए चेव बहूणं समणाणं ४ अच्चाणिज्जे जाव वीईवइस्सइ ।

(188) तत्थ णं अत्थेगइया आसा जेणेव उक्किट्ठा सहफरिसरसरूवगंधा तेणेव उवागच्छंति २ तेसु उक्किट्ठेसु सहेसु ५ मुच्छिया जाव अज्झोववन्ना आसेविउं पयत्ता यावि होत्था । तए णं ते आसा ते उक्किट्ठे सहे ५ आसेवमाणा तेहिं बहूहिं कूडेहि य पासेहि य गलएसु य पाएसु य बज्झंति । तए णं ते कोडुंबिया ते आसे गिण्हंति २ एगट्ठियाहिं

पोयवहणे संचारेंति २ तणस्स य कट्ठस्स य जाव भरेंति । तए णं ते संजुत्ता दक्खिणाणुकूलेणं वाएणं जेणेव गंभीरए पोयपट्टणे तेणेव उवा-
गच्छंति २ पोयवहणं लंबेंति २ ते आसे उत्तारेंति २ जेणेव हत्थिसीसे नयरे जेणेव कणगकेऊ राया तेणेव उवागच्छंति २ करयल जाव वद्धा-
वेंति ते आसे उवणेंति । तए णं से कणगकेऊ तेसिं संजुत्तावाणियगाणं उस्सुक्कं वियरइ २ सक्कारेइ संमाणेइ २ पडिविसज्जेइ । तए णं से कणग-
केऊ कोडुंबियपुरिसे सहावेइ २ सक्कारेइ संमाणेइ २ पडिविसज्जेइ । तए णं से कणगकेऊ राया आसमइए सहावेइ २ एवं वयासी — तुब्भे
णं देवाणुप्पिया ! मम आसे विणएह । तए णं ते आसमइगा तहत्ति पडिसुणेंति २ ते आसे बहूहिं मुहबंधेहि य कण्णबंधेहि य नासाबंधेहि
य बालबंधेहि य खुरबंधेहि य कडगबंधेहि य खल्लिणबंधेहि य अहिल्लण-
बंधेहि य पडियाणेहि य अंकणाहि यं वित्तप्पहारेहि य लयप्पहारेहि य कसप्पहारेहि य छिवप्पहारेहि य विणयंति कणगकेउस्स रत्तो उवणेंति ।
तए णं से कणगकेऊ ते आसमइए सक्कारेइ २ पडिविसज्जेइ । तए णं ते आसा बहूहिं मुहबंधेहि य जाव छिर्वापहारेहि य बहूणि सारीरमाणसाइं
दुक्खाइं पावेंति । एवामेव समणाउसो ! जो अम्हं निग्गंथो वा निग्गंथी वा पण्वइए समाणे इट्ठेसु सहफरिसरसरूवगंधेसु सज्जइ रज्जइ गिज्जइ
मुज्जइ अज्जोबवज्जइ से णं इहलोए चेव बहूणं समणाणं बहूणं समणीणं जाव सावियाणं हीलणिज्जे जाव अणुपरियंइइ ।

(गाहा):— कलरिभियमहुरतंतीतलतालवंसकउंहाभिरामेसु । सहेसु रज्जमाणा रमंति सोइंदियवसट्ठा ॥१॥ सोइंदियदुइंतत्तणस्स अह एत्तिओ हवइ दोसो । दीविगरुयमसहंतो वहवंधं तित्तिरो पत्तो ॥२॥ थणजहण-
वयणकरचरणनयणगव्वियविलासियगएसु । रूवेसु रज्जमाणा रमंति चक्खिंदियवसट्ठा ॥३॥ चक्खिंदियदुइंतत्तणस्स अह एत्तिओ हवइ दोसो । जं जलणंमि जलंते पडइ पयंगो अबुद्धीओ ॥४॥ अगरुवर-
पवरधूवणउंउयमझाणुलेवणविहीसु । गंधेसु रज्जमाणा रमंति घाणिंदिय-
वसट्ठा ॥५॥ घाणिंदियदुइंतत्तणस्स अह एत्तिओ हवइ दोसो । जं ओसहि-

गंधेणं बिलाओ निद्धावई उरगो ॥६॥ तित्तकडुयं कसायं अंबिरं महुरं
 बहुखज्जेपेज्जेस्सेसु । आसायंमि उ गिद्धा रमंति जिब्भदियवसट्ठा ॥७॥
 जिब्भदियदुहंतत्तणस्स अह एत्तिओ हवइ दोसो । जं गललग्गुक्खित्तो
 फुरइ थलविरेल्लिओ मच्छो ॥८॥ उउभयमाणसुहेहि^४ य सविभवहियय-
 मणनिव्वुइकरेहि^५ । फासेसु रज्जमाणा रमंति फासिंदियवसट्ठा ॥९॥
 फासिंदियदुहंतत्तणस्स अह एत्तिओ हवइ दोसो । जं खणइ मत्थयं
 कुंजरस्स लोहंकुसो तिक्खो ॥१०॥ कलरिभियमहुरतंतीतलतालवंस-
 कउहाभिरामेसु । सहेसु जे न गिद्धा वसट्ठमरणं न ते मरण ॥११॥
 थणजहणवयणकरचरणनयणगव्वियविलासियगईसु । रूवेसु जे न रत्ता
 वसट्ठमरणं न ते मरण ॥१२॥ अगरुवरपवरधूवणउउयमल्लणुलेवण-
 विहीसु । गंधेसु जे न गिद्धा वसट्ठमरणं न ते मरण ॥१३॥ तित्तकडुयं
 कसायं महुरं बहुखज्जेपेज्जेस्सेसु । आसायंमि न गिद्धा वसट्ठमरणं न
 ते मरण ॥१४॥ उउभयमाणसुहेसु य सविभवहिययमणनिव्वुइकरेसु ।
 फासेसु जे न गिद्धा वसट्ठमरणं न ते मरण ॥१५॥ सहेसु य भइय-
 पावएसु सोयविसयं उवागएसु । तुट्ठेण व रुट्ठेण व समणेण सया न
 होयव्वं ॥१६॥ रूवेसु य भइयपावएसु चक्खुविसयं उवागएसु । तुट्ठेण
 व रुट्ठेण व समणेण सया न होयव्वं ॥१७॥ गंधेसु य भइयपावएसु
 घाणविसयमुवागएसु । तुट्ठेण व रुट्ठेण व समणेण सया न होयव्वं ॥१८॥
 रसेसु य भइयपावएसु जिब्भविसयमुवागएसु । तुट्ठेण व रुट्ठेण
 व समणेण सया न होयव्वं ॥१९॥ फासेसु य भइयपावएसु काय-
 विसयमुवागएसु । तुट्ठेण व रुट्ठेण व समणेण सया न होयव्वं ॥२०॥

एवं खलु जंबू ! समणेणं भगवया महावीरेणं जाव संपत्तेणं
 सत्तरसमस्स नायज्झयणस्स अयमट्ठे पन्नत्ते त्तिवेमि ।

॥ अट्टारसमं अञ्जयणं ॥

(139) जइ णं भंते ! समणेणं० सत्तरसमस्स अयमट्ठे पन्नत्ते अट्टारसमस्स के अट्ठे पन्नत्ते ? एवं खलु जंबू ! तेणं कालेणं २ राय-
गिहे नामं नयरे होत्था वण्णओ । तत्थ णं धणे नामं सत्थवाहे होत्था
भद्दा भारिया । तस्स णं धणस्स सत्थवाहस्स पुत्ता भद्दाए अत्तया पंच
सत्थवाहदारगा होत्था तंजहा — धणे धणपाले धणदेवे धणगोवे धण-
रक्खिए । तस्स णं धणस्स सत्थवाहस्स धूया भद्दाए अत्तया पंचण्हं पुत्ताणं
अणुमग्गजाइया सुंसुमा नामं दारिया होत्था सूमालपाणिपाया । तस्स णं
धणस्स सत्थवाहस्स चिलाए नामं दासचेडे होत्था अहीणपंचिदियसरीरे
मंसोवचिए बालकीलावणकुसले यावि होत्था । तए णं से दासचेडे सुंसुमाए
दारियाए बालग्गाहे जाए यावि होत्था सुंसुमं दारियं कडीए गिण्हइ २
बहूहिं दारएहि य दारियाहि य डिंभएहि य डिंभियाहि य कुमारएहि य
कुमारियाहि य साद्धिं अभिरममाणे २ विहरइ । तए णं से चिलाए
दासचेडे तेसिं बहूणं दारयाण य ६ अप्पेगइयाणं खुल्लए अवहरइ एवं वट्टए
आंडोलियाओ तिंदूसए पोत्तुल्लए सांडोल्लए । अप्पेगइयाणं आभरणमल्ला-
लंकारं अवहरइ अप्पेगइए आउसइ एवं अवहसइ निच्छोडेइ निब्भच्छेइ
तज्जेइ अप्पेगइए तालेइ । तए णं ते बहवे दारगा य ६ रोयमाणा य ५
साणं साणं अम्मापिऊणं निवेदेंति । तए णं तेसिं बहूणं दारगाण य ६
अम्मापियरो जेणेव धणे सत्थवाहे तेणेव उवागच्छंति २ धणं २ बहूहिं
खिज्जणिथाहि य रुंटणाहि य उपालंभणाहि य खिज्जमाणा य रुंटमाणा य
उवालंभमाणा य धणस्स २ एयमट्ठं निवेदेंति । तए णं से धणे २ चिलायं
दासचेडं एयमट्ठं भुज्जो भुज्जो निवारेइ नो चेव णं चिलाए दासचेडे उव-
रमइ । तए णं से चिलाए दासचेडे तेसिं बहूणं दारगाण य ६ अप्पे-
गइयाणं खुल्लए अवहरइ जाव तालेइ । तए णं ते बहवे दारगा य ६ रोय-
माणा य जाव अम्मापिऊणं निवेदेंति । तए णं ते आसुरुत्ता ५ जेणेव
धणे २ (तेणेव उवागच्छंति) २ बहूहिं खिज्जणाहि जाव एयमट्ठं निवेदेंति ।
तए णं से धणे २ बहूणं दारगाणं ६ अम्मापिऊणं अंतिए एयमट्ठं सोष्वा

आसुरुत्ते चिलायं दासचेडं उच्चावयाहिं आउसणाहिं आउसइ उद्धंसइ
निब्भिच्छेइ निच्छोडेइ तज्जेइ उच्चावयाहिं तालणाहिं तालेइ साओ गिहाओ
निच्छुभइ ।

(140) तए णं से चिलाए दासचेडे साओ गिहाओ निच्छूडे
समाणे रायगिहे नयरे सिंघाडग जाव पहेसु देवकुलेसु य सभासु य
पवासु य जूयखलएसु य वेसाघरएसु य पाणघरएसु य सुहंसहेणं
परिवड्डइ । तए णं से चिलाए दासचेडे अणोहट्टिए अणिवारिए
सच्छंदमई सहरप्पयारी मज्जप्पसंगी चोज्जप्पसंगी जूयप्पसंगी
वेसप्पसंगी परदारप्पसंगी जाए यावि होत्था । तए णं रायगिहस्स
नयरस्स अदूरसामंते दाहिणपुरत्थिमे दिसीभाए सीहगुहा नामं चोर-
पल्ली होत्था विसमगिरिकडगकोलंबसन्निविद्धा वंसीकलंकपागारपरि-
क्खित्ता छिन्नसेलविसमप्पवीयफरिहोवगूढा एगदुवारा अणेगखंडी
विदितजणनिग्गमप्पवेसा अट्ठिभतरपाणिया सुदुल्लभजलपेरंता सुबहुस्सवि
कूवियबलस्स आगयस्स दुप्पहंसा यावि होत्था । तत्थ णं सीहगुहाए
चोरपल्लीए विजए नामं चोरसेणावई परिवसइ अहम्मिए जाव अहम्म-
केऊ समुट्टिए बहुनगरनिग्गयजसे सूरे २ दढप्पहारी साहसिए सहवेही ।
से णं तत्थ सीहगुहाए चोरपल्लीए पंचणहं चोरसयाणं आहेवच्चं जाव
विहरइ । तए णं से विजए तक्करे सेणावई बहूणं चोराण य पारदारियाण
य गंठिभेयगाण य संधिच्छेयगाण य खत्तखणगाण य रायावगारीण
य अणधारगाण य बालघायगाण य वीसंभघायगाण य जूयकाराण
य खंडरक्खाण य अन्नेसिं च बहूणं छिन्नभिन्नबाहिराहयाणं कुंडंगे यावि
होत्था । तए णं से विजए चोरसेणावई रायगिहस्स दाहिणपुरत्थिमं
जणवयं बहूहिं गामघाएहि य नगरघाएहि य गोगहणेहि य बंदिग्गहणेहि
य पंथकुट्टणेहि य खत्तखणणेहि य उवीलेमाणे २ विद्धंसमाणे २
नित्थीणं निद्धणं करमाणे विहरइ । तए णं से चिलाए दासचेडे राय-
गिहे बहूहिं अत्थाभिसंकीहि य चोज्जाभिसंकीहि य दाराभिसंकीहि य
धणएहि य जूयकरेहि य परब्भवंमाणे २ रायगिहाओ नगराओ

निग्गच्छइ २ जेणेव सीहगुहा चोरपल्ली तेणेव उवागच्छइ २ विजयं चोरसेणावई उवसंपज्जित्ताणं विहरइ । तए णं से चिलाए दासचेडे विजयस्स चोरसेणावइस्स अग्गे असिलट्टिग्गाहे जाए यावि होत्था । जाहे वि य णं से विजए चोरसेणावई गामघायं वा जाव पंथकोट्ठिं वा काउं वच्चइ ताहे वि य णं से चिलाए दासचेडे सुवहुं पि कूवियवलं हय-महिय जाव पडिसेहेइ २ पुणरवि लद्धट्ठे कयकज्जे अणहसमग्गे सीह-गुहं चोरपल्लिं हव्वमागच्छइ । तए णं से विजए चोरसेणावई चिलायं तक्करं बहूओ चोरविज्जाओ य चोरमंते य चोरमायाओ य चोरनिगडीओ य सिक्खावेइ । तए णं से विजए चोरसेणावई अन्नया कयाइ काल-धम्मणा संजुत्ते यावि होत्था । तए णं ताई पंचचोरसयाइं विजयस्स चोरसेणावइस्स महया २ इड्ढीसक्कारसमुदएणं नीहरणं करेति २ बहूइं लोइयाइं मयकिच्चाइं करेति २ जाव विगयसोया जाया यावि होत्था । तए णं ताई पंचचोरसयाइं अन्नमन्नं सहावेति २ एवं वयासी - एवं खलु अम्हं देवाणुप्पिया ! विजए चोरसेणावई कालधम्मणा संजुत्ते । अयं च णं चिलाए तक्करे विजएणं चोरसेणावइणा बहूओ चोरविज्जाओ य जाव सिक्खाविए । तं सेयं खलु अम्हं देवाणुप्पिया ! चिलायं तक्करं सीहगुहाए चोरपल्लीए चोरसेणावइत्ताए अभिसिंचित्तए त्तिकट्ठु अन्नमन्नस्स एयमट्ठं पडिसुणेति २ चिलायं सीहगुहाए चोरपल्लीए चोरसेणावइत्ताए अभि-सिंचंति । तए णं से चिलाए चोरसेणावई जाए अहम्मिए जाव विहरइ । तए णं से चिलाए चोरसेणावई चोरनायगे जाव कुडंगे यावि होत्था । से णं तत्थं सीहगुहाए चोरपल्लीए पंचण्हं चोरसयाण य एवं जहा विजओ तहेव सव्वं जाव रायगिहस्स नयरस्स दाहिणपुरात्थिमिल्लं जणवयं जाव नित्थाणं निद्वणं करेमाणे विहरइ ।

(141) तए णं से चिलाए चोरसेणावई अन्नया कयाइ विपुलं असणं ४ उवक्खडावेइ २ ते पंच चोरसए आमंतेइ तओ पक्खा ण्हाए कयबलिकम्मे भोयणमंडवंसि तेहिं पंचहिं चोरसएहिं सैद्धिं विपुलं असणं ४ सुरं च जाव पसन्नं च आसाएमाणे ४ विहरइ जिमियभुत्तुत्तरागए

ते पंच चोरसए विपुलेणं धूवपुप्फगंधमल्लालंकारेणं सक्कारेइ सम्माणेइ २ एवं वयासी - एवं खलु देवाणुप्पिया ! रायगिहे नयरे धणे नामं सत्थवाहे अडे० । तस्स णं धूया भहाए अत्तया पंचण्हं पुत्ताणं अणुमग्गजाइया सुंसुमा नामं दारिया होत्था अहीणा जाव सुरूवा । तं गच्छामो णं देवाणुप्पिया ! धणस्स सत्थवाहस्स गिहं विलुंपामो । तुब्भं विपुले धण-
 कणग जाव सिलप्पवाले ममं सुंसुमा दारिया । तए णं ते पंच चोरसया चिलायस्स पडिसुणेंति । तए णं से चिलाए चोरसेणावई तेहिं पंचहिं चोरसएहिं सद्धिं अल्लचम्मं दुरूहइ २ पच्चौरण्हकालसमयांसि पंचहिं चोरसएहिं सद्धिं सन्नद्ध जाव गहियाउहपहरणा माइयगोमुहिफलएहिं निक्किट्ठाहिं असिलट्ठीहिं असंगएहिं तोणेहिं सज्जीवेहिं धणूहिं समुक्खित्तेहिं सरेहिं समुल्लालियाहिं दीहाहिं ओसारियाहिं उरुघंटियाहिं छिर्प-
 तूरेहिं वज्जमाणेहिं महया २ उक्किट्ठसीहनाय जाव समुइरवभूयं पिव करेमाणां सीहगुहाओ चोरपल्लीओ पडिनिक्खमंति २ जेणेव रायगिहे नयरे तेणेव उवागच्छंति २ रायगिहस्स अदूरसामंते एगं महं गीहणं अणुप्पविसंति २ दिवमं खवेमाणा चिट्ठंति । तए णं से चिलाए चोर-
 सेणावई अद्वरत्तकालसमयांसि निसंतपडिनिसंतंसि पंचहिं चोरसएहिं सद्धिं माइयगोमुहिएहिं फलएहिं जाव मूइयाहिं उरुघंटियाहिं जेणेव रायगिहे नयरे पुरत्थिमिल्ले दुवारे तेणेव उवागच्छइ उदगवत्थि परामुसइ आयंतं चोक्खे परममुइभूए तालुग्घाडणिविज्जं आवाहेइ २ रायगिहस्स दुवारकवाडे उदएणं अच्छोडेइ २ कवाडं विहाडेइ २ रायगिहं अणु-
 प्पविसइ २ महया २ सद्देणं उग्घोसेमाणे २ एवं वयासी - एवं खलु अहं देवाणुप्पिया ! चिलाए नामं चोरसेणावई पंचहिं चोरसएहिं सद्धिं सीह-
 गुहाओ चोरपल्लीओ इहं हव्वमागए धणस्स सत्थवाहस्स गिहं घाउकामे । तं^१जे णं नवियाए माउयाए दुद्धं पाउकामे से णं निगच्छउ त्तिकट्ठु जेणेव धणस्स सत्थवाहस्स गिहे तेणेव उवागच्छइ २ धणस्स गिहं विहाडेइ । तए णं से धणे चिलाएणं चोरसेणावइणा पंचहिं चोरसएहिं सद्धिं गिहं घाद्वज्जमाणं पासइ २ भीए तत्थे ४ पंचहिं पुत्तेहिं सद्धिं एगंतं अवक्कमइ ।

तएणं से चिलाए चोरसेणावई धणस्स सत्थवाहस्स गिहं घाएइ २ सुबहुं धणकणगं जाव सावएज्जं सुंसुमं च दारियं गेण्हइ २ रायगिहाओ पडिनिक्खमइ २ जेणेव सीहगुहा तेणेव पहारेत्थ गमणाए ।

(142) तए णं से धणे सत्थवाहे जेणेव सए गिहे तेणेव उवा-
गच्छइ २ सुबहुं धणकणगं सुंसुमं च दारियं अवहारियं जाणित्ता महत्थं ३
पाहुडं गहाय जेणेव नगरगुत्तिया तेणेव उवागच्छइ २ तं महत्थं पाहुडं
उवणेइ २ एवं वयासी — एवं खलु देवाणुप्पिया ! चिलाए चोरसेणावई
सीहगुहाओ चोरपल्लीओ इहं हव्वमागम्म पंचहिं चोरसएहिं सद्धिं मम
गिहं घाएत्ता सुबहुं धणकणगं सुंसुमं च दारियं गहाय जाव पडिगए ।
तं इच्छामि णं देवाणुप्पिया ! सुंसुमाए दारियाए कूवं गमित्तए । तुब्भं णं
देवाणुप्पिया ! से विपुले धणकणगे ममं सुंसुमा दारिया । तए णं ते नगर-
गुत्तिया धणस्स एयमट्ठं पडिसुणेंति २ सन्नद्ध जाव गहियाउहपहरणा महया
२ उक्किट्ठ जाव समुहरवभूयं पिव करेमाणा रायगिहाओ निग्गच्छंति २
जेणेव चिलाए चोरे तेणेव उवागच्छंति २ चिलाएणं चोरसेणावइणा सद्धिं
संपलग्गा यावि होत्था । तए णं ते नगरगुत्तिया चिलायं चोरसेणावइं
हयमहिय जाव पडिसेहेति । तए णं ते पंचचोरसया नगरगुत्तिएहिं
हयमहिय जाव पडिसेहिया समाणा तं विपुलं धणकणगं विच्छड्डुमाणा
य विप्पकिरमाणा य सव्वओ समंता विप्पलाइत्था । तए णं ते नगर-
गुत्तिया तं विपुलं धणकणगं गेण्हंति २ जेणेव रायगिहे तेणेव उवा-
गच्छंति । तए णं से चिलाए तं चोरसेन्नं तेहिं नगरगुत्तिएहिं हयमहिय०
पवरभीए जाव तत्थे सुंसुमं दारियं गहाय एगं महं आगामियं दीहमद्धं
अडविं अणुप्पविट्ठे । तए णं धणे सत्थवाहे सुंसुमं दारियं चिलाएणं अडवी-
मुहं अवहीरमाणिं पासित्ताणं पंचहिं पुत्तेहिं सद्धिं अप्पछट्ठे सन्नद्धबद्ध०
चिलायस्स पयमगविहिं अणुगच्छमाणे अभिगज्जंते हक्कारेमाणे पुक्कारे-
माणे अभितज्जेमाणे अभित्तसिमाणे पिट्ठओ अणुगच्छइ । तए णं से
चिलाए तं धणं सत्थवाहं पंचहिं पुत्तेहिं सद्धिं अप्पछट्ठं सन्नद्धबद्धं
समणगच्छमाणं पासइ २ अत्थामे ४ जाहे नो संचाएइ सुंसुमं दारियं

निव्वाहित्तए ताहे संते तंते परितंतं नीलुप्पलगवलं असिं परामुसइ २
 सुंसुमाए दारियाए उत्तमंगं छिंदइ २ तं गहाय तं आगामियं अडविं
 अणुप्पविट्ठे । तए णं से चिलाए तीसे अगामियाए अडवीए तण्हाए
 छुहाए अभिभूए समाणे पम्हट्टदिसाभाए सीहगुहं चोरपहिं असंपत्ते
 अंतरा चेव कालगए । एवामेव समणाउसो ! जाव पव्वइए समाणे इमस्स
 ओरालियसरीरस्स वंतासवस्स जाव विद्धंसणधम्मस्स वण्णहेउं वा जाव
 आहारं आहारेइ से णं इहलोए चेव बहूणं समणाणं ४ हीलणिज्जे जाव
 अणुपरियट्ठिस्सइ जहा व से चिलाए तक्करे । तए णं से धणे सत्थवाहे पंचहिं
 पुत्तेहिं अप्पछट्ठे चिलायं तीसे अगामियाए सव्वओ समंता परिधाडे-
 माणे २ संते तंते परितंतं नो संचाएइ चिलायं चोरसेणावइं साहत्थि
 गिण्हत्तए । से णं तओ पडिनियत्तइ २ जेणेव सा सुंसुमा बालिया
 चिलाएणं जीवियाओ ववरोविया तेणेव उवागच्छइ २ सुंसुमं दारियं
 चिलाएणं जीवियाओ ववरोवियं पासइ २ पैरसुनियत्तेव्व चंपगपायवे० ।
 तए णं से धणे सत्थवाहे^५ अप्पछट्ठे आसत्थे कूवमाणे कंदमाणे विलवमाणे
 महया २ सदेणं कुहुकुहुस्सं परुत्ते सुचिरकालं वाहप्पमोक्खं करेइ । तए
 णं से धणे सत्थवाहे पंचहिं पुत्तेहिं अप्पछट्ठे चिलायं तीसे आगामियाए
 सव्वओ समंता परिधाडेमाणे तण्हाए छुहाए य परव्वभंते समाणे तीसे
 आगामियाए अडवीए सव्वओ समंता उदगस्स मग्गणगवेसणं करेइ २ संते
 तंते परितंतं निव्विण्णे समाणे तीसे आगामियाए उदगं अणासाएमाणे
 जेणेव सुंसुमा जीवियाओ ववरोविया तेणेव उवागच्छइ २ जेट्ठं पुत्तं
 धणे सहावेइ २ एवं वयासी - एवं खलु पुत्ता ! सुंसुमाए दारियाए
 अट्ठाए चिलायं तक्करं सव्वओ समंता परिधाडेमाणा तण्हाए छुहाए य
 अभिभूया समाणा इमीसे आगामियाए अडवीए उदगस्स मग्गणगवेसणं
 करेमाणा नो चेव णं उदगं आसादेमो । तए णं उदगं अणासाएमाणा
 नो संचाएमो रायगिहं संपावित्तए । तण्णं तुब्भे ममं देवाणुप्पिया !
 जीवियाओ ववरोवेह मम मंसं च सोणियं च आहारेह तेणं आहारेणं
 अवर्थद्धा समाणा तओ पच्छा इमं आगामियं अडविं नित्थरिहिह

रायगिहं च संपाविहं मिच्चनाइ० अभिसमागच्छिह अत्थस्स य धम्मस्स य पुण्णस्स य आभागी भविस्सह । तए णं से जेट्ठे पुत्ते धणेणं सत्थवाहेणं एवं वुत्ते समाणे धणं २ एवं वयासी-तुब्भे णं ताओ ! अम्हं पिया गुरुजणयदेवयभूया ठावका पइट्ठवका संरक्खगा संगोवगा । तं कहणं अम्हे ताओ । तुब्भे जीवियाओ ववरोवेमो तुब्भं णं मंसं च सोणियं च आहारेमो ? तं तुब्भे णं ताओ ! ममं जीवियाओ ववरोवेह मंसं च सोणियं च आहारेह आगामियं अडाविं नित्थरहह तं चेव सव्वं भणइ जाव अत्थस्स जाव आभागी भविस्सह । तए णं धणे सत्थवाहं दोब्बे पुत्ते एवं वयासी - मा णं ताओ ! अम्हे जेट्ठं भायरं गुरुदेवयं जीवियाओ ववरोवेमो । तुब्भे णं ताओ ! ममं जीवियाओ ववरोवेह जाव आभागी भविस्सह एवं जाव पंचमे पुत्ते । तए णं से धणे सत्थवाहे पंचपुत्ताणं हिय-इच्छियं जाणित्ता ते पंचपुत्ते एवं वयासी - मा णं अम्हे पुत्ता ! एगमवि जीवियाओ ववरोवेमो । एस णं सुंसुमाए दारियाए सरीरे निप्पाणे जाव जीवविप्पजठे । तं सेयं खलु पुत्ता ! अम्हं सुंसुमाए दारियाए मंसं च सोणियं च आहारेत्तए । तए णं अम्हे तेणं आहारेणं अवर्थद्धा समाणा रायगिहं संपाउणिस्सामो । तए णं ते पंचपुत्ता धणेणं सत्थवाहेणं एवं वुत्ता समाणा एयमट्ठं पडिसुणेंति । तए णं धणे सत्थवाहे पंचहिं पुत्तेहिं सद्धिं अराणिं करेइ २ सरगं करेइ २ सरएणं अराणिं महेइ २ अग्गिं पाडेइ २ अग्गिं संधुक्खेइ २ दारुयाइं पक्खिवइ २ अग्गिं पज्जालेइ २ सुंसुमाए दारियाए मंसं च सोणियं च आहारेइ । तेणं आहारेणं अवर्थद्धा समाणा रायगिहं नयरं संपत्ता मिच्चनाइनियग० अभिसमन्नागया तस्स य विउलस्स धणकणगरयण जाव आभागी जाया । तए णं से धणे सत्थवाहे सुंसुमाए दारियाए बहुइं लोइयाइं मयकिच्चाइं जाव विगयसोए जाए यावि होत्था ।

(143) तेणं कालेणं २ समणे भगवं महावीरे गुणसिलए चेइए समोसठे । तए णं धणे सत्थवाहे सपुत्ते धम्मं सोच्चा पव्वइए एक्कारसंगवी मासियाए संलेहणाए सोहम्मे उववन्ने महाविदेहे वासे सिज्झिहिइ ।

जहा वि य णं जंबू ! धणेणं सत्थवाहेणं नो वण्णहेउं वा नो रूवहेउं वा
 नो बलहेउं वा नो विसयहेउं वा सुंसुमाए दारियाए मंससोणिए
 आहारिए नन्नत्थ एगाए रायगिहं सपांवणट्टयाए एवामेव समणाउसो !
 जो अम्हं निगंथो वा निगंथी वा इमस्स ओरालियसरीरस्स वंतासवस्स
 पित्तासवस्स सुक्कासवस्स सोणियासवस्स जाव अवस्सविप्पजहियव्वस्स नो
 वण्णहेउं वा नो रूवहेउं वा नो बलहेउं वा नो विसयहेउं वा आहारं
 आहारेइ नन्नत्थ एगाए सिद्धिगमणसंपावणट्टयाए से णं इहभवे चेव बहूणं
 समणाणं बहूणं समणीणं बहूणं सावयाणं बहूणं सावियाणं अञ्चणिज्जे जाव
 वीईवइस्सइ ।

एवं खलु जंबू ! समणेणं भगवया महावीरेणं जाव संपत्तेणं
 अट्टारसमस्स अयमट्ठे पन्नत्ते त्ति वेमि ।

॥ अट्टारसमं नायज्झयणं समत्तं ॥१८॥

॥ एगूणवीसइमं अज्झयणं ॥

(144) जइ णं भंते । समणेणं० अट्टारसमस्स नायज्झयणस्स अयमट्ठे पन्नत्ते एगूणवीसइमस्स के अट्ठे पन्नत्ते ? एवं खलु जंबू ! तेणं कालेणं २ इहेव जंबुदीवे २ पुण्वविदेहे^१ सीयाए महानईए उत्तरिल्ले कूले नीलवंतस्स दाहिणेणं उत्तरिल्लस्स सीयामुहवणसंडस्स पच्चत्थिमेणं एगसेलगस्स वक्खार-पण्वयस्स पुरत्थिमेणं एत्थ णं पुक्खलावई नामं विजए पन्नत्ते । तत्थ णं पुंडरिगिणी नामं रायहाणी पन्नत्ता नवजोयणवित्थिणा दुवालसजोयणा-यामा जाव पच्चक्खं देवलोगभूया पासाईया दरसणीया अभिरूवा पडिरूवा । तीसे णं पुंडरिगिणीए नयरीए उत्तरपुरत्थिमे दिसीभाए नल्लिणिवणे नामं उज्जाणे होत्था । तत्थ णं पुंडरिगिणीए रायहाणीए महापउमे नामं राया होत्था । तस्स णं पउमावई नामं देवी होत्था । तस्स णं महापउमस्स रत्तो पुत्ता पउमावई देवीए अत्तया दुवे कुमारा होत्था तं जहा — पुंडरीए य कंडरीए य सुकुमालपाणिपाया० । पुंडरीए जुवराया । तेणं कालेणं २ थेरांगमणं महापउमे राया निग्गए धम्मं सोच्चा पुंडरीयं रज्जे ठवेत्ता पण्वइए पुंडरीए राया जाए कंडरीए जुवराया । महापउमे अणगारे चोदसपुण्वाइं अहिज्जइ । तए णं थेरा बहिया जणवयविहारं विहरंति । तए णं से महापउमे बहूणि वासाणि जाव सिद्धे ।

(145) तए णं थेरा अन्नया कयाइ पुणरवि. पुंडरिगिणीए राय-हाणीए नल्लिणिवणे उज्जाणे समोसढा । पुंडरीए राया निग्गए । कंडरीए महाजणसइं सोच्चा जहा महाबलो जाव पज्जुवासइ । थेरा धम्मं परिकहेति पुंडरीए समणोवासए जाए जाव पडिगए । तए णं कंडरीए उट्ठाए उट्ठेइ २ जाव से जहेयं तुब्भे वयह जं नवरं पुंडरीयं रायं आपुच्छामि तए णं जाव पण्वयामि । अहासुहं देवाणुप्पिया ! तए णं से कंडरीए जाव थेरे वंदइ नमंसइ २ थेराणं अंतियाओ पडिनिक्खमइ २ तमेव चाउगघंटं आसरहं दुरुहइ जाव पच्चोरुहइ जेणेव पुंडरीए राया तेणेव उवागच्छइ करयल जाव पुंडरीयं रायं एवं वयासी — एवं खलु मए थेराणं अंतिए धम्मे निसंते से धम्मे अभिरुइए । तए णं जाव पण्वइत्तए । तए णं से

पुंडरीए कंडरीयं एवं वयासी — मा णं तुमं भाउया ! इयाणिं मुंडे जाव पव्वयाहि । अहं णं तुमं महारायाभिसेएणं अभिसिंचामि । तए णं से कंडरीए पुंडरीयस्स रत्तो एयमट्ठं नो आढाइ जाव तुसिणीए संचिद्धइ । तए णं पुंडरीए राया कंडरीयं दोच्चंपि तच्चंपि एवं वयासी जाव तुसिणीए संचिद्धइ । तए णं पुंडरीए कंडरीयं कुमारं जाहे नो संचाएइ बहुहिं आघवणाहि य पन्नवणाहि य ४ ताहे अकामए चेव एयमट्ठं अणु-मन्नित्था जाव निक्खमणाभिसेएणं अभिसिंचइ जाव थेराणं सीसभिकखं दलयइ पव्वइए अणगारे जाए एकारसंगवी । तए णं थेरा भगवंतो अन्नया कयाइ पुंडरिगिणीओ नयरीओ नलिणिवणाओ उज्जाणाओ पडिनिक्खमंति २ बहिया जणवयविहारं विहरंति ।

(146) तए णं तस्स कंडरीयस्स अणगारस्स तेहिं अंतेहि य पंतेहि य जहा सेलगस्स जाव दाहवक्कंतीए यावि विहरइ । तए णं थेरा अन्नया कयाइ जेणेव पोंडरिगिणी तेणेव उवागच्छंति २ नलिणीवणे समोसढा । पुंडरीए निग्गए धम्मं सुणेइ । तए णं पुंडरीए राया धम्मं सोच्चा जेणेव कंडरीए अणगारे तेणेव उवागच्छइ २ कंडरीयं वंदइ नमंसइ २ कंडरीयस्स अणगास्स सरीरगं सव्वाबाहं सैरोगं पासइ २ जेणेव थेरा भगवंतो तेणेव उवागच्छइ २ थेरे भगवंते वंदइ नमंसइ २ एवं वयासी—अहण्णं भंते ! कंडरीयस्स अणगारस्स अहापवत्तेहिं ओसहभेसज्जेहिं जाव तिगिच्छं आउंटामि । तं तुब्भे णं भंते ! मम जाणसालासु समोसरह । तए णं थेरा भगवंतो पुंडरीयस्स पडिसुणेंति जाव उवसंपज्जित्ताणं विहरंति । तए णं पुंडरीए जहा मंडुए सेलगस्स जाव बलियसरीरे जाए । तए णं थेरा भगवंतो पुंडरीयं रायं आपुच्छंति २ बहिया जणवयविहारं विहरंति । तए णं से कंडरीए ताओ रोय्यायंकाओ विप्पमुक्के समाणे तंसि मणुन्नंसि असणपाणखाइमसाइमंसि मुच्छिण गिद्धे गट्ठिण अज्झोववन्ने नो संचाएइ पुंडरीयं आपुच्छित्ता बहिया अब्भुज्जएणं जाव विहरित्तए तत्थेव ओसन्ने जाए । तए णं से पुंडरीए इमीसे कहाए लद्धे समाणे ण्हाए अंतेउर-परियालसंपरिवुडे जेणेव कंडरीए अणगारे तेणेव उवागच्छइ २

कंडरीयं तिव्वुत्तो आयाहिणपयाहिणं करेइ २ वंदइ नमंसइ २ एवं वयासी — धन्नेसि णं तुमं देवाणुप्पिया ! कयत्थे कयपुण्णे कयलक्खणे । सुलद्धे णं देवाणुप्पिया ! तव माणुस्सए जम्मजीवियफले जे णं तुमं रज्जं च जाव अंतेउरं च विछड्ढेत्ता विगोवईत्ता जाव पव्वइए । अहणं अहन्ने अपुण्णे अकयपुण्णे रज्जे य जाव अंतेउरे य माणुस्सएसु य कामभोगेसु मुच्छिए जाव अज्झोववन्ने नो संचाएमि जाव पव्वइत्तए । तं धन्नेसि णं तुमं देवाणुप्पिया जाव जीवियफले । तए णं से कंडरीए अणगारे पुंडरीयस्स एयमट्ठं नो आढाइ जाव संचिट्ठइ । तए णं से कंडरीए पोंडरीएणं दोच्चंपि तच्चंपि एवं वुत्ते समाणे अकामए अवसवसे लज्जाए गारवेण य पुंडरीयं आपुच्छइ २ थेरेहिं सद्धिं बहिया जणवयविहारं विहरइ । तए णं से कंडरीए थेरेहिं सद्धिं कंचि कालं उग्गउग्गेणं विहरित्ता तओ पच्छा समणत्तणपरितंते समणत्तणनिव्विणे समणत्तणनिव्वभच्छिए समणगुणमुक्कजोगी थेराणं अंतियाओ सणियं २ पच्चोसक्कइ २ जेणेव पुंडरिगिणी नयरी जेणेव पुंडरीयस्स भवणे तेणेव उवागच्छइ २ असोगवणियाए असोगवरपायवस्स अहे पुढविसिलापट्टगंसि निसीयइ २ ओह्यमणसंकप्पे जाव झियायमाणे संचिट्ठइ । तए णं तस्स पोंडरीयस्स अंबंधाई जेणेव असोगवणिया तेणेव उवागच्छइ २ कंडरीयं अणगारं असोगवरपायवस्स अहे पुढविसिलापट्टगंसि ओह्यमणसंकप्पं जाव झियायमाणं पासइ २ जेणेव पुंडरीए राया तेणेव उवागच्छइ २ पुंडरीयं रायं एवं वयासी — एवं खलु देवाणुप्पिया ! तव पियभाउए कंडरीए अणगारे असोगवणियाए असोगवरपायवस्स अहे पुढविसिलापट्टे ओह्यमणसंकप्पे जाव झियायइ । तए णं से पुंडरीए अम्मधाईए एयमट्ठं सोच्चा निसम्म तहेव संभंते समाणे उट्ठाए उट्ठेइ २ अंतेउरपरियालसंपरिवुडे जेणेव असोगवणिया जाव कंडरीयं तिव्वुत्तो एवं वयासी — धन्नेसि णं तुमं देवाणुप्पिया जाव पव्वइए । अहं णं अधन्ने ३ जाव अपव्वइत्तए । तं धन्नेसि णं तुमं देवाणुप्पिया जाव जीवियफले । तए णं कंडरीए पुंडरीएणं एवं वुत्ते समाणे तुसिणीए संचिट्ठइ दोच्चंपि तच्चंपि जाव

चिट्ठइ । तए णं पुंडरीए कंडरीयं एवं वयासी - अट्ठो भंते ! भोगेहिं ?
हंता ! अट्ठो । तए णं से पुंडरीए राया कोडुंबियपुरिसे सद्दवेइ २
एवं वयासी - खिप्पामेव भो देवाणुप्पिया ! कंडरीयस्स महत्थं जाव
रायाभिसेयं उवट्ठवेह जाव रायाभिसेएणं अभिसिंचइ ।

(147) तए णं से पुंडरीए सयमेव पंचमुट्ठियं लोयं करेइ
सयमेव चाउज्जामं धम्मं पडिवज्जइ २ कंडरीयस्स संतिथं आयारभंडगं
गेण्हइ २ इमं एयारूवं अभिग्गहं अभिगिण्हइ - कप्पइ मे थेरे वंदित्ता
नमंसित्ता थेराणं अंतिए चाउज्जामं धम्मं उवसंपज्जित्ताणं तओ पच्छा
आहारं आहारित्ते त्तिकट्ठु इमं एयारूवं अभिग्गहं अभिगिण्हित्ताणं
पुंडरिगिणीओ पडिनिक्खमइ २ पुव्वाणुपुत्वि चरमाणे गामाणुगामं
दूइज्जमाणे जेणेव थेरा भगवंतो तेणेव पहारेत्थ गमणाए ।

(148) तए णं तस्स कंडरीयस्स रत्तो तं पणीयं पाणभोयणं
आहारियस्स समाणस्स अइजागरएण य अइभोयणप्पसंगेण य से आहारे
नो सम्मं परिणए । तए णं तस्स कंडरीयस्स रत्तो तंसि आहारंसि
अपरिणममाणंसि पुव्वरत्तावरत्तकालसमयंसि सरीरगंसि वेयणा पाउब्भूया
उज्जला विउला पगाढा जाव दुरहियासा पित्तज्जरपरिगयसरीरे दाहवक्कंतीए
यावि विहरइ । तए णं से कंडरीए राया रज्जे य रट्ठे य अंतेउरे य जाव
अज्झोववन्ने अट्ठदुहट्ठवसट्ठे अकामए अवसवसे कालमासे कालं किञ्चा
अहे सत्तमाए पुढवीए उक्कोसकालट्ठिइयंसि नरयंसि नेरइयत्ताए उववन्ने ।
एवामेव समणाउसो ! जाव पव्वइए समाणे पुणरवि माणुस्सए कामभोए
आसाएइ जाव अणुपरियट्ठिस्सइ जहा व से कंडरीए राया ।

(149) तए णं से पुंडरीए अणगारे जेणेव थेरा भगवंतो तेणेव
उवागच्छइ २ थेरे भगवंते वंदइ नमंसइ २ थेराणं अंतिए दोच्चपि
चाउज्जामं धम्मं पडिवज्जइ छट्ठक्खमणपारणगंसि पढमाए पोरिसीए
सउज्जायं करेइ २ जाव अडमाणे सीयलुक्खं पाणभोयणं पडिगाहेइ २
अहापज्जत्तमित्तिकट्ठु पडिनियत्तेइ जेणेव थेरा भगवंतो तेणेव उवा-
गच्छइ २ भत्तपाणं पडिदंसेइ २ थेरोहिं भगवंतेहिं अब्भण्णाए समाणे

अमुच्छिए ४ बिलमिव पन्नगभूएणं अप्पाणेणं तं फासुएसणिज्जं असणं ४
 सरीरकोट्ठगंसि पक्खिवइ । तए णं तस्स पुंडरीयस्स अणगारस्स तं
 कालाइकंतं अरसं विरसं सीयलुक्खं पाणभोयणं आहारियस्स समाणस्स
 पुव्वरत्तावरत्तकालसमयंसि धम्मजागरियं जागरमाणस्स से आहारे नो
 सम्मं परिणमइ । तए णं तस्स पुंडरीयस्स अणगारस्स सरीरगंसि वेयणा
 पाउव्भूया उज्जला जाव दुरहियासा पित्तज्जरपरिगयसरीरे दाहवक्कंतीए
 विहरइ । तए णं से पुंडरीए अणगारे अत्थामे अबले अवीरिए
 अपुरिसक्कारपरक्कमे करयल जाव एवं वयासी - नमोत्थु णं अरहंताणं
 भगवंताणं जाव संपत्ताणं । नमोत्थु णं थेराणं भगवंताणं मम धम्मायरियाणं
 धम्मोवएसयाणं । पुठ्वि पि य णं मए थेराणं अंतिए सव्वे पाणाइवाए
 पच्चक्खाए जाव मिच्छादंसणसल्ले पच्चक्खाए जाव आलोइयपडिक्कंते
 कालमासे कालं किच्चा सव्वट्ठसिद्धे उववन्ने । तओ अणंतरं उव्वट्ठित्ता
 महाविदेहे वासे सिज्झिहिइ जाव सव्वदुक्खाणमंतं काहिइ । एवामेव
 समणाउसो ! जाव पव्वइए समाणे माणुस्सएहिं कामभोगेहिं नो सज्जइ
 नो रज्जइ जाव नो विपडिघायमावज्जइ से णं इहभवे चेव बहूणं
 समणाणं बहूणं समणीणं बहूणं सावगाणं बहूणं साविथाणं अच्चणिज्जे
 वंदणिज्जे पूयणिज्जे सक्कारणिज्जे सम्माणणिज्जे कल्लाणं रंगलं देवयं चेइयं
 पज्जुवासणिज्जे तित्तिट्ठु परलोए वि य णं नो आगच्छइ बहूणि दंडणाणि
 य मुंडणाणि य तज्जणाणि य तालणाणि य जाव चाउरंतं संसारकंतारं
 जाव वीईवइस्सइ जहा व से पुंडरीए अणगारे । एवं खलु जंबू ! समणेणं
 आइगरेणं तित्थगरेणं सयंसंबुद्धेणं जाव सिद्धिगइनामधेज्जं ठाणं संपत्तेणं
 एगूणवीसइमस्स नायज्झयणस्स अयमट्ठे पन्नत्ते । एवं खलु जंबू !
 समणेणं भगवया महावीरेणं जाव सिद्धिगइनामधेज्जं ठाणं संपत्तेणं छट्ठस्स
 अंगस्स पढमस्स सुयक्खंधस्स अयमट्ठे पन्नत्ते ति बेमि !

(150) तस्स णं सुयक्खंधस्स एगूणवीसं अज्झयणाणि एगासरगाणि
 एगूणवीसाए दिवसेसु समप्पंति ।

॥ एगूणवीसइमं अज्झयणं समत्तं ॥

॥ नायाधम्मकहाणं पढमो सुयक्खंधो समत्तो ॥

॥ दोबे सुयक्खंधे ॥

॥ पढमं अज्झयण ॥

(151) तेणं कालेणं तेणं समएणं रायगिहे नामं नयरे होत्था वण्णओ । तस्स णं रायगिहस्स नयरस्स बहिया उत्तरपुरत्थिमे दिसीभाए तत्थ णं गुणसिलए नामं चेइए होत्था वण्णओ । तेणं कालेणं २ समणस्स भगवओ महावीरस्स अंतेवासी अज्जसुहम्मा नामं थेरा भगवंतो जाइसंपन्ना कुलसंपन्ना जाव चोइसपुव्वी चउनाणोवगया पंचहिं अणगारसएहिं सद्धिं संपरिवुडा पुव्वबाणुपुव्वि चरमाणा गामाणुगामं दूइज्जमाणा सुहंसुहेणं बिहरमाणा जेणेव रायगिहे नयरे जेणेव गुणसिलए चेइए जाव संजमेणं तवसा अप्पाणं भावेमाणा बिहरंति । परिसा निग्गया धम्मो कहिओ परिसा जामेव दिसिं पाउळ्भूया तामेव दिसिं पडिगया । तेणं कालेणं २ अज्जसुहम्मस्स अंतेवासी अज्जजंबू नामं अणगारे जाव पज्जुवासमाणे एवं वयासी — जइ णं भंते ! समणेणं जाव संपत्तेणं छट्ठस्स अंगस्स पढमस्स सुयक्खंधस्स नायाणं अयमट्ठे पन्नत्ते दोच्चस्स णं भंते ! सुयक्खंधस्स धम्मकहाणं समणेणं० के अट्ठे पन्नत्ते ? एवं खलु जंबू ! समणेणं० धम्मकहाणं दस वग्गा पन्नत्ता तंजहा :—चमरस्स अग्गमहिंसीणं पढमे वग्गे । बलिस्स वइरोयणिंदस्स वइरोयणरत्तो अग्गमहिंसीणं बीए वग्गे । असुरिंदवज्जियाणं दाहिणिंल्लाणं इंदानं अग्गमहिंसीणं तईए वग्गे । उत्तरिल्लाणं असुरिंदवज्जियाणं भवणवासिइंदानं अग्गमहिंसीणं चउत्थे वग्गे । दाहिणिंल्लाणं वाणमंतराणं इंदानं अग्गमहिंसीणं पंचमे वग्गे । उत्तरिल्लाणं वाणमंतराणं इंदानं अग्गमहिंसीणं छट्ठे वग्गे । चंदस्स अग्गमहिंसीणं सत्तमे वग्गे । सूरस्स अग्गमहिंसीणं अट्ठमे वग्गे । सक्कस्स अग्गमहिंसीणं नवमे वग्गे । ईसाणस्स य अग्गमहिंसीणं दसमे वग्गे । जइ णं भंते ! समणेणं० धम्मकहाणं दस वग्गा पन्नत्ता पढमस्स णं भंते ! वग्गस्स समणेणं० के अट्ठे पन्नत्ते ? एवं खलु जंबू ! समणेणं० पढमस्स वग्गस्स पंच अज्झयणा पन्नत्ता तंजहा — काली राई रयणी बिज्जू मेहा । जइ णं भंते ! समणेणं० पढमस्स वग्गस्स पंच अज्झयणा पन्नत्ता पढमस्स णं

भंते ! अञ्जयणस्स समणेणं० के अट्ठे पन्नत्ते ? एवं खलु जंबू ! तेणं कालेणं २ रायगिहे नयरे गुणसिलए चेइए सेणिए राया चेल्लणा देवी सामी समोसठे परिसा निग्गया जाव परिसा पज्जुवासइ । तेणं कालेणं २ काली देवी चमरचंचाए रायहाणीए कालवडेंसगैभवणे कालंसि सीहा-सणंसि चउहिं समाणियसाहस्सीहिं चउहिं मयहरियाहिं सपरिवाराहिं तिहिं परिसाहिं सत्तहिं अणिएहिं सत्ताहिं अणियाहिवईहिं सोलसहिं आयरक्खदेवसाहस्सीहिं अन्नेहि य बहूहिं कालवडेंसयभवणवासीहिं असुरकुमारेहिं देवेहि देवीहिं य साद्धिं संपरिवुडा महयाहय जाव विहरइ इमं च णं केवलकप्पं जंबुदीवं २ विउलेणं ओहिणा आभोएमाणी २ पासइ एँत्थ समणं भगवं महावीरं जंबुदीवे दीवे भारहे वासे रायगिहे नयरे गुणसिलए चेइए अहापडिरूवं उग्गहं ओगिणिहत्ता संजमेणं तवसा अप्पाणं भावेमाणं पासइ २ हट्ठतुट्ठचित्तमाणंदिया पीइमणा जाव हियया सीहासणाओ अब्भुट्ठेइ २ पायपीढाओ पच्चोरुहइ २ पाउया ओमुयइ २ तित्थगराभिमुही सत्तट्ठ पयाइं अणुगच्छइ २ वामं जाणुं अंचेइ २ दाहिणं जाणुं धरणियलंसि निहट्ठु तिक्खुत्तो मुद्धाणं धरणियलंसि निवेसेई ईसिं पच्चुन्नमइ २ कडगतुडियथंभियाओ भुयाओ साहरइ २ करयल जाव कट्ठु एवं वयासी — नमोत्थु णं अरहंताणं जाव संपत्ताणं । नमोत्थु णं समणस्स भगवओ महावीरस्स जाव संपाविउकामस्स । वंदामि णं भगवंतं तत्थगयं इहगया पासउ मे समणे ३ तत्थगए इहगयं तिकट्ठु वंदइ नमंसइ २ सीहासणवरंसि पुरत्थाभिमुहा निसण्णा । तए णं तीसे कालीए देवीए इमेयारूवे जाव समुप्पज्जित्था तंजहा — सेयं खलु मे समणं ३ वंदित्ता जाव पज्जुवासित्तए तिकट्ठु एवं संपेहेइ २ आभिओगिया देवा सहावेइ २ एवं वयासी — एवं खलु देवाणुप्पिया ! समणे ३ एवं जहा सूरियाभो तहेव आणत्तियं देइ जाव दिव्वं सुरवराभिगमणजोगं करेह २ जाव पच्चप्पिणह । तेवि तहेव करेत्ता जाव पच्चप्पिणंति नवरं जोयणसहस्सवित्थिण्णं जाणं सेसं तहेव । तहेव नामगोयं साहेइ तहेव नट्टविहिं उवदंसेइ जाव पडिगया । भंते त्ति भगवं गोयमे समणं ३ वंदइ नमंसइ २ एवं वयासी — कालीए

णं भंते ! देवीए सा दिव्वा देविट्ठी ३ कहिं गया ? कूडागारसालादिट्ठंतो ।
 अहो णं भंते ! काली देवी महिड्डिया ३ । कालीए णं भंते ! देवीए सा
 दिव्वा देविट्ठी ३ किन्ना लद्धा किन्ना पत्ता किन्ना अभिसमन्नागया ?
 एवं जहा सूरियाभस्स जाव एवं खलु गोयमा ! तेणं कालेणं २ इहेव जंबु-
 द्वीवे २ भारहे वासे आमलकप्पा नामं नयरी होत्था वण्णओ । अंब-
 सालवणे चेइए । जियसत्तू राया । तत्थ णं आमलकप्पाए नयरीए काले
 नामं गाहावई होत्था अट्टे जाव अपरिभूए । तस्स णं कालस्स गाहावइस्स
 कालसिरी नामं भारिया होत्था सुकुमाल जाव सुरूवा । तस्स णं कालस्स
 गाहावइस्स धूया कालसिरीए भारियाए अत्तया काली नामं दारिया होत्था
 वड्ढा वड्ढुकुमारी जुण्णा जुण्णकुमारी पडिथपुयत्थणी निव्विण्णवरा वर-
 परिवज्जिया वि होत्था । तेणं कालेणं २ पासे अरहा पुरिसादाणीए आइगरे
 जहा वट्ठमाणसामी नवरं नवहत्थुस्सेहे सोलसहिं समणसाहस्सीहिं अट्ठ-
 तीसाए अज्जियासाहस्सीहिं सद्धिं संपरिवुडे जाव अंबसालवणे समोसडे ।
 परिसा निग्गया जाव पज्जुवासइ । तए णं सा काली दारिया इमीसे
 कहाए लद्धट्ठा समाणा हट्ठ जाव हियया जेणेव अम्मापियरो तेणेव उवा-
 गच्छइ २ करयल जाव एवं वयासी — एवं खलु अम्मयाओ ! पासे
 अरहा पुरिसादाणीए आइगरे जाव विहरइ । तं इच्छामि णं अम्मयाओ !
 तुब्भेहिं अब्भणुन्नाया समाणी पासस्स णं अरहओ पुरिसादाणीयस्स
 पायवंदियां गमित्तए । अहासुहं देवाणुप्पिया ! मा पडिबधं करेहि । तए
 णं सा काली दारिया अम्मापिईहिं अब्भणुन्नाया समाणी हट्ठ जाव हियया
 ण्हाया कयवलिकम्मा कयकोउयमंगलपायच्छित्ता सुद्धप्पावेसाइं मंगलाइं
 वत्थाइं पवपरिहिया अप्पमहग्घाभरणालंक्रियसरीरा चेडियाचक्कवालपरि-
 किण्णा साओ गिहाओ पडिनिक्खमइ २ जेणेव बाहिरिया उवट्ठाणसाला
 जेणेव धम्मिए जाणप्पवरे तेणेव उवागच्छइ २ धम्मियं जाणप्पवरं
 दुरुढा । तए णं सा काली दारिया धम्मियं जाणप्पवरं एवं जहा दोवई
 तहा पज्जुवासइ । तए णं पासे अरहा पुरिसादाणीए कालीए दारियाए
 तीसे य महइमहालियाए परिसाए धम्मं कहेइ । तए णं सा काली दारिया

पासस्स अरहओ पुरिसादाणीयस्स अंतिए धम्मं सोच्चा निसम्म हट्ठ जाव हियया पासं अरहं पुरिसादाणीयं तिव्वुत्तो वंदइ नमंसइ २ एवं वयासी—सह्वामि णं भंते ! निग्गंथं पावयणं जाव से जहेयं तुब्भे वयह जं नवरं देवाणुप्पिया ! अम्मापियरो आपुच्छामि तए णं अहं देवाणुप्पियाणं अंतिए जाव पव्वयामि । अहासुहं देवाणुप्पिए । तए णं सा काली दारिया पासेणं अरहया पुरिसादाणीएणं एवं वुत्ता समाणी हट्ठ जाव हियया पासं अरहं वंदइ नमंसइ २ तमेव धम्मियं जाणप्पवरं दुरुहइ २ पासस्स अरहओ पुरिसादाणीयस्स अंतियाओ अंबसालवणाओ चेइयाओ पडि-निक्खमइ २ जेणेव आमलकप्पा नयरी तेणेव उवागच्छइ २ आमलकप्पं नयरिं मज्झंमज्झेणं जेणेव बाहिरिया उवट्ठाणसाला तेणेव उवागच्छइ २ धम्मियं जाणप्पवरं ठवेइ २ धम्मियाओ जाणप्पवराओ पच्चोरुहइ २ जेणेव अम्मापियरो तेणेव उवागच्छइ २ करयलपरिग्गाहियं जाव एवं वयासी — एवं खलु अम्मयाओ ! मए पासस्स अरहओ अंतिए धम्मे निसंते । से वि य धम्मे इच्छिए पडिच्छिए अभिरुइए । तए णं अहं अम्म-याओ ! संसारभउव्विग्गा भीया जम्मणंमरणाणं इच्छामि णं तुब्भेहिं अब्भणुन्नाया समाणी पासस्स अरहओ अंतिए मुंडा भवित्ता आगाराओ अणगारियं पव्वइत्तए । अहासुहं देवाणुप्पिए ! मा पडिबंथं करेहि । तए णं से काले गाहावई विउलं असणं ४ उवक्खडावेइ २ मित्तनाइनियगसयणसंबंधिपरियणं आमंतेइ २ तओ पच्छा ण्हाए जाव विपुलेणं पुप्फवत्थगंधमल्लालंकारेणं सक्कारेइ सम्माणेइ २ तस्सेव मित्त-नाइनियगसयणसंबंधिपरियणस्स पुरओ कालियं दारियं सेयापीएहिं कलसेहिं ण्हावेइ २ सव्वालंकारविभूसियं करेइ २ पुरिससइस्सवाहिणिं सीयं दुरुहेइ २ मित्तनाइनियगसयणसंबंधिपरियणेणं साद्धिं संपरिवुडे सव्विड्डीए जाव रवेणं आमलकप्पं नयरिं मज्झंमज्झेणं निग्गच्छइ २ जेणेव अंबसालवणे चेइए तेणेव उवागच्छइ २ छित्ताइए तित्थगराइए पासइ २ सीयं ठावेइ २ कालियं दारियं सीयाओ पच्चोरुहइ । तए णं तं कालियं रियं अम्मापियरो पुरओ काउं जेणेव पासे अरहा पुरिसादाणीए

तेणेव उवागच्छंति २ वंदंति नमंसंति २ एवं वयासी — एवं खलु देवाणुप्पिया ! काली दारिया अम्हं धूया इट्ठा कंता जाव किमंग पुण पासणयाए ? एस णं देवाणुप्पिया ! संसारभउव्विग्गा इच्छइ देवाणुप्पियाणं अंतिए मुंडा भवित्ता जाव पव्वइत्तए । तं एयं णं देवाणुप्पियाणं सिस्सिणिभिक्ष्वं दलयामो । पडिच्छंतु णं देवाणुप्पिया ! सिस्सिणिभिक्ष्वं । अहासुहं देवाणुप्पिया ! मा पडिबंधं । तए णं सा काली कुमारी पासं अरहं वंदइ नमंसइ २ उत्तरपुरत्थिमं दिसीभागं अवक्कमइ २ सयमेव आभरणमल्लालंकारं ओमुयइ २ सयमेव लोयं करेइ २ जेणेव पासे अरहा पुरिसादाणीए तेणेव उवागच्छइ २ पासं अरहं तिक्खुत्तो वंदइ नमंसइ २ एवं वयासी — आलित्ते णं भंते ! लोए एवं जहा देवाणंदा जाव सयमेव पव्वावेउं । तए णं पासे अरहा पुरिसादाणीए कालियं सयमेव पुप्फचूलाए अज्जाए सिस्सिणियत्ताए दलयइ । तए णं सा पुप्फचूला अज्जा कालिं कुमारीं सयमेव पव्वावेइ जाव उव-संपज्जित्ताणं विहरइ । तए णं सा काली अज्जा जाया इरियासमिया जाव गुत्तबंभयारिणी । तए णं काली अज्जा पुप्फचूलाए अज्जाए अंतिए सामाइयमाइयाइं एक्कारस अंगाइं अहिज्जइ बहूहिं चउत्थ जाव विहरइ । तए णं सा काली अज्जा अन्नया कयाइ सरीरबाउसिया जायावि होत्था । अभिक्खणं २ हत्थे धोवेइ पाए धोवेइ सीसं धोवेइ मुहं धोवेइ थण-तराणि धोवेइ कक्खंतराणि धोवेइ गुज्झंतराणि धोवेइ जत्थ जत्थ विय णं ठाणं वा सेज्जं वा निसीदियं वा चेएइ तं पुव्वामेव अब्भुक्खित्ता तओ पच्छा आसयइ वा सयइ वा । तए णं सा पुप्फचूला अज्जा कालियं अज्जं एवं वयासी — नो खलु कप्पइ देवाणुप्पिए ! समणीणं निगंथीणं सरीरबाउसियाणं होत्तए । तुमं च णं देवाणुप्पिए ! सरीरबाउसिया जाया अभिक्खणं २ हत्थे धोवसि जाव आसयाहि वा सयाहि वा । तं तुमं देवाणुप्पिए ! एयस्स ठाणस्स आलोएहि जाव पायच्छित्तं पडिबज्जाहि । तए णं सा काली अज्जा पुप्फचूलाए अज्जाए एयमट्ठं नो आढाइ जाव सुसिणीया संचिद्धइ । तए णं ताओ पुप्फचूलाओ अज्जाओ कालिं अज्जं

अभिकखणं २ हीलेंति निंदंति खिंसेंति गरहंति अवभंजंति अभिकखणं २
 एयमट्ठं निवारेंति । तए णं तीसे कालीए अज्जाए समणीहिं निगंथीहिं
 अभिकखणं २ हीलिज्जमाणीए जाव वारिज्जमाणीए इमेयारूवे अज्झत्थिए
 जाव समुप्पज्जित्था । जया णं अहं अगारयासमज्जे वसित्था तया णं अहं
 सयंवसा । जप्पभिइं च णं अहं मुंडा भवित्ता अगाराओ अणगारियं
 पव्वइया तप्पभिइं च णं अहं परवसा जाया । तं सेयं खलु मम कल्लं
 पाउप्पभायाए रयणीए जाव जलंते पाडिक्कयं उवस्सयं उवसंपज्जित्ताणं
 बिहरित्तए त्तिकट्ठु एवं संपेहेइ २ कल्लं जाव जलंते पाडिक्कं उवस्सयं
 गेण्हइ तत्थ णं अणिवारिया अणोहट्ठिया सच्छंदमई अभिकखणं २ हत्थे
 भोवेइ जाव आसयइ वा सयइ वा । तए णं सा काली अज्जा पासत्था
 पासत्थविहारी ओसन्ना ओसन्नविहारी कुसीला कुसीलविहारी अहाल्लंदा
 अहाल्लंदविहारी संसत्ता संसत्तविहारी बहूणि वासाणि सामण्णपरियागं
 पाउणइ २ अद्धमासियाए संलेहणाए अप्पाणं झूसेइ २ तीसं भत्ताइं
 अणसणाए छेएइ २ तस्स ठाणस्स अणालोइयअपडिक्कंता कालमासे
 कालं किञ्चा चमरचंचाए रायहाणीए कालवडिसए भवणे उववायसभाए
 देवसयणिज्जंसि देवदूसंतरिया अंगुलस्स असंखेज्जभागमेत्ताए ओगाह-
 णाए कालीदेवित्ताए उववन्ना । तए णं सा काली देवी अहुणोवचन्ना
 समाणी पंचविहाए पज्जत्तीए जहा सूरियाभो जाव भासामणपज्जत्तीए ।
 तए णं सा काली देवी चउण्हं सामाणियसाहस्सीणं जाव अन्नेसिं च
 बहूणं कालवडेंसगभवणवासीणं असुरकुमाराणं देवाण य देवीण य आहेवच्चं
 जाव विहरइ । एवं खलु गोयमा ! कालीए देवीए सा दिव्वा देविट्ठी ३
 लद्धा पत्ता अभिसमन्नागया । कालीए णं भंते ! देवीए केवइयं कालं
 ठिई पन्नत्ता ? गोयमा ! अट्ठाइज्जाइं पलिओवमाइं ठिई पन्नत्ता । काली
 णं भंते ! देवी ताओ देवलोगाओ अणंतरं उवट्ठित्ता कहिं गच्छिहिइ कहिं
 उववज्जिहिइ ? गोयमा ! महाविदेहे वासे सिज्झिहिइ जाव अंतं काहिइ ।
 एवं खलु जंबू ! समणेणं जाव संपत्तेणं पढमस्स वग्गस्स पढमज्झयणस्स
 अयमट्ठे पन्नत्ते त्तिवेमि ।

(152) (i) जइ णं भंते ! समणेणं० धम्मकहाणं पढमस्स वग्गस्स पढमज्झयणस्स अयमट्ठे पन्नत्ते बिइयस्स णं भंते ! अज्झयणस्स समणेणं जाव संपत्तेणं के अट्ठे पन्नत्ते ? एवं खलु जंबू ! तेणं कालेणं २ रायगिहे नयरे गुणसिलए चेइए सामी समोसढे परिसा निग्गया जाव पज्जुवासइ । तेणं कालेणं २ राई देवी चमरचंचाए रायहाणीए एवं जहा काली तहेव आगया नट्टविहिं उवदंसित्ता पडिगया । भंतेत्ति भगवं गोयमे पुव्वभवपुच्छा । एवं खलु गोयमा ! तेणं कालेणं २ आमलकप्पा नयरी अंबसालवणे चेइए जियसत्तू राया राई गाहावई राइसिरी भारिया राई दारिया पासस्स समोसरणं राई दारिया जहेव काली तहेव निक्खंता तहेव सरीरवाउसिया तं चेव सव्वं जाव अंतं काहिइ । एवं खलु जंबू ! विईयज्झयणस्स निक्खेवओ ॥ जइ णं भंते तइयज्झयणस्स उक्खेवओ । एवं खलु जंबू ! रायगिहे नयरे गुणसिलए चेइए एवं जहेव राई तहेव रयणी वि नवरं आमलकप्पा नयरी रयणे गाहावई रयणसिरी भारिया रयणी दारिया सेसं तहेव जाव अंतं काहिइ । एवं विज्जू वि आमलकप्पा नयरी विज्जू गाहावई विज्जुसिरी भारिया विज्जू दारिया सेसं तहेव । एवं मेहा वि आमलकप्पाए नयरीए मेहे गाहावई मेहसिरी भारिया मेहा दारिया सेसं तहेव । एवं खलु जंबू समणेणं जाव संपत्तेणं धम्मकहाणं पढमस्स वग्गस्स अयमट्ठे पन्नत्ते ।

(153) (ii) जइ णं भंते ! समणेणं० दोच्चस्स वग्गस्स उक्खेवओ । एवं खलु जंबू ! समणेणं० दोच्चस्स वग्गस्स पंच अज्झयणा पन्नत्ता तंजहा — सुंभा निसुंभा रंभा निरंभा मयणा । जइ णं भंते ! समणेणं० धम्मकहाणं दोच्चस्स वग्गस्स पंच अज्झयणा पन्नत्ता दोच्चस्स णं भंते ! वग्गस्स पढमज्झयणस्स के अट्ठे पन्नत्ते ? एवं खलु जंबू ! तेणं कालेणं २ रायगिहे नयरे गुणसिलए चेइए सामी समोसढे परिसा निग्गया जाव पज्जुवासइ । तेणं कालेणं २ सुंभा देवी बलिचंचाए रायहाणीए सुंभ-बडेंसए भवणे सुंभांसि सीहासणंसि कालीगमएणं जाव नट्टविहिं उवदंसेत्ता जाव पडिगया । पुव्वभवपुच्छा । सावत्थी नयरी कोट्टए चेइए जियसत्तू

राया सुंभे गाहावई सुंभसिरी भारिया सुंभा दारिया सेसं जहा कालीए नवरं अद्दुट्ठाई पलिओवमाई ठिई । एवं खलु जंबू ! निक्खेवओ अज्झयणस्स । एवं सेसावि चत्तारि अज्झयणा सावत्थीए नवरं । माया पियेा सरिसनामया । एवं खलु जंबू ! निक्खेवओ विइयवग्गस्स ।

(154) (iii) उक्खेवो तइयवग्गस्स । एवं खलु जंबू ! समणेणं० तइयवग्गस्स चउप्पन्नं अज्झयणा पन्नत्ता तंजहा — पढमे अज्झयणे जाव चउप्पन्नत्तिमे अज्झयणे । जइ णं भंते ! समणेणं० धम्मकहाणं तइयवग्गस्स चउप्पन्नं अज्झयणा पन्नत्ता पढमस्स णं भंते ! अज्झयणस्स समणेणं के अट्ठे पन्नत्ते ? एवं खलु जंबू ! तेणं कालेणं तेणं समएणं रायगिहे नयरे गुणसिलए चेइए सामी समोसढे परिसा निग्गया जाव पज्जुवासइ । तेणं कालेणं २ अलं देवी धरणाए रायहाणीए अलावडेंसए भवणे अलंसि सीहासणंसि एवं कालीगमणं जाव नट्टविहिं उवदंसेत्ता पडिगया । पुव्वभवपुच्छा । वाणारसीए नयरीए काममहावणे चेइए अले गाहावई अलसिरी भारिया ईला दारिया सेसं जहा कालीए नवरं धरणअगमहिस्सित्ताए उववाओ साइरेगं अद्धपलिओवमं ठिई सेसं तदेव । एवं खलु निक्खेवओ पढमज्झयणस्स । एवं कमसोतरां सोयामणी इंदा घणया विज्जुया वि । सव्वाओ एयाओ धरणस्स अगमहिस्सीओ । एए छ अज्झयणा वेणुदेवस्स वि अविसेसिया भाणियव्वा । एवं जाव घोसस्स वि एए चेव छ अज्झयणा । एवमेते दाहिणिज्जाणं इंदाणं चउप्पन्नं अज्झयणा भवंति सव्वाओ वि वाणारसीए काममहावणे चेइए । तइयवग्गस्स निक्खेवगो ।

(155) (iv) चउत्थस्स उक्खेवगो । एवं खलु जंबू ! समणेणं० धम्मकहाणं चउत्थवग्गस्स चउप्पन्नं अज्झयणा पन्नत्ता तंजहा — पढमे अज्झयणे जाव चउप्पन्नइमे अज्झयणे । पढमस्स अज्झयणस्स उक्खेवगो । एवं खलु जंबू ! तेणं कालेणं २ रायगिहे समोसरणं जाव परिसा पज्जुवासइ । तेणं कालेणं २ रूया देवी रूयाणंदा रायहाणी रूयगवडेंसए भवणे रूयगंसि सीहासणंसि जहा कालीए तहा नवरं पुव्वभवे चंपाए पुण्णभहे चेइए रूयगगाहावई रूयगसिरी भारिया रूया दारिया सेसं तदेव

नवरं भूयाणंदा अग्गमहिस्सित्ताए उववाओ देसूणं पलिओवमं ठिई ।
 निक्खेवओ । एवं खलु सुरूया वि रूयंसा वि रूयगावई वि रूयकंता वि
 रूयप्पभा वि । एयाओ चेव उत्तरिह्लाणं इंदाणं भाणियव्वाओ जाव
 महाघोसस्स । निक्खेवओ चउत्थवग्गस्स ।

(156) (v) पंचमवग्गस्स उक्खेवओ । एवं खलु जंबू ! जाव वत्तीसं
 अज्झयणा पन्नत्ता तंजहा — कमला कमलप्पभा चेव उपपला य सुदंसणा ।
 रूववई बहुरूवा सुरूवा सुभगा वि^१ य ॥१॥ पुण्णा बह्वुप्पत्तिया चेव
 उत्तमां भारिया वि य । पउमा वसुमई चेव कणगा कणगप्पभा ॥२॥
 वडेंसा केऊमई चेव वइरसेणा रइप्पिया । रोहिणी नवमिया चेव हिरी
 पुप्फवई वि य ॥३॥ भुयगा भुयगवई चेव महाकच्छा पैराइया । सुघोसा
 विमला चेव सुस्सरा य सरस्सई ॥४॥ उक्खेवओ पढमज्झयणस्स । एवं खलु
 जंबू ! तेणं कालेणं २ रायगिहे समोसरणं जाव परिसा पज्जुवासइ ।
 तेणं कालेणं २ कमला देवी कमलाए रायहाणीए कमलवडेंसए भवणे
 कमलंसि सीहासणंसि सेसं जहा कालीए तहेव नवरं पुठ्वभवे नागपुरे
 नयरे सहसंबवणे उज्जाणे कमलस्स गाहावइस्स कमलसिरीए भारियाए
 कमला दारिया पासस्स अंतिए निक्खंतंता कालस्स पिसायकुमारिंदस्स
 अग्गमहिस्सी अद्धपलिओवमं ठिई । एवं सेसा वि अज्झयणा दाहिणिह्लाणं
 वाणमंतरिंदाणं भाणियव्वाओ नागपुरे सहसंबवणे उज्जाणे मायापियरो धूया सरिस-
 नामया ठिई अद्धपलिओवमं । पंचमो वग्गो समत्तो ।

(157) (vi) छट्ठो वि वग्गो पंचमवग्गसरिसो नवरं महाकार्थार्हणं
 उत्तरिह्लाणं इंदाणं अग्गमहिस्सीओ । पुठ्वभवे सागेए नयरे उत्तरकुरुउज्जाणे
 मायापियरो धूया सरिसनामया । सेसं तं चेव । छट्ठो वग्गो समत्तो ।

(158) (vii) सत्तमस्स वग्गस्स उक्खेवओ । एवं खलु जंबू ! जाव
 चत्तारि अज्झयणा पन्नत्ता तंजहा — सूरप्पभा आयवा अच्चिमाली पभं-
 करा । पढमज्झयणस्स उक्खेवओ । एवं खलु जंबू ! तेणं कालेणं तेणं समएणं
 रायगिहे समोसरणं जाव परिसा पज्जुवासइ । तेणं कालेणं २ सूरप्पभा
 देवी सूरंसि विमाणंसि सूरप्पभंसि सीहासणंसि सेसं जहा कालीए तहा

नवरं पुव्वभवो अरक्खुरीए नयरीए सूरप्पभस्स गाहावइस्स सूरसिरीए भारियाए सूरप्पभा दारिया सूरस्स अग्गमहिंसी ठिई अद्धपलिओवमं पंचहिं वाससएहिं अब्भहियं सेसं जहा कालीए । एवं सेसाओ वि सव्वाओ अरक्खुरीए नयरीए । सत्तमो वग्गो समत्तो ।

(159) (viii) अट्ठमस्स उक्खेवओ । एवं खलु जंबू ! जाव चत्तारि अज्झयणा पन्नत्ता तंजहा — चंदप्पभा दोसिनाभा अच्चिमाली पभंकरा । पढमज्झयणस्स उक्खेवओ । एवं खलु जंबू ! तेणं कालेणं तेणं समएणं रायगिहे समोसरणं जाव परिसा पज्जुवासइ । तेणं कालेणं २ चंदप्पभा देवी चंदप्पभंसि विमाणंसि चंदप्पभंसि सीहासणंसि सेसं जहा कालीए नवरं पुव्वभवो महुराए नयरीए भंडिबड्डेसए उज्जाणे चंदप्पभे गाहावई चंदसिरी भारिया चंदप्पभा दारिया चंदस्स अग्गमहिंसी ठिई अद्धपलिओवमं पन्नासवाससहस्सेहिं अब्भहियं । सेसं जहा कालीए । एवं सेसाओ वि महुराए नयरीए मायापियरो धूया सरिसनामा । अट्ठमो वग्गो समत्तो ।

(160) (ix) नवमस्स उक्खेवओ । एवं खलु जंबू ! जाव अट्ठ अज्झयणा पन्नत्ता तंजहा — पउमा सिवा सई अंजू रोहिणी नैमिया इ य । अयला अच्छरा ॥ पढमज्झयणस्स उक्खेवओ । एवं खलु जंबू ! तेणं कालेणं २ रायगिहे समोसरणं जाव परिसा पज्जुवासइ । तेणं कालेणं २ पउमावई देवी सोहम्मे कप्पे पउमवड्डेसए विमाणे सभाए सुहम्माए पउमंसि सीहासणंसि जहा कालीए एवं अट्ठ वि अज्झयणा कालीगमएणं नायव्वा नवरं सावत्थीए दोजणीओ हत्थिणाउरे दोजणीओ कंपिल्लपुरे दोजणीओ साएए दोजणीओ पउमे पियरो विजया मायराओ सव्वाओ वि पासस्स अंतियं पव्वइयाओ सक्कस्स अग्गमहिंसीओ ठिई सत्त पलिओवमाइ महाविदेहे वासे अंतं काहिंति । नवमो वग्गो समत्तो ।

(161) (x) दसमस्स उक्खेवओ । एवं खलु जंबू ! जाव अट्ठ अज्झयणा पन्नत्ता तंजहा — कण्हा य कण्हराई रामा तह् रामरक्खिया वसू या । वसुगुत्ता वसुमिक्का वसुंधरा चेव ईसाणे ॥ १॥ पढमज्झयणस्स उक्खेवओ । एवं खलु जंबू ! तेणं कालेणं तेणं समएणं रायगिहे समोसरणं जाव

परिसा पज्जुवार्सइ । तेणं कालेणं २ कण्हा देवी ईसाणे कप्पे कण्हवडेंसए
 विमाणे सभाए सुहम्माए कण्हंसि सीहासणंसि सेसं जहा कालीए एवं
 अट्ठ वि अज्झयणा कालीगमएणं नायव्वा नवरं पुव्वभवो वाणारसीए नयरीए
 दोजणीओ रायगिहे नयरे दोजणीओ सावत्थीनयरीए दोजणीओ कोसंबीए
 नयरीए दोजणीओ रामे पिया धम्मा माया सव्वाओ वि पासस्स
 अरहओ अंतिए पव्वइयाओ पुप्फचूलाए अज्जाए सिस्सिणियत्ताए
 ईसाणस्स अग्गमहिसीओ ठिई नवपलिओवमाइं महाविदेहे वासे
 सिज्झिहिति बुज्झिहिति मुच्चिहिति सव्वदुक्खाणं अंतं काहिति । एवं
 खलु जंबू ! निक्खेवगो दसमवग्गस्स । दसमो वग्गो समत्तो ।

(162) एवं खलु जंबू ! समणेणं भगवया महावीरेणं आइगरेणं
 तित्थगरेणं सयंसंबुद्धेणं पुरिसोत्तमेणं पुरिससीहेणं जाव संपत्तेणं
 धम्मकहाणं अयमट्ठे पन्नत्ते । धम्मकहा सुयक्खंधो सम्मत्तो । दसहिं
 वग्गेहि नायाधम्मकहाओ सम्मत्ताओ ॥

॥ बीओ सुयक्खंधो समत्तो ॥

॥ नायाधम्मकहाओ सम्मत्ताओ ॥

VARIANT READINGS

[A. B. C. E. are the MSS. collated, P. stands for the
Āgamodaya Samiti Edition, Com.—commentary.]

[Page 1] 1. C. चेईए. 2. C. बलसंपन्ने रूवसंपन्ने विणयनाणसंपन्ने दंसण...
संपन्ने. 3. C. °लोभे. 4. C. °बंभचेरवय° and omits नय. 5. C. B. °चरित्त
only. 6. B. नगरी. 7. C. °चेईए°. [Page 2] 1. C. आय°. 2. C. omits
पुरिसुत्तमेणं...लोयुत्तमेणं. 3 & 4. C. omits. 5. C. जिणएणं. 6. C. B. A. °खं°.
7-8. C. omits. 9. A. B. माई°. 10. C. मंडुए. 11. C. सूं० B. सुसु०.
12. C. omits. [Page 3] 1. C. इ. 2. C. has throughout °गेहे. 3. B.
A. नग°. 4. C. सुय° A. सूमा°. 5. C. कम्म०; B. कम्मइया°. 6. C. चुवि; B.
चव्वि°. 7. C. B. कुटं. 8. C. वियन्न°. 9. C. °क°. 10. C. °भत्त°. 11. C.
°छहाळ°; A. °धाळधवल°. 12. B. A. °सत्थ°. 13. C. पुम०. 14. P. वंदन°;
Com. notes the V. L. चंदन०. [Page 4] 1. C. B. A. °गंध°. 2. A.
changes °किरण° to °रयण°. 3. C. °ट्टी°. 4. C. °य°. 5. C. उव°. 6. C. °भं.
7. C. °कारं. 8. C. B. °सिया. 9. C. °यंब°. 10. C. समूसितय°; A. B. समूसविय°.
11. A. B. °रुम°. 12. C. omits °गंभीर°; A. B. omit °रिमिय°. 13. C. °ट्टी°.
14. A. B. सि°. 15. C. के सि धम्मं जाव; B. केसिमं जाव. 16. A. B. Gene-
rally read सिमिण for सुमिण. [Page 5] 1. B. अणुपवि°. 2. B. E. मिउ°;
C. E. omit °रिमिय°. 3. C. E. उराला. 4. C. तुब्भे. 5. A. B. E. omit.
6. A. B. E. देवी. 7. B. E. °कारगा. 8. C. देवाणुप्पिए. 9. C. splits the
Cpd. and has different sentences. 10. C. राय°. 11. C. °वडें°.
12. C. A. omit. E. °तिलग. 13. A. B. विन्नय°. 14. E. °विउल°. 15. E. देवा-
णुप्पिया after each word. 16. C. वद°. 17. C. हमिहेति ति. [Page 6]
1. C. कोटंबिय°; E. कोडं°. 2. C. °गुरु°. 3. C. E. °गंध°. 4. C. E. एव°; B.
एवम्मा°. 5. C. °पंडरे; B. E. अहपंडरे. 6. P. गुजद्धराग°. 7. P. °जासुयण°; Com.
reads °जासुमिण°. 8. B. °गरे. 9. E. दिणकरपरंपरोयार°; B. दिणकरपरंपारा-
यारपरुद्धमि; C. दिणकरकरपरसरोवयार°. 10. C. खच्चि°; E. खइए°. 11. C. °णुपगा-
सविक°. 12. E. °यर; C. °कर. 13. B. °जुञ्झ°. 14. C. °माई°; B. °मादि°. 15. E. मइ°; B. मद°. 16. C. वय°; E. omits. 17. C. अंभिमे°. 18. C.
अंभि°. 19. C. पि°. 20. C. E. अंभि°. 21. E. °निम्मलगुणेहिं for निम्माएहिं.
22. C. चुवि°. 23. C. B. अवडें°. [Page 7] 1. E. °जालाकुलाभि०; B. समुत्त°.

2. E. omits. 3. C. generally reads सुवमाल. 4. E.B. °कासाइलू°. 5. E. पिण°. 6. C. सुड; cf. चुविह supra. 7. C.E. omit विमल. 8. C. °संत°; B.A.सित°. 9. B. °रेंट°. 10. E. reads उभओ before this. 11. C. E. °कोड°. 12. C. °पाल°; 13. E. विविह for विव and joins it to the next word. 14. E. नरिन्दे after this. 15. B. E. °भाग. 16. E. °मणिकणगरयण°. 17. C.B. omit सउअ. [Page 8] 1. E. सुत्तत्थधारण पारण. 2. E. सुमिणलक्खण°. 3. E. सुविणलक्खण°. 4. E. सुविणलक्खण°; C. सुमिणलक्खण°. 5. E. सएहिंतो. 6. E. मिल°. 7. E. सुविण°. 8. E. समिणलक्खण°. 9. E. संलवेति B संलवेति [Page 9] 1. C. omits. 2. B. A. °उसह°. 3. E. °भुवन°. 4. C. सिंह. 5. C. E. चत्तारि. 6. C. एयं. 7. E. सामी after this. 8. C. पयाहि; E. पयाहिसि. 9. E. °मत्ते. 10. C. वियक्कंते. 11. B. C. °विपुल°. 12. C. वदह. [Page 10] 1. C. वइ°. 2. E. तई°. 3. C. दोहद°. 4. B. E. डोहले. 5. E. मेहे. 6. E. omits. 7. E. °ज्जाए; B. °ज्जा°. 8. E. °न्याए. 9. C. °पुम°. 10. C. °केसूय°; B. °केसूय°. 11. C. °हिंगलय° B. °हिंगलुय°. 12. E. °गुलिय°. 13. C. °सुय°. 14. B. °सामग°; E. °साम°. 15. E. °गण°. 16. E. °संस°; C. °सिक्कि°. 17. E. omits one उवरि. 18. E. °वियमेइणि°. 19. C. वेळि°; E. वेळिय. 20. E. °पव्वय°. 21. E. °कूडग°. 22. E. °निम्मकडुय°. 23. E. °कुडयकडय°. 24. C. E. °रय°. [Page 11] 1. E. B. ओणय°. 2. Com. °भामिय°. 3. E. °तारगणपडेसु; B. °तारगण°. 4. C. °बंध°. 5. E. ओइन्नवलाइग°. 6. C. पाव°. 7. E. किन्नो for कित्ते. 8. E. °तिउयओविय°; Com. °उचिय°. 9. C. B. °खडुय°. 10. E. °गु°; E. B. omit पवर. 11. E. B. °वइर°. 12. E. सद्धि after this. 13. C. °चुमुह°. 14. C. आसिय°. [Page 12] 1. E. reads अवलवियं after this. [Page 13] 1. C. तो. 2. C. चुविहाए; E. चउव्विहाए. 3. C. E. बुद्धीए. [Page 14] 1. E. मणामाहिं instead. 2. E. उरालाहिं कल्लाणाहि. [Page 15] 1. C. पडिला-मिए instead. 2. MSS. generally write उमुक्क°. 3. C. उप्पज्जेसु; E. समुप्पज्जेसु. 4. E. reads जत्थ णं after this. [Page 16] 1. C. B. °सोहे; E. °सोक्खे. 2. C. B. °गमणुगुणजणिय°; E. °गमणुठाण°. 3. B. °हासे. 4. E. °गम्भ° for °मज्झ°. 5. C. उडु°. 6. C. °सम्मत्त°; E. °संसन्न°. 7. C. E. B. गंध°. 8. E. विगुवित्त°; B. विगुवित्त°. 9. E. °वंतो. 10. B. °लोगं. 11. E. णयरं instead. 12. B. reads 'य तस्स' after this 13. E. B. संगि°. 14. E. हियं इच्छियं. [Page 17] 1. MSS. write दोहल as well as डोहल. 2. C. always °माऊयाए. 3. B. °सि°. 4. C. गज्जइ; E. गच्छइ. 5. C. पावस°. 6. C. °ऊ. 7. C. °माऊयाए. 8. C. B. धारिणीए देवीए. 8. C. कोट°; E. कोड°; B. कोट°. I have retained कोटुं विय throughout. 9. C. एव°.

- [Page 18] 1. E. सेयवरचामर°. 2. C. °द्विया. 3. C नगर°. 4. C. चेदीसु य जूएसु य etc; E. चोण्डीसु; B. चेण्डीसु. 5. C. B. E. विय°. 6. E. °भोए°. [Page 19] 1. C. generally सुकमाल. [Page 20] 1. C. एव°. 2. C. after this adds उकिट्ठं अमेज्जं अदेज्जं. 3. E. B. अव्वाय°. 4. E. B. सुट°. 5. E. गम्भगयस्स. [Page 21] 1. E. छावणि°; B. वावणि°. 2. C. °दवडि°. 3. B. °अक्कणि°. 4. C. हत्थि. 5. E. गहिज्ज°. 6. C. परिगिज्ज°; E. °गिज्ज°; B. परंगिज्ज°. 7. C. बालावणय°. [Page 22] 1. C. वत्थ°. 2. E. कट्ट°. 3. C. °रूव°. 4. C. रूव. 5. E. B. omit वत्थ. 6. B. °विह°. 7. C. °पवर° for °वयर°. [Page 23] 1. E. B. आणियाळि°. 2. C. °उववयाण°. 3. C. °भोए°. 4. C. E. उवलोए°. [Page 24] 1. C. °सङ्गे. 2. C. वु°; E. वु°. [Page 25] 1. E. °लक्खणओ ओलग°; 2. E. चेयगमड°; 3. E. फरसु°. 4. B. °महिमव° [Page 26] 1. E. संकु°; 2. C. omits; 3. E. काममोए for भवे; 4. C. अनित्तिए; 5. C. केस; 6. C. सरिसवयाओ; 7. E. आणिलि°. [Page 27] 1. C. E. have the whole Sentence के णं जाणइ के पुब्बि etc; 2. C. B. omit सार; 3. E. B. जाव after this; 4. E. omits तं; 5. C. संवुद्धे. [Page 28] 1. C. एव; 2. C. B. omit 'च°'; 3. E. असिधारासंचरणययं; 4. C. B. E. °वु°; 5. C. E. वीर° [Page 29] 1. C. E. कुमार; 2. E. B. °वेउं [Page 30] 1. C. E. तुम्हे; 2. C. E. चउपपला°; 3. E. सेयपीयएहि°; 4. C. रयणमउड°; 5. C. B. ददुर [Page 31] 1. C. सालि°; 2. C. अम्म°; 3. C. ओघा°; 4. B. दुवे उ; 5. B. पासे; E. पासि°; 6. E. ओहीर°. [Page 32] 1. B. °किइ°; 2. C. सरिस-वयाण°; 3. C. °णीयं; 4. C. वुत्ता समाणा; 5. B. supplies the whole passage indicated by जाव, but again reads as in the text; 6. C. °धणियवलि-यवद्ध°; 7. C. भगवओ. [Page 33] 1. B. जम्मणजरमरणाय°; 2. E. एवमग्गे; B. एमेव मग्गे; 3. C. Very often writes अम्हा°; 4. Com. अप्पसार; 5. B. °गुरु°; 6. E. B. ख°; [Page 34] 1. C. आचार°; 2. E. ममे after this; B. also मम above the line; 3. E. अणगार° instead; 4. E. एवमेव; 5. E. अणगारे; 6. E. पडिच्छइ; 7. E. From now on substitutes अणगार for कुमार after मेह; 8. C. बार°; E. पाय°; 9. C. सीसेहि°; 10. C. षिट्ठेहि°. [Page 35] 1. E. adds after this :—'संथाराओ आययंति', and omits राओ; 2. C. आगारवास°; 3. C. °रूवयं; E. °संतियं; 4. B. तं रयणि; 5. C. B. E. °मज्जा; 6. E. पव्वइए; C. B. omit; 7. C. निव्वइय°; 8. E. B. संखउल°; P. संखद-लउज्जल°; 9. C. समए; 10. C. °गत्तवरे. [Page 36] 1. C. पागट्टी (°ट्टी?); 2. C. पट्टवहए; 3. C. जूहाहिंवई; 4. C. परिवट्टिए; Com. °वट्टिए; 5. C. °रुई; 6. C. °डे°; 7. E. कुं°. 8. C. °यरेसु य; 9. C. पावस°; 10. C. omits मय; 11. E. and Com. °किमिव°; Com. °किमिण°; 12. C. °वाइय°; 13. C. °पायपडिय°; B. °पायडिय°; 14. C. वसंतेसु; 15. B. गिम्हम्हउण्ह°; Com. गिम्हउम्हउण्ह°; 16. B. संवट्टइएसु; 17. C. E. B. सीयर°. [Page 37] 1. E. B. °छा°; 2. C. E. विणिट्टुहे°; 3. E. पाए; 4. E. लेड°; B. लंड°. 5. E. झुंझिए; B. Com. जुंझिए. They are Synonymous. 6. C. °सू°; 7. C. °पल्लिडे; 8. C. omits the words च णं महं; 9. C. B. °क्षेणं; 10. C. पाविए; 11. E. थिर°; 12. B. सु°; 13. C.

उद्धमं; E. B. उद्धुं; 14. B. adds तिउणा after this; Com. and P. तिउला; 15. B. होत्था; 16. E. वीसं; 17. C. omits; 18. C. गयवरजुवां 19. C. omits गय; 20. E. तुमे महागम्भं etc. omits मेहा. [Page 38] 1. C. रत्तुपलसूमां; E. उपलरत्तं; 2. C. B. मणं; 3. C. पालियातं; B. पालियत्तयं; 4. C. कणेरुहत्थी; E. गणियायारं; 5. B. Com. संताणं; 6. C. काइसि. [Page 39] 1. B. खुवे; 2. P. and Com. विवहणं; Dict. notes विवहण= विनाश; 3. B. उद्धतं; 4. C. कइं; B. पसुघाओ; P. पंसु Com. notes this; 5. B. कुसुमकयचामरं; Com. notes the V. L. 'उउयकुसुम,' his reading drops उउय; 6. B. समयं; E. उउयसमयं; 7. E. B. Com. सिहरं; Com. reads सिरिहर and notes the V. L.; C. भीमंतरं; 8. Com. reads आयवाल्महंतं and notes आयवालोय as V. L. [Page 40] 1. C. पादपवंसं; 2. B. दसोदिसिं; 3. C. adds चिल्ला after this, retaining चिल्ला also; 4. E. B. भयविहुया; 5. E. B. अणुखित्ते; 6. C. generally रायंदियं; 7. E. वलिततियं; 8. C. झंझिए; E. झुंझिए; Cp. supra page 37; 9. P. Com. add अचंक्रमणो वा; 10. B. कडे; P. Com. टाणुखंडे; 11. E. B. रयंतं probably wrong for रयत; Com. रययां; P. रयतं. [Page 41] 1. E. दातं (for पत्तं) bad writing for दंतं which is the Com.'s reading; 2. P. जाईसंभरणे; Com. notes पुव्वभवे, and reads as in the text; 3. C. आणंदसंपुन्नमेहे; E. आणंदसंपुन्नं; 4. E. समुसवियं; 5. C. B. मायाउत्तियं; 6. E. क्वह; 7. C. B. उत्तियं; 8. E. B. पडिच्छइ. [Page 42] 1. C. एगारस; 2. E. सोहेइ; 3. C. दोच्चाए; 4. C. तच्चाए; 5. C. कड्डए; E. कडए. [Page 43] 1. C. एगां; 2. E. B. पंचदसमे; 3. C. उदयग्गेणं; 4. C. कडिकडिं; 5. C. B. तिलंडासगडिया; E. तिलडडां; 6. E. भासभत्सरसिं. [Page 44] 1. E. B. आरुं; 2. C. कडाहीएहिं; B. कडावेहिं; 3. E. मासीसंलेहणाइसियस्स; 4. P. अहं; 5. C. कडाइएहिं. [Page 45] 1. C. Omits कट्टु; 2. E. B. एवं; 3. E. पाओव-गमणकालं; 4. C. वासाइं; 5. E. B. अणु. [Page 46] 1. C. एयस्स; 2. E. व्वयाइं; 3. C. पाणयअच्चुए; E. पाणच्चुए; 4. C. omits महा; 5. C. अपोपं. [Page 47] 1. B. वितयं; C. वियस्स; 2. C. Throughout शेहे as in chapter I; 3. B. तस्स; 4. E. पडिं; 5. C. B. E. जिणुं; 6. E. किण्हां; 7. P. धण्णे throughout; 8. C. सुकं. [Page 48] 1. C. खुइं; 2. C. आरसियं and omits रत्तं; 3. C. E. फरसं; 4. C. पयत्तं for पइण्णं; 5. C. पभित्तए; B. पभइए; 6. E. सव्वोगाही; Com. सव्वगाही; 7. C. उवट्टिए; E. उव्वहिए; 8. E. अभिं; 9. B. जूवं; 10. E. सरपंतियासु य सरसरपंतियासु य. [Page 49] 1. E. पसुयामि; P. पयायामि; 2. E. मूले; B. मूलकम्भं; 3. C. B. अइसरं; 4. E. B. निवेसियाणं; C. निवेसेइ; 2 वेसियाणं; 5. E. C. धन्ने णं; The Mss. sometimes spell it thus, but usually it is 'धण,' and so for the sake of uniformity, I have retained single 'ण' throughout; 6. P. पुण्वत्थं; 7. C. सद्धं; 8. C. Invariably writes

°गे° for °गि°; for गिह also, it writes गेह; 9. C. महा°; 10. E. जाणु°; 11. C. पयासि; 12. C. उवायं; 13. E. B. उववा°; C. उवायत्तए; 14. C. बहूय (Usually C. writes बहूय for बहुई°); 15. C. उवायं; 16. P. °गंधवत्थ°. [Page 50] 1. C. °साडगा; E. पडगसाडिया; 2. B. तत्थेव; 3. P. reads ताई after this; 4. E. omits °वत्थ°; 5. E. B. omit; 6. C. महा°; 7. B. °गच्छइ; 8. C. जक्खा instead; 9. B. उववा°; 10. P. पुप्फवत्थ°; 11. E. B. परि° [Page 51] 1. C. उवणेति; E. विणयंति; 2. C. ते; 3. E. नागर-महिलाए; 4. C. generally रायंदि°; 5. E. उवायं; 6. C. होऊ. [Page 52] 1. C. °कारेणं; E. °कारे संसु°; 2. E. °द्वा°; 3. E. जीवियं°; 4. C. तहेव; 5. C. E. सुयं; 6. C. पवित्ति; 7. C. निवाए; E. omits; P. हते; The com., however, reads 'नीए'; हते is obviously wrong. None of the five Mss. read हते; 8. E. अवस्सित्ते. [Page 53] 1. C. चंपगलया य; but it is obviously wrong; 2. C. generally writes महुत्त°; Dict. notes this Spelling also, but I have retained मुहुत्त° throughout; 3. C. °यं; 4. P. Com. °बद्धवम्मियकवया; 5. E. जीवियं°; 6. C. °मगगणम°; 7. E. निवाए°. [Page 54] 1. C. उक्खिरिएमाणा—but the Dict. does not note this word; E. पक्खिवमाणे; B. पकेर°; 2. B. राया°; E. असच्चे; 3. P. एत्थट्ठे instead; Com. नन्नत्थ; 4. E. विणिवा°; 5. B. °नियगसयण°; 6. C. °दा°; 7. C. बहु-य; 8. C. लहूयंसि; 9. D. संपलगे; 10. E. चारगसाला; 11. E. चारगसालं; 12. E. °डावेइ°; 13. B. भायणाइ; 14. B. गच्छण्हं—probably a formation from गच्छह + णं; 15. C. °पिंडं; 16. C. °ल्लि°; 17. B. भायणाइ; E. omits this and the next word; 18. E. एत्तो. [Page 55] 1. C. °कर°; 2. C. पड°; 3. C. एयं instead; E. omits; 4. C. °पिंडं; E. °पिंडगं; 5. E. B. °ब्भमाण°; 6. C. °ट्टावेहि; 7. C. म°; 8. A. धेणे विजएण [Page 56] 1. E. B. °पिंडयं; C. °पिंडं; 2. C. कारा°; 3. C. अद्दायमाट्ठियं; 4. E. B. सरीरकुसलं पुच्छंति; 5. C. पुरिसा; 6. C. भवंति; 7. E. B. भइया; C. भायया; 8. C. भाणेजा; 9. E. बाप्फमोच्चणं. [Page 57] 1. C. रज्ज°; 2. C. मोयावेति; 3. B. संघाडियए; E. घोडियए; 4. B. E. परब्भमाणे; 5. C. उववाट्ठिता; 6. P. reads after this—दीहमद्धं; 7. C. बुज्झंति instead; 8. P. 'धम्मघोसा नामं' before this: But none of the five Mss. give it; 9. E. अम्म°. [Page 58] 1. C. सरीरचित्ता; 2. E. B. omit 'बल'; 3. E. वूहणयाए; P. वहणयाए; 4. C. °प्पयाणाणि; P. °प्पाड°; 5. C. अणायं. [Page 59] 1. Com. सब्बोउए and notes सब्बोउयं°; 2. P. वर° for वण°; 3. C. परियाणए; 4. C. पिट्ठंडी°; E. पिट्ठुंडी-पंडेरे; 5. E. B. किच्चाइ; 6. C. पक्कया; 7. Com. notes संहिच्च; 8. C. चुसट्ठि°. This is a peculiarity of MS. 'C' to form such samdhis; 9. C. omits चउसट्ठि. [Page 60] 1. E. B. पुव्वावरण्ह°; 2. B. पाउम्भूए; 3. E. B. °क्खडेह; 4. C. °कलया°; (कलय = अर्जुनवृक्ष); 5. E. C. से; 6. E. मे after this. [Page 61] 1. C. जाणु; 2. E. ण्हायाए; 3. B. पक्कावरण्ह°; 4. C. हत्थअंगुलीए; 5. E. B. देह°; 6. E. B. पक्ख°. [Page 62] 1. B. गच्छण्हं

Cp. Supra; 2. B. सत्थाह°; 3. C. उववत्तेति; E. उच्छत्तेति; 4. C. उववट्टिज्ज°; E. उवट्टिज्ज°; 5. E. एव; 6. C. परा°. [Page 63] 1. C. उववट्टे°; 2. C. नडुल्लंग°; B. नडुल्लंग°; E. णंदुल्लंग°; 3. C. E. B. से; 4. E. अवयारियपइन्°; 5. C. °चंदपखीयाकइय°. [Page 65] 1. E. पडि°; 2. E. °सयवत्त°; 3. C. वरमालूया°; 4. C. reads खुदा after this; 5. E. दिवा; 6. E. पच्छन्ना; 7. C. °दहाओ; 8. C. B. उवि°. [Page 66] 1. E. वि विलुंपति after this; 2. E. उवट्टेति; C. उवत्तेति; 3. E. नियंग°; or probably wrong for नियंग°?; 4. E. जविण°; 5. E. निखुड्डे; C. नखडावेति; B. निखुड्डेति. [Page 67] 1. C. °नाय°; 2. E. B. से instead; 3. C. B. from से to °परियट्टइ—dropped and जाव instead. [Page 68] 1. E. B. °पाडी°; 2. C. अनेकतडग°; 3. C. °पुरे for पउरे; Cp. चुविह for चउव्विह etc.; 4. B. सव्वोउय°; 5. E. णीपा°; 6. B. सत्थाह°; 7. B. सायरपरिपेर°; 8. C. °वयणी° throughout. [Page 69] 1. C. very often °कुसम° for °कुसुम°; 2. C. E. वयासी instead; 3. C. °तहाबार°; 4. E. °संकुलसई°; 5. C. E. °माण. [Page 70] 1. C. °किण्ह°; 2. P. after this: नवरं निक्खमणाभिसेयं पासामो । तए णं से थावच्चापुत्ते तुसिणीए संचिट्ठइ । 3. C. पडिहारदेसेण°; 4. E. गंधहत्थि°. [Page 71] 1. E. जीवियं नित्सए instead; 2. E. °पडि°; 3. C. उपाइत्तए; E. उप्पाइए; 4. E. अन्नत्थ; 5. E. कम्माणं खओवसमेण°; 6. E. जम्मणजरा°. [Page 72] 1. C. B. दुरूडा; 2. C. समाणा; 3. C. °वुडा; 4. C. सीया°; 5. E. B. अरिहा; 6. C. सत्थवाही instead; 7. C. पुमावईए; 8. C. देवीए. [Page 73] 1. C. B. °सट्ठे; 2. C. °धिला; 3. C. सए throughout; 4. E. जजु°; B. जजुर°; 5. E. °जम°; 6. P. °छत्तछल्लु (करोडियछण्णाल) यंकुस°; 7. C. पत्तेहि. [Page 74] 1. E. B. परिब्बायए instead; 2. B. णीइ; 3. P. °कम्मगंठीओ; 4. C. °पय°; 5. C. B. °य°; 6. C. तए णं (Probably for तवए णं ?). [Page 75] 1. C. °लिंपतस्स य; 2. C. सोए; 3. P. बीयस्स; 4. C. सभंड°; 5. C. पज्जुवासेइ. [Page 76] 1. C. °प्पि°; 2. MSS. often write as सिद्धि; 3. C. जे; 4. C. °सवा; generally other MSS. not consistent; [Page 77] 1. E. B. हिरण्णमासा. [Page 78] 1. C. सव्वं before this; 2. E. दलयइ; 3. E. B. एवन्ने instead. (Page 79) 1. E. B. किमन्ने; 2. E. °हारे; 3. C. E. समणा°; 4. C. पुमा°; 5. C. तरसे य (for तारिसोहि ?); 6. C. बलेहि instead. [Page 80] 1. C. Always writes फासू°; 2. C. °दंसेति; 3. E. B. गल्ल (Probably wrong for मल्ल read in P.); 4. C. writes पासत्थविहारी instead of 2; E. पमत्तविहारी etc.; 5. C. omits उउ. [Page 81] 1. E. °खेलमत्तओसह° etc. 2. C. °वडियस्सयं; 3. C. °रए; 4. C. पोएति; 5. C. पडिकमेयं खासेमि णं. [Page 82] 1. C. B. ते सेलगपामोक्खा पंच etc. 2. E. has separate sentences for each; 3. E. अंतेवासी after this; [Page 83] 1. E. B. गुरु°; 2. E. विट्ठेइ; 3. E. B. अंतरा instead; 4. E. B. गुरुयभारियाए after this; 5. E. B. गुरुयभारियाए instead; 6. E. °गइ° (for °तल°); C. always °पयट्ठाना; 7. B. अह; 8. C. तेसि; 9. C. पढमं लुगमांसि;

10. C. धरणीतलआयवत्ताओ; 11. C. सलिलपय°. [Page 84] 1. B. धण्णे throughout; 2. E. B. विदेसत्थंसि. [Page 85] 1. E. °निसण्णे for °वरगए; 2. C. E. °मिता; 3. C. पल्लगाओ; 4. C. चुत्थं. [Page 86] 1. C. उक्कय°; E. B. °निक्खए; 2. C. हरियफेरंडा; E. हरियफेरंडा; 3. E. पुणरवि instead; 4. B. सु°; P. सूयाणं; 5. E. °भूयाणं (for पूयाणं); 6. C. °दिसिसि; E. °देसं संठवेति; 7. E. वप्पति; B. वुप्पति; 8. E. B. उक्खणियहए; 9. E. लवण (?) तलकरयल्लमलिए; 10. E. पुणरवि; 11. C. कडवा; E. कुडुवा; B. मुरजा instead; Com. मुरला; 12. E. B. पल्लंति; P. पक्खिवंति; [Page 87] 1. C. omits; B. reads after this—तव हत्थांसि दलयामि again; 2. B. °एहि. [Page 88] 1. B. and Com. समुच्छियं; 2. E. B. °ज्झियं; 3. B. फालि°; 4. E. सुण्हं after this. [Page 89] 1. E. B. दलाति; 2. B. वड्डु°; C. ठावियं. [Page 90] 1. E. B. °क्खा; 2. C. महवल throughout; MS. E. gives the whole description about the arrival of the monk; throughout the chapter MS. E. supplies the वर्णकस् which are merely referred to or omitted in other MSS.; 4. E. B. ठावेमि; 5. E. संहिच्चा (The passage is reproduced in Ch. III where it is समेच्च). [Page 91] 1. E. तओ अम्हाणं; 2. E. छप्पियवालवयंसे सह before this; 3. E. भेत्ते instead; 4. E. B. तए णं; 5. C. B. वीसाएणं; E. वीसाहिं; 6. E. B. °च्चि°; 7. E. B. पभा°; 8. P. जीवो for सो उ; Com. notes 'एसो'; 9. C. B. उ and E. उवसेत्ते after this. [Page 92] 1. E. B. °सुत्ता; 2. E. B. विगइ°; 3. E. थेरा भगवतो; 4. E. B. °त्तए. [Page 93] 1. E. विशुद्ध°; 2. E. पंचालराया; C. °रायाहिंवई; 3. P. °ट्ठाणट्ठिएसु; 4. C. सबसउणेसु (probably for सब्व°); 5. C. सुगालंसि; 6. B. P. (and Com.). 'हेमंताणं चउत्थे मासे अट्ठमे पक्खे फग्गुणसुद्धे तस्स णं फग्गुणसुद्धस्स चउत्थि पक्खेणं; Com. notes the reading in the text; 7. E. महाविमा°; 8. E. °वु°; Com. notes this V. L.; 9. C. °द्धु°; 10. C. दो°. [Page 94] 1. B. अहो°. [Page 95] 1. C. °गा°; 2. P. °मु°; 3. E. B. °ग°; 4. C. °डंड; E. चउहिं बुद्धी उववेओ for सामदंड°; 5. C. °चक्काय°; 6. C. B. °द्धु°; 7. C. तुलएह; E. B. ओलएह. [Page 96] 1. E. B. निग्गच्छइ; 2. E. °फलग° for °पडलग°; 3. E. °कडुच्छय°; 4. E. adds this sentence from तए णं at the bottom and reads 'गंडं वत्थं भरियमेहवत्तं सुप्पणमंडगं सुइरं काळं etc. [Page 97] 1. C. अंतियं; 2. MSS. read here महिलं, but not regularly and consistently; 3. C. पहा°; 4. C. संजुत्ता°; 5. E. तत्थ; 6. B. °कहाहिं संलावे; 7. C. पारिज्जं (°च्छे being dropped). [Page 98] 1. E. °व्विह; 2. E. पयस्स य after this; 3. P. तारिसेहिं instead; 4. C. °नंदयंता; 5. E. °संयुणंता; C. अभियुण°; 6. C. विप्फयाहिं; E. omits; 7. E. सम्मा°; 8. C. अभिनिक्खित्तोसि; 9. E. °वाइसुत्तंतरेसु जयंतेसु; 10. E. वक्कं समुदाह; 11. C. B. °सामवि; 12. C. °नाणा° (for °नावा°); 13. E. वाव°; B. °रि°; Com. °वरि°; 14. °ण्ण°; 15. E. B. °णेहिं; 16. B. विप्पमु°; 17. E. B. °पक्खा; 18. C. संणुभं; E. संछु°; B. °छू°; 19. C. E. B.

मं. [Page 99] 1. B. °लंगं; 2. C. आम्; E. B. आउं; 3. E. °चिपट्टं (for °चिमिटं); Com. °चिपिटं. 4. E. °भसुयं; 5. C. °दंतं; 6. C. °वगंतं; 7. E. °मायच्छमाणं; 8. B. °कालंगं; 9. E. B. °चंचलं; 10. Com. अवाच्छियं; 11. E. °लालां; 12. Com. notes आम्सियं; 13. C. °चम्मेट्टे; B. °चम्मउट्टं; Com. notes this; 14. E. °चिमिट्टं; Com. °चिवडं; 15. E. घाडम्भडं; B. घाडम्भडं; P. Com. घाडुम्भं; 16. C. °चंचलीयं; 17. C. °लोयणगं; 18. E. °निलाडं; 19. E. °चिद्धं; C. °बिबं instead; 20. B. °कूरं; 21. C. °धूधूवंतं; E. °धुरधुवंतं; 22. E. °तुंमलं; B. °कुंमलं; Dict. does not note these words; 23. E. °दिव्वं; 24., C. °भुक्खं for °नहं; 25. P. °णिवसणं; 26. C. B. °विततं; 27. C. आणद्धं. [Page 100] 1. C. E. उवातिणमाणा; B. उवातिमं; 2. B. °क्खाए तिकट्टु; 3. B. °तालं; 4. C. विहासं; 5. B. °व्वं; 6. Com. P. जेणं. [Page 101] 1. B. °तालाइं; 2. B. ताहे; 3. E. चेव after this; 4. E. B. °स्थिमे दिसीभाए; 5. E. °प्पियाणं; 6. C. दिट्ठी; 7. B. खमेसु; C. खामेसु; 8. E. मरिं. [Page 102] 1. P. पोयपट्टणे; 2. C. B. °जुं; C. many times °जुं but not always; 3. E. चंपा नयरी पोयपट्टणे; B. चंपाए पोयपट्टणे. [Page 103] 1. E. दिट्ठपुब्बे; 2. C. °मां; 3. P. चउक्कंसि instead; 4. E. B. ओलयति; 5. E. °खंधे दुरुद्धे; 6. B. सीयां; 7. E. B. °वंदिउ. [Page 104] 1. B. Locative for Instrumental; 2. E. एरिसिए; 3. C. एत्थ; 4. E. इमीसे; 5. C. से; 6. E. एयमाणं. [Page 105] 1. E. °सिं; 2. B. सयाइं; 3. E. निग्गच्छंति. [Page 106] 1. C. पमोदं; E. पउमं 2. MSS. use plural; 3. E. °णुमूयं; 4. E. निव्वं; 5. E. B. °गरदारए; 6. E. B. एयं; 7. MSS. have plural; 8. E. °रूवे; B. °रूवरूवे. [Page 107] 1. B. विअडे; 2. E. विलिए; 3. B. विअडे; 4. E. भइं; 5. E. B. चित्तसमं; 6. E. °णुरूयं रूवे; 7. E. जोव्वणनिव्वत्तिए; 8. E. °गारं; 9. C. छोदां; 10. C. B. °णं. [Page 108] 1. B. °पडिं; 2. B. °गारं; 3. C. छेदां; 4. B. रूवे after this; 5. C. °यरे; E. °भावमंडोवयरे; 6. E. °दिसं; 7. E. °इयावसहीओ; 8. C. कन्नाअंतं; 9. B. °फां. [Page 109] 1. B. तुव्वं; 2. C. E. अम्हे; B. अह; 3. E. पणवेमि; 4. C. E. धोवं; 5. C. इणमट्टे; 6. E. तुव्वं पि; 7. MSS. धोवं; 8. C. कन्नाअंतं; 9. C. अंतोअंतं; 10. E. usually °उडे. [Page 110] 1. B. अडहि; 2. C. °सां; 3. E. मह; 4. C. किं; B. के; 5. E. संवुट्टे; B. लुट्टे; 6. C. तडागं; 7. E. °पस्सं; 8. E. B. तुमे; 9. E. usually उवरोहे. [Page 111] 1. E. अंतिए after this; 2. E. °द्वां; 3. B. अम्हं after this; 4. C. सव्वं; 5. C. चेव instead. [Page 112] 1. E. निग्गच्छइ; 2. E. देसमगं; B. देसगंते; 3. E. B. °निवडियं; 4. B. मिथिलं; 5. C. E. °सेजे (or रोहासजे?) B. रोहासजे; 6. E. णयरिं instead; 7. E. ओरुद्धं; B. ओरद्धं; 8. E. विरहाणि य after this; 9. E. °णमं. [Page 113] 1. E. B. °स्सियं; 2. B. °प्पवे; 3. C. B. रोहासजे or °रोहसेजे? Cp. Supra; 4. E. तं before this; 5. E. Instru. for Loc.; B. also except in लावणे; 6. E. देहं; 7. E. °वइ; 8. E. एवं खलु instead. [Page 114] 1. B. दुरुव्वं; 2. C. E. °ज्जं; 3. B. तुम्हे before this; 4. E. इमाओ; 5. E. अणगारा after this; 6. C. निव्वं;

7. B. चोत्थं; 8. E. B. तए; 9. E. वत्तीसं; 10. B. सयाइं; 11. E. पयाया; 12. B. थ instead; 13. E. तुमं; 14. B. °म्ह°; C. °म्म°; 15. C. च; B. Omits; 16. E. विहाडवेइ; 17. E. छप्पि य रायाणो वालवयंसा; 18. E. पव्वाह. [Page 115] 1. C. अम्हे; 2. E. जम्मणजरमरणं; 3. P. °याणं; 4. E. पव्वाह; 5. E. माणसे; 6. B. जिय°; 7. C. °यतित्तए; 8. C. असीयं; E. असियं; 9. C. दलयइत्तए. [Page 116] 1. E. Loc. for Accu.; 2. E. B. कारो°; Com. notes कायकोडियाणं; 3. E. B. °विहायं. [Page 117] 1. E. generally °दाणं; 2. E. च after this; 3. C. E. °हि. [Page 118] 1. E. B. Singular; 2. E. दाहिणि°; 3. E. देविदे देवराया after this; 4. B. साहट्टु; 5. E. °पुव्विए संपट्टिया; 6. E. तयाणंतरे. [Page 119] 1. E. पक्खिवइ; B. पक्खिवसति; 2. E. °निणाए; 3. E. माणुसगाओ गिहत्थदम्माओ and omits उत्तरिए; 4. P. राय°; 5. E. अरहस्स; 6. E. पच्चाव°; 7. E. राजानो; 8. C. सव्व°. [Page 120] 1. E. केवलं उपज्जइत्ता; 2. E. किंसुक°; B. भिसग्ग°; 3. E. B. omit अट्टु; 4. E. अज्जियासंपया होत्था; 5. C. omits the Cpd.; E. some confusion; 6. C. चुरासी य; 7. E. °स्ताइं; 8. E. B. omit the Cpd.; 9. E. B. छस्सया; 10. B. पणवीसं; 11. C. °कड; E. °कर; 12. C. जुगंते कड°; 13. B. दुवास°; Com. also; 14. C. पाओगमणुव°; 15. C. B. केवल°; 16. E. पक्खेणं after this; 17. E. बुद्धे अंतगडे परिनिव्वुडे after this. [Page 121] 1. E. मागंदी; B. मायंदा; 2. C. °पालए; 3. C. B. °लसं पि; 4. E. Generally वयासि; 5. C. भो; 6. E. ते; C. भो; 7. E. B. मागंदिय° Throughout; 8. E. अणुजाणिता. [Page 122] 1. B. अयाले; 2. C. समुछिए; E. °च्छिए; 3. B. अतिअट्टि°; E. अणियट्टि°; 4. E. °जणि°; 5. E. भंज°; 6. E. घुणा°; 7. B. गल्लियगबंधणा लंबणा; 8. C. सोय°; 9. MSS. and P. °घोर°; 10. P. °छोम°; Dict. does not note छोमण: But all MSS. write छोमण; 11. C. °भट्टु°; 12. E. °धाविय°; 13. E. °गार°; B. °कार°; 14. E. B. करकरस्स; 15. E. °पराणियभंड; P. °पडियं भंड° etc.; 16. C. B. निवज्जा; E. णिवेज्जा. [Page 123] 1. B. फलगमखंडं; 2. B. संवू°; 3. E. B. आससंति; 4. E. B. नालिएरा°; 5. E. गताइं; 6. E. B. सत्तट्ट°; 7. B. °ताल°; 8. E. हो. [Page 124] 1. E. गंडरत्त°; 2. E. माउयाइं; 3. E. पाडेमि; 4. B. एतेहिं; E. तेएहिं; 5. E. पूइयं; B. पुइयं; 6. E. पाडे°; 7. C. B. उवि°; Com. उप्पिच्छौ; 8. B. उदू; 9. E. °दाणेण; 10. C. ददुर°; 11. C. B. °उम्भर(?) but भ & ज्ञ are very similar; 12. E. °विंद°; 13. C. उविग्गा generally; 14. B. उद्. [Page 125] 1. B. °वेल्लो; 2. E. B. °मयर°; 3. C. तएणं; 4. C. °फुडा°, 5. E. संमुहं; B. सुमुहि; Com. समुहिं; 6. E. वयासि; 7. C. महुत्तं; 8. C. B. सयं; 9. C. रयं; 10. C. धियं. [Page 126] 1. B. °विए; 2. C. कस्साघायणे; Dict. does not give आघायण; 3. E. आवइं; B. °वत्तिं; 4. C. B. ते; many times, MSS. write ते for से; (i. e. Plural for Sing.). Cp. also the Verbal forms: C. very often writes Plural for Sing.). 5. C. B. E. °उत्तु°; 6. P. ओहिणा after this. [Page 127] 1. C. °लहुगंसि; 2. E. वयासि; 3.

E. जक्ख° instead; 4. P. भे; 5. E. B. भे; 6. P. चेइयं: But the MSS. write व and च alike; चेइयं makes no sense; 7. E. जक्ख° instead. [Page 128] 1. C. E. सिद्धि; This word is often thus wrongly spelt by MSS.; 2. B. पडि°; 3. B. पुद्गतो; 4. E. विद्युणामि; 5. E. °णाह; 6. C. B. वत्तंति; 7. E. तच्चं पि after this; 8. B. पटुंसि; 9. E. पट्ठि; 10. C. सत्तअट्ट°; 11. E. B. °तल°; 12. C. उवागए; 13. C. सुयं. [Page 129] 1. C. B. °खडगं; 2. C. सत्तअट्ट; 3. E. B. अप्प°; 4. E. प्पाडेमि; B. पडेमि; 5. C. अणाडेमाणा; E. °णाढामाणा; 6. E. लोमेहि य before this; 7. E. जमिणं; 8. E. °दीवदेवया; 9. P. उ after this; 10. E. वह°; 11. & 12. B. सललियं; C. सलिलियं; Com. सलीलयं. [Page 130] 1. C. निव्वुय°; 2. B. सव्व°; 3. E. B. सकलुसा; 4. C. णिकलक्क; E. णिक्कक्क; 5. E. विण्णण (?); Com. छिण्ण—and explains as स्यान which is from थिण्ण; 6. C. °किय; E. णिक्खिव; 7. E. °हन्नं; 8. B. तुमं; 9. E. omits; 10. E. °रिस°; 11. E. °विविह°; 12. E. B. °सयाउल°; 13. E. B. एक्का°; 14. B. °विउल° (for विमल); 15. E. °लागारं; 16. B. सरिसनयणवयणं; 17. C. सद्धामि; 18. C. पि°; 19. C. जाए (for जा ते); E. जाओ; 20. C. B. °राहिं; 21. E. B. omit °अणु°; 22. E. °लायण्ण°; 23. C. Some confusion in this and the next Cpd.; 24. C. गलहत्थण्णोल्लियमई; E. °गलणोल्लि°; B. °गलत्थणो°; 25. E. B. °सट्ठे; Com. °सत्थं; 26. E. B. °प°; 27. E. °प्प°; 28. E. आसुस्तं. [Page 131] 1. B. सरिस°; E. पुरिस°; 2. B. पहिं; 3. C. °त्थि°; 4. C. °लिए; P. °लओ; 5. B. निरवेक्खो; 6. B. निरवेक्खेण; 7. B. °महुर° (for मउय); 8. C. सिद्धि; 9. C. बहूय; 10. E. B. °त्तारं; 11. E. °समुच्छलणं; 12. B. °गेण्हणं; 13. E. omits; C. °विभूयं; B. भोगभोगाई भूजमाणा. [Page 132] 1. E. अप्पाहरणं; 2. E. °विळ; 3. E. writes the Sentence in full. [Page 133] 1. E. though-out writes different sentences: नामं नयरे होत्था । तस्स णं etc.; 2. E. हीयंति; 3. B. पणि°; 4. E. दियाए. [Page 134] 1. E. B. कह; 2. E. °पत्ता मुत्तपुप्फला; 3. C. °क्खाओ; 4. C. देसआरा°; 5. C. B. स°. [Page 135] 1. E. writes full sentences; 2. C. महासमणो°; 3. C. °जालाकुले; 4. B. इणमट्ठे; 5. E. निसन्ने (for वरगए). [Page 136] 1. E. विस्सा°; 2. E. महण्णिज्जे; 3. C. वयणिज्जे; 4. E. B. throughout सुच्चि and दुच्चि for सुरभि and दुरभि; 5. E. पाओग°; 6. E. B. °णा°; 7. E. °वाहिं. [Page 137] 1. E. उवाइणा°; 2. E. कार°; B. करा°; 3. B. संवासेति; E. संवासावेइ; 4. B. ग°; E. गं°; 5. E. संवसा°. [Page 138] 1. E. पाणिज्ज°; 2. C. °भत्तु°; 3. C. E. तुब्भे; 4. E. तुम्हे तइया. [Page 139] 1. E. वयासि; 2. C. जाणिया; 3. C. तुब्भे; E. तुमं; 4. E. Reads तं before this; 5. C. बु°; E. वु°; 6. B. °च्छंति. [Page 140] 1. C. Always writes °उविग्गे (single व); 2. C. B. एगओ; E. पच्छागए (for पच्छा एगयओ); 3. C. तुब्भे. [Page 141] 1. E. reads after this:—तस्स णं रायगिहे स्सेणिए णामं राया होत्था । तेणं कालेणं २ समणे भगवं etc.; 2. C. Throughout ददुर°; 3. E. °सपरिवाराहिं; B. सरिसाहिं; 4. C. °क्खमंते; 5. C. B.

अन्नयाइ. [*Page 142*] 1. E. B. °रोवि°; E. °पाड्य°; 2. C. E. °रिणि°; B. °रणि°; 3. C. E. B. जाए; 4. C. °कोणा (Single क throughout); 5. E. °वत्त° (for पत्त); 6. B. °मत्थ°; E. °मत्थ or (च्छ?)°; P. °मच्छ°; 7. B. °सदुन°; P. °सद्दुन°; 8. C. पुरि°; 9. B. कार°; 10. C. E. B. °तिम°; 11. C. E. °माणा; 12. C. E. °भय°; B. omits; 13. C. °न°. [*Page 143*] 1. E. सुयमणो; C. सुणमणो; 2. E. कार°; 3. E. °किविण°; 4. E. B. एत्थ; 5. There is some confusion here. E. करोडिया य वायतणहारा; C. B. करोडिकारवा; P. करोडिया कारिया° तणहारा° etc; 6. C. B. °मल्ल°; 7. C. B. °कुसम°; 8. B. साहमणा; E. सोवमाणे; In line 1 on this page, MSS. write सोहेमाणे; Com. साहे°. [*Page 144*] 1. E. B. °कलंबक°; 2. E. समूससिय°; 3. E. B. खासे; 4. C. अरसा; 5. E. कंङ्ग य उदरे कोट्टे; B. कंङ्ग उदरे कोट्टे; 6. E. उव्वे°; B. उव्वेवणेहि; C. उव्वलणाहि; 7. C. अवद्वावणेहि; B. °द्वावणाहि. [*Page 145*] 1. E. °णेहि; 2. C. निरूवेहि; B. निरूवेहि; 3. E. सज्जेपुड°; 4. C. गो°; 5. E. reads after this : आइज्जेहि य; B. वेल्लीहि य; 6. MSS. मणियारे after this; 7. E. B. विणिमुक्के; 8. C. पोयपाणियं; E. पियपाणियं; 9. C. एस; E. सो.; [*Page 146*] 1. E. सालाओ; 2. P. °दूणो°; 3. B. पा°; 4. E. सिरसावत्तं मत्थए अंजलि कट्टु for जाव. [*Page 147*] 1. E. जावज्जीवाए after this; 2. E. °पुरे; B. °लीपुरे; 3. E. ण्यरे होत्था; B. णगरे होत्था; 4. E. writes complete sentences; 5. C. कलायरस्स; 6. B. अत्तिया; 7. C. usually पोटिला and sometimes पोटिळा. [*Page 148*] 1. C. always कलायरस्स; E. कालायस्स; B. कलादस्स; 2. C. E. B. generally omit दारग; 3. C. E. B. °माणि; 4. E. B. रूवेण; 5. C. °वाहि°; 6. C. Always writes कलायरस्स, B. sometimes; E. कलायस्स or °दस्स; but all MSS. also write कलाए. Thus there is no uniformity regarding the spelling of this word; 7. C. सत्तअट्ठ°; 8. C. omits; E. B. वा instead; 9. E. सुंके; 9. E. सुंके. [*Page 149*] 1. C. हत्थअंगु°; E. °लियाए; 2. C. हत्थअंगु°; 3. C. पायअंगु°; 4. B. °सक्कलीओ; 5. E. अंगमंगाई; B. अंगमंगायं; 6. E. B. पयायामि; E. reads तं after this; 7. C. E. B. °सि°; 8. C. अन्नसुहदायणे; 9. P. सयमेव; 10. E. °वट्ठंति. [*Page 150*] 1. B. °हाय°; 2. C. तुम्म°; 3. E. अंबो; P. तेयलिगिहे after this; 4. E. B. °स्सियं; 5. E. B. °द्वा°; 6. C. पेहेइ; 7. E. B. तं णं; 8. C. निक्खवेत्ति; 9. C. E. °लाओ; 10. C. E. पेहेहि. [*Page 151*] 1. E. मय°; B. मल्लियं; 2. C. लोगहियाई; E. लोगियाई; 3. C. B. जाया; 4. E. °गोयस्स वि; 5. E. दरिसणं; 6. E. नाव; 7. E. °रासि; 8. C. °कल्लं; 9. C. B. बहुसुया°. [*Page 152*] 1. C. हियवुडावणे; 2. C. E. भूय°; 3. C. गोलिया; 4. C. जाणाहि instead; 5. E. हत्थे before this; 6. E. छाएति instead; 7. E. B. °यारं; 8. B. उवदे°; 9. P. पडि° (for परि°); 10. C. कुटंब°. [*Page 153*] 1. C. तुम्म°; B. तुमे; 2. E. अन्नयेस्सु; B. अणुत्तरेस्सु; 3. E. बोधे°; 4. C. अनतरेस्सु for अनंतरेस्सु; E. अणुत्तरेस्सु; 5. B. संपत्ते. [*Page 154*] 1. C. वियंगे होत्था; E. विगित्था; 2. P. °वद्दवए; 3. E. तए णं; 4. E. जा णं; B. जो णं; 5. C. °रहे;

6. Com. से; 7. P. पसासेमाणे; 8. E. कुमारं; 9. C. तं; B. omits; E. इयं. [Page 155] 1. B. से वडुति; 2. E. B. मम after this; 3. C. °ज्झयं; 4. C. °ज्झयं रायं; B. °ज्झयं; E. °ज्झयं णं; 5. E. पटुओ. [Page 156] 1. E. सए before this; 2. C. ओइल्ला; E. (at the bottom in Com.)—ओइल्ला; 3. E. °ल्लियाए सिलाए गीवं; 4. E. ज्झामिए; 5. E. omits this sentence: and after this some words are not distinctly legible as the folios have stuck together; 6. E. omits; C. पोसेहिं; 7. E. तेयलिपुत्तेण before this; E. B. तालउडगे; 8. E. B. अप्पा; and E. सुक्खे; 9. C. °पुत्तं. [Page 157] 1. E. वरसंति; B. वरिसंति; 2. E. अरत्ते; 3. E. B. omit; 4. E. तरिउं; 5. E. B. पवहणं; 6. B. °णां; 7. E. वयासी; 8. E. सुभेण अज्झवसाणेण after this; 9. MSS. omit °पुत्तं; 10. E. पंचमहं; 11. E. °वट्टं. [Page 158] 1. B. घण्णे throughout. [Page 159] 1. MSS. वयासी; 2. Com. पंदुरगं; 3. Com. गिहिधम्मो वा धम्मचित्ते वा; 4. C. आहिच्छं. [Page 160] 1. B. नाइविगिदेहिं; 2. E. पयाणेहिं instead; 3. E. B. देसगंते; 4. C. ससिरीया instead; 5. E. केवि; 6. E. After this °टिच्चा तत्थ (for सत्थ). [Page 161] 1. E. नो रज्जेइ after this. [Page 162] 1. C. E. °भूए; 2. E. C. °वाराए; 3. E. B. °क्खडेइ; 4. E. °क्खडेइ; 5. P. अभोज्जं after this; 6. E. B. अहं; 7. E. B. °लिबो; 8. E. B. omit ताव; 9. E. B. तित्तां. [Page 163] 1. E. B. °रां; 2. E. सुहंसुहेण विहरमाणा after this; 3. E. उवगां; 4. C. °रूयं; 5. P. निसिरणट्टयाए; 6. C. B. °ग्गहगे; 7. E. °सिं; B. °स्सं; 8. E. ताओ; 9. E. B. तित्तगं. [Page 164] 1. C. °रूयं; 2. E. यं; 3. E. °वायं अचित्तं थडिल्लसि एगंत; 4. C. °सूं; 5. C. मम तं; E. ममं तं. [Page 165] 1. B. °वदेसं; 2. E. B. अंतियं; 3. C. B. °इयं; 4. E. पुव्वां; 5. C. सा नागसिरी माहणी जाव निसिरइत्ति after this; 6. E. °विदे. [Page 166] 1. B. अहं; 2. E. विगयसिरी after this; 3. P. जाए instead; 4. C. °याइं; 5. C. °णाइं; 6. B. वहिज्जमाणी before this; 7. C. E. तुं; [Page 167] 1. C. B. देहं; E. देहिंवलियाए; 2. E. B. नरएसु; 3. E. उक्कोसं तेत्तीससागरो; 4. C. उववट्ठेत्ता; 5. E. नरएसु; B. नरए; 6. C. B. omit; 7. B. पयाया; 8. C. सुक्कं; 9. C. अम्हां; 10. and 11. E. सुकुम्मां; [Page 168] 1. C. generally उमुक्क; 2. C. °किं; 3. P. गिहस्स instead; 4. E. रुत्तेण; 5. E. °वेज्जा; 6. E. omits; C. B. सि instead; 7. C. मण after this; 8. B. मम after this. [Page 169] 1. C. °ऊए; 2. E. B. जाव instead; 3. E. B. पट्टयं; 4. C. E. B. सीं; 5. E. B. omit अग्गि; 6. B. पडिसं; 7. C. तिलगं; B. तल्लिगं. [Page 170] 1. C. always महुत्तं; 2. B. सयणिज्जंसि; 3. E. अपासं; 4. C. तलगाओ; B. तल्लिगां; 5. E. अणुं; B. °ज्जे; 6. C. °गणइ; B. अवंगणइ; P. °गुण्डइ. [Page 171] 1. E. B. °दोसं only; 2. C. तुब्भे; B. तुम्मे; 3. C. तए णं before this; B. तेणं; 4. C. सरप्पं; 5. E. °प्पवेसं; B. जलप्पवेसं वा in addition to °प्पवायं वा; 6. B. वें; 7. C. कुंडं; B. कुंडतरिए; E. °तरिए; 8. C. वल्लिए;

- E. विलए; B. विलजिए; 9. E. मणोरमा; 10. C. E. दंड°; 11. E. °पवे°. [Page 172] 1. C. E. क°; 2. C. उवलेहंति; 3. B. अवमं°; 4. E. गंधुळ°; B. गंधु°; 5. E. °लए; B. °लाए; 6. C. तलगंस; B. तिलगंसि. [Page 174] 1. B. वसि°; 2. B. °वतियाए; 3. C. E. रोवइ; B. रोयइ; 4. E. B. °वियारा; 5. E. °मीओ; 6. E. °रुइ; 7. E. °वाउसिया; B. °पाउसा; 8. E. उदयतिएण. [Page 175] 1. C. अण°; 2. C. दुपए; B. दुवए; 3. B. धटुज्जणे. [Page 176] 1. E. B. होउ; 2. B. °हीया; 3. MSS. Sometimes °व° and sometimes °व°; I have henceforth retained °व° throughout; 4. '2' after दोवई stands for the word 'रायवरकत्ता'; 5. E. B. Instr. for Loc.; 6. E. B. °डहे; 7. Some confusion here; C. अज्जोया(or पा?)ए; E. अज्जोया(or पा?) एण; B. अज्जोया(or पा?) एण; 8. E. B. वरयामि; 9. E. B. °द्ध°; 10. E. मह°. [Page 177] 1. E. °दाणियं; 2. E. °दाणि°; 3. E. मह°. [Page 178] 1. B. खिपामेव भो instead; 2. E. किंव°; 3. C. अज्जुनं; 4. E. सेल्लं; 5. E. °घोष°; 6. E. °सिधु°; 7. E. B. भेसगं°; 8. E. B. विराडं; 9. E. कियंगं; B. कीयगं. [Page 179] 1. B. आगमं; 2. E. Singular; 3. E. संवट्टा. [Page 180] 1. C. °भत्तु°; 2. E. B. पच्चावर°; 3. B. धटुज्ज°; 4. B. नामंकएसु; 5. C. विहरइ; 6. C. °किए°; 7. C. कल्लं. [Page 181] 1. E. णिसेइ; 2. C. निसेइ; E. omits; 3. E. °मयह°; 4. C. B. किडा°; 5. E. °रुइ; 6. C. °द्धुणि°; 7. C. B. दर°. [Page 182] 1. C. °समत्थ°; 2. E. °विकंत°; 3. E. B. omit दस; 4. E. °पुरिसाणं तेलोक्क° etc.; 5. E. B. पुणो; 6. E. omits; B. लोति and °omits होइ; 7. E. वयइ; 8. B. धटुज्जण° always; 9. MSS. °हइ; 10. E. करेइ; B. कारवेइ; 11. E. °कारी; B. °कारे. [Page 183] 1. E. B. °खेभ°; 2. E. B. सए आवासे; 3. E. से°; 4. E. ण्हाणेइ; 5. B. °कारं. [Page 184] 1. E. B. °त्थोवत्थिए; 2. C. B. स°; 3. C. E. डंडकमंडल°; 4. B. कच्छवीए; 5. E. B. °सेल°; 6. B. °अभि°; 7. B. °भ°; 8. C. °कोऊल्ल°; 9. P. and Com. एक्कमणिं—obviously wrong for पक्कमणिं; 10. E. गगण संहि°; 11. Com. थिमियमेइणीयं णिवभरजनपदं; 12. E. ओलोइयरम्मं; B. ओलोयंते; 13. E. समावयइ; 14. E. B. °पच्च°. [Page 185] 1. There is hesitation among MSS. re. अमर° or अवर°; 2. B. सतिमं (omits पि). [Page 186] 1. E. तं instead; B. एयं; 2. C. ति वा; 3. E. पियत्ताए; 4. E. °द्विल°; 5. C. उवसो°; 6. C. महु°; 7. E. इमे; 8. E. सओ पासाओ. [Page 187] 1. C. जुहु°; 2. C. महु°; 3. B. कयं; 4. C. बहिया; 5. E. उक्खित्ता. [Page 188] 1. C. एव°; 2. E. जाव instead; 3. E. उक्खित्ता; 4. C. करेइ; E. करंति. [Page 189] 1. B. °उरवरगए; 2. C. एवं; 3. E. B. omit. [Page 190] 1. B. ताडेइ; 2. C. B. सद्धं; 3. Not in MSS.; 4. P. साहरिया; 5. C. मए; 6. E. °समुद्धमज्जे; 7. E. जेण; B. जो णं; 8. C. सद्धं. [Page 191] 1. E. B. अक्क°; 2. E. °नाहा°; B. °णाहा°; 3. B. °धी° for थिइ; 4. E. आणमाणे; 5. C. दारए; 6. E.

आक्क°; B. अणक्क°; 7. B. अवद्द°; 8. E. B. निच्छ°; 9. E. B. अभि°; 10. C. B. °उवदेस्; 11. E. °विकप्पणाविकप्पेहिं. [Page 192] 1. B. जुज्झह; E. जुज्झहिह; 2. B. पिच्छेह; E. पेच्छिहिह; 3. E. °द्वयपडागा; B. °पडागा; 4. C. पुम°; 5. E. तणु°; 6. C. °यन्नं; B. °वन्नं; P. °वण्ण. [Page 193] 1. C. B. रोहासज्जे Cp. Supra; 2. C. करेणं; 3. E. न याणमि; 4. E. उत्तम-पुरिसाणं after this; 5. E. सं for णं; 6. C. °माणेमाणं; E. B. हव्वमाणे only; 7. E. भयमत्थ. [Page 194] 1. C. B. किमन्ने; 2. There seem to be some confusion here; E. सद्दइ; B. सद्दइ सुणेइ (instead of भद्दइ); P. also; 3. MSS. किमन्ने. [Page 195] 1. B. एयं; 2. E. B. वेलाउले; 3. E. पंचजन्नं; 4. C. आगयस्स; 5. E. न जाणसि. [Page 196] 1. E. द्विया णावं; 2. E. मुयंति instead; 3. E. °भाणं; 4. C. महु°; 5. E. उस्सेमो (?); 6. C. सुसुमूरेइ; E. सुमसूरेइ; P. चूरेइ instead. [Page 197] 1. E. कोट्ठे; B. कोट्ठि; 2. C. वीइवयइत्ता; E. B. °वइत्ता; 3. E. वुच्चाइ; P. notes जुज्झइ; 4. E. अम्मइवयणा; B. अर्हू°. [Page 199] 1. C. B. °ट्ठ°; 2. B. सुरट्ठा instead; 3. E. वंदए; 4. C. हत्थि°. [Page 200] 1. P. एयमट्ठं after this; 2. B. पचुविव्वंति; 3. B. °गतियं; 4. MSS. सेत्तज्जं; 5. B. अणवकंख°; 6. MSS. °ज्जे; 7. E. Throughout-जुहिट्ठिल; 8. C. दुवइस्स; B. दुवतीस्स. [Page 201] 1. E. B. संजत्ता°; 2. E. संज°; 3. E. B. उप्पाइय°; 4. E. समुत्थिए; 5. E. आघु (or पु?)न्निय°; 6. C. °सूईइ; 7. E. गम्भेज्जगए; C. B. गम्भेज्जगा; 8. C. म°; 9. E. संवूढा; B. °वू°; 10. C. °कइ. [Page 202] 1. E. °याए; 2. C. तए; 3. E. °न्नगारा; above also; 4. B. °पोयवहणपट्ठणे; 5. E. एगमगगट्ठियाहिं; 6. E. इव instead; 7. B. भो; 8. E. कहिं; 9. E. पुव्वदिट्ठे; 10. E. B. संवूढा; 11. E. °णगारा throughout. [Page 203] 1. E. सोईदिय°; 2. B. Supplies the passage; 3. B. पोयवहणट्ठणे; 4. E. उ(तु?)ट्ठंति. [Page 204] 1. E. B. सोई°; 2. E. तुट्ठंति; 3. C. निकरे; 4. C. B. पोर्°; E. पोराणगस्स; 5. C. B. फासिंदिय only; E. फासिंदियाई; 6. C. B. °गोउरा. [Page 205] 1. E. चार्हंति; 2. C. पोयवहणे; 3. E. संज°; 4. C. B. अविलाणेहि; 5. P. वेल्पहारेहि य after this; 6. P. चित्त° (Probably wrong for वित्त°); 7. E. B. छिवण्ण°; 8. E. B. °ट्ठिस्सइ; 9. E. °ककुहाहिरामे°; C. कवुहा°. [Page 206] 1. P. कसायं वमहुं; B. omits अंविरे; 2. MSS. °ज्जे°; 3. C. विरिद्धिरो; 4. Com. °सुहेसु; 5. Com. °करेसु. [Page 207] 1. C. संसमा; B. सुसमा; E. संसमा; I have retained संसमा throughout; 2. C. आडेलियाओ; E. आलोडिइयाओ; 3. C. पोतुल्लए; E. पोत्तलए; 4. E. साडुलए; C. लंगोटा instead; 5. E. खिज्जणाहि; 6. E. B. उवलंभणियाहि; 7. MSS. omit. [Page 208] 1. E. निब्भं°; B. निब्भंच्छेइ; 2. E. चिट्ठइ instead; 3. C. अणा°; E. °हट्ठि°; 4. E. चोरं°; 5. E. °कोडंब°; 6. E. °प्पेवेसफारिसो व°; 7. B. कूवियजणस्स; 8. B. तक्करसेणा°; P. चोरसेणा°; 9. C. कुडंगेयाणं वि; B. कुंडगे; 10. E. निष्पाणं; 11. E. °ब्भामाणे; B. °ब्भमाणे. [Page 209] 1. E. °णाहिवइं 2. B. पि ह; 3. C. B. तस्स; 4. C. सद्धं.

- [Page 210] 1. C. E. असणेणं ४ ; 2. C. संसमा ; E. संसमा ; 3. C. पुच्चाव° ; 4. E. णिक° ; B. णिक° ; 5. E. अंसा° ; 6. Com. °ल्लासियाहिं ; 7. C. दावा° ; E. B. दावा° ; 8. C. छिपंतरे ; E. B. छिप्पत्तरेहि ; 9. C. पच्चावरण्हकालसमयंसि after this ; 10. C. गेहं ; E. गहवनं णं ; 11. C. सुइ° ; 12. C. तालउग्घा° ; E. तालालु° ; B. तालुग्घाणि° ; 13. B. जो. [Page 211] 1. E. B. °ह° ; 2. C. °तयासे° . [Page 212] 1. E. अगा° ; 2. E. पम्हु° ; 3. E. °वियल्लिया ; B. °विएयल्लिया ; 4. E. फर° ; 5. E. पंचहिं पुत्तेहिं ; 6. C. कुहस्स 2 ; 7. C. परभमंते ; P. notes the V. L. परद्धंते ; 8. C. तए णं ; 9. B. अवद्धट्ठा ; P. अवहिट्ठा (?). [Page 213] 1. E. °हिह ; 2. C. E. द्रुव° ; B. ठा° ; 3. B. E. णित्थरेह ; 4. E. अवत्थडा ; B. अवद्धट्ठा ; 5. E. B. °धुक्के° . [Page 215] 1. E. वास after this ; 2. E. बहिया after this ; 3. C. कुंड°—but not consistent ; 4. E. gives the whole sentence ' धम्मघोसा नामं etc. [Page 216] 1. B. महया २ ; 2. C. °री° ; 3. E. सकेपं ; 4. E. B. तेइच्छं ; 5. C. रोगातंकाओ ; 6. संमु° . [Page 217] 1. E. °डुइत्ता ; 2. E. B. विग्गो° ; 3. E. °वट्ट° ; 4. E. B. अम्म° . [Page 218] 1. C. °देइ ; B. आसाइए . [Page 219] 1. B. विणिघाय° ; 2. E. B. एक्का° ; P. एक्क° ; (E. एक्कासराणि). [Page 220] 1. C. B. omits. [Page 221] 1. E. समणे भगवे महावीरे instead ; 2. E. °वडिसए विमाणे ; 3. E. जत्थ ; B. गत्थ ; 4. C. E. निसेइ ; B. निमेइ ; 5. C. आभोगियं . [Page 222] 1. C. °पुत्थणी ; B. पडिपुच्छ (त्थ ?) णी ; E. पडियत्थणी ; 2. C. B. नवुस्सेहे ; 3. E. °दियं ; 4. E. °परिक्खित्ता . [Page 223] 1. C. °सुहेणं ; 2. C. जरमर° ; 3. C. छत्ताए ; E. छत्ताहिइए ; 4. B. °राईसए . [Page 224] 1. E. कालिसिस्सिणि ; 2. E. सिस्सिणि ; 3. C. चेइए ; B. वे (or चे ?) तेइ ; 4. E. अज्जियं ; 5. E. B. °पाउ° ; 6. C. E. B. °पाउ° . [Page 225] 1. E. अन्नमन्नं instead ; 2. C. B. वसित्ता ; 3. B. पडिक्कं ; C. पाडियक्कं ; 4. C. छेदेइ ; 5. E. अवतरिया only ; 6. E. °जइभाग° ; B. °ज्जाएभाग° 7. E. उव्व° . [Page 226] 1. B. निह° ; 2. E. विमाणे instead. [Page 227] 1. E. धूया after this ; B. वूय ; 2. E. °तिमे ; B. °इमे ; 3. E. इला ; 4. E. इला° ; 5. C. अयले ; 6. C. अइला Probably confusion of the two spellings ; B. अला ; 7. E. °सोतरया ; P. कमासतेरा ? ; 8. C. °देवस्स विसेसा . [Page 228] 1. C. विऊ य पुत्रा (त्ता ?) 2. E. बहुपुणिग्घा ; 3. B. उत्तरमायारया वि य ; 4. C. तारया ; E. भरिया वि य ; 5. C. फडाइया ; B. फलाइया ; B. कच्छकच्छावईफडाइय ; 6. E. °कालिदाणं ; 7. C. अइखुराए ; B. अरक्खए ; 8. C. अइखुराए ; B. °क्ख° . [Page 229] 1. E. भंडी° ; B. भंडी ; C. omits भंडी ; 2. C. सुई ; B. सूती ; 3. C. B. नवमिया .

